



22526

Mag. St. Dr.

Z. IV. 51

l. 8. 1/2.



~~Hist. 4096.~~

J. J. Bandtlin.

V. a. 17.
Z. IV. 51.

histona



De raritate hujus libri vid. Freytag in analectis
de libris rarioribus p. 1008.



THOMÆ TRETERI
CVSTODIS CANONICI VARMIIENSIS
DE
EPISCOPATV & EPISCOPIS
ECCLESIAE VARMIIENSIS.


OPVS POSTHYMVM
Nunc primùm curâ & impensis

MATTHIAE à Lubomierz TRETERI S. R. M. S.

Vni Publico
D A T V M.

CRACOVIAE, Typis Francisci Cezary S. R. M. Nec
non Illustr: ac Reu: Episcopi Crac: Ducis
Seueriz Typ. A. D. 1685.

IN GENTILITIVM INSIGNE
Illustrissimi & Reuerēdissimi Præfulis ac Principis.



22526 III

*In Calis Agnus radiat, qui vellera quondam
Aurea, de Phrygio viscere nata tulit.
In terris Agnus rutilat, qui viscera magni
Præfulis, ex Regum Sanguine ducta gerit.
Dignior hic Astris, decorat quem Varmia gemmis;
Aureus ille homini, gemmeus iste DEO.*



SIMON ALEXIVS TRETERVS
Præbendarius Otuinouiensis.

ILLVSTRISSIMO & REVERENDISSIMO DOMINO,
D. MICHAELI
STEPHANO,

COMITI in RADZIEIOWICE & KRYLOW.

DEI & Apostolicæ Sedis gratiâ,
EPISCOPO
VARMIENSI & SAMBIENSI,
REGNI POLONIÆ PROCANCELLARIO,
Sacri Romani Imperij Principi,
Domino & Patrono amplissimo.



Excessisse is mihi, humanam mortalium sortem videtur; qui angusto circumscripta ævo viuendi spatia, magno ad posteros transmissio spiritu, monumentisque literarum extendit. Illustrissime & Reuerendissime PRINCEPS. Ingenio quippe etiam contra Lybitinæ iura uiuitur: solaq; ex mortalibus intelligentias reddit, vis illa mentium; quæ se victuris à calamo sæculus infundit, vindicans à morte partem hominis nobilissimam, cui ut origo Cælestis, sic & immortalitas debetur. Quamquam verò dignas Cedris perennibus curas; quæ orbi pro antecedentium temporum vindiciis laborant; sæpè in ipso pulcherrimi operis vestibulo, aut inter egregios conatus, adhuc sub limâ hærentes, mors ultima rerum linea soluat: Non ideò tamen, totus hic Parcarum est triumphus; cum supersit gratæ posteritati modus; quo ex cineribus suis, in posthumo opere vindicati, prodeant vitales animorum, ceu Phœnicis partus. Quinimò & ipsa Cælestis prouidentiae admiranda series, hoc agit; ut quæ vsui publico meditata sunt, etiam mortali profundo hausta, redeant iterum, ceu felices

*Polycratis gemmæ ; quas non Argus quidem centoculus, sed per-
uigil ex alto custodia, ut lucem aliquando videant, opportuno tem-
pori seruat. Actum id quoque cum posthumo Opere Patruī olim
mei, Thomæ Treteri Custodis Canonici Varmiensis ; cuius de
Episcopatu & Episcopis Varmiensibus bono publico su-
sceptæ curæ, & in manuscriptis, post ultima fata relictæ, cū ad
manus Celsissimi olim Præsulis & Principis, Andreæ Olze-
wski Episcopi sub id tempus Culmensis & Procancellarij Regni, post
Archiepiscopi Gnesnensis & Primatis Regni, summi & amplissimi
Patroni mei, non sine arcano superum nutu deuenissent ; pro illa
æstimatione, & digna principe ingeniorum gratiâ, quâ ipse quoscunq;
animorum partus, tenere fouit, & Orbi seruandos censuit ; Hanc
quoq; Patruī mei operam, tametsi necdum plenè digestam, & morte
interruptam, dum conseruat ; in pignus tandem propensi in me af-
fectus, & humanissimæ illius, quâ apud eum fruebar gratiæ, dono
mibi datam, ut Iuris publici fieret, ceu digito intendit. Excepi
munus, à tanti Principis manu, & à sanguinis mei calamo, gra-
tum, animo sanè libenti ; atque ut bono publico prodire posset,
dum mente agito ; impulsere huc pronam meam voluntatem tan-
tò efficacius, aliqui ex Prælatiſ Canonici Varmiensibus, sum-
mæ virtutis & Authoritatis Viri ; quibus Frauenburgi cū essem,
factâ propositi mei communicatione, placuere curæ huiusmodi ; ad
easq; seriò & accuratè promouendas, operam suam polliciti, magno
affectu & felici euentu præstiterunt. Prodit igitur usque ad co-
ronidem suam deductum, posthumum hoc Patruī mei Opus, pluri-
ma, ex prisco & recentiori æuo, de Episcopatu & Episcopis
Varmiensibus, posteris memoranda complectens ; Quod ut
Celsissimo Nomini Tuo, Illustrissime & Reuerendissime
Princeps, in authoramentum debitæ venerationis meæ conse-
crarem, & summa Dignitas Tua, & Ius omne poposcit. Tibi quip-
pe Magno Præsuli, & Principi debetur, Quicquid in Antecesso-
ribus I uis, ætas illa dignum immortalitate suspexit ; Quicquid ab*

ijs in rem Ecclesiæ, & in exemplum omnis æui, præclarè gestum
est. Cum Te eum nunc Varmia Præsulem habeat, in cuius sa-
cro pectore, viuax omnium Virtus, & verè Pastoralis pro Eccle-
sia Dei Zelus, viuacissimo spiritu perennat. Gentilitia quidem
Iunofij Stemmatis decora, usq; ad augustum sanguinem Regium,
purpuratosq; Natalium gradus, auito splendore Tibi excreuerunt;
Sed nihil Tibi augustius est; quàm pro Regis Regum Sponsa,
Ecclesiæ Tuæ, Regio planè spiritu zelare: atque inter heterodo-
xorum spinas, illibatâ Orthodoxæ Religionis sic plantare vireta;
ut Tuus, mille Gratijs dignus, verè pascatur inter purissima Ro-
manæ Fidei Lilia Agnus. Sæcula Tibi Radzieiouianæ pro-
paginis, & gloriæ, laborârunt in decus eximium; tot Senatoriis Cu-
rulibus, domesticâ purpurâ Tuâ promicantibus, usque ad magnum
Auum Tuum Stanislaum Radzieiouium Palatinum Lan-
cicensem; Qui Senatoriæ dignitatis, natiuos splendores, ductâ in
Matrimonium Catharina Sobiescia, Marci Sobieski
Palatini Lublinensis Filiâ, Regum sanguini inseruit. Cuius Cel-
sissima propago, Parens olim Tuus desideratissimus, Hierony-
mus Radzieiowski Procancellarius Regni, Magno Of-
folinio suppar, eo usque augusto eloquio processit; ut Oracula
Regum Orbi dicaret; & apud Portam Othomanicam, summi
nominis Legatus, Heroem illum spiritum; quo altitudinem hono-
rum, & fortunam omnem supergressus fuerat, Patriæ in victi-
mam daret. Hoc Tu, Illustrissime Princeps, sanguine,
inter splendidissima Comitum de Tarnow maternæ claritu-
dinis sydera ortus; Serenissimi quoque & Inuictissimi
IOANNIS III. Regis Poloniæ, Triumphatoris ex Ori-
ente maximi, Consobrini vinculi Maiestate decoratus; Excel-
sis animi Tui dotibus, per cultissimas Europæ nationes, ad summam
elegantiam deductis; conquisitisq; in Sole publico, tot magnæ pru-
dentiae experimentis, Serenissimi Principis Nostri bellorum, &
Victoriarum Comes, cum ad vitam Spiritualem amplectendam ani-
mum adiecisses; à minoribus Sacerdotijs sanctè & innocenter pro-
gressus

gressus ; à Rege tandem illo ; cui triumphalium in Orbe Christiano coronarum, Ius maximum est ; Præsuleà & Principe Varmienfi Mitrà, coronari meruisti. Felix profectò Cathedra hæc Te Præsule ; qui Ovis Tuo, Agnus & Pastor amantissimus es ; sed à verâ Religione dissidentibus, Leonem Te inuictum præstas ; Sponsamq; Tuam sine rugâ & maculâ, quàm ornatissimam esse cupis ; Inducto in eam Sacramentorum ritu, Romanæ Ecclesiæ usitato, totquè iam exactè institutis sacris Ecclesiarum Visitationibus ; quas in ipso Hereseos meditullio, insigni Pastoralis Vigilantiæ exemplo, & Catholicorum solatio perfecisti. Ita Præsuleum onus, Angelicis etiam humeris formidandum, exporrectâ immortalium gestorum magnitudine, mentequè virtutum omnium capacissimâ sustinens ; dum in Athlantem Ecclesiæ DEI, ex Agno mitissimo, assurgis ; maioraquè in dies pro decore Domus Domini, & Ecclesiasticæ disciplinæ observantiâ meditaris : Occurrunt Tibi in hoc posthumo Opere Antecessores Tui ; ut videant in Te, & ament, viuam animorum suorum Imaginem ; Exemplaq; sua in Te vno mirentur ; quorum ab aureo æuo deductam, & in Te vno ad ætatis nostræ delictum absolutam, epitomen fecisti. Hanc in Te Veneratio publica dum extollit, Senatusque Tibi Ecclesiastici purpurata decora vouet ; Mibi quoque, dum hanc Operam Celsissimo Nomini Tuo inscribo, non aliud votum est ; nisi ut Antistes, Princeps, Senator, qui animum & Sanguinem Regium sortitus es ; Annis, Meritis, Honoribus, quæ Te præcesserunt sæcula vincas ; & immenso gloriæ tractu, omnia retrò secutura coronas. Ita vouet & precatur.

Illustrissimæ & Reuerendissimæ

Celsitudinis, Vestræ

Humillimus, Seruus

MATTHIAS à Lubomicz TRETERVS, S. R. M. Secretarius

APPROBATIO.

Opus posthumum, de Vitis Episcoporum & Ecclesiâ Varmiensi, ante annos septuaginta. Ex germanicis scriptis collectum, & in ordinem reductum, latinitateq; donatum & auctum à THOMA TRETERO olim Custode Canonico Varmieni, pio & docto Prælato, Magni STANISLAI HOSII S. R. E. Cardinalis Amici intimi, cum nihil fidei sacrosanctæ Catholicæ, moribusq; bonis dissonum contineat, imò Ecclesiasticæ antiquitatis cognitionem, & in his oris, Religionis Christi propagationis notitiam contineat, permitto ex vi Officij mei vt imprimatur & fiat Iuris publici. Dabamus ad Ecclesiam Cathedralem Varmiensem die 20. Octobris. 1680.

ADAMVS SIGISMVNDVS KONARSKI.
Præpositus Varmien. ac ejusdem Episcopatus Sede vacante Administrator, Cantor Płoczn. mp.



Lectori Beneuolo S. D.

Quemadmodum ijs, qui ad gubernandum aliquam Rempub. accedunt, historiae illius Prouinciæ cognitio, ad munus suum, maiore cum fructu ac delectatione explendum, plurimum lucis adferre solet; ita & illi, qui in Sacerdotio constituti, Ecclesiæ alicui sunt adscripti, perfectam commodorum eius curam gerere non possunt, nisi prius rerum Ecclesiæ suæ, augmentum vel decrementum, damna illius vel comoda, quæ temporum vicissitudo, in rebus humanis adferre solet, notitiâ vberiore fuerint consequuti. Quamobrem cum Româ reuersus, apud Ecclesiam hanc nostram Varmiensensem, anno proximo superiore, manere, Deoque & officio meo Sacerdotali vacare constituissem, nihil antiquius habui, quàm vt ea, quæ ad eius primam foundationem, vt Episcoporum sibi succedentium seriem pertinerent, studiosè diligenterq; inuestigarem. Dumq; in ijs rebus cum Rēdis Dominis Canonicis Confratribus meis, sæpius conferrem, Reuerendus Dominus Ioannes Cretzmerus, Vir Optimus, & sollicitus Ecclesiæ Nostræ Decanus, meiq; amantissimus, obtulit mihi suum manuscriptum, Germanicâ linguâ ex Annalibus Archiui Heilsbergensis ante aliquot annos collectum, qui quidem labor ipsius, studium illud meum ita auxit & inflammavit, quin scriptum ipsum è Germanicâ in Latinam linguam illicò transferrem. In versione autem, non tam verba verbis reddere, quam sensum, etiam ex aliorum scriptis, & præfati Archiui Heilsbergensis annalibus, & alijs scripturis, petitum, exprimere, & nouum quoddam Opus, aggredi conatus sum. Arma seu insignia Episcoporum propria, suis locis appinxi: quatuor tamen primis Episcopis, de quorum insignijs, certi nihil assequi potui, veluti symbola quædam, addidi; quæ res eorum gestas, notis quibusdam adumbrarent. His exiguis laboribus nostris, Amice Lector, frui; dum maiora, quæ ad huius Ecclesiæ, dilectissimæ Sponsæ Nostræ, ornamenta spectant, animo concipimus. Vale. Apud Ecclesiam Varmieñ. Kalend. Maij Anno Dñi M. D. XC. V.

THOMAS TRETERVS *Canonicus Varmieñ.*

LIBER DE EPISCOPATV ET EPISCOPIS ECCLESIAE VARMIENSIS.



Nno à Natiuitate IESV CHRI-
STI Quingentesimo Septuagesimo Ter-
tio, cum *Videruntus* Prussiae Rex Magni-
ficus, in Centesimo decimo sexto suae aeta-
tis anno constitutus, in languorem inci-
disset; duodecimq; filios haberet supersti-
tes & adultos, inter quos de successione in Regnum pater-
num, dissensiones plurimum vigeabant; ad eas tollendas, utq;
inter Fratres amor & vnitas coalesceret, Terras Prussiae in
Duodecim partes seu Principatus diuisit, cuilibet filiorum,
vnam partem post obitum suum assignando. Vnde eius
filio *Varmo* obtigit ea pars, quae ad fluuios *Narum* & *Bas-*
sarum posita, ab eius nomine *Varmia* vocatur. Is aedifica-
uit statim amplas munitiones, ab ipso vocatas *Telo*. Non
diu tamen superuixit, Patrisq; obitum anteceffit; Vidua v-
xore relicta, quae *Erma* dicebatur, cum aliquot liberis impu-
beribus. Haec ditionem mariti in statu viduitatis, maxima
cum laude multis annis administravit, subditisq; se aequabi-
lem praebuit; à qua *Ermelandt* in hodiernum diem denomi-
nationem accepit. Haec eadē ex deuictis *Massouijs*, longē la-
teq; magnū sibi nomen acquisiuit: Nam postea quam *Lotko*
Massouiorum Dux, *Pomesonis*, qui *Erma* Mariti frater erat,
oras hostiliter inuaserat, *Pomesoneq;* cum sex Filijs capto, eos
paulo post (ipso Patre fugā elapso) trucidauerat; ipsa vt in-
juriam tantam vlcisceretur, collecto exercitu, auxiliaribusq;
Affinis sui copijs, in *Masouiam* personaliter irrupit: req; fe-
liciter gesta, *Lotkonem* superauit; & in conspectu suo, eum
vxoribus & liberis, quorum ad viginti sex erant, occidi prae-
cepit: atq; ita Victoria celebri reportatā triumphans do-

Videruntus
Prussiae Rex
annorum 116.

Inter 12. Fili-
os Regnum
diuisit.

Varmo Filio
ea pars obti-
git, quae ab il-
lo *Varmia* nū-
cupatur.
Mortuo *Var-*
mo Vxor eius
Erma Ditiones
mariti admi-
nistrat.

Lotko *Maso-*
uorum Dux
Pomesonem,
fratrem *Var-*
monis cum 6.
filijs invadit.
& filios capit.

Erma vlcisci-
tur injuriā *Fra-*
tris mariti sui,
Masouiam ir-
rupit.
Lotko ab *Er-*
ma cum vxore
& 26. filijs oc-
ciditur.

*Erma à Puella
adamata per fi-
lium suū no-
qu clam inter-
imitur.*

munum redijt. Postea verò cum nullâ ratione p̄mittere vel-
let, vt Filius Puellam ex eius gyneco, quam vehementer a-
damauerat, Vxorem duceret, ab eadem puellâ insidijs petita,
& tandem noctu, clam miserè interemta decessit.

F V N D A T I O EPISCOPATVS VARMIENSIS.

*Bellum Sacri
cōtra Pruthe-
nos promul-
gatur.*

Anno 1225.

*Conradus Ma-
souiurum Dux
auxilia præbet
Similiter La-
conogus Ma-
ioris Poloniæ.
Semonius Cu-
iauiensium.
Lesko Craco-
uiensis.
Henricus Le-
gnicensis.
Casimirus Gne-
snensis.
Suantopelcus
& Samborius
Pomeraniæ
Duces.
Hermannus Bal-
ke Magistro.
Progrēdiuntur
cōtra Prussos.*

*Prussi ad Sle-
mum Christi-
anos expectant
eos adiunguntur.*

Bugna ingens.

*Prutheni Vi-
ci.*

CRucigeri quos Conradus Masouiurum
Dux, in Terra Culmensi collocauerat, cum Viribus
Pruthenorum pares non essent, *Innocentius Pontifex Maxi-
mus*, ad instantiam dicti Conradi, contra infideles *Pruthe-
nos*, Sacrum bellum Crucis, per vniuersam *Germaniam & Po-
loniam* promulgari fecit: cui pro obedientiâ, innumera ho-
minum multitudo, ex Germaniâ Poloniâ cæterisq; nationi-
bus conflata, nomina dedit, Anno Domini 1225. quo tem-
pore ad diem *Sanctæ Lucie* apud *Breslno* digni laude Princi-
pes Poloni, Vires suas in vnum congregarunt, nempe Opti-
mus Masouiurum Dux Conradus, Fratrum Teutonicorum
Culmensium Patronus, adfuit cum Quatuor millibus Maso-
uiorum; *Laskonogus* Maioris Poloniæ Dux, cum mille du-
centis; *Semonitus* Cuiauiensium Dux cum duobus millibus;
Lesko Cracouiensis cum duobus millibus; *Henricus* Legni-
censis Sanctæ Hedwigis filius, cum tribus millibus; *Casimi-
rus Gnesnensis* cum mille quingentis; *Suantopelcus & Sambo-
rius* frater, *Pomeraniæ* Duces cum quinq; millibus. Hi Prin-
cipes cum *Hermannus Balke* Magistro, & viginti octo fratri-
bus Teutonicis, ac centum eorum Peditibus, instructo exer-
citu, progressi sunt die SS. *Simonis & Iudæ* ad locum *Vogelsan-
ge* supra *Vistulam* fluuium, qui frigore constiterat; & perue-
nerunt ad *Slemum Pruthenorum* munitionem, quæ nunc
Garfa cognominatur: Vbi Infideles magnis viribus coa-
ctis, Christianos summo impetu sunt adorti. Certatum est
vtrinq; ingentibus animis totâ die, vt riui sanguinis niuib.
permisit per campos largissimè defluerent. Nocte tamen in-
gruente, vbi se multa virorum millia amisisse Prutheni didi-
cerunt, ad fugam conuersi sunt; quibus *Suantopelcus* cum
suis agminibus occurrens, eos ad vnum interfecit. Quod
cum Prutheni animaduertissent, ac Christianos vltra quàm


cogita.

cogitabant, eorum oram flammâ ferroq; vastare vidissent, *Darsgotum* cum præcipuis ex nobilitate obuiam Christianis miserunt, humiliter orantes, ut à cædibus & vastatione abstererent; se in illorum potestatem concessuros. Ibi tum die *Sancti Martini* pax his conditionibus confecta fuit; ut *Prutheni* deinceps Principibus fideles & tributarij essent; Teutonici fratribus subditi forent, ab ipsisq; in Christianâ fide se instrui paterentur. Porro Christiani Principes supradicti, re feliciter contra barbaros gesta, Terras *Prussia* Pontifici *Maximo*, cuius nutu & auspicijs Victoria parta est, obtulerunt & dediderunt; orantes & obsecrantes, modos ut omnes & rationes perquireret, quibus Christiana Fides, in partibus hisce plantari & deinceps propagari posset.

Pacem petunt

Conditiones
Pacis.

Principes su-
dicti Terras
Prussiz Pon-
tifici dedide-
runt.



INNOCENTIVS igitur IV. præter alios pios & doctos religiosos ac Sacerdotes, quatuor infrascriptos ad

A 2

nouum

Pontifex Qua-
tuor Viros do-
ctos in Prussi-
am mittit.

Per Prussiam
seminant ver-
bum DEI.

Pontifex in
Prussiam Le-
gatum misit.

Synodus Tho-
run: celebra-
tur.

Diuisio Prus-
siae in tres par-
tes.
Cuiuslibet par-
tis, tertia pars
pro fundatio-
ne Episcopatu-
um assignatur.
Reliquae duae
Crucigeris o-
blatae.

Episcopatus
fundatur qui-
bus quatuor
illi Apostoli
pro Episcopis
consecrantur.
1242. Mense
Aprili Dñica
Quasimodo-
geniti.

Varmiensis E-
piscopatus e-
minentia.

nouum *Torunense* Monasterium misit, qui in Christianâ Fi-
de populos erudirent; nempe Doctorem *Henricum Cano-
nicum Brunensem* in *Moraviâ*, Fratrem *Henricum* Ordinis
Predicatorum, Fratrem *Anselmum* ex Ordine *S. Francisci*,
Fratrem *Ernestum* Ordinis *Predicatorum*; qui hinc inde per
Pruthenos pias conciones faciendo, ad dilatationem cogni-
tionis veri DEI plurimum vtilitatis attulerunt. Vt autem
certa ratio & modus iniretur, quâ Prouincia hæc, in augmen-
to Diuini cultus facilius regi & contineri posset, supra nomi-
natus Pontifex Anno Dñi. 1241. Legatum suum in *Prussiam*
misit, Reuerendissimum in Christo Patrem Dominum *Vil-
helmum* Episcopum *Mutinensem*; qui *Thorunium* pro festo
Natiuitatis Dñi. veniens, ibidem in Monasterio Beatissimæ
Virginis apud *Franciscanos*, Dominicâ *Quasimodogeniti*,
Synodum celebrauit; cui interfuere Archiepiscopus *Gnesnen-
sis*, *Plocensis*, *Vladislauiensis*, *Vratislauiensis* Episcopi, pluri-
miq; alij Ecclesiarum Prælati, Abbates ac Sacerdotes. In
ea, inter cætera, constitutum fuit & hoc, vt *Prussia* in tres
partes diuideretur: cuiuslibet autem partis. Pars tertia, cum
omnibus præminentijs & Regalibus pro fundatione Epi-
scopatuum conuerteretur: duæ autem reliquæ partes, Cru-
cigeris cederent, vt onera belli sufferre, securitatemq; Pro-
uinciæ præstare possent; in quibus etiam Domini Episcopi
suam Iurisdictionem exercere deberent: utq; Ecclesia quæ-
libet, post obitum primi Episcopi, liberam electionem habe-
ret, nulliq; Domino præterquam Pontifici Maximo imme-
diatè subiecta esset. In eadem quoq; Synodo, Episcopa-
tus in *Prussia* fundati, & supra nominati quatuor Apostoli,
per Legatum Pontificis, in Episcopos ordinati consecratiq;
fuere: & Doctor quidem *Henricus* in *Culmensi*, Frater *Erne-
stus* in *Pomesaniensi*, Frater *Anselmus* in *Varmienfi*, Frater
Henricus in *Sambienfi* sede collocatus est. Quamuis autem
Cruciferi, procedente tempore *Culmensem*, *Sambiensem* &
Pomesaniensem Episcopatum sæpè varieq; ita affligerunt, vt
à primariâ fundatione recedere, illisq; subijci necesse habe-
rent; jugum tamen hoc Ecclesiæ *Varmienfi* imponere nun-
quam potuerunt. Sed Dñi. Episcopi, vnâ cum Venerabili
Capitulo, ita lus suum egregiè tutati sunt, vt Regalia sua salua
& integra conseruauerint.

Eccle-

Ecclesia *Varmiensis Beatissima Virginis MARIÆ & Sancti Andree Apostoli* titulo est decorata: Ciuitates habet, Frauenburgum, Brunsbergam, Melsacum, Vormditum, Guttadium, Scheburgum, Heilspergam, Vartembergum, Bispurgum, Tolkemitum, & Resselium, cum omnib⁹ Villis & pertinētis.

Titulus Eccle-
siæ Varmien-
sis.
Eius Ciuitates

Limites eius Diæceseos pertingunt vsq; *Regiomontem* ad *Pragelam*, ad Episcopatum *Vilnensem*; meridiem versus vsq; ad Episcopatum *Plocensem*, ad lacum *Drausem* & *Habum*.

Diæcesis.

M O N A S T E R I A.

In Episcopatu *Varmienſi* sunt etiam Monasteria Mendicantium; Prædicatorū duo, vnum *Elbingæ*, *Girdauij* alterum, quæ ob Lutheranismum sunt desolata. Eremitarum Sancti *Augustini* tria, vnum *Resselij*, alterum *Patollij*, vbi quoddam idolum ab infidelibus *Pruthenis* summâ religione colebatur; tertium *Heilgenbeili*, quod per Lutheranos deuastatum est. Fratrum Minorum Quatuor, vnum *Brunſpergæ*, alterum *Var-temburgi*, duo reliqua *Velauij*; quorum vnum Bernardinorum extra ciuitatem positum, tempore belli dirutum est; alterū verò Martinianorum Lutherana impietas destruxit. Hæc Monasteriorum desolatio procurata est, à prætenſo Episcopo *Georgio Sambienſi*.

Monasteria.

Elbingæ est S. *Brigittæ* Monasterium, vbi est perampla area, ad instar arcis cum quatuor turribus, & fossis muro cinctis, & antiquitus erat ibi Horreum arcis. Hoc loco quondam hospitabatur S. *Brigitta*; & Fratrum *Teutonicorum* vitâ & mores diligenter considerans, summis precibus à Christo Domino contendebat, vt sibi reuelare dignaretur, quid in posterū de Ordine hoc futurū esset? Reuelatum est, eum interiturū. Cum autem *Elbingenses* sensim experirentur, vaticinium illud suū effectū sortiturū, in eo loco vbi ipsimet *Crucigeri* morabantur, constituerunt *Virginum & Virorū* Monasteriū dicti Ordinis S. *Brigittæ*; illudq; vberimis prouentib⁹ annuis egregiè dotârunt. Sed nec illud postea cōstitit: Nam ad vltimum ita decreuit Anno 1521. vt non nisi vna Monialis, & vnus Monachus superesset; nunc verò est planè desolatum. *Gedani* tamen ædificatum est aliud S. *Brigittæ* Monasterium, quod Regia Maiestas & pij Ciues amplissimis redditibus locupletârunt, qui *Elbingensis* Monasterij esse debebant.

S. *Brigitta* *Elbingæ* hospitabatur.
Mores *Crucigerorum* considerat.
Petit à D E O sibi reuelari quid futurū esset de hoc Ordine
Interiturum didicit.

Monasterium *Elbingæ* S. *Brigittæ* interiit.

Gedani Monasterium S. *Brigittæ*.

V I T Æ
EPISCOPORVM
VARMIENSIVM.

Primus Episcopus,
ANSELMVS.



Ic vt nonnulli volunt, Misnensis fuit, & ad conuer-
tendos *Pruthenos*, ab INNOCENTIO III. Pon-
tifice Maximo, cum alijs eiusdem ordinis Fratribus
Franciscanis, in hanc Prouinciam missus est: quam-
uis nonnulli, quod Crucifer fuerit, inde probant,
quòd ipsemet in priuilegio huius Episcopatus se vo-
cat Fra-

De Ecclesia Varmienſi & Episcopis.

1.

cat Fratrem Anſelmum Ordinis Hoſpitalis Sanctæ MARIÆ Hieroſolymitani. Poſtquam *Prutheni*, poſt ſecundam rebellionem, operâ & auxilio *Germanorum* Principum & Episcoporum, ad obedientiam reducti fuere; Reuerendiſſimus Dominus *Bruno* Episcopus Olomucenſis qui expeditioni huic præſens interfuera, *Anſelmo* munitionem & Ciuitatem ad *Paſſeriam* fluuium *Serge* quondam vocatum ædificauit Anno 1255. à quoq; nomine *Brunonis* montem appellauit, quæ nunc *Brunſberga* vocatur. In ea prædictus Episcopus *Anſelmus* Eccleſiam Cathedralem, ſub inuocatione Sancti Andree Apoſtoli pro Sexdecim Canonicis, & Quatuor Prælatiſ fundauit; pro ut latius in literiſ dictæ Foundationiſ & Erektioniſ continetur. A Primis aliquot Annis cum Septem tantum Canonicis, in Eccleſia Cathedrali, (cuius adhuc in turri Arciſ *Brunſbergenſiſ* exſtant veſtigia) horas Canonicas quotidie decantauit: cum toto triennio vnâ cum ſuiſ Canonicis alioſ nullos reddituſ haberet, præterquam vnâ marcâ argenti, ex molendino *Crauſemülle*, quod in diſtrictu *Guſtatenſi* poſitum eſt: nam & Prouincia propter continuum bellum, fere deſolata, & ex incolis *Prutheniſ* plurimi adhuc Idolatræ fuerunt, qui Episcopum pro Domino & animarum curatore nolebant agnoſcere. Poſtea tamen, vbi operâ & diligentia Episcopii fidem receperunt, multas hinc inde in ſua Diœceſi Parochiales Eccleſiaſ fundauit & conſtituit.

Bruno Episcopus Olomucenſiſ contra Pruthenoſ.

Anſelmo Munitionem ciuitatē ædificat. Anſelmus Cathedralē Eccleſiam cum 16 Canonicis & 4 Prælatiſ fūdat

Horas Canonicas decantat. Per triennium reddituſ Episcopii cum Canonicis vnus marcâ.

Eccleſiaſ Parochiales plātar.

Porro inter egregia facinora, quæ optimuſ hic Episcopus in plantandâ & propagandâ Chriſtianâ Religione designauit, illud non poſtremum fuit, quod Idololatriam cum inſigni turpitudine coniunctâ, quam *Prutheni* Deo CVRKONI exhibebant penitus proſtigauerit & exterminauerit: Nam in eo loco, vbi nunc oppidum *Heiligenbeil* ſitum eſt, fuit ingenuſ quercuſ, quæ non minus æſtate quam hyeme (operâ proculdubio diaboli) aſſiduè virebat. in ea Vaſtæ magnitudiniſ Idolum CVRKO dictum poſitum erat, cui Diuini honoreſ exhibebantur, & quotanniſ Menſe Auguſto primitiæ frugum eidem offerebantur & adolebantur. Lingua eorum vocabatur locuſ hic SWENTE MESTE, id eſt Sacer locuſ. Contra hanc execrandâ Idololatriam *Anſelmus*, multiſ & erudiſ conſcionibuſ, acriter inuehebatur; quibuſ cum nihil apud duræ ceruiciſ *Pruthenoſ* proficeret, & impiam hanc ſuperſtitionem in ſua Diœceſi vigere, moleſtiſſimè ferret, præcepit ad extremum, vt Quercuſ illa excinderetur: Cumq; ad rem deuentum eſſet, & quidam arbori ſecurim admouiſſet, illa reperiſſa conuerſo ictu ferientem grauiſ in pede vulnerauit, vt in terram illicò proſterneretur: vnde Chriſtianis terror iniectuſ, vt arborem attingere nulluſ auderet; Infideleſ autem iſta cum incredibili gaudio & voluptate ſpectabant. Quæ reſ cum Episcopum vehementeſ affligeret, plenuſ Spiritu & Diuini

Idololatriam Curkonis exterminauit. Quercuſ etiam hyeme virens receptaculuſ Curconuſ.

Contra quam Episcopus inuehebatur.

Quercuſ excindi mandat.

Casuſ circa exciſionem aſtuſ Diaboli.

Episcop⁹ ma-
nu propriâ ex-
cudit Quercū.

Eandem com-
burit.

Securim Pru-
theni pro infi-
gni reliquia
venerantur.

Prutheni ter-
tio deſciſcunt
à fide.

Templa diru-
unt Parochos
trucidant E-
piſcopum ob-
ſident.

Curconis iniu-
riam vindicat.
Braunſperga
opē Chriſtia-
norū itrenue
deſenditur.

Prutheni ſol-
uunt obſidio-
nem.

Episcop⁹ El-
bingam migrat

Moritur El-
bingæ.

Diuini honoris zelo, proceſſit eo ipſemet, & acceptâ ſecuri ingens foramen in quercu effecit, cæteri autem Chriſtiani, eo iubente, ignem ſubijcientes eam totam combuſſerunt, & Idolum ad nihilum redegerunt. *Prutheni* nihilominus, cum ſecuris illa diligenter con- quiſita, in manus illorum perueniſſet, eam in eo loco, vbi nunc *Hei- ligenbeil* oppidum ſitum eſt, ab illâq; nomen retinet pro inſigni reliquiâ venerati, in ſacello aſſeruabant.

Non multò poſt cum Tartari in *Poloniam* & *Sileſiam* incurſi- onem feciſſent, *Germaniaq;* tantum terrorem incurriſſet, vt Prin- cipes rerum ſuarum curam gerere potiùs, quàm Cruciferis opem & auxilium ferre cogerentur, eam opportunitatem *Prutheni* ſibi non prætermittendam exiſtimantes, tertio à Fide, (quæ Apoſtaſia ſeptem annis durauit,) deſciuerunt; & junctis ſimul Viribus, non ſolum pa- gos & villas, templis dirutis & Parochis trucidatis, deuſtârunt; ſed & ipſum Episcopū in ciuitate *Braunſpergenſi* obſederūt, illatâ per illū Deo C V R K O N I iniuriam vindicare cupientes. Quamuis au- tem tunc temporis *Brunſberga* minus eſſet munita, vt quæ lignea tantum ædificia luto illita haberet, Ciues tamen Chriſtiani, D E O, adiuuante, qui ſuos nunquam derelinquit, illis adeò reſtiterunt, op- pidumq; ita tutati ſunt, vt ad extremum re infectâ, Infideles *Pru- theni* obſidionem ſoluere & recedere coacti fuerint. Cæterum cum Episcop⁹ ſi quæ maior Barbarorum vis ingrueret, ſuam & ſu- orum ſalutem, Oppido parum munito coneredere non auderet, illud incendit, & *Elbingam*, ſecuritatis cauſa, commigrauit; vbi in ſene- ctute bonâ, ab Idololatriſ plurima perpeſſus, feliciter in Domino quieuit, Anno 1262. 20. Maij, ibidemq; in Arce in Capella Sanctæ Annæ honorificè ſepultus eſt.

DE PATOLLI IDOLO.

Quercus hye-
me & æſtate
virens Idoli
Patolli.

Descriptio
Quercus ſem-
per virentis.

Diuiſio eius.

IN vltiore parte *Bartſleini* ad viam publicam verſus, vbi diru- tum Sanctiſſimæ Trinitatis Monasterium cernitur, fuit altâ & va- ſta Quercus, æſtate & hyeme operâ Diaboli proculdubio ſemper virens, adeò latis & denſis folijs, vt nullâ imbrum vi penetrari po- tuerit. Hæc cortinis & velarijs elegantibus vndiq; cingebatur, vt ad eam nemini ingreſſus pateret, præterquam eorum Antiftiti *Kir- uaito*, & præcipuis Sacerdotibus qui *Vandalotti* vocabantur. Quod ſi quis ad eam deuotionis cauſâ accedebat, ei per Sacerdotes vela- riâ ſubducebantur. Porro Quercus hæc in tres æquales partes di- uidebatur, in quarum ynaquaq; ſpatium in modum fenestræ conti- nebatur, in quo Idolum cum proprio inſigni, erat poſitum. Vna pars continebat imaginem P E R K V N I, ante quam die noctuq; ignis, ex quercinis lignis perpetuò accendebatur; quem ſi incuriâ aut negligentia alicuius è *Vandalotti* extingui contigiſſet, ſtatim is

ante

ante Idolum comburebatur; ubi etiam Sacrificia offerrebantur. Altera pars habebat imaginem PETR V NEPI, quæ pro insigni ingentem anguem fouebat, cui Vas lactis à *Vandalottis* ad lambendum proponebatur, illiq; sæpissime hoc modo sacrificabatur. Tertia pars continebat imaginem PATOLLI cum humano, Equino & bouino capite, ante quam erat appensa lampas, quæ festiuis diebus accendebatur; circum circa erant constructæ mansiones, quas *Vandalotti* Sacerdotes Idolorum inhabitabant.

Hæc tria Idola Cimbri quondam in Prussiam detulerunt, cum primum eam incolere cæpissent; quibus Anno Christi 500. *Vidouutus* Pruthenorum Regulus, vnâ cum fratre *Brutteno* Flammine seu *Kirwayto* solenni ritu sacrificauit, & cantilenas concinendo in regum se iniecit, atq; ita combustus est.

Idola hæc Cimbri in Prussiam inducere Quibus qualiter sacrificauit Vidouutus.

Contra huiusmodi turpissimas abominationes, & execranda Sacrificia, optimus Episcopus *Anselmus*, in concionibus sæpissimè inuehebatur; sed propter malignitatem temporum efficere nihil potuit. De quo Episcopus, loci illius, post modum Senator primus, sicut & de sequentibus, ita cecinit.

Contra hanc idololatriam fortissime inuehebatur Episcopus. Eius Mors.

*Ordine primus erat, Clausurali ex Ordine, nullas
Hic inuenit opes sed opus, namq; unica totus
Marca fuit reditus. Cathedram fundauit in Vrbe
Braunspergâ. euertit Quercum statuazq; Deorum.*



HENRICVS I.



Anselmus E-
lectus restau-
rat. Episcopa-
tum.

Ius Lubecense
acceptat.

Illustris Vidua
omnia sua bo-
na Ecclesie ad-
scribit.



ENRICVS Decanus *Braunsbergensi* à Capitulo elec-
tus Episcopus, desolatum superiorum temporum iniu-
riâ Episcopatum, Villis fundatis instruxit, Dioecesim Ec-
clesijs ædificatis restituit; *Braunsbergam* in eum in quo
nunc sita est locum transtulit (nam antea longius ab *Habo* dista-
bat) quo etiam magna quantitas *Lubecensium* & *Hamburgensium*
navium confluebat, vnde Ius *Lubecense* acceptavit & retinet. *Vorm-
diti* & *Gustadij* hoc tempore aliquot ædificia consurrexerant.


His temporibus floruit Illustris Vidua *Soupna*, ex antiqua *Pru-
thenorum* nobilitate oriunda, diuitiis potens, fundi ad duo milliaria
parentis, vbi nunc *Frauenburgum* est, *Domina*; quæ ab Episcopo
Anselmo

Anselmo ad fidem conuersa, cum nullos haberet Hæredes, ad Religionis Diuinæ; cultûs augmentum, vniuersa bona sua, Episcopo *Henrico*, eiusq; Capitulo perpetuò possidenda donauit & tradidit: qui dimidio ab eius Domina curia milliari, supra montem versus *Habum*, Ecclesiam & mansionem Canoniorum ex ædificauit, & de eius Domina *Soupnæ* nomine *Frauenburgum* appellauit; quam Matrem omnium Episcopatus totius Ecclesiarum constituit, eamq; in honorem Beatissimæ *MARIE* Virginis & *S. Andree* Apostoli, dedicauit, & latinè *Varmiam* nominauit. Mortuus est viribus & senio confectus Anno 1300. sedit annis fere 40. & in Ecclesia Cathedrali sepultus, cui idem Senator.

Frauenberga
vnde dicta.

Moritur *Anselmus*.

Prussica Germanos inducit ad Arua Colonos,
Hinc audireditus; Viduæ donata fauore
Iugera Fraumburgum vocat; atq; ibi condidit urbem,
Et mox Brunspergâ Cathedram transportat ibidem.



EBERHARDVS.



Eberhardus e-
ligitur.
Ciuitates fun-
dat.



Bona Ecclesie
recuperat.

X Canonico Varmienſi, Episcopus legitime à Capitulo electus, & à Sede Apostolicâ confirmatus, *Vormditum, Gutſtadium & Heiſſpergam*, Ciuitates fundauit, & Iuri *Culmenſi* ſubiecit. Eius tempore Cruciferi, nonnulla bona ad Episcopatum *Varmienſem* pertinentia ſibi uſurparunt, præcipuè *Bartſteinium & Schippenpilum*, quæ ab Ordinis Magistro *Siffrido Fuchtwangen* in Ordine XII. miſſâ legatione ſplendidâ, Episcopus repetiuit; à quo cum durum & minus ciuile reſponſum accepisset, coactus fuit de toto negotio ad ſummum Pontificem referre; à quo ad Ordinis Magiſtrum Monitorium obtinuit, quo illi mandabatur, vt bonis in diuiſione attributis, Episcopo cederet, ſub
anſſio-

amissione omnium Priuilegiorum Ordini à Sede Apostolicâ concessorum. Vnde coactus fuit Magister Bona sic vsurpata Episcopo restituere; qui necesse quoq; habuit, vnum ex Dominis Cruciferis Generalem Episcopatus Aduocatum constituere, quæ consuetudo postmodum durauit, vsq; ad res Ordinis Teutonicorum inclinatas, annis ferè nonaginta aliquot, ad Episcopatum Varmiensem *Francisci Kueschmaltz*, qui iugum hoc pretio ab Ordine redemit. Porro *Eberhardus* in summâ senectute diem clausit extremam, die octauâ Iunij, Anno 1326. & Varmiæ sepultus quiescit.

Aduocatum Episcopatus ex Ordine acceptauit coactus.

Quod Iugum multis annis Episcopatus sustinuit.

*Condidit Heilsbergam Vormatum Gustadiumq;
An non hoc satis est dixisse?*

IV.

JORDANVS.



Antea Canonicus Varmiensis, postea in Episcopum à Capitulo concordibus suffragijs electus, Magistro pro tunc Ordinis Teu-

Jordanus eligi-
tur.

Sed iam Senex thonici Generali, Ordinem suum regente, *Wernero de Orselen*. Vir apprimè eruditus & egregijs virtutibus adornatus. Ætate admodum prouectâ, ob idq; valde debilis duos tantum annos cum dimidio *Varmieni* præfuit Ecclesiæ. Obijt *Heilsbergæ* in Choro *Varmienfis* Ecclesiæ Anno 1328. die 6. Calend. Decembr. tumulatus.

Moritur,

*Iam Depontanus senio confectus & ager,
Vix binos Cathedræ Varmieni præfuit annos.*

V.

HENRICVS II.



Henricus Re-
giomontanus
eligitur.

HENRICVS II. VAGENAX cognominatus, *Regio-*
monti in *Prussia* natus, concordibus Capitularium votis, in
Episcopum *Varmiensem* electus; cum autem Canonicus esset,
incidit

incidit in Episcopatum valde desolatum, à Pruthenis flammâ ferroq; deuastatum: quem vt incolis cultiorem redderet, ijs qui domicilia figere vellent, annos quindecim, ab omnibus subeundis oneribus, liberos concessit.

Incolis libertatem dat.

Cum Malefactor quidam *Brunspurga* ex conniuentiâ (vt supponitur) *Brunsbergensium*, Monasterium Fratrum Minorum, paulò ante, igni admoto exussisset, occultatus in Monasterio primùm. deinde profugus, ipsam etiam Ciuitatem exusserat; Episcopus alium locum Fratribus ad ædificandum nouum Monasterium concessit, prout & alia multa pia opera reliquit. Tandem in vltima senectute, fractus Curis sui Episcopatus Anno 1334. 9. Aprilis defunctus est: ac cæteris suis Ordinis Patribus in Ecclesia Varmienfi appositus est.

Nebulo quidam Monasterium incendit.

Similiter Braunsbergam Episcopus pro Monasterio nouum locum assignat. Mors Episcopi.

*Regiomontanus, meritis venerandus & Annis
Diuini Eloquio verbis facundus, & ardens
Quindenos censum cunctis indulgit in annos,
Vt restaurarent Vastatos cladibus agros.*

Schisma in Ecclesia Varmienfi,

Quod octo Annis durauit,

Sub prætensionis Episcopis

IACOBO videlicet **MICHAELE**
& **HENEMANNO.**

Acceptâ notitiâ de morte Henrici Episcopi Varmiensis *D. Wernerus de Orselen* Supremus Ordinis Fratrum Teuthonicorum Magister, plurimos Canonicos Ecclesiæ Varmiensis ad se euocauit, qui ad commendationem ipsius, ab Episcopis Varmiensibus in Sacrum Ecclesiæ Varmiensis Collegium adscripti fuerant. Hi vt Magistro rem gratam facerent, ad petitionem eius *Iacobum* Virum eruditum & eloquentem ex Ordine Crucigerorum, in Episcopum elegerunt; quo tempore Crucigeri, Episcopatum Varmiensem, in potestatem suam redigere, omnibus modis vehementer cupiebant. Altera autem Canoniorum pars, qui norant, quàm bene rebus Ecclesiarum sub dicto ordine consultum erat? quòd bonis Ecclesiasticis vehementer inhiarent, elegerunt *D. Michaëlem* Iuris vtriusq; Doctorem; Porro vterq; electus vt ius suum tueretur *Romam* primùm profectus, deinde *Auinionem* Pontificem Maximum sequutus est. Cumq; *Iacobus* Iuri suo diffideret, *Michaëli* aduersario Venenum propinari procurauit, ex quo etiam mortuus est, Quod cum Pontifex intellexisset, *Iacobum* omni Episcopatus Iure, quod prætendebat priuauit; qui paulò post etiam mortuus repertus est.

Nouum Schisma. Vernerus Magister Ordinis immiscet se electioni.

Iacobum præponit suæ factionis Virum à certis Canonicis ligitur.

Melius sentientes eligunt Michaëlem.

Michael Veneno suffocatur.

nec

Magiſter He-
nemanno ſine
electione Epi-
ſcopatū con-
fert.
Capitulares
Romā appel-
larunt.

Henemannus
reiectus Ro-
mā.
Offenſi Cruci-
geri.
Schifſpa octo
annis durat.

Ciuitates fun-
dantur.

nec cauſa ſcitur, niſi forte ob magnam animi anguſtiam. Quod cum ad Magiſtrum Ordinis perlatum fuiſſet, ſtatim is, antequam Capitulum ad electionem descendiſſet, Epiſcopatum vigore iuris- patronatūs Cancellario ſuo *Henemannō* Viro docto, ob ſeruitia fide- liter præſtita contulit, eumq; cum Præſentatione *Romam* ad Ponti- ficem miſit. Sed Domini Capitulares, miſſis quoq; *Romam* Nun- tijs, luſ ſuum egregiè tutati ſunt; & veris rationibus comprobarunt, indebitè & injuſtè, Magiſtrum & Ordinem Theuthonicum Iuſpatro- natūs ſuper Epiſcopatu Varmienſi ſibi uſurpare voluiſſe: Ita *Hene- mannus* rebus infectis domum redijt; quæ res adedò Crucigeros malè habuit, vt inuicem coniurauerint, nullum alium ad Epiſcopatum Var- mienſem admittere. Hæc controuerſia ad annos octo eſt protra- cta, quo tempore Adminiſtratio totius Epiſcopatūs penes Vene- rabile Capitulum fuit, & Ciuitates *Reſſel*, *Melſack* & *Allenſtein* per illud fundatæ ac Iuri Culmenſi adſcriptæ ſunt.

VI.

HERMANNVS.

Conſilium. Ca-
nonicorum de
Epiſcopo fu-
turo.

HERMANNVS. de *Praga*, Regni Bohemiæ Metropoli, di- ctus, Dominus in *Libenſtein* in Morauia ſito; Vir præſtans & eruditus *Ioannis* ſui Bohemiæ Regis. Orator & vnicus in gra- uioribus Conſiliarius fuit. Cum modus & ratio non facile reperire- tur, quâ contra Fratrum Teutonicorum potentiam, aliquis Epiſco- pus eligi, & in ſua ſede collocari tutò poſſet, oblatum fuit Venera- bili Capitulo ſanum & ſalubre conſilium, vt Benedicto XII. Pon- tifici Maximo. clam ſuggereretur, vellet ad ſe cum primis Eruditum & præſtantem Virum Doctorem *Hermannum* euocare, illiq; de Epi- ſcopatu *Varmienſi*, tot annis vacante providere: facturum procul- dubiò Bohemorum Regem, rationesq; omnes perueſtigaturum, vt Familiarem & Conſiliarium ſuum, in Patrocinium & Deſenſionem ſuſcipiens, eum contra quorumuis potentiam in ſede collocaret.

Conſilium, fe-
licem exitum
fortitur.
Hermannus
Epiſcopus, cō-
ſecratus.

Res felicem exitum eſt conſequuta: nam Bohemiæ Rex *Her- mannus* in Urbem miſit, vbi à Pontifice, *Varmienſis* Epiſcopus con- ſecratus fuit, quem poſtea idem Rex, egregio comitatu inſtructum, in Pruiſſiam miſit, cum Magiſtro Curia & præcipuis Nobilibus de- ducente. Ita frementibus & fruſtra renitentibus Crucigeris, *Her- mannus* pacificam Epiſcopatūs poſſeſſionem adeptus eſt. Ad hu- ius Epiſcopi tempora, Venerabile Capitulum, cenſuum & Redituū Epiſcopatus curam habuit, duas partes Epiſcopo, tertiam ſibi attribu- endo. Sed cum diuiſionis huius occasione, diſſenſiones & iurgia in- ter Epiſcopum & Capitulares ſæpius exorirentur, & Aduocatus Epi- ſcopi

scopatus qui ex Ordine Fratrum Theutonicorum assumebatur, aliquot etiam millia Marcarum sibi usurparet, Episcopus autem vnâ cum Capitulo, tunc temporis in redditibus annuis vix ad Sexaginta duo millia Marcarum haberet; visum fuit ad partitionem & diuisionem Bonorum, Commissarios deputare; qui Bona ita partiti sunt vt Episcopo duæ partes, Tertia Capitulo obueniret. Episcopus ex diuisione hac accepit *Braunspergam, Wormditum, Gutstadium, Heil-*

Bona Episcopatus diuidi curat, Quorum duæ partes Episcopo, Tertia Canonici.



spergam, Resselium, Wartenburgum, Barsteinum, & Schipenpil. Capitulum verò Frauenburgum, Passenheimum, Melsackum, & Allensteinum. Hic Episcopus ædificauit Scheburgum, Bischteinum & nouam ciuitatem ad Braunspergam. Tandem fractus curis & senio Anno 1350. obdormiuit in Domino Heilspergæ, sepultus in Ecclesia Cathedrali Varmiensi.

Ciuitates ædificat.

Mors Episcopi.

Varmia continuos octo viduata per annos Prasule, Romanâ missum suscepit ab Vrbe Hermannum; Hic Morauâ fuerat de gente, Senator Bobemia, Auditor Rota, Vir gratus in Aulis.

IOANNES I.



Ioannes Mi-
niſis eligitur.

Eccleſia Var-
mienſis imme-
diatè Papæ
ſubeſt.

IOANNES Primus ex *Misnia* oriundus, cum eſſet Decanus *Varmienſis*, Vir prudens, Magnanimus, & in ſummis rebus verſatus, à Capitulo concordì calculo in Episcopum electus eſt; Nec impedire potuit Ordinis Teutonici Magiſter, Dominus *Luderus* è familiâ Ducum *Brunſuicenſium*, quominus Episcopatûs poſſeſſionem adiret. Is obtinuit à Pontifice vt Eccleſia *Varmienſis* nemini eſſet ſubiecta, præterquam immediatè Sedi Apoſtolicæ, à qua primùm erecta, fundata, & dotata fuit. Quæ res non minus Ordinis Magiſtro ſupra dicto, quàm Archiepiſcopo *Rigenſi* planè contra voluntatem accidit.

Superiùs cum vitam *Anſelmi* Episcopi deſcriberemus dictum eſt,

est, quàm horrendam Idololatriam Prutheni Infideles, apud *Quercum* & tria Idola *Patolli* (à quo non longè eorum Cathedra quam *Rickoyott* vocabant) exercebant. Ea Quercus adhuc Episcopi tempora permansit: quamvis Prutheni metu Magistratûs, ad eam nonnisi clam accedebant, & sua execrabilia sacra peragebant. Hæc ut vna cum tribus Idolis, à Magistro Ordinis Vinrico à *Kniprode* qui *Ludero* successerat, per Fratrem *Heningum Schindelkopff* excinderetur, & penitus exterminaretur, auctor fuit hic Episcopus, qui in sua Diœcesi tantum facinus pati non potuit. Postea verò in eodem loco, Vir optimus *Petrus Nagel* de *Sehr*, non absq; ope & auxilio Episcopi, Monasterium Augustinianorum cum eleganti Ecclesia construxit; quam idem Episcopus in honorem Sanctissimæ Trinitatis dedicavit & consecrauit.

Quercus semper virens. Idolum Patolli hucusq; duravit.

Auctor Episcopus ut excinderetur,

In loco hoc Monasterium S. Augustini fundatur.

Hic Episcopus cum Venerabili Capitulo, diligentius considerare & perpendere cæpit, quàm periculosum sit, non minus suis quàm Capitularibus Vasallis, quoties bellici furores emergunt, nullas in Prouincia Munitiones habere, ad quas necessitatis tempore confugere, & inde hostiles impetus retundere ipsisliceret: quas si Prædecessores habuissent, nunquam in extremas angustias, & se & subditos coniecissent; ut exemplum optimi illius Episcopi *Anselmi* edocuit; quem cum vnâ cum Canonicis, plurimisq; alijs vtriusq; status Ecclesiastici & sæcularis personis, in tertiâ Apostasiâ infideles Prutheni, *Auſtomo* & *Glappo* eorum ducibus, ingentibus copijs in Ciuitate *Braunſpergensis*, durâ obsidione cinxissent; oppugnationem aliquoties aggressi, non absq; magnâ suorum clade; Ciuium virtute reiecti, repulsiq; turpiter fuerunt. Cumq; animaduertissent hostes rem minus feliciter succedere, obsidionem soluerunt, & in vicinas densiores syluas se abdiderunt. Porro Ciues nihil insidiarum suspicati, cum hostes planè abscessisse persuasum haberent, & magnâ victûs inopiâ, obsidionis diuturnitate contractâ, premerentur; ad Vicinos pagos pabulatum cum aliquot centenis egressi, in Pruthenos in insidijs collocatos inciderunt, & ab illis omnes ad vnum miserè trucidati sunt. Tantam suorum stragem cum *Anselmus* animaduertisset, & omnem reliquam sese tuendi spem sibi præcisam vidisset, cum clero, primarijsq; viris & fæmineo sexu, clam noctu *Elbingam* concessit; & *Braunſpergam* ne hostium direptioni pateret, & in domicilium cederet incendit. Cæterum parùm gratus *Elbingensibus* hospes aduenit, partim ob metum terroremq; Barbarorum, ne Episcopum in Ciuitate quærere vellent; partim quòd cum hostes proximis superioribus diebus, *Elbingam* itidem obsidione premerent, Episcopus nulla, illis petentibus, præsidia mittere voluerit. Quamobrem non admissus, in suburbij aliquot diebus manere coactus est.

De Munitione aliqua medietatur.

Edoctus male aliorum.

Obſidio Elbin-
gæ.

Excursio felici
ſuceſſu.

Hoſtes proſli-
gati miraculo-
ſè.

Viſio cæleſtis
in pugna.

Viſio altera cir-
ca Heilsbergâ.

Obſeſſi Elbin-
gam elabuntur

Heilsberga à
Barbaris com-
buntur.

Conſtituuntur
aliquot Arces
erigendæ.

Fortalitiũ
Heilsbergẽſe
excitatur.

Arx Reſſelen-
ſis, Schebur-
genſis
Eccleſia Var-
mienſis ædifi-
cari cæpit.

Non multò poſt ſupra nominati Barbarorum Duces cum nu-
meroſo Exercitu ſuperuenerunt, & *Elbingam* obſederunt: cùmq;
obſidio diutius protraheretur, & Commeatus ſubinde deficeret,
Crucigeri cum Ciuibus acie benè inſtructâ in Pruthenos excuſio-
nem fecerunt; ad quos antequam perueniſſent, primæ hoſtium Co-
hortes miraculo quodam proſtrata ceciderunt, reliqui in fugam ver-
ſi, à Chriſtianis inſequentibus, partim cæſi, partim capti, cum opi-
ma præda in Ciuitatem abducti fuere. Quæſitum à Captiuis quid
cauſæ fuerit, quòd antequam ad conflictum cum noſtris deueni-
ret, Barbari tantâ clade attriti eſſent? reſponſum eſt, delapſos ali-
quot viros de cælo, pallijs albis indutos & cruce nigrâ ſignatos,
viſos fuiſſe, qui igneis gladijs Hoſtes conficiebant & occidebant;
Multi opinati ſunt, quòd Episcopus *Anſelmus*, cum alias eſſet Vir
magnæ Sanctimonix, cum ſuo Clero, ardentiffimis precibus, quas
& priuatim, & in publicis ſupplicationibus, quamuis ſemper, ſed
præcipuè in hac obſidione effundebat, mirabilem hanc & inſignem
victoriam à Deo impetrauerit.

Postmodum Prutheni *Heilsbergam* mouerunt, & reſcollectis
viribus eandem obſederunt. Erat in Ciuitate non contemnenda
militem manus, qui eam egregiè tuebantur: Quodam tempore cum
in hoſtes erupiſſent, apparuit viſibiliter Angelus Domini, qui pro
Chriſtianis dimicans, Pruthenos cæcitate percuffit, vt paſſim o-
mnes in fugam verterentur, multi autem in *Allam* fluuium lapſi, de-
mergerentur. Neq; tamen hoc miraculo territi, ab obſidione di-
ſcedere voluerunt; cùmq; incluſi, fame coacti, etiam equos ab-
ſumpſiſſent; ne in Barbarorum manus deuenirent, nocturnas vigi-
lias prætergreſſi, occultioribus ſemitis *Elbingam* vsq; fugâ elapſi
ſunt; Atq; ita *Heilsberga* in Barbarorum manus venit, quam incen-
ſam à fundamentis euerterunt, vt nulla deinceps in Episcopatu
Munitio reliqua foret, ad quam Episcopus cum ſuis tempore peri-
culi, confugere poſſet.

Quoniam autem veriſimile videbatur, Ordinis Teutonici vi-
ros, id tot conſtructis Arcibus & munitionibus erectis, agere, vt
Episcopatum jugo ſuo ſubmittere poſſent, qui eorum operâ, totis
oſto annis, Episcopo caruit; conſtitutum eſt contra ejuſmodi pe-
ricula, vt aliquot arces in Episcopatu erigerentur; quam ad rem
Vaſalli quoq; ſe opem auxiliũq; collaturos vltro obtulerunt.

Hic itaq; Episcopus Arcis *Heilsbergensis* fundamenta excita-
re, muros erigere, & propugnacula congeſtâ terrâ ſtatuerẽ cæpit;
quæ eo viuente, altius aſſurgere viſa fuerunt.

Ad eundem quoq; modum Arx *Reſſelenſis*, *Scheburgensis*, &
Cathedralis Eccleſia *Varmienſis*, quæ tunc ſimplicem ſtructuram
habebat ædificari cæpere. Ædificia hæc ne excitarentur, liben-
ter

ter admodum Magister & Ordo Teutonicorum impediuiſſet, ſed quâ ratione id faciendum eſſet, non videbat; maximè quòd per vniuerſam Germaniam, Ordo vniuerſus hoc nomine, malè audiebat, quod bonis Eccleſiaſticis vehementer inhiaret.

Cæterùm antequam ſupra nominata ædificia abſoluta fuiſſent, Episcopus *Ioannes*, Vir ſempiternâ memoriâ & laude dignus, qui Patris Patriæ nomen promeruerat, in Domino obdormiuit; & in Eccleſia *Varmiensi* ſepultus, reſurrectionem mortuorum expectat. Obiit autem Anno ſalutis 1355.

Moritur Episcopus.

*Artibus ingenuis famoſus, & arcibus iſte,
Reſſelij, Heilsbergæ, Scheburgi condidit Arces;
Et Frauenburgi Templum, ſed raptus iniquo
Fatorum furto, capta imperfecta reliquit.*

VIII.

IOANNES II.

IOANNES Secundus *Streiffrock* cognominatus, Lipſienſis cuiusdam Ciuis filius, primò Canonicus *Varmiensis*, deinde à Capitularibus electus fuit Episcopus, Vir ſingulari rerum uſu, doctrinâ virtuteq; conſpicuus. Hic à primâ ſui electione, Arces paulò ante per Antecellorem ſuum ædificari captas, continuauit; *Vartemburgensem* ciuitatem ædificauit; Episcopatus Bona, Colonorum frequentiâ ita auxit, & cultiora reddidit, vt in florenti cum primis ſtatu conſtituta eſſe viderentur: vndiq; etenim ad eum homines conſuebant, & libenter aliundè commigrabant, quòd erga pauperes munificus haberetur, & quòd impotentem Teutonicorum militum dominatum, oneraq; grauias quibus ferendis pares non eſſent, plurimi diutiùs ſuſtinere, recuſarent. Ea res ingentem Episcopo inuidiam apud Ordinem Teutonicum peperit, maximè verò quòd is, quem Magiſter Ordinis ad Episcopatum, ſummâ contentione promouebat, electus non fuerit; quam vt illi videbatur, injuriam vlciſci cupiens, multa damna per incendia ſtatui Eccleſiaſtico intulit, vt ab eius inſolentiâ nemo tutus videretur. Ad extremum Episcopum accuſauit, quaſi vltra limites antiquitùs conſtitutos, non contemnendam fundi & agrorum partem, Ordini ſuo ademerit. Ad eam controuerſiam dirimendam, ad fines reuidentos Episcopus deuenit, cum Fratre *Siffrido* de *Hatzenbach* Comendatore *Balgenſi*. Quamuis autem Dominus Episcopus productis centum fide dignis, & in ætate ſenili conſtitutis teſtibus, ve-

Ioannes eligitur.

Arces cōtinuauit,

Vartemburgū exædificauit.

Munificus in Pauperes.

Magiſter Ordinis ſtatui Eccleſiaſtico damna inferit.

Reuiſio Bonorum apertiſſima pro Episcopo.

Multa Bona E-
piscopo eripi-
untur.

ros limites, quibus Bona Episcopatus, à Bonis Cruciferorum, antecessoris sui Episcopi *Eberhardi* tempore, distinguebantur, apertissimè & euidentissimis documentis demonstraret, nihil tamen eum hoc iuuat; sed Episcopo *Bartsteinum* cum sexcentis Manſis *Rastenburgum* & *Schuppenpilum* cum viginti octo pagis, magnis lacubus, & circiter octingentis manſis, & *Passenbeim* cum attinentiis, per summam injuriam ademptum, ac Ordini adjudicatum fuit,



Qui statim in Possessionem prædictorum, cum maximo & inestimabili Ecclesiæ damno, inuolauit.

Conqueritur
Episcopus de
illata sibi inju-
ria.
Coram Papa &
Imperatore.
Moneatur Ma-
gister Ordinis.

De hac tam insigni injuriâ, & vi illatâ, Episcopus cum Capitulo, grauissimè coram Pontifice, ac Romanorum Imperatore, missis ad utrumq; literis, conquestus est; Obtinuitq; ut uterq; per Epistolam, *Vinricum* Ordinis Magistrum grauissimè admoneret, ne is Ecclesiæ *Varmiensis* jura violaret, Bonaq; ejus imminueret; alioquin se factu-

se facturos, quod causæ æquitas Officij; sui ratio postularet. Ea res offendit vehementer Magistrum, & vniuersum Teutonicorum Ordinem; adeoq; animos eorum exacerbauit, vt pleriq; Fratrum, ad eos qui in regionibus exteris versabantur scribentes, se Ecclesiastico Ordini esse Inimicos, profiterentur; eosq; monerent vt idem quoq; & ipsi facerent. Postea constituta fuit dies Sancti Iohannis Baptistæ, ad quam in Villâ *Neükirche* Episcopus cum Capitulo, & Magister Ordinis pro colloquio conuenirent, quod etiam factum est; cumq; congressi essent, primùm caput Magister petulantibus verbis, in Episcopum tanquam in Proditorem acriter insurgere, quod apud Exteros Principes famam ejus scripto lacerauerit, tanquam Dominus eius esset, multaq; in eam sententiam concitatus dixit. Cui respondit Episcopus, me (inquit) summa necessitas, & Episcopalis officij ratio coegit, vt de vi summâq; injuriâ Ecclesiæ meæ illatâ, conqueri necesse habuerim, quod ita esse, re & veritate comprobare paratus sum. Ad hæc verba excandescens Magister Ordinis *Vinricus*, protensâq; manu; vide (inquit) sacrificule, malum malo repellitur; vos sacricolæ vitam insolentem ducitis in bonis, quæ proprio sanguine parta, Meus Ordo, vt DEO seruiretis, vobis contulit; sed breui scietis, vos eos Mansos qui per limites adempti sunt, nunquam ampliùs recuperaturos, etiamsi omnes sacricolæ, insanire & in furias verti deberent. Tum Episcopus, cum tempus loquendi paulisper expectasset, summâ cum modestiâ, in hæc verba prorupit; Quod nos mali sumus; quis etiam inter Nos aut Vos melior sit, & vter Ordo rectiùs vitam instituat? DEVS scit. Illud certè parùm Christianè & iniquè fit, quod Nostra Nobis inauditis adimuntur, nullaq; causâ producitur, cur adimi debeant. Quod ad Prussiam attinet, cuius esse debeat, certè in Priuilegijs, & antiquis scripturarum documentis reperio, Ordinem vestrum suo sanguine, ne tantillum nobis contulisse, quod vnius Oboli pretio æstimari possit. Hic interrumpens Magister; si vos inquit sacrificuli, unum Obolum haberetis, vnius Oboli pretio Vos æstimari conueniet. Tum Episcopus; Minimus (inquit) ex meis Presbyteris est pretiosior, quàm vniuersa Prussia, quæ nostri causâ, vobis est attributa. Hic conuersus Magister ad suos inquit, Talia verba nequam istos canes, in *Rigenses* nostros incitârunt, illosq; in angustias redegerunt; sed ne idem in *Prussiâ* fiat, maturè prouidebo. Tum exerto gladio, Episcopum adoriri cepit; sed *Elbingensis* Commendator, statim retraxit Episcopum, & alij Proceres sese medios interponentes, illos ab inuicem segregârunt.

Episcopus *Varmiam* reuersus Capitulum celebrauit, & assumpto Domino *Ioanne* Cantore & Canonico, nocte insequenti clam profectus est nauigio *Gedanum*; inde verò, acceptis Ecclesiæ Priuilegijs,

Constituatur dies Colloquij ad Neükirche.

Inuehitur petulantibus verbis Magister in Episcopum.

Responsio Episcopi.

Excandescit Magister irâ potenti.

Modestè replicat Episcopus,

Cuius esse debeat Prussia deducit.

Quantæ æstimationis sit Clerus apud Magistrum.

Excandescens Magister exerto gladio Episcopum adoritur.

Episcopus cū Canonico ad Papam proficiscitur.

De abreptis
bonis litigat.

Moritur Aue-
nionē.

Eccleſia Var-
mienſis impe-
rio incorpo-
ratur.

legijs, ad Pontificem Maximum *Auenionem* peruenerunt: ubi occaſione ademptorum Bonorum, Iure per totum triennium diſceptârunt, & in fauorem tres conformes Sententias obtinuerunt; à quibus Magiſter Ordinis Romam appellauit, quòd tunc temporis Schiſma in Eccleſiâ vigeret. Interea *Ioannes Optimus & Vigilans* Epiſcopus *Auenione* mortuus eſt Anno 1372. 1. Septembr. Sepultus ibidem in Monasterio Fratrum Prædicatorum. Dominus verò *Ioannes* Cantor ſupra nominatus cauſam proſequutus eſt, quæ effectum non habuit. Negotium tamen apud *Carolum Quartum* Romanorum Imperatorem, eò deduxit, vt Eccleſia *Varmienſis* Sacro Romano Imperio incorporaretur; cuius præſidio, à vi & Tyrannide Ordinis Teutonici, tuta eſſe poſſet.

*Contra Teutonicos Fratres benè iuratuetur,
Confineſq; ſuos; hic multis litibus actus
Aueniona petit, ſacrata ad limina Petri
Confugiens; ibi mox curis conſumptus obiuit.*

IX.

HENRICVS III.

Henricus per
Gregoriũ XI.
prouidetur &
conſecratur.

Carolo IV. re-
commendatur

Imperator ſu-
ſcipit in Prote-
ctionem Epi-
ſcopum.
Ne à Crucige-
ris in poſſeſſi-
one impedia-
tur ſcribit.

Magiſter Cano-
nicatum con-
fert Parocho.

HENRICVS Tertius *Sorbohm* cognominatus, Cuius cuiuſdam *Elbingenſis*, armis & nobilitate donati filius, *Caroli Quarti* Cæſaris Secretarius fuit, & eiufdem quoq; *Auenione* Procurator, in negotio Domini *Ioannis de Eſſen* Cantoris & Canonici *Varmienſis*. Hic à Gregorio XI. prouiſus & ab eodem in Epiſcopum *Varmienſem* conſecratus eſt. Idem Pontifex eum *Carolo Quarto* commendauit, vt eius fauore & patrociniò, pacificam Epiſcopatûs ſui Poſſeſſionem, ſi eam *Cruciferi* prohiberent, aſſequi poſſet. Quamuis autem *Cruciferi* iure iurando ſe obſtrinxerunt, quòd neminem ad Epiſcopatûm *Varmienſem* admittere vellent, niſi qui ex illorum Ordine eſſet: quoniam tamen Imperator hunc *Sorbohm* in protectionem ſuſcipiens, eum per præcipuos ex Nobilitate Bohemicâ Viros, hûc deduci iuſſit; ſimulq; à Cruciferis poſtulauit, ne eius Ius & æquitatem, in legitimè adepto Epiſcopatu, vllâ ratione impedirent, coacti ſunt Imperatoris voluntati morem gerere; & nouum Epiſcopum admittere; abſentiâ etenim *Ioannis Streiffrockij*, vacauit Epiſcopatûs Annis quinq; & medio, quo tempore Magiſter Ordinis, census & redditus Epiſcopatûs ſibi uſurpabat. *Conradus Czolner* Supremus dicti Ordinis Magiſter, contulerat Canonicatum *Varmienſem* cuidam Parocho in Pruſſicâ *Ilauâ*, cui Capitulum

pitulum Possessionem dare noluit, quod Canonicatum huiusmodi conferendi, nullum Ius Magistro asserere competeret. Præbyter hic, fuit quondam in Cancellaria *Heilßpergensis* Scriba, & in libris ac Regestris Episcopatus, magnum vltum & experientiam habebat, immò vnum ex illis secretò subdlexerat. Huius Præbyteri operâ & consilio, factum est, vt Magister Ordinis cum Episcopo, ratione *Wartenburgensis, Allensteinensis & Melsacensis* Cameratus, fines duceret, illiq; quadringentos quinquaginta Mansos ademittit, de meliori & pinguiori fundo, qui isthic habebatur.

Vrgebat præterea Magister Episcopum, vt fructus ex dictis bonis, & alijs quæ ex limitum directione illi obuenerant, planè re-funderet & de plano restitueret. Et licet Episcopus non minus literis, & priuilegijs sigillatis, quam viujs testibus fide dignissimis comprobaret, bona hæc per limites adempta, ad Ecclesiam suam omni jure pertinere, nihil tamen hoc illi apud Ordinis Magistrum profuit: cum hoc tempore, ex diuturnâ pace, ad summam potentiam Ordo prouectus, omnia sibi licere, neminemq; illi resistere posse arbitraretur. Quamobrem *Henricus* Episcopus. iniurias & gra-uamina, quibus opprimebatur Imperatori permisit, qui Negoti-um suscipiens Episcopum *Vratislauensem* in *Prussiam* ablegauit, vt quod cum æquitate coniunctum illi videretur, decerneret. Ibi tum ab vtraq; parte confinium iudicandorum, Arbitri delecti, con-stitutiq; fuere; in quorum numero erat quoq; ille ipse Parochus ex Prussica Illaua *Ioannes Posilger*, cui fines & limites Episcopatus be-nè noti fuerant, ita vt facile alios in suam sententiam pertrahere posset.

Coram huiusmodi Arbitris Episcopus *Sorbohm*, cum sempiter-nâ sui nominis ignominiâ, & inæstimabili Ecclesiæ damno, ad redi-mendam vexam, facile cessit & renuntiauit tribus conformibus Sen-tentijs à Sede Apostolicâ obtentis, & literis exequutorialibus; quæ omnia gloriosæ memoriæ Antecessor ipsius *Ioannes Streiffrock* Epi-scopus, immensis laboribus, vitæ periculis, & multorum millium impensis, ad veram Iustitiæ & æquitatis normam deduxerat. Eâ ratione supranominatus *Ioannes Posilger* Parochus, repulsam Cano-nicatus *Varmiensis* vltus est. Postea Episcopatus ijs limitibus circumscriptus & definitus est, qui expressi sunt in Bul-

lâ Gregorianâ, quam hic adscribendam putauimus.

Hic Parochus
quis fuerit an-
tea.

Huius Presby-
teri dolo auul-
sa sunt multa
Bona ab Epi-
scopatu.

Non obstanti-
bus verissimis
deductionibus

Solâ potentia
prævalente.

Recurrit Epi-
scopus ad Im-
peratorem.
Committit ne-
gotium Impe-
ratori Episcopo
Vratislauenfi.
Arbitri assi-
gnantur.
Inter quos per
Cruciger Præ-
byter ille eli-
gitur.

Victus dolo
Præbyteri Epi-
scopus bona
amisit.

Episcopatus li-
mitibus circū-
scribitur.

Bulla Gregorij Papæ XI.

Nouiſſimè inter Reuerendum in Chriſto Patrem Dominum HENRICVM dictum, SORBOHM Episcopum, & ejus Eccleſiam Varmienſem, ac Ordinem Teutonicorum, Limitum diſtinctionis ratificatoria.



Gregorius Episcopus Seruus Seruorum Dei. Susceptæ seruitutis officij (quo ad Bonum concordie, inter fideles quoslibet propagandum, & Ecclesiarum ac Ecclesiasticorum locorum, ac Prælatorum & Personarum ipsorum bonum statum, & commoda procuranda sumus, Vniuersaliter obligati) quotidiana Nos cura sollicitat; ut his totis studiis intendamus, & seramus pacis germina inter omnes, & quæ Ecclesiarum, & locorum Ecclesiasticorum, ac Prælatorum ac Personarum ipsarum, tranquillitatem & utilitatem respiciunt, Paternis affectibus exequamur. Sanè dudum per Nos accepto, quòd inter bonæ memoriæ Ioannem Episcopum Varmienſem, & dilectos filios, Præpositum Decanum & Capitulum Ecclesiæ Varmienſis ex parte vnâ, & Magistrum ac Fratres Hospitalis Beatæ Mariæ Teutonicorum Ierosolimitanorum, super quibusdam terris, possessionibus, & Iuribus ad dictam Eccleſiam ut dicebatur pertinentibus, & nonnullis alijs Articulis, ex alterâ, orta fuerat materia Quæſtionis: Nos ex certis causis, Venerabili Fratri nostro Archiepiscopo Pragenſi, Noſtris dedimus literis in mandato, ut partes ipsas ad excipiendum, transigendum, & componendum, super omnibus litibus & controuersiis inter eos vertentibus, coram se euocaret; & super præmissis omnibus quantum posset ad amicabilem concordiam, & compositionem induceret, prout in Noſtris inde confectis literis plenius continetur. Et deinde sicut accepimus, Partes ipsæ quas dictus Archiepiscopus ad suam euocauerat præſentiam, in certos Arbitros, Arbitratores & Amicabiles Compositores, post nonnullos actus, inter partes ipsas habitos, compromittere curarunt; qui æquum Arbitrium tulerunt inter partes, prout in literis authenticis inde manu publicâ confectis, dictorumq; Arbitrorum Arbitratorum seu Amicabilium compositorum, sigillis munitis, quarum tenorem de Verbo ad Verbum, præſentibus inferi fecimus, plenius continetur, ac subsequitur. Cumq; pro parte Venerabilis Fratris Noſtri Henrici Episcopi Varmienſis, de cuius Personâ prædicto Ioanne Episcopo Vitâ functo, dicta Eccleſia prouideramus, ac Præpositi, Decani & Capitularium; ac Magistri & Fratrum prædictorum, nobis fuisset humiliter supplicatum, ut præmissis

præmissis robur confirmationis adijcere, de benignitate Apostolicâ dignaremur: Nos Venerabili Fratri Nostro Petro Episcopo Portuensi, & dilecto filio Nostro Iacobo Sancti Georgij ad Velum aureum Diacono Cardinali, oraculo viuæ vocis commisimus, ut se de præmissis summarie informare, & quæ super his reperirent, Nobis referre curarent. Qui quidem Petrus Episcopus & Iacobus Cardinalis, super his summaria informatione receptâ, Nobis retulerunt, quod per hoc providebatur utilitati partium prædictarum. Nos igitur huiusmodi supplicationibus inclinati, huiusmodi Arbitrium, & alias per ipsos Arbitros, Arbitratores, & Amicabiles Cõpositores, in præmissis ut præmittitur, Acta rata habentes, atq; grata, illa Authoritate Apostolicâ ex certâ scientiâ, tenore præsentium confirmamus, supplerentes omnem defectum, si quis forsân interuenerit in præmissis. Tenor autem dictarum Literarum talis est.

In Nomine Domini Amen. Etsi cuiuslibet conditionis homines, Creatori suo ad salutiferas gratiarum actiones humiliter adstringantur; illi tamen præcipuâ quadam deuotione, ad laudandum Nomen ipsius, & glorificandum obligantur fortius, qui in hac vitâ labili & miserabilis contiguâ in ciuitate, & continuâ cohabitatione & conuersatione iuncti, pacis & tranquillitatis præeminente munere, ipsius clementiâ feliciter perfruuntur. Sanè cum iam dudum alias inter Venerabilem Patrem in Christo & Dominum, Dominum Ioannem bonæ memoriæ Episcopum, & Honorificos Viros Dominos, Præpositum, Decanum, totumq; Capitulum Ecclesiæ Varmiensis ex unâ, & Magnificum ac Religiosum Dominum Winricum Ordinis Beatae MARIE Teutonicorum Magistrum Generalem, ac Præceptores & Fratres dicti Ordinis, ex alterâ parte, super quibusdam Possessionibus, limitibus & terris, se contingentibus, suborta fuisset materia quæstionis; quæ tamen per Sanctissimum in Christo Patrem & Dominum, Dominum Gregorium XI. summum Pontificem, Reuerendissimo in Christo Patri & Domino, Domino Pragensi Archiepiscopo, auctoritate Apostolicâ commissa fuisset, qui virtute commissionis sibi factæ, partes coram ipso legitime euocauit; Tandem comparientibus Partium Procuratoribus, placuit illis de quæstionibus controuersis, & litibus præfatis, se amicabiliter expedire; & sic in Nos Ioannem Decanum Gtougouensem, Iacobum Engilgen Officialem Vratislauensem, Borchardum de Monte Canonicum Paderbornensem, Ioannem de Posilia Plebanum in Ilauâ, Ioannem de Leysa, Ioannem de Heyda & Menczbinum prope Soldaw, Milites & Ioannem Wortmurstein Proconsulem in Elbingo, tanquam Arbitros, Arbitratores, & Amicabiles Compositores, super eisdem litibus & controuersijs, sub certis, modo, formâ, ac penâ compromiserunt; prout in literis & instrumentis publicis, de super confectis plenius continetur. Tandem li-

Arbitri.

Telleſ recepti cet ſecundum formam compromiſſi prædicti, receptis teſtibus, iuramen-
 tis & alijs probationibus, quibus tunc partes uti volebant, Terras ipſas
 de quibus erat contentio, oculis ſubiecerimus; & plures limites & ter-
 rarum diſtinctiones poſuerimus, tamen conſiderantes, ſi ulterius limites
 ponendo, progredi ſecundum formam & modum compromiſſi nos contin-
 geret; quod multæ nouitates & mutationes ſubditis partium multum
 periculosa præuenirent, & firma amicitia ac conſtans unio inter partes
 ipſas, & eorum ſubditos, ſuſſistere non valeret. Demum relaxatis à
 partibus Nobis iuramenti præſtitis in Compromiſſo, ad bonam Noſtram
 conſcientiam, & tollendas difficultates, & incomoda ſupradicta, Ite-
 rum placuit Partibus ipſis, ſub panis in compromiſſo contentis, in Nos
 compromittere; prout de præmiſſis, omnibus & ſingulis ſunt certi teno-
 ris litera conſecta, ac etiam publica Inſtrumenta. Nos igitur ſinceris
 affectibus deſiderantes perpetuam pacem, & inuiolabilem tranquillita-
 tem inter partes prædictas, in quantum in Nobis eſt, auctore Domino
 ordinare; Auctoritate Arbitraria, quâ fungimur in hac parte, multis
 præhabitis tractatibus. & pluries repetitis, & ſingulis circumſtantijs
 rite penſatis, quid commodi, quid utilitatis ex concordia? & quid pe-
 riculi & damni ex diſſenſione, ſi cauſa prædicta ſopita non fuerit, poſ-
 ſet proculdubio prouenire? Partibusq; in Noſtrâ præſentiâ perſonaliter
 conſtitutis, ac Noſtrum Arbitrium ſeu Noſtram Sententiam ferri pe-
 tentibus, Chriſti nomine inuocato, pro tribunali ſedentes, & ſolum
 DEVM præ oculis habentes, voluntate vnanimi & concordia, pro-
 nuntiamus, decernimus, arbitramur, dicimus, & in his ſcriptis ſenten-
 tialiter deſinimus; Dominum Episcopum, Capitulum, & ipſam Eccle-
 ſiam Varmienſem, permanere debere, iuxta antiquam & priſtinam ipſo-
 rum Poſſeſſionem, videlicet ſecundum limitationem & diſtinctionem
 inſcriptam. Incipiendo iuxta literam Anſelmi, à recenti mari v-
 bi fluuius Rüma influit, idem recens Mare tranſeundum eſt ad foſſa-
 tum, quod à viâ antiquâ incipit, quæ ducit in Villam Roſſienſem, ita
 quod prædicta & quidquid ſitum eſt inter Rünam & Zonam & recens
 Mare, & prædictam viam ad Ordinem debet pertinere; Et ab inde ſe-
 quendo foſſatum prædictum per viam quæ eſt inter Brunſperg & Cu-
 riam Entidel, vulgari nomine Steinweg nuncupatam, de cuius viâ
 aggere tranſeundum eſt ſecundum poſſeſſionem & limitationem anti-
 quam, uſq; ad fluuium qui diuidit villam Rogitem & villam Hamers-
 dorff, eundem fluuium aſcendendo, uſq; ad graniciem illorum de Gru-
 naw, taliter tamen, quod antiquæ Poſſeſſiones, & limitationes obſeruen-
 tur, & quod villa Rogiten Eccleſiæ, & Hamersdorff Ordini perti-
 nebunt. Deinde ad fluuium Bebir tranſeundum eſt, ſecundum anti-
 quam poſſeſſionem, ita quod campus Bebern timerſtul Ordini permanebunt. Eundem fluuium Bebir aſcendendo uſq;
 ad cam-

Telleſ recepti

Viſio facta.

Sententia pro-
fertur.Quidquid ſitū
eſt inter Rüna
& Zonam ad
Ordinem per-
tinere debet.Adſcribun-
tur autem.Rogiten Eccle-
ſiæ.Hamersdorff
Ordini.Bebern timerſtul
Eccleſiæ.
Sonnerſtul Or-
dini.

ad campum villa Blumenberg, & ab inde à fluuio dicto Bebir ad fluuium dictum Bamaw, ita quod Villa Blumenberg Ecclesiæ, & Villa Breitelinde Ordini remanebunt, secundum limitationem antiquam; Et ab inde eundem fluuium Bamaw ascendendo, usq; ad graniciem Clausitem & Buschenbach diuidentem, ita tamen quod Buschenbach in parte Ordinis, & Clausiten in parte Ecclesiæ remanebunt secundum limitationem antiquam. Deinde transeundo ad graniciem illorum de Peterswalde, quæ est inter Clausiten & Buschenbach situata, ab inde ulterius procedendo ad limitem villa Ierdow, morè antiquæ Possessionis, ita quod Villa Peterswalde Ecclesiæ remanebit. Demum procedendum est secundum antiquam limitationem & graniciem illorum de Waldaw, ita quod Ierdow Ordini, & Wlaben Ecclesiæ remanebunt, & ab inde iterum procedendum est ad fluuium Warne, ita quod Waldau & Wilkenite cum molendino & agris Molendinatoris in parte Ordinis, & Villa Rosenwald in parte Ecclesiæ permanebunt. Ultra quem fluuium Warne procedendum est ad Quercum signatam iuxta viam, & ab inde ad aliam Quercum quæ est limes acialis, quod dicitur vulgariter Ort grentze, Ciuium Ciuitatis Melsack directè siue diametraliter, ita quod Villa Penczim Ecclesiæ permanebit. Ab inde verò ulterius procedendum est, secundum antiquas limitationes & possessiones usq; ad limitem in campo Pluten, ita quod Nemus ciuitatis Melsack Hegewald vulgariter nuncupatum Ecclesiæ, sed Villa Schoneborn Ordini remanebunt. Vterius verò procedendum est ad limitem villa Gutenfeldt, & ab inde ad Quercum inter Bona illorum de Gutenfeldt, Plutem & Sichfeldt signatam, ita quod Gutenfeldt Ordini, & Plutem Ecclesiæ remanebunt. A quâ quidem Quercu ad palum prope riuulum Walsche positum procedendum est, ita quod Villa Wolckaim Ordini, & Sehfeld Ecclesiæ in suis antiquis limitationibus remanebunt. Deinde procedendum est super quendam montem ad truncum ibidem signatum, ita quod Woppe & Pawlen Ecclesiæ, & Honite & Waldeke Ordini remanebunt. Vterius procedendum est ad Quercum quandam signatam versus lacum Parkune dictum, procedendum demum directè ultra alium lacum Kowtic nuncupatum, ad illum locum ubi fluuius fluit in lacu suprascripto, eundem fluuium descendendo, ad illum locum ubi Villa Koythyr habet limitem ab illis de Staboniten; ita quod Koythyr Ordini & Staboniten Ecclesiæ remanebunt. Et ab eodem fluuio procedendum est usq; ad limitem Gladiamsdorff; ita quod Gladiamsdorff in parte Ordinis & Staboniten ut præfertur Ecclesiæ remanebunt secundum limitationes antiquas. Deinde procedendum est ad graniciem acialem villa Gladiamsdorff, quæ diuidit villam Workeim & Gladiamsdorff, & ab inde procedendum est ad limitem acialem Hanneshagen, ita quod Villa eadem Hanneshagen

Blumenberg
Ecclesiæ.
Breitelinde Or-
dini.

Buschenbach
Ordini.
Clausiten Ec-
clesiæ.

Peterswalde
Ecclesiæ.

Ierdow Ordi-
nis.
Wlaben Eccle-
siæ.
Waldau Wil-
kenite Ordinis
Rosenwald Ec-
clesiæ.

Penczyn Ec-
clesiæ.

Nemus Ciuita-
tis Melsack.
Hegewald Ec-
clesiæ.
Schoneborn
Ordini.

Gutenfeldt Or-
dini.
Plauten Eccle-
siæ.

Wolckaim Or-
dini.
Sehfeld Eccle-
siæ.
Pawlen &
Woppe Eccl.
Honite &
Wadeke Ord.

Koythyr Ord.
Stabonitè Ec-
clesiæ.

Gladiamsdorff
Ord.

Hanneshagen
Ord.

Workaym Eccl.
claf.

Grossendorff Eccl.
Rittersdorff
Nerwikien,
Rikawensdorff
Ord.

Szigelkē mō-
le Ecclesiaz.
Borchardis-
dorff Ord.
Curia Regosē
Eccl.

Sotlaukē Ord.
Catzen Eccl.

Lauterhagen
Eccl.
Hermanshaim
Ord.

Gallekolen,
Pelapen, Ne-
mus, Hege-
wald, Trute-
nau Ecclesiaz.
Craiffshaim,
Galindē Thun-
gen Ord.
Clausborkē &
Königsdorff
Ord.
Wufelacken &
Plausen Eccl.
Pakessenum
Eccl.

Pelinslawke,
Lauken, Lu-
czelaukē Ord.
Sandersdorff
Ord.

Stormhabel
Eccl.
Passyn, Weder-
kayn Ord.
Plausen Eccl.
Stroupen Ord.

Sogatiten Ord.
Tolnckendorff
Eccl.

hagen Ordini, & Workaim Ecclesia remanebunt. Demum proce-
dendum est ad arborem signatam, quae arbor vulgariter Hanbucht di-
citur, quae distinguit Willekaim & Workaim secundum antiquam
Possessionem Ecclesiae remanebunt. Transiendo ulterius ad riuulum
Grossendorff & Rittersdorff, & Nerwikien diuidentem, ita quod
ambae villa Grossendorff Ecclesiae, & Rittersdorff & Nerwikien &
Rikawensdorff Ordini remanebunt. Ecclesia uero prata sua ultra
riuulum praedictum usque ad riuulum Ilme debet, sicut hactenus habu-
it, ea possidere. Deinde eundem riuulum ascendendo ad limitem stan-
tem, apud eundem Ilme inter molendinum Szigelken & Ilme, dein-
de procedendum est, a limite molendinatorum, qui est iuxta fluuium
Ilme supradictum usque ad limitem Borchardi de Spirow, ita quod Mo-
lendinum Szigelken mole nuncupatum cum agris suis Ecclesiae, & libe-
ri seu Vasalli ibi prope morantes, ac Borchardisdorff Ordini, Curia
uero Regosen Ecclesiae permanebunt. Et ab inde procedendum est ad
granicem villa dicta Catzenum, & ulterius procedendo usque ad
campum illorum de Sotlauken, & ab inde ad fluuium Aluan, ita quod
Sotlauken Ordini, & Catzen Ecclesiae, secundum possessiones anti-
quas permanebunt. Demum Aluan ascendendo, ad illum locum ubi
Bona villa Lauterhagen terminantur, & Santglobe Vasallus Ordinis,
eadem bona Lauterhagen contingit, & inde procedendo ad limitem
Craiffeshaim, Hermanshaim, & Lauterhagen ita quod Lauterhagen
Ecclesiae & Hermanshaim Ordini permanebunt. Et deinde proce-
dendo ad limitem acialem, Galinden & Trutenau diuidentem, ita
quod Gallekolen, Palapen, & nemus dictum Hegewaldt & Villa
Trutenau Ecclesiae, & Craiffshaim, Galinden & Thungen Ordini
iuxta antiquas limitationes, & possessiones remanebunt. Deinde pro-
cedendum est usque ad graniciem Pelin, ita quod filij Clausborken &
Königsdorff Ordini, & Wufelauken & Plausen Ecclesiae remane-
bunt. A granicie uero Pelin procedendum est ad limitem acialem, di-
uidentem Sandendorff & Paluffenum; ita quod Paluffenum Eccle-
siae, & Pelinslawke, Lauken, & Luczelauken cum suis Possessionibus
Ordinis remanebunt. Demum procedendum est ad limitem San-
dersdorff & Stormhabel diuidentem, ita quod Sandersdorff Ordini,
& Stormhabel Ecclesiae remanebunt. Deinde procedendum est
ad Bona Ioannis Militis dicti Stroupen, secundum possessionem anti-
quam, ita quod Passyn & Wederkayn Ordini, & Villa Plausen Ec-
clesiae remanebunt. Et ab illo loco ad graniciem villa Tolniken pro-
cedendo secundum possessiones antiquas, ita quod Ioannes Stroupen
cum bonis suis Ordini, & Villa Plausen ut praefertur Ecclesiae rema-
nebunt. Ulterius uero procedendo ad graniciem illorum de Sparwein
ita quod Sogatiten Ordini, & Tolnckendorff Ecclesiae remanebunt.

Deinde

Deinde procedendum est ad limitem diuidentem Tolnckendorff, Warpelanken, & Sparwein, ita quod Tolnckendorff Ecclesia ut præmittitur, & Sparwein Ordini permanebunt. Demum procedendo secundum antiquos limites, ad graniciem signatam, ita quod Babatyn Ordini, & Warpelaucken Ecclesia permanebunt. Item incipiendo à recenti mari versus Elbingam ubi fluuius Narussa influit, Idem recens Mare & ab inde transeundum est ad fluuium dictum Bauda, & à Bauda usq; ad fluuium Passeriam alias Seria nuncupatum, secundum possessiones antiquas & limites. Deinde Seria ascendendo usq; ad ipsius ortum originale, à quo ortu præfata Seria directe proceditur, ad limitem in campo Korkasadall per Dominum Theodoricum de Aldenburg Generalem Magistrum Ordinis positum; à quo quidem limite, transeundum est secundum diametrum, seu lineam directam, ad syluam Cracotinum ita quod finis miliaris, à Castro Rossel per Nos mensurati seu positi, prope lacum Veder, tangatur diametro supradicto, & in quacunq; parte lacus per diametrum tanguntur, tunc qualibet pars iuxta lineam directam habeat partem suam, sic similiter fiat in lacubus ubi Passeria influit in eosdem. Sic tamen quod Ecclesia Varmiensis prædicta, suas Villas, videlicet Cathemedien, Ramotenn & Clausdorff integras, & eius dominationem, cum suis agris & possessionibus, debeat obtinere, directo transitu, à fine dicti miliaris prope Weder, ad dictum Nemus Crakotyn, non obstante. Item pronuntiamus ac etiam declaramus, quod Recens Mare inter Runam & Narussam usq; ad Nergam, in æquali latitudine utriq; partium prædictarum sit commune; sic & Seria seu Passeria ac alij fluuij bona Ecclesie & Ordinis diuidentes, similiter utriq; partium sint communes, sicut de recenti mari superius est expressum, cuilibet tamen parti suo litore reservato. Quicquid infra terminos Nostræ pronuntiationis præscriptæ includitur, ad Episcopum Capitulum & Ecclesiam Varmiensis pro sua parte, siue terrâ suâ Diocesis; quicquid verò extra hos terminos, ad Magistrum Præceptores & Ordinem debet perpetuis futuris temporibus pertinere: Arbitrantes & pronuntiantes nihilominus, quòd qualibet pars in suis terminis præscriptis contenta, aliam partem in suis terminis non impediatur, sub penis in Compromisso expressatis; reservatis etiam iuribus spiritualibus Domino Episcopo Varmienti prædicto, ac suis Successoribus, qui pro tempore fuerint, prout in literis Papalibus continetur. Quam quidem Pronuntiationem, Laudum, Arbitrium, & Definitionem per Nos Ioannem Decanum Glogouiensem prædictum, de voluntate, iussu, consensu, aliorum meorum Collegarum & Arbitratorum Latis, sententiatis, pronuntiatis, & in scriptis declaratis, Reuerendus in Christo Pater & Dominus Henricus Episcopus, & Honorabiles Viri Dominus Henricus Præpositus, Michael De-

SparweinOrd.

Babecin Ord.
Warpelaucken
Eccl. de Habo.

Korkasadall
& limites ibi-
dem.

Cracotin.

Habus,

Recipiunt lau-
dum Partes v.
tresq;

el Decanus, & Otto de Rufs Canonici, Procuratores Capituli Ecclesie Varmiensis, pro se & eadem Ecclesia sua; Nec non Magnus & Religiosus Princeps Dominus Frater Winricus de Kniprode Magister Generalis, & Honorabiles ac Religiosi Viri Fratres Wolfferamus de Balderschaim magnus Commendator, Rodigerus de Eluer summus Marschalcus, Vlricus Vlrikke summus Hospitalarius & in Elbingo, Conradus Zolner summus Trapiarius, & in Crisesborg, Theodericus de Budenberg in Thorn, Gotfridus de Lunde in Galga, Guntherus de Hohenstein in Brandenburg, Gerhardus in Ragnitz & Burchardus de Mansfeldt in Osterrode Commendatores & Præceptores, Ordinis supradicti, pro se & Ordine suo supradicto laudarunt, euulgarunt, & ex certa eorum scientia, per solennes stipulationes approbaverunt. Acta sunt hæc sub Anno Natiuitatis Domini Millesimo Trecentesimo Septuagesimo quarto, Indictione duodecima, Pontificatus Sanctissimi in Christo Patris & Domini Nostri Domini Gregorii Diuinâ prouidentia Papæ XI. Anno Quarto, Die XXVIII. Mensis Iulij, horâ tertiâ, in Castro Elbingensi Varmiensis Diocesis: Præsentibus Honorabilibus & discretis Viris Nicolao de Grotkau, Præposito in Gutstadt, Petro Damone Canonico Vladislauensi, Alberto de Creutzberg, Ioanne de Rosenberg Altaristâ Vratislauensis Ecclesie, Baldouino in Widnole Vratislau. Diocesis, & alijs pluribus fide dignis testibus ad præmissa &c.

Acta 1374.

Prata penes
Braunsberg.

Vorplanken.

Item pronuntiamus, arbitramur, & declaramus, sub penis compromissi, quod prata prope Bebir quæ petit Strube in parte Ecclesie debeant permanere. Item quod Nemus de quo est dissensio, inter Ecclesiam & Nerwiken ad Ecclesiam debeat pertinere. Item quod Tolinne seruitor Commendatoris in Thorn, in nemore prope Catzen decem Mansos à fine versus Radenau mensuratis obtinebit. Ita quod homines qui extirpatione arborum novos agros fecerunt, in eodem nemore per tempus tale quod vulgo dicitur Haynrecht, ad suos habebunt usufructus, reliqua verò portio eiusdem Nemoris in parte Ecclesie permanebit. Item à limite qui diuidit Galinden, Trutenau, & filios Clausborken, transeundum est usque ad graniciem in Pelicali transitu, sicut Dominus Commendator de Elbingo & Ioannes Miles de Leysa ante aliquot tempora ordinauerunt. Item quod Villa Vorplanken suum limitem, quem dicta villa Incolæ demonstrarunt, Commendatori in Elbingo, iugiter obtinebunt. Lata est hæc Nostra declaratio per nos Ioannem de Ilauia, de consensu, iussu, & mandato aliorum Collegarum & Coarbitrorum Nostrorum, Anno Indictione, Pontificatu, & loco, præmissis die XXIX. Mensis Iulij prædicti, Horâ quasi Vesperarum, præsentibus discretis Viris Dominis, Alberto de Creutzburg Altaristâ Vratislauensi, Nicolao Longi de Fridecke Culmensis Diocesis, Nicolao

Nicolaus Iawer, Sambiens. Conrado de Czanis Vladislauien. Diocesis Presbyteris testibus ad præmissa. Præsentes quoque literas, hoc præsens publicum Instrumentum continentes, per Notarios Publicos infra scribi et publicari mandauimus. Sigillorumque nostrorum appensione fecimus muniri, In euident testimonium omnium præmissorum, et constat Notario de interlinealibus descriptionibus, videlicet secundum antiquos limites inter XLIII. et XLV. lineas, à capite instrumenti computando positus, non vitij causâ sed erroris. Et ego Conradus Sefridi de Toppelwoden Clericus Vratislauensis Diocesis, publicus Imperiali Autoritate Notarius, præmissis, Dicto, Laudo, Arbitrio, Sententiæ, Definitioni, Pronuntiationi, Approbationi cæterisque alijs omnibus superscriptis, unâ cum Nicolao Leonis de Bischoffwerde Notario publico infra scripto, et testibus superscriptis, dum sic agerentur et fierent, præsens interfui, eaque sic fieri vidi, et audiui, et ad mandatum dictorum Dominorum Arbitrorum et partium prædictarum, præsens Publicum Instrumentum propriâ manu conscripsi, et in hanc publicam formam redegi, signo et nomine meis consuetis consignavi, in fidem et omnium præmissorum testimonium. Et ego Nicolaus quondam Petri Leonis de Bischoffwerde, Clericus Peshaniensis Diocesis, Publicus Imperiali Autoritate Notarius, præmissis, Dicto, Laudo, Sententiæ, Definitioni, Arbitrio, Pronuntiationi cæterisque omnibus alijs superscriptis unâ cum Conrado de Toppelwoden Notario Publico superscripto, et testibus superscriptis dum sic agerentur, præsens interfui, atque sic fieri vidi et audiui, et ad Mandatum dictorum Dominorum Arbitrorum, et requisitionem partium prædictarum, hic me subscripsi, et in hanc publicam formam redegi, signo et nomine meis solitis consignando, in fidem et testimonium omnium præmissorum. Et constat mihi Notario de Interlinealibus descriptionibus, videlicet secundum antiquos limites, inter XLIII. et XLV. lineas à capite instrumenti positas computando, non vitij causâ sed erroris. Nulli ergo omnino hominum liceat hanc paginam Nostræ Confirmationis et Commissionis infringere, vel ei ausu temerario contraire. Si quis autem hoc attentare præsumpserit, Indignationem Omnipotentis DEI, ac Beatorum Petri et Pauli Apostolorum eius, se nouerit incursum. Datum Auenione XIV. Calend. Martij, Pontificatus Nostri Anno quinto.

Notarius publicus Imperiali Autoritate.

Alter Notarius Publicus.

Auscultata et collationata sunt prænotata Innocentij VI. ex Gregorio XI. Bullæ, per me Balthasatum Stockfish, Imperiali Autoritate Notarium, et concordant cum Originalibus literis, quod præsentis manu propriâ attestor, de Verbo ad Verbum. Copia verò supra scripta concordie vulgaris, habetur in libro Priuilegiorum

rum Eccleſiæ Varmienſis Maiori folio CLXXIX. Bullas autem originales prædictus Reuerendiſſimus in Chriſto Pater & Dominus, D. Nicolaus Episcopus Varmienſis, Anno Domini, M. CD. LXXXII. die Veneris decimâ nonâ Menſis Aprilis apud Eccleſiam prædictam conſtitutus, Capitulo ſuo Venerabili tradidit ad conſeruandum.

Quod tam multa bona Eccleſiæ Episc. amiſerit in cōtempſu venit.

Etiam Capitulo ingratū propter familiam.

Ad primū reſponſum.
Ad ſecundum.

Postquam ergo luce meridianâ clarius omnibus apparet, Episcopum hunc Henricum Eccleſiæ ſuæ lura, non eâ diligentiam & ſolicitudine, tutatum fuiſſe, quemadmodum ab eius Antecellore factum fuit, quodq; multa palam ſibi adimi paſſus eſt, dummodo cum Ordine in quiete & amicitia, bonâq; Vicinia viueret, cæpit à multis paſſim contemni, idq; eò magis, quòd in Aula ſua, multam & inutilem familiam, ex nobilitate Bohemica aleret, quæ Vaſallis, moleſtias, damna, & iniurias inferebat. Sed nec cum Venerabili Capitulo illi ſatis benè conueniebat, quod abſq; illius ſcitu & conſenſu, ſupradictis tribus conformibus ſententijs, vltro ceſſerit & renuntiauerit. Quamobrem ſæpius cum illo Capitulares expoſtulârunt, eumq; monuerunt, vt ſcandalofam, & ſubditis valdè grauem, & moleſtam familiam, à ſe amoueret. Quo ad primum reſpondere ſolebat, *Præſtat habere il quam nihil.* Quo ad ſecundum morem geſſit Capitulo, & Bohemos ab Aulâ ſuâ oblegauit.

De Braunsbergienſium Rebellionem.

Braunsbergienſium conſideratio.

Rebellionem concipiunt
Magiſtro ſe tradere volunt

Magiſter reſpondit eis.

Detegit Machinationes eorū Episcopo

Cum Braunsbergienſes animaduertiffent, Magiſtrum Ordinis multa Episcopatus bona, cum aliquot oppidis ſibi viſurpâſſe, & Episcopum Sorbonum, alij Sorenbaum ſcribunt in tuendis luribus Eccleſiæ, Antecellore ſuo longè factum eſſe remiſſiorem; arbitrati ſunt, magis honorificum illis futurum, ſi non Sacerdotum, ſed Magiſtri Teutonicorum potiùs ſubditi eſſent, & vocarentur. Quamobrem miſſâ ad Magiſtrum Legatione, ſe in illius poteſtatem cum bonis omnibus libenter conſeſſuros, ſi eos in fidem reciperet, ac luribus & Libertatibus ſuis vti permetteret; Reſpondit Magiſter, non decere omninò, vt eos pro ſubditis reciperet, qui ſucceſſu temporis, pari leuitate ducti, à ſe quoq; ad alios deficere poſſent; diſcederent itaq; & ipſi ſua potiùs curarent. Re per Magiſtrum Ordinis ad Episcopum delatâ, cùm quid machinarentur Braunsbergienſes,

fer: didicisset, statim *Braunsbergam* cum triginta tantum aulicorum comitatu accurrit; Magistratum ad se citatum & comparentem, illi nequitiam, & prodicionis nefariae crimen objicit; quod cum negare non possent, veniam sibi dari petierunt. Episcopus inuncta eis leui multa, pro facinore tam graui, illos abire iussit: quibus in Prætorium reuersis, cum Populus ex illis scire veller, quid in tanti momenti negotio constituisset Episcopus? illi cum magna querimoniâ, & eiulatu ad vulgum detulerunt, quod Episcopus Ciuitatem destruere, illosq; trucidare decreuisset: quamobrem quicunq; posset, se vitamq; suam quilibet contra Episcopi tyrannidem, defenderet ac tueretur; Datum est deinde signum tumultus campanâ Prætorij: Ciues, plebs, & omnis, incondita multitudo, arreptis gladijs, hastis & fustibus, ad Arcem cucurrit, vt Episcopum occideret; cumq; fossâ ruderibus oppletâ, portam Arcis effregissent, vt se præsentî periculo eriperet Episcopus, per posticum, fune è muro demissus, pedum celeritate salutem quæsiuit. Eam rebellionem vt vlcisceretur Episcopus, & insigne aliquod Exemplum in Braunsbergenses statueret, Ordinis Magister eum diligenter admonuit: qui consilio cum suis communicato secreta, coactisq; nonnullis partim ex Vasallis Ecclesiæ, partim ex amicis, qui rei indignitate commoti sponte confluxerant, equestribus copijs, & aliquot Peditum turmis, *Braunsbergam* perrexit, eamq; obsedit: Interea denuò Braunsbergenses, Magistri Ordinis, in quo spei plurimum collocauerant, opem & auxilium contra Episcopum, supplices implorabant; sed cum ab eo responsum retulissent, quod Proditores iuuare & tueri noller, sed potius ad eos coërcendos, operâ suâ præstò adesse veller Domino Episcopo, eâ re vehementer exterriti, aliâ ratione rebus suis præsidium quærere constituerunt: Quamobrem ij qui in senatu erant positi, fune ad collum appenso, capite detecto, nudis pedibus, genibus reptantes, extra Ciuitatem ad Episcopum in Castra peruenerunt, sibiq; misericorditer ignosci petierunt; Quod etiam ab Episcopo ijs conditionibus impetrarunt; nempe, vt omnia damna ratione tumultus illata resarcirent. Vt murum iustæ altitudinis, quem diruerant, cum turribus, Ciuitatem versus denuò è solidis lateribus excitarent. Vt Armis quibus contra Dominum suum nefariè sunt abusi, & campanâ Senatoriâ & Prætoriali, quâ Plebem ad seditionem excitauerunt, priuarentur. Ad extremum vt pro expensis belli Domino Episcopo, duo millia florenorum Vngaricorum; vel mille Marcas (nam decem grossi argenti puri vnum Vngari-

Episc. Braunsbergâ accurrit
Magistratui exprobrat nequitiam.

Magistratus coram populo falsa relato

Datur signum tumultus.

Aggreditur Popul' arcem

Episcopus fune dimissus fugit.

Ne impune id prætermittat Episc. à Magistro admonetur.

Episc. Braunsbergam obsedit.

Ad Magistrum recurrunt. Resquit eos Magister.

Authores tumultus fune ad collum appenso misericordiam petunt

Dat veniâ Episcopus certis conditionibus Prima.

Secunda.

Tertia.

cum florenum conſtituebant) intra vnius anni terminum perſoluere tenerentur. His conditionibus ſatiſfecerunt Braunsbergenses, atq; ita omnia ſunt ſopita.

Magiſter Val-
lenrode Dei A-
micus Cleri I-
nemicus.
Exactiones
Cleri.

Eius Bella.

Memel & Ra-
gnet fortificat.
Episcopi Va-
ſallos oppri-
mit.

Inobedientes
ſibi, manibus
pedibusq; trū-
cat.
Res inaudita.

Ob terrorem
mille Viros ad
labores affi-
gnant.

Omnes iſti
periere ad Me-
mellam.

Henrici ædifi-
cia ædificata.

Collegiata Gu-
ſtad. & Biſch-
ſteinen. con-
ſtructa.

Magnum mi-
raculum.

Mors Episco-
pi Henrici.

Huius Episcopi tempore, fuit in Magiſtrum Ordinis ele-
ctus ſuperbus ac execrabilis Tyrannus *Conradus Valrader* (ali-
is *Vallenrode*) qui ſe publicè DE I amicum, & totius Cleri ini-
micum appellabat & profitebatur. Huic quilibet ex Eccleſi-
aſticis ſui ſtatus, pro honorario Menſæ, triginta plus minus,
prout ille iudicaret, aureos Rhenenſes, pendere coactus fuit.
Quanta pecuniæ vis hinc collecta, & in quos uſus conuerſa
fuerit, copioſius in eius vitæ deſcriptione continetur. Geſſit
is cum *Samogitis* & *Lithuanis*, qui nondum Chriſto nomina
dederant, bella plurima; utq; ab eorum excuſſionibus eſſet tu-
tior, arcem *Memel* & *Ragnet*, foſſis & muris altiffimis munire
cepit. Ad eas operas præſtandas, Episcopi quoq; Vaſallos
& Ruſticos cogere inſtituit: cumq; huic eius cupiditati reſiſte-
ret Episcopus, ille plurimos Equites, in Episcopatus bona im-
miſit, & ruſticis qui operibus in ſyluis intenti, duris eius man-
datis parere recuſabant, inaudito crudelitatis genere, manus
& pedes præcidi iuſſit. Erat horrendum & miſerabile ſpecta-
culum, videre in ſyluis tot ruſticos, manibus & pedibus am-
putatis iacentes, & cælum eiulatibus ferientes. Ea res tan-
tum terrorem miſeris incolis incuſſit; ut quingentos Viros
proprijs expenſis conductos, *Memelam* verſus, & totidem *Ra-
gnetam* miſerint, qui operas hæc præſtarent. Cæterum ij
qui erant ad *Memelam*, cum *Samogita* ex inſidijs in eos irruif-
ſent, Die Corporis Chriſti, omnes ad vnum interfecti miſe-
rè perierunt.

Episcopus hic *Henricus*, in interiore Arcis *Heiſſpergenſis*
parte, curritorium ſeu ambulatorium, teſtudine perfecit &
conſummauit; Idem *Reſſelij* quoq; & *Seburgi* præſtitit; *Heiſ-
perga* quoq; aquæ ductus procurauit, & exteriorem partem Ar-
cis muro cinxit. Ciuitatem *Vartemburgenſem*, *Biſchteinum* mu-
ro circumdari præcepit. Collegiatam *Guſtadien*. Eccleſiam
& alias plures ædificauit, inter alias quoq; illam *Biſchſteinen-
ſem*, quam cum paulò ante obitum ſuum dedicâſſet, & in eâ
ad Altare, quod in ingreſſu ad ſiniſtram eſt poſitum, Miſſam au-
diret; in ipſa eleuatione, Sacro Sancta Hoſtiâ, guttas aliquot
ſanguinis ſtillauit; quam etiam ob Cauſam Altare illud, Sacri
Sanguinis appellatur, ad quod Miracula multa Diuinitus exhi-
bebantur. Poſtea in ſequenti Anno qui fuit M. CD. I. idem
Dominus Episcopus feliciter in Domino obdormiuit *Heiſſperga*,
die

die 13. Ianuarij, sepultus in Ecclesia Varmiensi, ante Chorum, sub lapide albo, vnâ cum Fratre præposito Varmiensi requiescit. Hic à *Carolo IV.* pro se & quolibet Episcopo Varmiensi, accepit titulum Principis Romani Imperij.

*Hic malè partitur Bona: nam sex millia perdit
Manforum, multosq; lacus. Compescit iniquos
Brunsbergæ motus; nam torto ad colla Rebelles
Fune, petunt veniam, edocti non temnere Diuos.*

X.
HENRICVS IV.



HENRICVS IV. dictus *Heilsberg de Vogelsang*, Iuris
vtriusq; Doctor, & Canonicus *Varmiensis*, pacificam E-
piscopa-

Electio Epi-
scopi,

Insignis clades
Crucigerorum
ad Tanneber-
gam 15. Iulij
1410.

Episcopus sup-
plicat Regi
pro se & sub-
ditis.

Magister Ord.
Episc. crimen
Proditoris
obijcit.

Minatur mor-
tem Episcopo.

Episc. e mentio
habitu iram
Magistri eua-
dit.

Ad Imperato-
rem recurrit
& contra Ma-
gistrum con-
queritur.

Magister con-
demnatus pæ-
nâ talionis.

Pro fructibus
acceptis & da-
mnis illatis Im-
perator decre-
tat Magistrum
50000. Vnga-
ricorum pænâ

piscopatûs possessionem adeptus, in Parochiali Ecclesiâ *Heilsbergensi* in Episcopum die 26. Martij. Anno 1401. legitime consecratus fuit. Eius tempore Ordo Cruciferorum insignem cladem, apud *Tannebergam* accepit, in qua supremus Magister *Vlricus de Iungingen* die 15. Iulij, Anno 1410. cum Sexcentis Ordinis sui Fratribus, & quadraginta militum millibus occidione deletus est. Partâ adeo memorabili Victoriâ, *Vladislaus Rex Marieburgam* versus, *Vitoudus* autem *Regiomontem* copias movit, in itinere flammâ & ferro passim omnia populatus; qui cum *Varmiensem* tractum attigisset, Episcopus cum aliquot Canonici illi occurrit, petijtq; ut à cæde & vastatione suorum abstineret, qui nullam unquam belli causam præberent. Quod quidem factum est; quanquam à *Vitoudianis* eam pacem, multâ æris, argenti & auri signati quantitate, redimere coactus fuit; ita ut in eum usum, calices & alia Sacra, Divinoq; cultui dedicata argentea vasa, conflare necesse habuerit. Postea verò cum exercitus è *Prussia* in *Poloniam*, ad auertendas *Sigismundi Hungariæ* Regis excursions, movisset; cepit *Henricus Reuss de Plawen* (qui sibi Magni Magistri munus & auctoritatem usurpauerat) in Episcopum acriter insurgere, illiq; crimen proditoris palam impingere, quòd cum Hoste clanculum conuenerit, ut bonis Episcopatûs intactis, vim omnem ad Ordinis damna & destructionem conuerteret. Quamvis autem Episcopus, de ijs quæ illi obijciebantur, abundè innocentiam suam comprobaret, nullum his tamen Magister, apud se locum dedit, immò denunciari iussit, se eum tanquam Proditorum interfectorum collectisq; viribus Episcopatûs Bona, per vim inuasit, oppida & arces diripuit, subditosq; sibi tributarios fecit, ac ne Episcopus elaberetur, sed viuis in potestatem suam veniret, omnes aditus & vias obseruari & præcludi iussit. Cæterum Episcopus habitu pauperis Mercatoris assumpto, exiguâ scaphâ, *Braunsbergâ* *Gedanum*, deinde *Lubecam*, delatus; postea ad Imperatorem *Sigismundum* peruenit; apud quem de summâ vi illatâ grauiter conquestus, litem Magistro per quatuor annos intentauit. Cumq; Magister probare non posset, Episcopum aliquid proditoriè egisse, condemnatus à Cæsare, pænâ talionis fuit; utq; pro quadriennij fructibus perceptis, & damnis Ecclesiæ *Varmiensis* illatis, Episcopo quinquaginta Vngaricorum aureorum millia, vel viginti quinq; Marcarum millia (nam decem grossi puri argenti vnum Vngaricum constituunt) absq; vllâ tergiuersatione numeraret. Atq; ita Episcopus reuersus omnia sua recuperavit, exceptis Quinquaginta Vngaricorum

Corum millibus, quorum solutio executioni mandata non fuit. Magister Ordinis constituerat in Episcopatu Generalem Aduocatam Fratrem *Lucam de Helfstein*, qui Vasallos diuersis mulctarum generibus, adeò emunxit, ut spatio quatuor annorum, ad quinquaginta octo marcarum millia (prout ex rationibus constitit) sibi usurpauerit. Porro Episcopus eodem Anno quo domum reuersus est *Heilsbergæ* diem extremam clausit, & in Ecclesiâ *Varmiensi* sepultus est, Anno videlicet 1415. Mense Iunio.

Damna illata
Vasallis.

Mors Episcopi.

*Obuius armato Iagelloni atq; Vitoldo,
Exorat pacem pro se; hinc liuore Magistri
Theutonici petitur: mentito habitu fugit, Exul
Litigat, & Victor redit, at mox viuere cessat.*

XI.

IOANNES III.

IOANNES III. *Abezier* dictus, Patriâ Thorunienſis, I. V. D. Præpositus & Canonicus *Varmiensis*. *Martini V.* Pont: Maximi Camerarius Apostolicus, concordibus Capitularium studiis die 8. Iunii, 1415. electus, & in Constantiensi Concilio, ab Archiepiscopo Rigenſi, Episcopus est consecratus. Huic Concilio, *Vladislaus Rex Poloniae* ex vnâ, & summus Magister, cum suo Teutonicorum Ordine partibus ab alterâ, differentias quas habebant inuicem, decidendas permiserunt. Oratores Poloni, querelam longissimo scripto comprehensam, in medium attulerunt; Contra Magister & Ordo, Reuerendissimum *D. Ioannem Wollenratum* Archiepiscopum *Rigenſem*, ut causam illorum in Concilio tueretur, instruxerunt: Qui non solû cõtra Polonorum Querelas, se planè ex aduerso opposuit; sed etiam copiosè enumerauit, varias & multiplices, ac graues iniurias, quas Theutonicus Ordo, indecèti ratione & modo, in *Liouia* exercebat; atq; in eum finem, totius Orationis suæ seriem ordinauerat, ut Orbi Vniuerso persuaderet Teutonicos non solû nō esse Defensores, sed potius magnos Ecclesiastici Ordinis esse Persequutores & Oppressores. *Poloni* contra ea quæ in illos dicebantur, solenni ratione protestati sunt. Responsum datum est Partibus, quatenus quarto die, ad sententiam audien-

Eligitur Ioannes concordibus studiis.
Concilium Constant.

Differentiæ inter Regem Pol. & Magistrum Concilio decidendæ offeruntur.

Querelæ Polonorum.
Vicissim Magistri.

Cruciferi demonstrantur Oppressores Ecclesiæ.

Dilatio ad quartam diem

dam,

Episc Varmi-
ens. defert Ma-
gistro in quib⁹
terminis sint
res illius.

dam, comparerent. Cæterum nouus Episcopus Varmiensis, cum videret quantum in eo positum esset, si Cruciferos, in quorum viciniâ illi manendum erat, sibi Amicos & Beneuolos redderet, inter alia Officia fecit etiam hoc; vt ad Magistrum Ordinis, per Nuntium magnis itineribus de industriâ missum, de omnibus ijs quam celerrimè referret, quæ ad *Polonorum* Querimonias, ab Archiepiscopo Rigenfi prolata fue-



Magister com-
mittit illi pro-
tectione Cau-
sa suæ.

Suscipit pro-
tectionem.

runt, & quibus interminis Negotium illorum versaretur? Respondit illi statim Magister, pro tam amico erga se & Ordinem suum Affectu, gratias egit, petijtq; vt deinceps Causam hanc eorum ita promoueret, vt ad optatum exitum deduci posset; se vicissim omnia facturum, quæ ad veræ Amicitia, bonæq; vicinitatis lura conseruanda pertinerent. Episcopus itaq; Causam Cruciferorum tuendam suscepit, qui apud Pontificem,
tum

tum etiam in Concilio præsentem, gratiâ non parùm valebat, quòd esset *Auditor Rota*, eoq; rem deduxit, vt Pontifex cum Concilio, Negotij huius tractationem suspenderet, donec Commissarij pro diligentiori omnium inuestigatione eò mitterentur. Interea soluto Concilio, Episcopus ad residentiam suam *Heilspergam* veniens, Magnâ Fratrum Teutonicorum lætitiâ beneuolentiâque, ob nauatam illis egregiè operam, exceptus est: Quòd cum vidissent DD. Capitulares, monuerunt sæpiùs Episcopum, vt quinquaginta milliâ Ducatorum Hungaricorum, ad quæ Ecclesiæ *Varmiensi*, Decreto *Sigismundi* Cæsaris soluenda tenebantur, ab Ordinis Magistro repeteret. Porro Episcopus, nondùm esse negotij aggrediendi tempus, respondebat, quando quidem cum *Polonis*, *Teutonicis* bello adhuc implicati essent, nihil ab illis proculdubio obtineri posse; reiiciendum id potiùs in aliud tempus, quo ad Pacem, aut ad aliquam Complanationem deueniretur.

Non multò post Cruciferi ad ingenium & naturam reuersi, cæperunt Episcopum & Ecclesiæ Bona vexare & persequi; conclusum est itaq; consilio Capituli, vt Episcopus ipsemet, ad Pontificem & Cæsarem proficisceretur, ab illisq; contra vim & Potentiam Ordinis, opem & auxilium exposceret, atq; imploreret. Cumq; iam Episcopus se in viam dedisset, & *Thoronium* peruenisset, misit ad eum Ordinis Magister orans, vt à capto desisteret, nullaq; externa prælidia quæreret, Paratum se esse, ad Negotium hoc amicè componendum, Iustitiâq; administrandam, ne Ordo, quòd Ecclesiasticos persequeretur, in maius odium, & Contemptum, apud Christianos adducatur. His persuasionibus facillè dedit Episcopus locum, & *Heilspergam* reuersus est.

Sub hæc tempora, *Vicleffistarum* nefanda Hæresis in has oras irrupit, multumq; mali & licentiæ inter vulgum disseminauit: Nam plurimi qui huic sectæ nomina dabant, à recto veri Euangelij tramite recedentes, Ecclesias non frequentabant, Sacramenta irridebant & contemnebant, præsertim Sacrosanctum Missæ Sacrificium, in cuius contemptum, manè Dominicis & festiuis diebus surgentes, loco Ecclesiæ, tabernas in quibus Ceruisia vel Mulsu propinatur ingressi, sese ingurgitabant; & sic benè poti, in contemptum DEI, Ecclesiæ, & Sanctorum, cantilenas Hæreticas passim occinebant. Porro vt DEVS omnipotens ostenderet quòd impietatem detestatur, & malos punit, permisit vt Maligni Spiritus multa horrenda, non solum in Castris & Arcibus, spectrorum specie apparentes, perpe-

F

trarent;

Commissarios pro cognitione causæ petit & obtinuit.

Redux in Episcopatu egregie excipitur à Fratribus Ordinis. Episcopus monetur à Canonicis vt repetat 50000. Aurorum Responsum Episc.

Ingratitudo Crucigerorū.

Suadent Canonici vt Episc. cōqueratur coram Papa. Episcopus accingitur itineri.

Prosequitur eum Thoronium Magister omnia se pro libitu eius facturū promittens.

Apertitur Episcopus.

Hæresis Vicleffitarū, in Prusiam allabitur.

A multis apprehenditur.

Pœna peccati,

trarent; sed homines quoq; inter edendum & bibendum ingressi, eos mirum in modum cruciarent, vt in rabiem & insaniam versi, more canum per plateas discurrentes, horribili voce inclamarent, *Quod quærebamus inuenimus*. Alij in ignem insilientes cremabantur, alij in flumina & puteos se præcipites dabant, & suffocabantur. In summa, tantus terror hac ultione Diuinâ hominibus est iniectus, vt nemo deinceps non modò ante, sed nec post Missam quidem, cibum vel potum attingere auderet; quòd eiusmodi insanie morbo, inter edendum & bibendum homines corripiebantur.

Synodus Provincialis celebratur.

Antiquissimus usus aquæ benedictæ & eius effectus.

Huius itaq; Episcopi autoritate, coacta est Synodus Provincialis, cui cæteri quoq; qui sunt in Prussia Episcopi interfuerunt, in qua inter cætera constitutum etiam hoc fuit, vt ne quod ante missæ sacrum diebus festiuis, venale esculentum vel poculentum proponeretur, excepto usu infirmorum, vel peregrinantium. Item vt singulis Dominicis vel festiuis diebus, Monachi vel Vicarij Sacerdotes, domos obirent circa horam octauam, & aquâ lustrali homines & cibos aspergerent, & modicum benedicti salis, pro ciborum aspersione ibidem relinquerent. Qui id adhibebant, à periculo supradictæ infirmitatis tuti & illæsi reddebantur. Vnde fiebat vt salis & Aquæ exorcisatæ vsus frequenter haberetur, cuius eam quantitatem quilibet Paterfamilias, à Sacerdote, die Dominico benedici procurabat, quæ pro integra Hebdomadâ sufficeret, Sacerdotibus autem qui munus hoc præstabant, eleemosinæ nomine aliquid, ex beneplacito cuiuslibet, conferebatur, Postea tamen id lucri pro sustentatione Ludimagistrorum cessit, qui vicatim & ostiatim incolarum domos aspergentes, obolum emerebantur. Hæc memorabilis, iusta tamen Diuina ultio, plurimos deterruit, ab amplectenda *Vicleffitarum* Hæresi, quâ relictâ ad vnitatem & obedientiam Sanctæ Catholicæ Romanæ Ecclesiæ reuertebantur.

In Arce Christburgensi Dæmones tumultus excitant.

Occasio huius rei.

Eodem quoq; tempore, Dæmones in Arce & munitione *Christburgensi*, adeò horrendos tumultus excitârunt, vt nemo hominum manere isthic posset. Res autem ita se habuit. Cum Crucigeri deliberarent de Prælio Polonis ad *Tannebergam* exhibendo, inter alios, Frater *Albertius Swarczemburgi* Dominus, & Commendator *Christburgensis* (Vir prudens & egregius, nisi nouis exactionibus, contra Prouinciæ Iura subditis nimium grauis fuisset) vehementer dissuadebat, ne huiusmodi bello cum Polonis decerneretur; Fieri quidem posse vt hostem superarent: sin minùs, Prouinciâ hanc illorum in extremum discer-

discrimen adductam iri, multis rationibus ostendebat, melius esse aleam dimicationis non subire; occasionem potius rei bene gerendæ expectandam, domi interea in bona custodia remanendum esse censebat. Sed eius consilium non admittebatur; cumq; indignabundus ad locum Prælij cum supremo Magistro profecturus, equum conscendisset, & interrogaretur à Militiæ Præfecto, cuinam Arcis custodiam relinqueret; Irâ percitus **Tibi inquit & Diabolis** omnibus, tum militiæ Præfectus illicò expiravit, & in Arce horribiles sonitus exaudiri, & spectra apparere talia cæperunt, vt nemo isthic hære diutius potuerit, his de causis maxime. *Primò* cùm Crucigeri ad sumendum cibum assedissent, statim nescitur vnde, fercula cruore perfusa videbantur, id autem non fiebat, cùm extra Arcem, in Ciuitate cibus ab iisdem fumebatur. *Secundò*. Frater *Gualterius* Commendator *Frauenburgicus*, nocturno tempore in Arcis puteo manibus appensus fuit, vt inde maximo labore vix educi potuerit. *Tertiò*. Commendator Arcis è lectulo correptus, in fastigio altissimæ turris positus, non absq; summo vitæ periculo, inde euasit. *Quartò* eiusdem Commendatoris in hac ipsa Arce, prolixior barba accensa, extingui non potuit, nisi bene combusta, curationem vix demùm admisit. Commendator verò Arce excedēs, eò sibi amplius redeundum non putauit; Perterriti alij mansionem, sed idem omnibus euenit, vt nullus deinceps isthic Commendator constitueretur. *Quintò* Accidit sæpius, vt famuli stabulum ingredi cupientes, in cameram in qua farina seruabatur delati, à stabuli ingressu excluderentur. *Sextò*: sæpius etiam Canum & luporum eiulatus & latratus, ibidem tanto cum terrore auditi, vt multi illicò, timore perterriti expirauerint. Atq; ita insignis illa & bene munita Arx, in hodiernum diem inhabitabilis & desolata remansit. *Ioannes* autem Episcopus plenus dierum *Heilsbergæ* Vitâ functus est, Anno 1424. die 11. Febr. & in Ecclesia Varmiensi honorificè sepultus, quiescit.

Horrenda res.

Fercula cruore perfusa.

In puteo manibus appensus.

Barba accensa extingui non potuit.

Ingressus stabuli denegatus

Eiulatus Canum luporum exauditi.

Mors Episcopi.

Causarum Auditor Papæ Cameræq; Minister Martini Quinti, cuius Germania suadam In Constantina Synodo miratur, ibidem Consecratus, Oves exemplo rexit & ore.

FRANCISCVS
KVHSCHMALTZ.

Eligitur ex Ca-
nonicis Fran-
ciscus Episc.

Pater Patriæ
habitus.

FRANCISCVS KVHSCHMALTZ *Rosseliensis* Fa-
bri ferrarij filius, Præpositus & Canonicus Varmienſis, à
Capitulo die xiiij. Feb. Anno 1424. electus, à Sede Apoſto-
licâ confirmatus, in Parochiali Ecclesia *Heilſpergenſi* ordinatus
Episcopus fuit. Hic non tam Dominum, quàm Patrem se sub-
ditis declaravit, cuius rei non obscura argumenta, vel in hoc
vno egregio facinore edidit. Nam cum integris duobus ab
assumpto Episcopatu annis, diuinâ quadam ultione in Prussia,
præfer-

præsertim in ditionibus huic Ecclesiæ subiectis, tabifica quædam lues, equos & iumenta ita absumpsisset, ut equum in partibus his videre, miraculi loco duceretur, è Suecia Sexcenta & ex vicina *Masouia* Noningenta iumenta huiusmodi, sumptibus proprijs adducenda curauit, quæ postea inter miseros colonos, pro paterna charitate liberaliter distribuit.

Equos coemit
& inter subdi-
tos distribuit.

Ad Synodum Oecumenicam Constantiensem, quæ contra *Ioannis Hussi* & *Hieronymi Pragensis*, ac alias emergentes Hæreses, indicta & congregata fuit, ab omnibus in Prussia Episcopis, designatus & missus est, cui in sumptus, ab omnibus Episcopis Prusiæ, aliquot marcerum millia collata fuere. *Ioannes Cochleus* Canonicus Vratislaviensis, qui Martinum Lutherum, pestiferum hæresis dogma in Germania spargentem, erudito refutauit calamo, librumq; de Actis, scriptis eiusdem, publici Iuris fecit; in Historia Hussitarum memorat mihi *Lib. 2. Fol. 110.* Cum Ioannes Hussus Bohemus Sacerdos, peruicacissimè in Concilio Constantienti hæresim suam propugnaret, nullatenusq; ad saniolem flecti posset mentem, ut suos errores abiuraret reuocaretq; tandem instaurato contra eum, cui aderat præsens *Sigismundus Imperator* iudicio, damnatus est ad ignem, priusquam huic dederetur noxæ, celebrata est solennis eius degradatio, ad quam à Concilio designatus erat cum alijs Episcopis, *Franciscus* Episcopus Varmiensis.

Ad Synodum
Constantiensem
designatur.

Degradationi
Hussi à Con-
cilio designatus
erat Franciscus
Episc. Varm.

Reuersus è Concilio, ad euulganda eiusdem contra Hussitarum Hæresim decreta, *Heilsperga* Synodum Diocesanam indixit, quod Prælati, Parochi, alijq; Sacerdotes, numero M. CC. XI. conuenire: nam tum in Diocesi Varmiensis, quæ ad Pregelam fluuium, & *Vilnensis* ac *Plocensis* Episcopatus fines protendebatur, circiter Sexcentæ Parochiæ numerabantur. Ad conseruanda mutuæ amicitia, bonæ vicinitatis lura, sæpius cum Venerabili Capitulo, pro Magistro eiusq; Ordine legationibus perfunctus, parùm inde gratiam retulit: Nam cum Ordinis Magistro *Conrado de Erlichshausen*, tria millia & quingentos Ducatos Hungaricos mutuò dedisset, ille ad malam informationem, à *Nicolao V.* Pontif. Maximo, Bullam obtinuit, per quam illi concedebatur, ut duos Ordinis sui Fratres in Collegium Varmienfe cooptare, & illi aggregare posset. Contra hoc Venerabile Capitulum, solenni protestatione interpositâ, ad Sedem Apostolicam appellauit, Magistrum citauit, qui Causâ cecidit, & supra nominata Bulla cassata & reuocata fuit. In decisione litis huius vtrinq; ad Duodecim millia consumpta fuere. Ab eo tempore, Venerabile Capitulum parùm fidere

Reuersus Sy-
nodum Heil-
spergæ indicit
Cui adfuere
1211. Sacer-
dotes.

Pro Magistro
multas legati-
ones obiit.
Magistro Ord.
3500. Duca-
tos mutuò
dat.
Magister loco
gratitudinis cō-
tra lura Eccle-
siæ eius, obti-
nuit Romæ ut
duos suos Fra-
tres Canonicos
Varm. creare
posset.
Citatus Romæ
causâ cecidit.
Diffidentia Ca-
pituli cum E-
piscopo.

Admonebatur
à Capitulo.

cæpit Episcopo, quòd plurimis in rebus, magis Ordinis Magistro, quàm Ecclesiæ commodis, se addictum esse ostenderet. Quamobrem Capitulariter Officij fuit admonitus, ut sibi caueret, ne nimia Magistri familiaritate & amicitia, se Ecclesiamq; suam, in discrimen & periculum adduceret, quam tamen admonitionem non adeò magni facere visus est.

Rebellio Ru-
sticorum per
Aduocatum
factam,

Exercebat tunc temporis Aduocati generalis in Episcopatu Officium, Frater *Gumprechtus de Losenstein* Teutonici Ordinis, qui rusticos *Braunsbergensis* & *Melsacensis* districtus, ad Rebellionem concitauerat, ut nullas deinceps operas rusticas Dominis præstare vellent (*Sonnevalde, Gabelin, & Lichtenualde* pagis duntaxat exceptis) palamq; iactarent, se vbi Capitulo dimidiam marcam census persoluissent, ad alia onera subeunda minimè teneri, quam libertatem se breui recuperaturos pollicebantur. Ea rebellio cùm in Annum protracta esset, Episcopus Primores pagorum ad se vocari iussit, & productis Oeconomix libris, quantum soluere, & quas operas præstare deberent, illis apertè demonstrauit. Neq; tamen hoc iuuuit, cumq; eos magis etiam obstinatè agere videret, præcipuos eorum Duces, capi & comprehendere præcepit, & ligatos partim *Allesteinum* partim *Scheburgum* carcere & turri coercendos, ablegauit, infimos verò quosq; *Heilspergæ* in turrim coniecit, panemq; & aquam duntaxat sustentauit; sic aliquamdiu fame macerati, erga superiores se mitius gerere cæperunt, illisq; deinceps obedire, & officia debita præstare promiserunt. Atq; ita ad nonnullorum preces, dimissi è Carceribus fuerunt. Præcipui tamen Rebellionis Antesignani, exilio mulcati, alij alijs pænis affecti, ad officium reducti sunt.

Episc. Primo-
res Pagorum
conuocat,

Duces capi &
comprehendi
iubet.

Incarcerat &
solo pane & a-
quâ macerat.

Antesignani
in exilio pulſe

Episcopus Adu-
ocatum accu-
ſat coram Ma-
gistro quem
punit.

Libera electio
Aduocati Epi-
ſcopo restitu-
itur in futu-
rum.

Arx Heilsp-
ergensis conſa-
grauit.

Postea Episcopus Aduocatum Episcopatus, tanquam turbarum harum Incentorem & Architectum (quibus nili maturè obuiam itum fuisset, magnum proculdubio Incendium excitari poterat) coram Ordinis Magistro grauiter accusauit; Qui factum hoc Aduocati, adeò ægrè tulit, ut eum non solum ex Officio deposuerit, verum etiam liberam facultatem Episcopo concesserit, imposterum Aduocatum Episcopatus eum constituendi, quem ipse & Capitulum eligendum existimaret. Insuper & obligationem *Eberhardi* Episcopi, quâ cauebatur, ut Aduocatus eiusmodi, è Cruciferorum Ordine assumeretur, illi restituit. Ab eo tempore Officium hoc, aliquis ex Nobilibus huius Episcopatus gessit & administravit.

Anno Dñi. M. CD. XLII. Cùm Episcopus *Franciscus* esset in Germania, Arx Heilspergensis conſagravit, & fornices colla-

collapsæ, alias quoq; concamerationes ruderibus & ruinis oppresserunt.

Quandoquidem Episcopus hic, cum Magistro Ordinis Teutonicorum coniunctissimè vivebat, institit sæpius Venerabile Capitulum, vt ab illo viginti quinq; millia Marcarum, quæ ex decreto Cæsaris, Ecclesiæ Varmiensis soluere debebat, Episcopus repeteret. Sed cum is negotium de die in diem differret, nihil effici potuit; quòd Ordinis Fratres offendere nollet.

In huius Episcopi tempora, incidit atrox & imane, quod annis tredecim durauit, bellum, occasione Societatis Nobilium & Ordinum Prusis, qui Cruciferos extirpare, & penitus in nihilum redigere volebant. Et quoniam Episcopus indissolubili quodam amicitie vinculo, Teutonicis Fratribus adhærebat, illisq; vires suas adiungebat, maximum apud Pruthenicam Nobilitatem sibi conflauit odium, palamq; dicebatur, Episcopum propter differentiam, quæ ex occasione cuiusdam lacus, cum *Ioanne de Baisen* Equite intercesserat, præcipuam causam huic bello dedisse. *Ioannes* hic de *Baisen*, filius erat optimi Equitis de *Hantsche*, *Conradi de Zeiligen* appellati, qui post cladem illam *Tannenbergensem*, à Villa *Baisen* Cameratus *Vormditenensis* (quam Episcopus *Henricus* primùm illi aliquot florenum *Rhemensium* millibus oppignorauerat, deinde vendiderat) nomen *Baisensis*, sibi & Successoribus suis, in hunc vsq; diem acquisiuit. *Ioannes* hic itaq; *Baisensis*, multo tempore seruiuit *Petro Aragonia Regi*, qui tunc temporis, cum *Mauris* atrox bellum gerebat. Accidit semel vt vtrinq; post vehementem & sanguinolentam in acie dimicationem, absq; victoriâ certâ discendum esset: Quamobrem conuenit inter Exercituum Duces, vt duo vtrinq; delecti Milites, de summa rerum, singulari certamine dimicarent, si *Christianus* vinceret, *Mauri*, *Aragonum Regi* Tributarij essent, sin *Maurus* victoriam reportasset, *Aragonij*, *Mauris* annuatim tributum penderent. Prodiit è *Maurus* in arenam, Vir animo & robore præstans; cum quo qui congregari vellet, cum è nostris nullus reperiretur, hic ipse *Ioannes Baisensis* descendit in pugnam, & *Maurum* virtute & armorum peritiâ, in eas redegit angustias, vt se illi dedere coactus fuerit. Sic robore vnus præstantissimi huius militis, *Mauri*, *Aragoniorum Regi*, tributarij facti sunt. Ipse *Ioannes* baltheo militari à Rege donatus, magnisq; honoribus & muneribus cumulatus, honorificè dimissus, in Prusiam rediit. Attulit à Rege ad Magistrum Ordinis literas, virtutis suæ, rei q; præclarè gestæ testes, *Maurumq;* etiam illum captiuum secum deduxit, illoq; ad extrema

Admonetur Episcopus à Capitulo repetendum 25000. Marcarum.

Bellum Civile in Prussia.

Idq; occasione Ioannis de Baisen. Quis fuerit hic Ioannes de Baisen.

Petro Aragonia Regi contra Mauros seruiuit.

Pactum inter Exercituum Duces, vt duo de summa rerum dimicarent.

Prodiit in arenam Maurus.

Prodiit & Ioannes Baisensis. Superat Maurum. Ioannes, Mauros tributarios fecit suo Regi. Rex Baltheo militari condecorat Ioannem & magnis muneribus cumulatū in Prusiam dimittit.

Maurum captū
ſecum deducit
in Pruſſiam.
Bona coemit.
Differentia de
lacu.

Commiſſarij
adiudicant La-
cum Epifcopo

Ioannes appel-
lat ad Magiſtrū

Iterū appel-
lat ad Ordines
Pruſſiæ.

Ordines Pruſ-
ſiæ caſſatis du-
abus ſententijs
decretant pro
Ioanne.

Non accepta-
tur Decretum.

Ioannes per
Magiſtrū pri-
uatur omnib⁹
bonis.

Recurrit ad Re-
gem Poloniæ.

Suaſit Pruthe-
nis vt iugum
ſeruitutis ex-
cutiant Cruci-
feris & ſe ſub-
dent Regi Po-
loniæ.

Stiborium de
Baiſen Guber-
natorem Pruſ-
ſiæ Rex conſti-
tuit.

trema uſq; vitæ ſuæ tempora, pro Mancipio uſus eſt. Apud Magiſtrum Ordinis cum plurimum gratiâ & auctoritate polle-
ret, coemit nonnulla Bona in *Oſterrodenſi* tractu, quæ in *Allen-
ſteinſem* oram limitibus productis, ampliora reddere, & Ec-
cleſiam *Varmienſem* piſcoſo lacu vicino priuare, vehementer
cupiebat. Obſtitit eius conatibus vnâ cum Venerabili Capitu-
lo *Franciſcus* Epifcopus, & eius operâ factum eſt, vt designatis
ad fines regendos Commiſſarijs, Lacus ille, de quo his erat or-
ta, Eccleſiæ adiudicaretur, Ab hoc Decreto Commiſſariorum
Ioannes Baiſenſis ad Magiſtrum Ordinis appellauit, qui cum ſen-
tentiæ Commiſſariorum ſtandum eſſe decreuiſſet, ille denuò ad
Nobilitatem & Ordines Pruſſiæ prouocauit, allegans Magi-
ſtrum Iudicem ſuſpectum, cui cum Epifcopo tam arcta Famili-
aritas & conſuetudo intercederet. Monuit amicè Magiſter
Ioannem, vt à capto deſiſteret, ſeq; pro vno Lacu, quatuor illi
daturum pollicebatur. Sed vt erat Vir acer, & feroci obſtina-
toq; ingenio, acquieſcere noluit, & Cauſam ad Iudicium Ordini-
um Pruſſiæ deduxit: qui ſententiam contra Epifcopum tuler-
unt, contra quam proteſtatus eſt Epifcopus, quod nulla eſſet,
quandoquidem ab ijs lata, quibus Epifcopum iudicandi nullum
ius competeret, ſe potiùs Commiſſariorum & Magiſtri decreto
ſtare velle.

Porro cum *Ioannes* de Magiſtro paſſim conquereretur, fa-
mamq; eius & exiſtimationem temerè proſcinderet, ille tan-
quam Rebellem, bonis omnibus priuauit, Fiſcoq; ea adiudica-
uit; Quæ res *Ioannem* valdè exacerbauit, & ſpe Ordinum Pruſ-
ſiæ Conſæderatorum, ſe velle experiri comminatus eſt, quiſ-
nam ad bona alteri adimenda eſſet potentior: Cumq; aliquam-
diu apud Fratres, *Gabrielem Baiſenſem*, qui in *Riſenburgenſi*, &
Stiborium qui in *Chriſtburgenſi* ora conſederant, verſatus, ad-
extremum pulſus eſſet, duodecim Equitibus aſſumptis, in Au-
lam *Casimiri Regis Poloniæ* venit, vt Magiſtrum Ordinis occa-
ſione bonorum ademptorum vlciſceretur, manibus pedibuſq;
(vt dicitur) id egit, vt Pruthenos contra Ordinis Teutonici
tyrannidem concitaret, illisq; perſuaderet, vt ſe liberos Bonaq;
omnia, Regno Regiq; Poloniæ in fidem & tutelam traderent,
quod etiam factum eſt: Nam Rex non illibenter Prutheno-
rum deſenſionem ſuſcepit, non cogitans Pacis perpetuæ ſædus
cum Cruciferis paulò ante conſtitutum; *Stiboriumq;* de *Baiſen*
ſupranominatum *Ioannis* Fratrem, Pruſſiæ Gubernatorem con-
ſtituit. Cæterum poſtquam Magiſter Teutonicorum *F. Lu-
douicus* de *Erlichshauſen Conradi* germanus, denunciatis ſibi ini-
miciti-

amicitias publicis Ordinum Prussiae literis accepisset, & *Casimirus Polonia Regem* vindicem & Patronum libertatis, ab illis electum, certis nuntiis didicisset, statim Episcopum *Franciscum* vnâ cum Fratre *Henrico Rauff* de *Plauen*, Commendatore *Elbingense*, in Germaniam ablegauit, conquestum *Friderico* Caesari de hac rebellione, & imploratum eius auxilium, & Decreti prioris contra Confederatos ab eodem lati, executionem. Sed parum apud Imperatorem eâ Legatione perfectum est, eò quod Italico, & Hungarico bello distineretur. Cum videret autem Episcopus, se non modò Ordinum Prussiae, sed Regis quoq; Poloniae, odium & indignationem incurrisset, quod à Partibus Teutonicorum Fratrum, contra Confederatos *Prussiae* staret; animaduertentq; res valde Cruciferorum inclinatas, quod illis per Confederatos, Ciuitates, Oppida & Arces (*Mariebergâ* duntaxat exceptâ) erepta ademptaq; essent; pœnitere eum cepit consilij, quod contra mentem Venerabilis Capituli, Legationis munus ad Caesarem suscepisset. Quamobrem in *Prussiam* magnis itineribus contendit, vt Bona sua facilius tueri & defendere posset; sed à subditis receptus & admissus non est, quod ab eius Inimicis, nempe Prussiae Ordinibus Confederatis, & Rege Poloniae praecipue occupati essent. Miserunt ei itaq; literas obuiam, quibus eius obedientiae Nuntium remittebant obsignatas sigillo Equitis *Iacobi de Baisen* Capitanei Arcis *Heilspersensis*, & eiusdem Ciuitatis Secretarij signo etiam munitas, e quibus aperte videbat, eos iam in aliorum fidem & obedientiam concessisse; coactus est itaq; *Marieburgum* ad Magistrum Ordinis redire, cum quo decem & octo Mensium obsidionem, à Rege Poloniae circumseptus, perpeffus est. In Legatione, quâ pro Magistro Ordinis apud Caesarem functus est, consumpsit octo millia Ducatorum Hungaricorum. Porro cum *Rudolphus* Saxoniae Dux, cum quinque millibus militum, ex *Germania* in auxilium Crucigeris aduenisset, & superatis ad Coniunum Polonis, *Marieburgum* Anno 1454. nocte diem S. Matthaei Apostoli antecedente, obsidione molestâ & diuturnâ liberasset, *Franciscus* Episcopus Anno insequente, post festa Paschatis, *Marieburgo* relicto, *Vratislauiam* Silesiae Metropolim migravit, vbi censu coempto aliquamdiu vixit, ibidemq; Anno 1457. die 10. Iunij senex admodum, multa & varia perpeffus, vitam cum morte commutauit, & in Sancti Ioannis Ecclesiâ sepultus requiescit.

Cum Episcopus apud Imperatorem, Magistri Teutonicorum Legatus esset, & futuri belli non leuia apparerent argu-

G

menta,

Mouit actus
iste Magistrum

Mittit Episco-
pum cum Hen-
rico Rauff ad
Imperatorem.

Pœnitet Episc.
Legationis.

Redux in pro-
pria non ad-
mittitur.

Marieburgum
reclinat.

In legatione
quantum con-
sumpsit.

Marieburgo
relicto Vrati-
slauiam se co-
tulit.

Mortuus Vra-
tislauiæ.

Neutralitas V.
Capituli & ſu-
bditorū tem-
pore belli.

menta, Venerabile Capitulum, conuocatis omnibus totius Epiſcopatus Ordinibus, Comitia habuit, in quibus Fædus quodam iſtum, & jure jurando roboratum fuit, quod in euentu Belli, nemo ſe vel Cruciferis, vel Confæderatis Prusiæ adiungeret, ſed neutri parti adhærens, mediam viam, quæ ad bonum publicum magis accederet, ſequeretur. Neq; tamen à ſubditis, cum maximo eorum damno, ſeruatum fuit hoc: Nam exorto Bello, multi ſeſe Ciuitatibus primarijs adiunxerunt, & Cruciferis arma intulerunt; vnde tanta vaſtitas & deſolatio huius Epiſcopatus ſubſequura fuit, vt nec in præſentem diem felicitatem priſtinam recuperare potuerit.

Pacta ſancit Ca-
pitulum vt bo-
na conſeruare
poſſit cum Ma-
giſtro.
Quibus Con-
ditionibus.

Cum videret itaq; Capitulum, peſſimè miſeris Vaſallis, inter tantos bellorum tumultus conſultum, cum Magiſtro & Ordine Teutonicorum, ad pacta inſcripta deſcendit, quæ vtrinq; ſubſcripta & Sigillis munita fuerunt, die Epiphaniæ Anno Dñi. 1455. Magiſter Ordinis, Bona Venerabilis Capituli in curam acciperet, eaq; tueri & defendere teneretur, in quibus liceret Fratribus manere & hospitari, ita tamen, vt ſumptibus proprijs viuerent; Venerabile Capitulum nihilominus in ijs proprietatem, & vt antea Dominium & Iuriſdictionem retineret. Pace Prouinciæ reſtitutâ, eadem Bona integra, abſq; vllâ contradictione, Ordo Capitulo reddere & reſtituere teneretur. Infra vnum meſem, deberet Magiſter bonum amicum & Vicinum ſuum, Epiſcopum *Franciſcum* Vratiſlaviâ reductum reſtituere, eumq; contra ſubditorum rebellium inſolentiam tueri ac defendere. His Conditionibus Frater *Vilhelmus de Heckenſtein*, cum alijs multis Fratribus ac centum Equitibus, in Ciuitatem & Arcem *Albenſteinenſem* recepti, & admiſſi fuere. Quam cum in Decem annos frumento, Auenâ, Farinâ, & omnis generis commeatu, copioſè inſtructam reperiffent, bonam eiufmodi commeatûs partem, ad oppida & Arces ſuas conuehere ceperunt, & ciuibus multa onera & violentias intulerunt, ita vt Canonici, qui tunc temporis in arce morabantur, de ijs ad Magiſtrum referre coacti fuerint, orantes prouidere vellet, ne quid contra Pacta à ſuis admitteretur. Reſpondit Magiſter, ſe Pactis conuentis ſtare, eaq; conſeruare velle. Sed qui tum erant in Arce Crucigeri, Canonicos apud Magiſtrum accuſarunt, quod *Polonis* Arcem dedere vellent; Quamobrem eos comprehenſos, nempe *R. D. Arnoldum Datteln* Præpoſitum, *Ioannem Plaſtwig* l. V. Doctorem, *Arnoldum Clinger*, *Nicolaum Vethen* Iuris itidem vtriuſq; Doctores, Canonicos Varmienſes, ſuſtibus percufferunt, & integrum Annum in Carcere deti-

Deditur Alhe-
ſteinum Fra-
tribus, Come-
atu ad decem
annos reſertū.
Commeatum
ad proprias ar-
ces deuehunt.
Contra pacta.
Violentias fa-
ciunt.

Conquerantur
Canonici.

Falſo inculpa-
ti incarceration-
tur.

Cruciferorum
erga Canoni-
cos tyranicum
facinus.

detinerunt; postremò ligatos *Regiomontem* asseruandos miserunt, & locò gratitudinis, tanquam Proditores, pessimè accepti tractatq; fuerunt.

Pactorum supradictorum, vigore etiam Frater *Henricus Reuss de Plauen* Commendator *Elbingensis*, admissus fuit cum suis *Melsacum, Reselium, Vartemburgum, Bischoffsteinum, Heilspergam, Scheburgum & Gutstadium*, & pro defensione eorum, *Ioannes de Lusianis* septingentos Bohemos aluit. Ceteræ Ciuitates & oppida, Episcopatus *Varmiensis*, in Potestate Regis *Poloniae* fuerunt, opera *Braunsbergensium*, qui ab Episcopatus Dominio auulsi, *Regi Poloniae* sese dediderunt, vt Ecclesiam *Varmiensem* persequerentur.

Similiter ceteræ Ciuitates Cruciferis traduntur.

*Armentis infesta lues vitiauerat auras,
Prosternens pecudes; quingentos mille coemit
Tum Franciscus equos, elargiturq; Colonis,
Silesiam ob motus petit, & decedit ibidem.*

SCHISMA II.

In Ecclesia *Varmienfi*.

Bello Ciuili tredecem annis in *Prussia* durante, Mortuo *Francisco* Episcopo, cum DD. Capitulares hinc inde dispersi, pro eligendo Successore, simul congregari non possent; quatuor Canonici, qui vt se incommodis belli subducerent, *Glogouiam Silesiorum* concesserant, elegerunt in Episcopum *Varmiensem Aeneam Syluium*, Patriâ *Senensem*, gente *Picolomineum*. S. R. E. Presbyterum Cardinalem, eo maximè consilio, quòd Virum optimum, gratiâ & auctoritate apud Principes pollentem, ad collapsas Ecclesiæ rationes subleuandas, cum primis idoneum iudicarent. Illi autem Canonici, qui *Albensteino Regiomontem* deducti, in custodia tanquam Proditores tenebantur, in Episcopum R. D. *Arnoldum de Venrade*, Cantorem & Canonicum *Varmien*. Porro Quatuor reliqui, qui *Gedanum* se subduxerant, suffragia sua contulerunt in Regis *Poloniae* Procancellarium, Oratorem ad Pontificem designatum, Dominum *Ioannem Lurconem* Decanum *Gnesnensem*; Omnes itaq; Electi, ad Pontificem *Calixtum III.* Romam miserunt, electionis factæ rationem reddentes, simul orantes,


Glogouia degentes eligunt *Aeneam Syluium*.

Regiomon. incarcerati *Arnoldum* Cantorem *Varm.*

Gedani residentes *Procancellarium* *Polon.*

vt quem è tribus his, magis Ecclesiæ vtilem futurum iudicaret, Auctoritate suâ confirmaret & approbaret.

Æneas Syluius poſtea Pius Papa II.



Æneas per Pō-
tificem appro-
batur.

Adit Poſſeſſi-
onem per Pro-
curatores.

CALIXTVS PAPA III. ex tribus diuerſarum parti-
um, ſtudio electis, vnum delegit & approbavit, is autem
fuit Reuerendiſſimus in Chriſto Pater Dominus *Æneas*
Syluius S. R. E. tituli *S. Sabinae* Preſbyter Cardinalis, Vir inſi-
gnis & apprimè eruditus; eum cæteris anteferendum Ponti-
fex exiſtimauit, quòd à natione Germanicâ plurimum depen-
deret, & Magnatibus eſſet benè notus. Sed & *Cafimiro* Polo-
nia Regi non ingratus futurus credebatur.

Poſſeſſionem per Procuratores adiit: nam vt ipſemet ac-
cederet,

cederet, & in medios bellorum tumultus, quibus Vniuersa Prussia deflagrabat, sese conijceret, minùs tutum videbatur. Neq; tamen intermisit Animarum sibi concreditarum, quamuis absens curam agere, partim per submissas personas, partim etiam scriptis eas informando, & in ijs instituendo, quæ ad temporariam hanc, & multò magis, quæ ad æternam salutem pertinere videbantur. Sed quæ erat temporum malignitas, nullam subditorum obedientiam expertus est.

Oues sibi concreditas informat.

Nimis quàm certum est *Aneam Syluium* electum fuisse Episcopum Varmiensem, & à *Calixto III. Papâ* confirmatum. Epistolæ ipsius vetusto impressæ typo Norimbergæ, supra Mille-simum, quadringentesimo septuagesimo sexto, hoc luculenter euincunt, complures ad diuersos scriptæ, inter eas vigesimâ octauâ scribit *Casimiro Regi Poloniae*, significatq; *Capitulum Varmien.* quòd belli furorem declinando, in Prussia concitatum, extra fines Regni, *Maiorem Glogouiam* in Silesia secesserat, se elegisse Episcopum, rogatq; vt capiendæ Episcopatus Possessionis necessarios velit impertiri fauores. Etiam in *Lib. de Europa* cùm *Prussiam* describit, & *Episcopatus*, qui tùm quatuor Sanctæ Romanæ Sedi subiecti extabant, *Varmiensis, Culmensis, Sambien-sis, Pomesaniensis*, (qui duo postremi merù nunc olent sæculum, & Ducalis Prusiæ, Lutherana hæresis contagione infectæ, fiscum redditumq; augent) memorando hæc scribit; Ad Varmiensem Episcopatum, defuncto *Francisco Episcopo*, paruitatem nostram postulauere Canonici, *Calixtus Pontifex Maximus*, eum Nobis annuente Senatu Apostolico, commendauit. Quominùs tamen adiret Episcopatus Possessionem, *Casimirus Rex* seu liberas Episcoporum electiones, quas primus abrogauit, Iusq; Regiæ nominationis stabilivit, exosus, seu indignè ferens, in *Prussia* quæ jam Corpori Regni se aggregauerat, alienienam, externaq; nationis Episcopum, obicem moramq; ponebat. Sors tamen melior pinguiorq; hanc compensauit repulsam, cùm *Calixto III. P. M.* viuus abeunte, Vniuersalis Ecclesiæ summus audiuit Pontifex. Libet insuper hæc firmare, magni in Ecclesia Antistitis, in Repub. Senatoris *Stanislai Lubinski Episcopi Plocensis* autoritate, in vitis Episcoporum Plocensium, *Stiborij II. Plocensis Episcopi* texendo vitam, hoc addit ijs ferè verbis nempe, Graue jam dudum odium in *Casimirum Regem Pius II. P. M.* conceperat, ob eam causam, quòd ab eo ne Possessionem Episcopatus Varmiensis, quem ardentè concupierat adiret, impeditus & exclusus fuerat, in tantumq; illâ offensione excreuerat, vt in Historia quam de Bohemis scripsit

Casimiro significat se electum esse Episcop. Varmiensem.

(etiam in Europæ descriptione) temperare ſibi non potuerit, quin *Polonum & Lithuanum* nomen, omnibus notauerit probris. *Martinus Cromerus* Episcopus Varmienſis *Lib. III.* de Rebus Polonorum hæc fermè. *Æneas Syluius* Vir quidem ille magnus, ſed Polonis ob negatum Episcopatum Varmienſem, vt aiunt, nimio plùs iniquus.

*Sæpè locum fecit fortunæ liuor, ab iſta
Excluſus Cathedrâ, ſit Præſul Maximus Orbi.
Inuide quid fruſtra Fortunam inuertis Amici!
Perrumpet foſſas, & ab obice fortior ibit.*

XIV.

PAVLVS de LEGEN-
DORF.

Idem Pontifex
cõfert Episco-
patum Varm.
Paulo Legen-
dorf.

Episcopatum
adit & Bona
recuperat.

Pax concludi-
tur.
Vigore cuius
Episcopatus
Varm. Regno
Pol. adneſcitur

Ecclesiâ Varmienſi, per assumptionem ad ſummi Pontificatus apicem, *Æneæ Syluij*, vacante, cùm propter Bella Ciuilia, Canonici hinc inde diſperſi, ad electionem conuenire non poſſent, idem *Pontifex Pius II.* Veteri ſuo Amico *Paulo Legendorf* Nobili Prutheno, Canonico Varmienſi, Scriptori & demùm Prothonotario Apoſtolico, Episcopatum Varmienſem, pro vno Anno, in Commendam primùm, deinde verò in perpetuum titulum tradidit, eumque *Româ* in *Pruſſiam* miſit, cum literis ad Regem, & Ordinis Magiſtrum, quibus ab eis poſtulabat, vt nouum Episcopum, in Sedem & Bona reſtituerent, ita tamen vt nulli partium, ſub amiſſione Bonorum adhereret. Atq; ita *Paulus Episcopus* Anno 1460. Menſe Maio in Episcopatum ſuum venit, & Bona licet tardè, & non absque maximâ difficultate recuperauit. Poſtea Pacis conſtituendæ gratiâ, multas Legationes, vtrò citròque, quamuis fructu non ita magno, obiuit. Poſtremò habita ſunt in Ciuitate *Elbingenſi* Comitia, in quibus Pax conſecta & ſtabilita fuit, cuius occasione *Paulus Episcopus* ſe & Eccleſiam Varmienſem, *Regi & Regno Polonia*, tanquam Deſenſoribus & Patronis tradidit, prout latius ex pactis perpetuæ pacis, literis Caſimiri Regis confirmatis videre licet. Anno Domini 1464.

Cùm ad Colloquium cum Magiſtro Ordinis, *Bartſteinum* accendiſſet.

accessisset, à *Weigelo Leczelt* tibicinâ, qui illi fuit inimicissimus, veneno propinato, in morbum iucidit, atq; ita æger *Braunsbergam* delatus, subitò mortuus est. Et quoniam propter æstiuos calores, fætor cadaueris ferri non poterat, nec propter bellicam rabiem, tutum erat, vt *Varmiam* deduceretur, ibidem *Braunsbergæ* in Parochiali Ecclesia ante maius Altare tu-

Veneno extin-
guitur.



mulatum est, Anno Domini 1471. circa festum S. Mariæ Magdalenæ.

Sub hoc Episcopo, memorat *Ioannes de Fulsyn Herbortus Castellanus Sanocensis* virtutis doctrinæ, & natalium claritudine Illustris Heros, in sua chronica, seu Polonæ Historiæ compendio, tum & *Salomon Neügebaurus à Cadamo Pruthenus Grandentinus*, non indiligens rerum Polonarum Scriptor, (Vir nisi à Religi-

Pomeſaniensis
Episcopatus hoc
tempore periit.

Paulus Episc.
Regis Poloniae
Protectionem
accipit.

Religione haud aspernabilis) in ſua Hiſtoria rerum Polonica-
rum, Marienwerder ſeu Quidzinum, ubi Pomeſaniensis quon-
dam Cathedralis Eccleſia, ſub titulo *Sancti Ioannis Evan-
gelistae* à Cruciferis erecta (ſupra portam templi viſitur
adhuc Catholicismi veſtigium, effigies *Sancti Ioannis Evan-
gelistae* opere muſino, tum in Eccleſia Cleri Catholici, Canonico-
rum illius Eccleſiae, lapides ſepulchrales) nunc Cruciferis &
eorum ſupremo Magiſtro à fide Catholicâ Romanâ deſciſcen-
tibus, in Lutheranam deformata Synagogam, tum & Frauen-
burgum, à Polona militia, in Pruſſiam excurrente captū dire-
ptūq; vnde tam opulentâ praeda auctus dotatusq; miles, vt du-
centi floreni in capita cederent; Hoc verò contigit antequam
Paulus Episcopus, deſertis Crucigeris, rebusq; eorum inclinatis,
partibus *Casimiri Jagellonidis Regis* cum toto ſe adiunxiſſet Epi-
ſcopatu. Cæterum Cruciferi defectionem hanc Episcopi, a-
cerbioris animi ſenſu excipiendo, clademq; à Polonis in Po-
meraniâ illatam ad *Oſiecum* vlciscendo, *Varmiam* flammâ ferroq;
deuastant, ſegetes in Agris conculcant, non ſine lachrymis &
fremitu plebis in Episcopum, quaſi hae ad partes Regias acceſ-
ſione, Cruciferorum prouocaſſet immanem rabiem. Porro
hæc aduerſa, ſecuta in breui cum Cruciferis Pacificatio, operâ
Nuntij Apoſtolici Rudolphi Lauantini Episcopi conſectâ, le-
niuit & obliterauit.

*Papa Pius, Paulo ceu ſido imponit Amico
Varmiacam Mitram, qui ſe Cathedramq; Polonis.
Subdit, non potuit factum hoc tolerare Magiſter
Ordinis, & Paulo dat, ſerui fraude Venenum.*

SCHISMA III.

Concurrentibus VINCENTIO KIELBASA &
ALBERTO OPOROVIO ortum.

Rex Poloniae
committit Ad-
ministrationem
Episcopo Cul-
menſi.

Spe obtinendi
Episcopatus Can-
onicos reuo-
cat ab exilio.

Paulo Episcopo Vitâ functo, cum Eccleſia *Varmienſis*, ob
continuas Bellorum tempeſtates, deſolata remaneret; &
Canonici hinc inde diſperſi, ad noui Episcopi electionem
faciendam, conuenire non poſſent, *Casimirus Poloniae Rex*, Ad-
ministrationem Episcopatus *Varm.* Rndiſ. Dño *Vincentio Kielbaſa*
Episcopo *Culmenſi* & Adminiſtratori *Pomeſaniensi* comiſit, qui cu-
ram eius in ſe ſuſcepit, dū Rex aliter de eo decerneret. Is valdè ſe
Amicū & Beneuolū, Canonicis *Varmien.* exhibere cepit, & ope
auxilioq; ſuo id ad extremū perfecit, vt Canonici è diuerſis parti-
bus, ad Electionem Canonicè faciendam, conuenirent, credens fu-
turum, vt ipſemet pro officijs præſtitis eligeretur. Sed contra
accidit; Nam electus eſt à Canonicis *Nicolaus à Tungen.*

& *Episcopis.*

51.

XV.

NICOLAUS à TVNGEN.



NICOLAUS à TVNGEN Pago. Districtus *Wormdi-*
tensis denominatus, Canonicus Varmiensis, apud *Pau-*
lum II. Pontificem Maximum Breuium Apostolicorum
Scriptor. Is Canonicè in Episcopum electus, *Roma* confir-
matus, & ibidem consecratus est.

Paulò post cùm in grauissimum morbum incidisset, ad Ec-
clesiam tam citò accedere non potuit. Itaq; *Vincentius Kielba-*
sa, cùm se spe Episcopatus frustratum animaduertisset, cepit

Eligitur Cano-
nice Nicolaus
à Tungen.

Propter infir-
mitatē ad Ec-
clesiam non ac-
cedit.

H

non

Spe frustratus
Kiełbaſa oppri-
mit Incolas &
Canonicos.

Oppreſſi recur-
runt ad Regē

Privatur Ad-
miniſtratione.

Eligitur Pro-
uiſor.

Cōſpiratio cō-
tra Kiełbaſam

Quam praeue-
nit ſuo diſceſ-
ſu.

In recompen-
ſam Rex con-
fert Vincentio
Adminiſtratio-
nem Episc. Po-
meſaniae.

Vtrobique gra-
uis.

Ab omnibus
excoſus.

Rex confert E-
piſcopatu Var-
mien. Alberto
Oporowski.

non magis Canonicos, quàm Ciuitatum etiam Incolas, nouis adinventionibus perſequi & vexare; adeò vt nonnulli ex Ciuibus, in imo turris fando, duriffimo carcere clauſi, miſerè ex-
pirauerint; Alij vxoribus & liberis relictis, fugà ſalutem quæ-
rere coacti fuerint; Alij grandi pecuniâ collatâ vitam redime-
bant. In tam miſerabili rerum ſtatu, cùm toto biennio miſe-
ri ſubditi verſarentur, eò neceſſitatis deuenerunt, vt obedi-
entia dicti *Kiełbaſa* renunciantes, de tot grauaminibus apud Re-
gem, per Nuntios conqueſti fuerint, qui datis ad eum literis,
præcipit vt vitandi tumultus popularis cauſâ, ab Adminiſtra-
tione Bonorum & Ciuitatum, Episcopatus Varmienſis abſtine-
ret, quod fecit. Interim ab Ordinibus Vniuerſi Episcopatus,
in Prouiſorem aſſumptus fuit, Circumſpectus & Prouidus Vir
Dominus *Michaël Ertmannus*, Senator & Conciuiſ Regiæ Ci-
uitatis Gedanenſis. Cæterum *Vincentius* acceptis Mandatis
Regiæ Maiestatis, cùm e Prouinciâ tardiùs decederet, Subdi-
tiq; eius, pluſquam Moſchouiticæ Tyrannidis Iugum, ampli-
ùs tolerare non poſſent, conſpiratione cum ruſticis factâ, eum
occidere decreuerunt, niſi maturè ex Episcopatu diſcederet.
Quamobrem diutiùs ſibi cunctandam non putauit, & ad ſoli-
tam reſidentiam *Lubauiam* profeſtus eſt.

Quoniam autem Rex, in nouiter adepta Prouinciâ, non
facilè habebat cui fideret, vt eum ſibi nihilominus deuictum
redderet, Episcopatum *Pomeſanienſem* illi regendum tradidit;
vtrumq; duriter, acerbè, & paulò imperioſius adminiſtrauit,
nihilq; aliud egit, quàm vt modò hūc, modò illū, occasione Bonorū,
citando, ſubditorum Priuilegia & Libertates imminuendo, no-
uis ſubinde oneribus & exactionibus, eos obrueret & peſſun-
daret. Quamobrem omnes eum paſſim, tanquam Auarum &
Immitem detestabantur, & quibuſcunq; modis poterant, ſubter-
fugiebant, adeò vt eius Villæ & Prædia, non ſolum habitato-
ribus vacua, ſed & ædificijs quoq; quæ ſatis egregia antea con-
ſpiciebantur, planè deſtituta ita redderentur, vt ad priſtinum
ſtatum & ſplendorem, reduci facile non potuerint.

Anno Domini 1473. Cùm videret *Casimirus* Rex Pruthe-
nos erga *Kiełbaſam* valdè exacerbatos, Episcopatum Varmi-
enſem, tanquam Patronus, contulit Secretario ſuo *Alberto O-
porowski*, eumq; Pontifici Maximo præſentauit, & confirmari
Apoſtolicâ auctoritate petiuit. Huic Regiæ nominationi, Pro-
curatores *Nicolaï* vehementer contradicebant, certis documen-
tis oſtendentes, *Nicolaum* non modò Canonicè legitimeq; ele-
ctum, ſed etiam à Pontifice confirmatum, inſuper & ordina-
tum

tum ac consecratum jam esse Episcopum, vt nec nominationi Regiæ, nec petitioni *Oporouij*, vllus ampliùs locus relictus videatur, eius nihilominus in Vrbe Procurator, eò rem deduxit per Secretas practicas, vt surreptitias Bullas super prouisione dicti Episcopatus obtentas, ad eum miserit; Quibus acceptis *Oporouius*, rem benè confectam credens, ad *Marieburgensem* Capitaneum profectus, ab eo se petijt, in Possessionem Episcopatus Varmienfis admitti. Respondit Capitaneus se id facere non posse. Præcepisse Regem vt neminem, absq; particulari Mandato, Episcopatum adire permetteret; Interea curam Bonorum & Ciuitatum haberet, quibus nulli cedere, nisi de voluntate Regia plenè constaret, saluâ fide existimationeq; suâ non posset. *Oporouius* contra assererebat, se eiusmodi mandata, tam citò habere non posse, quandoquidem Regia Maiestas, longissimis terrarum spatijs dissita, apud *Kijouiam* versaretur.

Contradicitur
Oporouio.

Dolo obtinet
Bullas.

Tentat adire
possessionem,
sed frustra.

Interea venit *Nicolaus à Tungen* ex Vrbe, & coram Ordinibus & Ciuitatibus *Prussia*, lura & Prouisionem super Episcopatu produxit, rationesq; suas, non solum literis & sigillis authenticis, sed viuis etiam & fide dignis testimonijs, euidentissimè comprobauit. Consiliarij autem Terrarum *Prussia*, cognitionem huius Causæ, ad ipsam Regiam Maiestatem reiecerunt, & Comitia pro Festo S. Ioannis in Ciuitate *Elbingensi* indixerunt, in quibus vterq; Episcopus, Regiæ Maiestatis responsum accepturus esset. Responsum autem tale erat. Consiliarij causam hanc diligenter cognoscerent; Nemini Episcopatus Possessionem adiudicarent, nisi Regi & Regno obedientiam iurejurando polliceretur. Comparuit vtrq; Pars in Comitijs die constituto, *Oporouius* productis literis & documentis, assererebat se à Regiâ Maiestate, qui Ius Patronatus super Episcopatu Varmienfi haberet, Præsentatum, & à Sede Apostolicâ confirmatum esse, cuius rei testes literas Apostolicas ostendens, se admitti ad Possessionem Episcopatus, vrgebat. Ad hæc *Nicolaus*, Etsi non constaret de Iure Patronatus, Regiæ Maiestatis, tamen in Præsentationis huiusmodi literis, clausulam hanc Regiam Maiestatem apposuisse. Saluis Priuilegijs Saluoq; Iure Ecclesiæ Varmienfis, Valdè absurdum videri, Dominos Capitulares primæuæ foundationi & Priuilegijs suis nuntium remisisse, nec criminis alicuius reos & conuictos fuisse, vt propterea Libertatibus & Priuilegijs, exui & priuari deberent, quibus in suo robore permanentibus, quandoquidem ipse legitimè electus esset Episcopus, dubium non videri, quin ea sit mens & volun-

Nicolaus à Tun-
gen producit
Statibus Prouisionem.

Cuius cognitionem ad Regem
reiecerunt.

Responsum à
Rege.

Oporouius in
Comitijs producit lura ad
Episcopatum.

Idem facit *Nicolaus*.

Falsitatem Cō-
firmationis li-
teris Oporoui-
anis deducit.

Conditionē in
terponit.

Quam Oporo-
uius non ad-
mittit.

Error Romæ
repertus Bul-
læ Oporouia-
næ.

Oporouius nō
expectatā de-
cisione Roma-
nā militē col-
ligit.

Qui ingressus
Episcopatum
multas Villas
depopulat⁹ est
& prædam ac-
cepit.

Bischsteinenses
eosdem pro-
fligant & Du-
ces captiuant.

tas Maiestatis Regiæ, ut is pro legitimo Episcopo haberetur, qui à Capitulo Canonicè electus, à Sede Apostolicâ confirmatus & approbatus esset: Nam quod ad Confirmationem ipsius *Oporouij* attineret, eam falsam & subreptitiam esse, sibi certò constare, quod ut re & veritate comprobetur, utriusq; partis Confirmationis Literas, suis sumptibus (quos illico deposuit) paratum se esse in Urbem mittere dicebat, ut isthic ex Actis Curia, cuiusnam literæ veriores essent, peti possit. Intra Biennium quicumq; lus suum clarè & dilucidè demonstrasset, is absq; vllâ controuersia Episcopus constitueretur. Eam conditionem admittere noluit *Oporouius*, sed totius causæ suæ præsidium, in Patrocinio & Auctoritate Maiestatis Regiæ, constituendum sibi esse existimauit.

Consiliarij autem terrarum *Prussia*, cùm audiissent quò se *Nicolaus* demiserit, postulatis eius acquieuerunt, & acceptis Bullis, & pecuniâ per eum depositâ, *Romam* miserunt, ubi repertum est, Domini *Nicolai* Bullas veras, *Oporouij* autem falsas & subreptitias fuisse, vnde Prutheni magis impense *Nicolao* quàm *Oporouio* fauere ceperunt, & quandoquidem lure potiori niteretur, se Causam illius apud Regiam Maiestatem, ita promoturos receperunt, ut Episcopatu potiatur; Interim autem in Res Episcopatus & Iurisdictionem, se nullâ rationeingere deberet, quod se facturum datâ fide promisit.

Cæterùm dum *Româ* verificatio Bullarum expectatur, & Rex in *Podolia* versaretur, *Oporouius* armis rem aggredi, & Episcopatum per vim occupare conatus, non absq; suorum cæde reiectus est. Quoniam autem in *Polonia*, propter Familiæ Nobilitatem, multos amicos habebat, collegit statim, tria milia equitum, quibus duos Capitaneos præfecit *Schamnikium* Bohemum, & *Schorizium* Morauum, eosq; ad Bellum Sacerdotale prosequendum, in Episcopatum Varmiensē signa inferre præcepit, qui cùm non paucas Villas depopulati sunt, & non contemnendam prædam equorum, armentorum, aliarumq; rerum ex *Bischsteinense* tractu abigerunt. *Bischsteinenses* collectâ nobilium & ignobilium manu, inter *Vuselacken* & *Bischsteinum* eos insequuti, egregiè vlti sunt, multi cæsi fugatiq; prædâ recuperatâ, vterq; Capitaneus captus, & *Bischsteinum* deductus est. Vnde postea datâ fide, quòd coram Episcopo quandocunq; visum esset, se sistere deberent, dimissi fuerunt. Hos belli Sacerdotalis tumultus, egerimè Consiliarij & Status terrarum *Prussia* ferebant: Quamobrem habito *Elbingæ* Conuentu *Oporouio* præceperunt, ut ab armis tantisper abstineret, donec *Româ* re-

ma responsum adferretur, quisnam lure potior esset. Morem illis gessit *Oporouius*, quod amissis copijs vires debilitatas haberet.

Nicolaus autem animosior & audacior factus, supramemoratos duos Capitaneos citari fecit, vt datae fidei satisfacientes, coram illo personaliter comparerent, decretum audituri. Responderunt, illos ad comparandum coram Episcopo Varmienfi tantum teneri, eum verò nondum pro Episcopo agnoscere, cum decisum non sit, quis legitimus Episcopus esset. Hæc & alia similia, varias *Nicolao* cogitationes ingerebant.

Nicolaus citat Capitaneos ad respondendū.

Se non teneri respondere nisi coram legitimo Episcopo.

Habuit is in Aula, egregium quondam Equitem *Hilritter* dictum; hic quodam tempore alloquens Episcopum, Notum tibi est (inquit) proculdubio quod *Oporouius*, amisso quem huc miserat milite, nouas practicas in *Polonia* exercet, ac modos & rationes omnes persequitur, vt armata manu Episcopatum tibi eripiat; Quamobrem nisi bono consilio vsus, maturè tuis rebus consulueris, antequam Aduersarius Possessionem adeat. te, tuaq; omnia, in extremum discrimen adduces; Nec est quod in Pruthenorum & subditorum auxilijs, multum spei reponas: Nam si Equestris Ordinis hominibus, & nobilitati non semper fidendum, multò minus Oppidanis & Ciuibus tribuendum est, qui superioribus bellis efferati, facile fidei obliuiscuntur, & nuper etiam hoc vltimo prælio demonstrarunt, non minus eorum consilia stabilia permanere, quàm butyrum solis radijs expositum, Nolit itaq; cum maximo damno, & perpetuâ sui nominis Infamiâ, res suas diutius negligere. His & similibus persuasionibus, *Nicolaus* se adduci passus est, vt clam ad ciues quosdam *Heilsbergenses* amicos suos, literis datis, ab eis auxilium peteret, Arcis aliquâ ratione occupandæ. Sed nullus eorum rem aggredi ausus est.

Hilritter consilium dat Nicolao vt tempestiuè rebus suis consulat.

Acceptat consilium.

Intellexit postremò *Michaëlem Ertmannum* Administratorem, sæpius diebus Dominicis compadres suos in Ciuitate solitum accedere, & cum illis hilariter potitare, Arcis custodiâ neglectâ. Quamobrem *Nicolaus*, vt propior esset, *Gutstadium* venit habitâq; notitia, *Ertmannum* morè solito, die Dominico in Ciuitatem iturum, ipse quoq; sub horam vesperarum ad Arcem *Heilsbergensem* accurrit, quam veluti visitandi gratiâ ingressus, cum suo *Hilrittero*, & nonnullis familiaribus, portas claudi præcepit, *Ertmanno* in Ciuitate, inter Ciues & Mulieres, cum suis hilariter agente, vt qui nullum periculum extimesceret. Postquam id didieit, ad Arcem cum familia properauit; sed à *Nicolao* intromissus non est, qui eius operâ se amplius

Nicolaus Heilsbergam capit.

plius non egere dixit, Custodes jam esse Domi qui diligentius Arcem seruaturi essent, quàm ille fecisset. Equos nihilominus, Currus & Suppellectilem illi reddijussit, qui *Gedanum* est reuersus.

Quo offensi
Status Prussiae
eius amicitiae
renuntiarunt.

Factum hoc *Nicolai*, cùm ex *Hertmanno* Ordines Prussiae cognouissent, indignè admodum ferebant, quòd contra fidem datam, Episcopatus Arcem inuasisset, antequam Pontificis declaratio *Romae* adferretur. Quamobrem cum eo, quòd promissis non steterit, grauiter expostulârunt, & Amicitiae eius renuntiauerunt.

Recurrit ad A-
micitiam Ma-
gistri Ordinis.

Ea porro res adegit *Nicolaum*, vt cum Magistro Theutonorum, Fratre *Martino Truchsisio* de *Vetzhausen*, qui recens Anno 1475. in Magistrum electus *Regiomonti* fuerat, Amicitiam & societatem ineundam existimaret, vt eo mediante apud Principes exteros contra Polonos, & Regiarum Partium Pruthenos, sibi praesidium facilius comparare posset, quòd etiam subsequutum est: Nam habitâ ex integro Episcopatus Possessione, & Subditorum obedientiâ, Arces & Oppida egregiè muniuit, rebusq; necessarijs, contra Polonorum inuasionem instruxit, ac ita demum cum Ordinis Magistro simul conspirarunt, se excusso *Poloniae Regis* iugo, libertates suas recuperaturos, etiam ad sanguinis effusionem.

Conspirat cum
Magistro ad
excutiendū Iu-
gum Polono-
rum

Consilium cō-
tra Polonos.

Magister hic fuit egregius, prudens, & deuotus, fortis etiam & magnanimus Vir, vt vulgari prouerbio de eo diceretur, Martinum Monachum egregium, & in Campo Leonem esse. Quamuis autem Antecessores eius, post continuum tredecim annorum bellum, pacem perpetuam cum *Casimiro Rege* composuerant, quam Iuramento & sigillis roborauerant, contrarius tamen huic transactioni fuit Magister, hic semper; & animo valdè angebatur, quòd eius Ordo, cum perpetuâ quadam Infamiâ, meliorem Prussiae partem amiserit, & Polonis subijci permiserit: Quamobrem vias omnes inuestigare cæpit, vt Prussiam è manibus Polonorum eliberare, & in potestatem sui Ordinis redigere posset. Ad hoc tam præclarum facinus aggrediendum, suorum etiam persuasionibus incitabatur, qui sapius inconcinne jactabant, eos *Polonis* Bellum omninò illaturos, etiamsi extremam Casci & Panismicam, perdere deberent. Sibi magis gloriosum, qui milites essent, nihil accidere posse, quàm pro Patria fortiter in bello mori potius, quàm Inimicis Polonis subijci, Deum ipsum, & Vniuersum Orbem, in eorum praesidium præstò affuturum, qui justam causam habe-

Idem suadebāt
& Fratres.

rent; Nec eos ad obseruandas perpetuæ pacis condiciones teneri, in quas non liberâ voluntate, sed vi & potentiâ coacti, iurauerunt.

Non teneri ad condiciones pacis.

Ad eos motus concitandos, etiam Astrologi classicum canere videbantur: nam in suis ludiciorum libellis, publicè affirmabant, hoc Anno Theutonicos, Prussiam è manibus Polonorum erepturos. Sed nihil minus est consequutum: Nam non solum à pecunia erant imparati, sed omnia etiam eorum consilia, retrò, more cancri, ferebantur.

Etiam Astrologi suadent bellum aggrediendum.

Sed Vana sine Viator ira.

Non latebant ista terrarum Prussiæ Consiliarios, qui Machinationes istas, dolenter admodum ferebant, quæ si erupissent, maximum Prouinciæ damnum creare potuissent.

His ita se habentibus, allatæ sunt ex vrbe literæ, seu Bullæ Apostolicæ, cum declaratione, quòd non *Oporouius*, sed *Nicolaus* Episcopus Varmienfis, per Sedem Apostolicam approbatus fuerit. Gratum hoc fuit nuntium Consiliarijs Prussiæ, qui vnâ cum Ciuitatum Nuntijs *Ioannem* de *Baisen* miserunt, qui Episcopalem Dignitatem *Nicolao* gratularetur, eumq; certiorum redderet, qualiter eius Antecessor *Paulus* Episcopus Anno 1464. in Conuentu Elbingensi, coram Vniuersis Prussiæ Ordinibus, sese obligauerat, quòd vnâ cum Vasallis *Poloniæ Regi* obediens esset futurus, & cum Ordinis Theutonicorum Magistro, tanquam hoste Patriæ, nullum commercium omninò habiturus. Quamobrem moneret vt Antecessoris sui vestigijs inhæreret Episcopus, alioquin res eius non bono loco futuras. Respondit ille; Episcopatum Varmiensem nunquam ad *Poloniæ* Regnum pertinuisse, nec se facile intelligere, quidnam Iuris in illum Rex habere queat: nam licet eius Antecessor, in Conuentu *Elbingensi*, periculosis illis temporibus, promiserit Regi Regnoq; subiectionem, tamen id sub certis conditionibus fieri debebat, nec res ad effectum deducta fuit, quandoquidem non constaret, quòd Rex & Regnum eam obedientiam vnquâ acceperat; Sed nec ad eâ rem Venerabilis Capituli consensus accessit, vt eiusmodi obligatio etiam ad Successores transiret. Cùm itaq; temporibus *Ioannis Streiffrockij*, Episcopatus hic Sacro Romano Imperio incorporatus fuerit, nec ab eo discessionem vnquam fecerit, se nullum alium pro Ecclesiæ suæ Patrono, agnoscere præterquam Imperatorem. Et quandoquidem *Poloniæ Rex*, Secretarium suum contra Iura & Priuilegia Varmienfis Ecclesiæ, cum maximo damno, Episcopum intruserit, se multò minus etiam eum pro Domino habi-

Bullæ de Vrbe adferuntur pro parte Nicolai.

Ordines Prussiæ gratulatur Nicolao cum admonitione.

Responsum Episcopi.

Idem Nuntij
descendunt ad
Magistrum.

turum & accepturum. Porro cum vidissent Nuntij apud Episcopum nullum esse Consiliariorū admonitioni locum, profecti sunt Regiomontem, admonentes itidem Magistrum Ordinis, ut secundum perpetuæ pacis fœdera, per Antecessores eius iurata & stabilita, se in obedientia *Polonia Regis* contineret. Sed simile ab eo responsum, quemadmodum ab Episcopo retulerunt, qui etiam verbis petulantibus in *Polonos* inuectus est, quod iniqui, & alieni appetentes essent; oblatam nunc esse egregiam occasionem, Prussiam in Ordinis potestatem redigendi, quandoquidem *Valachico* bello Rex distineretur, quam sibi elabi non facile passurus esset.

Monent Pro-
ceres Prussiae
Magistrum &
Episcopum ut
obedientiâ Re-
gi præstent.

His actis Consiliarij *Elbingæ* conuentum egerunt, & datis ad Ordinis Magistrum & Episcopum literis, eos denuò monuerunt, ut intra sex mensium spatium, Regiæ Maiestati obedientiam præstarent, alioquin vtrumq; Provinciâ eiectum & deturbatum iri, ut facilius miserorum Incolarum quieti & tranquillitati consuli possit. Regiæ etiam Maiestati, de totius negotij progressu & statu, diligenter perscripturi. Atq; ita miles vtrinq; conscribi, & bellum caput apparari.

Renouatur so-
cietas belli cū
Magistro.

Permittit Epi-
scopus in Mu-
nitionibus suis
Præsidia Ma-
gistri.

Liunionæ Ma-
gister ut ad se
militem mittat

Anno 1476. Cum omni ex parte atrox bellum instrueretur, *Nicolaus* Episcopus de rebus suis sollicitus, ad Ordinis Magistrum accessit, & denuò cum illo societatem Belli, iuramento vtrinq; firmatam iniuit, additâ etiam hac conditione, ut melius Ordinis Magister, Episcopatum tueri & defendere posset, liceret illi, in Oppidis & Munitionibus, Præsidarios milites collocare, cui Conditioni ut quamprimum satisfaceret, dedit ad Prouinciæ *Liunionæ* Magistrum mandata, ut primo quoq; tempore, tria millia selectorum Militum conscriberet, & ad se in Prussiam transmitteret, quorum Virtute, à Polonorum iugo eliberari, & amicissimum Episcopum, à vi & omni injuriâ illæsum conseruare posset.

Responsū ne-
gatiuum.

Respondit ille, quod superioribus bellis, cum suo milite, plus præstitisset, quàm teneretur, nunc verò Prouinciā milite destituere non posset, quandoquidem in dies & horas *Moschouitarum* irruptiones expectaret.

Idem mandat
Magistro Ger-
maniae.

Cum spe frustratus esset, dedit etiam ad Magistrum Prouinciæ in Germania literas, quibus illi injungebat, ut quàm maximum numerum Militum conscribere posset, in Prussiam contra *Polonos*, nullâ morâ longiore interpositâ ad se mitteret. Offendit ea res ipsos Ordinis Fratres, qui questi sunt, quod in prioris Belli apparatus, omnium Bonorum suorum

partem

partem oppignorauerant, partem vendiderant, partem absum-
pserant; ita vt si noua illis expeditio esset instituenda, ad ex-
tremam inopiam deueniendum illis esset. Quamobrem nulla
ab illis præsidia hoc tempore expectaret.

Mādato offen-
sus denegat.

Cum nec ista ratio congregandi Militis succederet, ex ar-
culā suā Romanā, septem millia ducatorum deprompsit *Nico-*
laus Episcopus, addiditq; etiam non contemnendam auri quanti-
tatem, Ordinis Magister, quam pecuniæ summam, Duci *Ioanni*
de *Sagen* in *Silesiam* miserunt, obnixè orantes, vt Militem in
Bohemia conscriberet, & inde per *Neūmarckiam* in *Prussiam*
deduceret. Fecit ille quod postulabant, & quatuor millia ex
Bohemis & *Silesijs* collegit, quæ vt per *Neūmarckiam* deduce-
re posset, à *Ioanne Margrabio Brandeburgensi* facultatem sibi
concedi petiuit. Negauit is se id facturum, illiq; per eam Pro-
uinciam transitum concessurum, cuius occasione, cum illo non
ita pridem, bello decertaret, neq; adhuc ea controuersia sopi-
ta esset. Ægrè tulit repulsam hanc *Ioannes*, significauitque
Marchioni, transitum quem illi denegauit, sibi facile patefa-
cturum. Pupugit ea res *Marchionem*, quòd *Neūmarckia*, non
ad eum pertineret sed ad Ordinis Magistrum, qui ratione ex-
pensarum, quas Pruthenico Bello in gratiam Ordinis fecerat,
sub titulo pignoris, eam Prouinciam ad certum tempus illi,
scripto publico obligauerat, tum etiam quòd superiori Anno
cum *Ioanne Duce*, occasione *Franckforti*, *Crosnæ* & *Drezna*, ali-
orumq; Bonorum, bello disceptaret, quod nondum sopitum
& obliteratum esset. Quamobrem non solum ex vasallis, sed
etiam ex milite mercenario, collectis copijs, transitum Duci
Ioanni prohibere constitutum habebat. Qui cum Exercitum
nihilominus per *Neūmarckiam* ducere instituisset, persuasus fu-
it à *Bohemis* & *Silesijs*, vt ne se in periculum conijceret, sed Pa-
cem prius cum *Marchione* componeret. At tractationes de
Pace, adeò in tempus longum protractæ sunt, vt Miles ob vi-
ciū inopiam, sensim dilaberetur. Ad eum modum Episcopus
& Ordinis Magister, amissâ pecuniâ, nullo operæ precio facto,
etiam sumptus, quos in alendum Militem *Ioannes Dux* fecerat,
refundere coacti fuerunt.

Episcop. 7000
aureorum dat
pro milite.

Cōscribitur mi-
les in Bohemia

Denegatur tra-
situs per Neu-
marckiam.

Transitum per
potentiam sibi
patefacturū de-
clarat.

Potentia po-
tentiam oppo-
nere decernit,

Tandem Tra-
ctatur de libe-
ro transitu.

Interim miles
dilabatur & pe-
cunia data pro
milite perit.

Cæterum *Casimirus Rex*, posteaquam à Consiliarijs *Prus-*
sia certior est factus, de nouis hisce motibus, Ordinis Magi-
strum & Episcopum, de Obedientiâ præstandâ, ad se citari ius-
sit, qui comparere noluerunt, subinde prouocantes ad *Impera-*
tores, & *Matthiam Hungaria Regem*, quorum tutelæ & Pa-

Citantur Magi-
ster & Episco-
pus.
Recurrunt ad
Imperatorem &
Regem Hun-
gariæ.

Reſponſum
Regi.

Rex Poloniae
in Prussia E-
xercitum mit-
tit.

Pax inter Mar-
chionem & Du-
cem de Sagen.

Sileſiorum tria
millia pro Cru-
cigeris colle-
cta.

Per Pomerani-
am tranſitum
ſibi patefacere
minantur.

Sed fruſtra.

Choinitia for-
ti praſidio mu-
nitus.

Conſcriptus mi-
les vacillat.

Monachis non
fidit cautione
vult.

Denegata cau-
tione miles ab-
ſoluitur.

erocinio, contra *Polonorum* potentiam ſe ſubdidiffent. Scripſit itaq; Rex ad vtrumq; ſcire cupiens num Magiſtrum & Epiſcopum in fidem recepiſſent. Reſponſum illi tantum fuit, à Prouinciæ per *Germaniam* Magiſtro, in eam Sententiam. Quæcunq; nunc ſupremus Ordinis Teutonicorum Magiſter ageret, ea contra mentem Ordinis fieri: Nam cum in Magiſtrum Ordinis eligeretur, inter cæteras conditiones, hanc etiam præcipuam fuiſſe, vt Pacem perpetuam cum Regno Poloniae conſtitutam, ſeruaret & Iuramento confirmaret. Ad hoc itaque faciendum, ſe illum exhortaturos; alioquin ſciret ſe ab Officio Magiſtri deſiſſet. Interea *Casimirus* exercitum Equitatu & Peditatu egregiè inſtructum, in *Prussia* mittere decreuit.

Anno inſequenti qui fuit 1477. die Epiphaniæ, inter *Ioannem* Ducem de *Sagen*, & *Ioannem Marchionem Brandeburgensem*, occasione *Neumarkia*, pax conſecta & ſtabilita fuit, etiam cum clauſula, vt per *Neumarkiam* *Ioannes* Dux, in *Prussia* Exercitum, abſq; tamen ſubditorum damno, ducere poſſet: Qui vt fidem ſuam Ordinis Magiſtro, & Epiſcopo comprobareret, Bona ſua apud *Marchionem Vilhelmum de Eichſen*, in non contemnenda pecuniæ ſumma oppignorauit, & tria millia Equitum *Sileſiorum* conſcripſit, & ad Ducem Pomeraniæ pro libero tranſitu miſit, cum interminatione, ſi non concederet, ſibi eum ferro & flammâ patefacturum. *Pomeranus* autem qui *Polonia* Regi, affinitatis vinculo coniunctus erat, tam ſuperbo *Ioannis* Nuntio accepto, collectâ ſuorum manu, ad fines *Prouinciæ* ſuæ tutandos, ſtatim miſit: *Polonia* quoq; Rex eidem miſſo *Choinitiam*, duorum millium Equitum, & ſex millium Peditum Praſidio, celeriter ſuccurrit.

Cæterum cum *Ioannes*, loco moturus eſſet Exercitum, exorta fuit in Caſtris maxima ſeditio; Nec enim Miles progredi volebat, niſi de ſtipendio perſoluendo, bonis aliquibus immobilibus obligatis, illi idoneè caueretur; Alioquin barbaris in *Prussia* *Monachis* ſe non ſeruiturum, cum non ignoret qualiter ſtipendia perſoluere ſoleat. Dux verò cum eam cautionem militi dare nolle, res ad extremum eò deducta fuit, vt proclamatum ſit, quicunq; in *Prussia* Fortunam experiri vellet, id cuiq; facere liceret. Ita Dux ab expeditione per *Pomeraniam* ſuperfedit, & Bona *Sagen*, quæ *Marchioni Vilhelmo* oppignorauerat, cum eliberare non poſſet, deperdidit.

Rex autem *Casimirus*, cum manifestis argumentis didiciſ-

set, rem in rebellionem apertam prorupisse; *Braunsbergæ* pro Dominica Palmarum, Generalia Prouinciæ Comititia indixit, è quibus splendida Legatio, ad Magistrum & Episcopum missa fuit, quâ amicè admonebantur, vt nisi se suapte omnia deperdita velint, Regi *Poloniæ* obedientiam præstarent. sed nihil apud obstinatos effici potuit, qui satiùs in sanguine proprio se velle suffocari responderunt, quàm vt *Polonis* subijci deberent. Dixerunt adhæc Legati; Nolunt itaq; vitæ & Fortunarum, miserorum vestrorum subditorum, rationem habere? Ad hæc Magister, omnes inquit subditi, non tanti sunt æstimandi, quantum vnus capillus Dominicorum; Ego me ipsum *Polonis* obijciam, quamobrem me subditis meis parcere aut misereri non conuenit; Me Deus adiuabit, & Inclytus *Hungariæ Rex*, totumq; *Romanum Imperium*, sum hac de re securus.

Paulò post Magister, conuocatis omnibus Dominij sui Vassallis, occasione Belli huius *Regiomonti* Comititia habuit, & Nobilitatem, seu Equestris Ordinis homines, in suas partes facillè pertraxit. Cæterùm Ciuitatum Nuntij, sibi planè constitutum esse responderunt, quòd propter obstinationem Magistri, vitam Fortunasq; amittere nollent; Cogitaret secum, quàm rectè illi, in societatem Belli, contra *Poloniæ* Regem, venire possent, cui jam fidem suam obstrinxissent, qui nullam illis occasionem belli dederit. Nec Vires eorum tantas esse, vt contra adeò potentem Regem, arma sumere audeant. Quod si aliquis inimicus, in Prouinciam ad eorum interitum, impressionem faceret, tunc se vitam & fortunas, vtrò exposituros, omniaq; facturos, quæ fideles subditos præstare conuenit. Responsum hoc Magistro non placuit, qui acrioribus verbis Nuntios obiurgauit, quòd ab Ordine Equestri dissentirent; delibarent amplius; quam ad rem, mensis vnus spatium, illis concedebat; sed eo elapso in eadem sententia persistebant, quòd ad injustè suscipiendum Bellum, quod solâ obstinatione Magistri conflatur, nullâ ratione teneri volebant.

Eodem Anno, mortuus est *Bernardus de Tinnenberg*, qui à Regiâ Maiestate, Bona *Straßburg* & *Althaus* cum eorum attinentijs, ad suæ & Fratrum suorum vitæ tempora obtinuerat, Eo defuncto, frater statim ad Magistrum scripsit, vt si vellet Bona demortui occuparet, & præsidij firmaret; qui sexcentos eò Milites misit, & Bona in potestatem redegit, deditq; ad suos *Marianos* in *Germania* Fratres, vt eos languentes excitaret, Literas, quibus significabat, se propemodum Vniuersam *Prus-*

Comitia Braunsbergæ.
Monetur Magister & Episcopus.

Obstinati ambo.

Et Responsum obstinax.

Comitia Regiomonti Crucigerorum.

Votum Nuntiorum Ciuitatum dissuadet bellum.

Displicuit Magistro sententia Ciuitatum. Vt per mensem deliberet concedit.

Perseuerant in suo proposito

Mors Bernardi de Tinnenberg.
Magister Straßburgi & Althaus occupat.

Offensa Regis
Poloniæ.
Bellum Nico-
lao Episcopo
denuntiatur.

Bielaius in
Prussiam cum
Exercitu mit-
titur.

Marieuerderu
expugnatur &
combustur.

Ecclesia Cathe-
dralis expugna-
ri non potuit.

Vartemburgu
Gutstadiu Sche-
burgum & Res-
selium simili-
ter.

Vormdittum
deditur ultro.
Melsacum exu-
stum.

Varmia suba-
cta & Domus
Canonicorum
combusta.
Ecclesia Var-
miensis in sta-
bulu conuersa.

Braunsberga
defensa.
Braunsbergen-
ses eruptione
facta Polonos
trucidant.
Heilsberga gra-
ui obsidione
cingitur.

In arce præsēs
fuit Nicolaus
Episcopus.
Magister con-
gregat Vasa-
los ad Heili-
genbeil.

siam breui recuperaturum, cuius rei magna jam essent iacta fundamenta. Eâ res adeò Regem offendit, quod per Episcopum *Cuiuiensem*, tanquam pari dignitate præfulgentem, Episcopo *Nicolao*, Bellum denuntiari iussit; Cæterum quo minus id cum Magistro quoq; faceret, preces Fratrum Teutonicorum in *Germania* effecerant, qui Magistrum Regi obedientem futurum, aut officio exutum iri, vt supra dictum est, promiserant.

Itaq; Rex septem millia electorum Militum, Duce *Bielauio* in *Prussiam* misit, qui vt *Marieuerderum* attigit, petijt sibi liberum transitum concedi, quod haberet in mandatis, ne quid molestiæ, locis Magistro subiectis, inferret. Sed parum illi Ciuitas fidebat & aditu prohibuit. Itaq; Dux Exercitûs, ciuitatem & Arcem validâ manu aggressus, vtramq; facile expugnauit & combussit; Cathedralem tamen Ecclesiam, ad elegantiam & munitionem egregiè constructam, occupare non potuit, quod præstantiores robore Viri, illatis eò facultatibus & opibus, suis præclare se tuerentur & defenderent. Inde *Bielaius Vartemburgum, Gutstadium, Scheburgum & Resselium* expugnare aggressus, non absq; suorum clade repulsus fuit, quod oppida hæc, satis benè munita validis præsidijis, optimè defenderentur. *Vormdittum* cum aliquot dierum obsidionem tolerasset, ultro se dedit. *Melsacum* pluribus pilis igneis sæpius petitum, totum deflagrauit. *Frauenberga* siue *Varmia* vim hostium ferre non potuit, qui desolatas Canonicorum hinc inde disperforum, curias exusserunt. Ecclesiâ verò, equis tribus ordinibus dispositis, pro stabulo vsi sunt. Inde *Braunsberga* obsessa, DEI & Diui *Andree* Patroni sui, qui sæpius in aère apparuit, auxilium sensit: Nam Ciues nullo damno accepto, eruptione factâ *Polonos* trucidârunt, & violati ac prophanati ab eis *Varmiensis* templi, iustas pœnas exegerunt.

Alia porro Exercitûs *Poloni* pars, *Heilsbergam* obsidione cinxit, Peditatus à regione Arcis, supra montem ab *Alla* vsque ad *Sinsam*, fossam ingentem duxit: Equitatus verò partem Ciuitatis, quæ campos & *Grossendorffum* respicit, ita cinxit vt nemo ingredi vel egredi portas auderet. Superuenit & recens miles, qui rates nonnullas in *Alla* fluuio construxit, è quibus commodè tormenta bellica, ad Arcis expugnationem explodi possent. Erat tum in Arce Episcopus, qui ad obsidionem ferendam, rebus necessarijs satis instructus erat. Magister autem, societatis cum Episcopo initæ memor, vt Amico in obsidione posito, succurreret, omnibus Vassallis præcepit, vt ad

Heiligenbeil conuenirent, quorum lustratione factâ, reperta sunt promiscuæ multitudinis, quindecim millia, quæ ut in eodem loco suis sumptibus manerent, mandauit. Interea Exercitus hic, victus inopiâ pressus, excursions Comitatûs causâ, in Vicinos Pagos & Oppida faciebat, maximo cum Incolarum damno, qui maximo cum eiulatu subinde conquerebantur, se tantis oneribus ferendis, nullâ ratione sufficere. Quamobrem ad persuasionem Fratrum, Magister decreuit, ex Equestri tantum ordine, firmanda Arcium præsidia, ciuibz autem renuntiare iussit, ut quod vellent, etiam in malam rem abirent; Ipse ducentis selectis Equitibus comitatus, *Heilsbergam* ire constituit, ut colloqueretur cum Episcopo: qui cum se spe suâ frustratum, omnibusq; prædijis destitutum animaduertisset, Inducias cum *Polonis* fecerat, ut cum Regia Maiestate de Pace tractationem inire posset. Eum ut à priore consilio discessisset Magister cognouit, renuntiare illi fecit secretò, quod conclusum & deliberatum haberet, ipsemet Arcem suis Prædijis defendere, Episcopum autem securitatis causâ, *Regiomontem* transferre. Sed Episcopus coram cum ipsemet, ad colloquium venire recusauit, dicens se in ardentem febrem incidisse; quamobrem si quid vellet, scripto cum illo ageret. Offendit ea res Magistrum vehementer, quod socium suum parum sibi fidere animaduertisset. Quamobrem videns se à Rege Hungariæ, ab Imperatore, & expectatione eius militis, quem in *Silesia* conscribi iusserat, tum à Vassallis quoq; suis, omni præsidio destitutum; Sociumq; Episcopum Pacem à Rege petere; Consiliarijs *Prussiae*, per subditos suos, (non suo tamen nomine) denuntiare fecit, ut ab illis locus, & tempus de tractanda Pace, constitueretur. Indicta sunt itaq; pro festo S. Vrsulæ, in *Elbingensi* Ciuitate Comitiaz; In quibus subditi Magistri & Episcopi comparuerunt, paratos se ad obedientiam Regiæ Maiestati præstandam asserentes, modò tempus aliud illis constitueretur, quo de ratione totius negotij ad exitum deducendi, certi aliquid concludi & definiri posset. Et si autem Domini Consiliarij facile videbant, miseros subditos rem suam agere, qui se tot bellis implicari molestè ferebant, dederunt tamen eorum petitioni locum, & alia Comitiaz pro festo S. *Nicolai Thorunij* indixerunt, in quibus cum nullus nomine Magistri & Episcopi comparuisset, cepit illicò, mandante Rege, miles *Polonus*, qui alioquin sub Inducijs modestè se gerebat, furere & populationibus ac cædibus, miseros colonos vexare, & acriter

Selectis ex E-
questri ordine,
Ciues abire fe-
cit.

Episcopus In-
ducias cum Po-
lonis sancit.

Episcopus col-
loquium cum
Magistro sub-
ter fugit.
Destitutus o-
mni præsidio.

Locum tracta-
tuum petit.

Comitiaz Elbin-
gæ pro festo S.
Vrsulæ.

Alia Comitiaz
Thorunij pro-
fecto S. Nico-
lai.
In quibus ne-
mo ab Episco-
po & Magistro
comparuit.

Miles Polonus
vexat non ſo-
lum Epifcopi
ſed etiam Ma-
giſtri ditiones.

Tertio Comi-
tia assignantur
pro feſto Epi-
phaniz.

Tempus refle-
xionis ad præ-
ſtandum ho-
magium.

Spreta bene-
uolentia excā-
deſcit.

Magiſter Ordini-
bus ſuis ex-
tremam neceſ-
ſitatem expo-
nit.

Reſponſum
Ordinum.

Reſponſo hoc
iratus Magi-
ſter.

Heilsbergam oppugnare: In ipſis Epifcopatûs confinijs, etiam Magiſtri Ditionem inuaſit, & circa *Bartſteinum*, *Naydemburgum*, ac *Paſſenbeimum* flammâ ferroq; abſq; vllâ miſericordiâ deſcendit. Hic iterum Coloni tam Magiſtri quàm Epifcopi, calamitates ſuas deplorauere, & magnoperè de Dominis ſuis conquerebantur, quòd nec Pacem conſtituerent, nec ſubditos tuerentur. Petiuerunt denuò Comitia congregari, quæ pro feſto Epiphaniæ *Elbingæ* habita fuerunt. Ibi ſe per Nuntios excuſabant, quòd cum *Hungaria Rex*, cum *Cafimiro Rege Olomucij* in *Morauia*, Pacis tractandæ ſummam in ſe recepiſſet, *Thoronium* ad proximè præterita Comitia, venire non poterant. Reſponſum illis eſt acriter à Dominis Conſiliarijs; Eos non ita obturatas nares habere, vt odorari non poſſint, vnde dilationes iſtæ veniant, quæ tot inſignibus mendaciorum pallijs, obteguntur & velantur. Pro vltimâ declaratione, ſebreue tempus ad feſtum duntaxat Purificationis, illis concedere, intra quod ſi Homagium Regiæ Maieltati non præſtiterint, ſciant in ſe flammâ ferroq; animaduerſum iri. Elapſo tempore, nihil eorum quæ debebant, Magiſter & Epifcopus præſtitit, ſed nec facti ſui excuſationem aliquam attulit: Quamobrem ſtatim per literas, Rex Magiſtro bellum denuntiat, & decem milia Militum in *Pruſſiam* miſit.

Interea Magiſter, conuocatis omnibus Ditionum ſuarum Ordinibus, Literas Regias quibus Bellum illi denuntiabatur, exhibuit, Fidei ac Officij admonuit, vtq; in hac tam extrema neceſſitate, maiorem alacritatem & conſtantiam, quàm hætenus feciſſent, illi comprobarent, poſtulauit. Ad ea, habitâ priùs deliberatione, & inter ſe conſultatione, Status reſponderunt. Nihil cum illis initio de Bello hoc, communicatum fuiſſe: itaq; nihil etiam nunc de Belli huius ſubſidio, quod peteret, illos ſcire velle. Quod ſibi quiſq; intriuit, id comederet. Quandoquidem ipſe abſq; cauſa, cum eorum ſanguinis effuſione, Bello Sacerdotali ſeſe implicauerit, vt eorum clade & interitu, nominis celebritatem acquireret, eos voluntati ſuæ morem gerere, nullâ ratione teneri. Monebant itaq; vt abſq; longiori procrastinatione, juxta condictas perpetuæ Pacis conditiones, in verba Regis juraret, & ſic cladem à Vaſallis & Ditionibus ſuis auerteret. Iratus hoc reſponſo Magiſter, & aſſumptis non paucis ſui *Mariani* Ordinis Militibus, & Nobilibus, in Vniuerſum circiter Ducentis Equitibus, cum eis animum, aliquid cum laude aggrediendi, declarafſet, ipſiq; præſto

ſe ſe

se se illi in omnibus, quæ ad nominis eius dignitatem pertinerent, obfuturos pollicerentur, statim *Heilsbergam* contendit, & ex improviso adortos plures *Polonos* interfecit, rateq; supra *Allam* fluuium, cum triginta militibus egregijs, & viginti tormentis bellicis maioribus, quæ mutuò ab *Elbingensibus* & *Gedaniensibus* acceperant, in potestatem reductâ, in sequenti die, tormentis secundo flumine abductis, *Bartsteinum* re feliciter gestâ reuersus est, nec tentandum ampliùs Martis aleam cum *Polonis* arbitrabatur, qui aliquot millia benè instructa habebant.

Aggreditur
Heilsbergam.

Ratem cum
tormentis capi-
pit & abducit.

Poloni cladem
illatam vici-
scuntur.

Poloni cladem illatam vlturi, eum insequuti sunt, & in fuga plures è Marianis militibus interfecerunt.

Tandem cum Rex *Casimirus*, maiora in dies Militum præsidia *Heilsbergam* submitteret, & *Polonus* in Ditionem Magistri, subinde excursionem faceret; Et illi in quorum spem Magister Bellum hoc susceperat, nulla suppeditarent Auxilia, Magister cum Episcopo, ad præstandum Regiæ Maiestati homagium consenserunt, non tamen vt Rex, sed vt ipsi vellent, vtq; *Straßburgum* & *Althausum* penes Ordinem remaneret. Ad extremum res eò deducta fuit, vt datis obsidibus, se profesto *S. Ioannis* ad Regni Comitia venturos, & obedientiam Regi præstatueros, pollicerentur: Atq; ita Polonica Præsidia, ex Episcopatu deducta, in *Marieburgensi* tractu collocata fuerunt, quæ Colonis cum vastatione agrorum, non leuia damna inferebant.

Ad præstandū
homagium Ma-
gister cum E-
piscopo con-
sentiunt.
Dantur obfi-
des.

Anno Domini 1479. ad diem *S. Ioannis* de mense Iunio, habito saluo conductu Regio, Magister & Episcopus, copioso Comitatu, *Petricouiam* ad Regem simul venerunt. Magister nigro, Episcopus rubeo panno, vestitam familiam habebat. Ad erant quoq; ibidem Regij Terrarum Prussiæ Consiliarij. Post aliquot dies, cum Magister & Episcopus in Senatum deducti essent, Rex apertis & disertis verbis, Rebellionem illis exprobrauit, Illi post breuem facti excusationem, Misericordiam Regis implorauere. Oblata demum fuit Magistro formula, in quam jurare deberet; hanc ille acceptare noluit, declarans se non alia vsurum, nisi quam ipsemet conscripisset, eâ conditione abiectâ vt *Straßburgum* & *Althausum* Ordini concederetur, nec eo nomine à quoquam ampliùs molestaretur. Rex eò condescendere nullâ ratione voluit. Eam absq; contradictione acceptauit Episcopus, & procumbens in genua, præeunte Vice Cancellario, verbis conceptis solenniter absoluit. Rex verò statim eum in gratiam recepit, publicèq; promisit, quòd

Magister & E-
piscopus Pe-
tricouiam ve-
niunt.

Disputatio cir-
ca formam lu-
ramenti cum
Magistro.

Episc. acceptat
formâ & exe-
quitur.
Rex ei gratiam
spondet.

excessus quicumq; fuerunt, nullum nec illi nec suis, perpetuis futuris temporibus, periculum creare deberent. Articuli etiam, siue concordata fuerunt conscripta, qualiter in posterum se gerere teneretur Episcopus.

Vt vidit hæc Magister, in admirationem versus, elatâ voce exclamauit; *O doloſe Iuda quid feciſti!*

Reconciliatus
Episcop⁹ Regi
Heilsbergæ re-
dit.

Venit Legatio
ex Hungaria
ad Regem,
Declarat Lega-
tus suum Re-
gem ne Equū
quidem suppe-
ditaturum Ma-
gistro.

Declaratione
tantâ perterre
factus Magister
acceptat for-
mam iuramen-
ti.

Ad instantiam
Legati Hun-
garie, admitti-
tur ad præstan-
dum Homagi-
um Magister,

Redit Regio-
montem.

Inſenſus ſem-
per Episcopo.

Conscriptis tandem & obſignatis Concordatorum Articulis, Episcopus *Petriconiâ Heilsbergam* redijt, quem aliquoties Magister inuadere tentauit, vt eum manu propriâ, tanquam datæ fidei, min⁹ tenacem confoderet. Perſtititq; in ſuâ obſtinatione Magister, nec aliâ homagij formulâ, niſi quam ipſe confeciſſet, vt voluit; quòd in *Matthia Rege Hungariae* ſpem adhuc repolitam haberet. Interea miſſa cum quadringentis equitibus, ab eodem *Hungariae* Rege, ſplendida Legatio, ad Regem, dum in *Noua Ciuitate* eſſet, ſuperuenit; quæ inter cætera adferebat & hoc. *Regem certò ſibi perſuadere debere, ne vnum quidem Equum, in gratiam Ordinis Teutonicorum Magiſtro, ſellâ inſternere conſtitutum haberet.* Iniecit ea res terrorem Magiſtro, & omnibus Ordinis *Mariani* fratribus, qui in mærore poſiti, coram Rege ſeſe humiliare: & juxta formulæ præſcriptum, obedientiam jurare volebant. Sed Rex non admittebat, vt Aulam eius ſequi cogerentur; ita fiebat, vt in ſumptum equos & currus diſtraherent. Ad extremum tamen *Hungariae* Legatus id effecit, vt Rex à Magiſtro, tanquam obſtinato & inquieto homine, obedientiam homagij acceptaret, qui ſeſe ita obligare coactus fuit, vt *Poloni* volebant.

Inde *Regiomontem*, animo valdè exacerbato redijt Magiſter, ſubditis ad extrema vitæ tempora valde grauis, quòd eius cupiditati in Bello proſequendo, contrarios ſe præbuerunt: Fortunâ ſemper contrariâ vſus. In Episcopum *Nicolaum* valdè inuehebatur, eum proditorem appellabat, ac in Eccleſiaſticâ iuriſdictione, quam ad ipſam vſque *Regiomontanam* Ciuitatem habuit, ſemper impediēbat.

Porro cum Episcopo *Nicolao*, infraſcriptis conditionibus pax confecta & ſtabilita fuit. *Primò.* Quòd Episcopus *Varmienſis* cum Capitulo, Regem *Poloniae* pro Domino & Protectore, perpetuis temporibus agnoſceret.

Secundò. Quòd quilibet Episcopus *Varmienſis*, tertio Menſe ab obtenta confirmatione Sedis Apoſtolicæ, perſonaliter coram Regia Maieſtate, ſi in *Prussia* fuerit, ſi min⁹ in

Arce Marieburgensi, comparere, ibiq; in Ecclesia majori, coram summo Altari, in manibus vnus Episcopi, per Regem deputandi, in præsentia Consulum Ciuitatis *Thoruniensis Elbingensis, Gedanensis*, & Palatini ac Capitanei *Marienburgensis*, Regiæ Maiestati fidem & obedientiam jurare teneatur, quod Fædus & societatem cum nullo Mortalium, absq; scitu & voluntate Regia, quouis prætextu nunquam inibit.

Tertiò. Quòd si quis Episcopus homagium tale præstare recusauerit, debent eius subditi à Iuramento Fidelitatis, absoluti, cenferi, & à Rege Poloniae dependere.

Quartò. Quòd Omnes Vasalli, coram Commissarijs, Regiæ Maiestati jurare, & singulis decem annis Iuramentum huiusmodi renouare teneantur.

Quintò. Quòd Canonici *Varmienses*, & Generalis Aduocatus, post vnus mensis ab assumptione decursum, jurare ibidem sint obligati. Aduocatus autem subditus Regis, aut Bona immobilia in Episcopatu possidens, esse debeat.

Sextò. Quòd in Episcopum is eligatur, qui Regiæ Maiestati gratus sit futurus.

Septimò. Quòd Ecclesiastici cùm inuestiuntur, Regi jurare teneantur.

Octauò. Quòd Vasallis, qui in Iudicijs ab Episcopo se grauatos sentiunt, liberum sit ad Regiam Maiestatem prouocare & appellare, & qui causâ ceciderit, victori sumptuum partem refundere teneatur.

In eos Articulos, cùm Episcopus & Nuntij Capitulares jurassent, domum reuersi, ob præterita Bella desolata inuenerunt omnia. Atq; ita sacerdotali bello finis est tandem impositus.

Nimis peruulgatum est, Casimirum Iagellonidem Regem Poloniae, Liberam Episcoporum à Collegijs Canonorum electionem, primùm in Basilica Cathedrali Cracou. à Morte *Thomæ Stzempinij*, acrioribus etiam medijs, nominatione sibi usurpatâ, sustulisse penitusq; extinxisse, quod ad alias in Regno Ecclesias deriuatum. Ius hoc Regium Varmiensem Ecclesiam, quæ prisci moris liberam retinebat electionem, complecti censebatur, quæ recenter cum Prussia intolerabile jugum, crudumq; Crucigerorum dominium excutiendo, in ditionem deditio- nemq; Regis Casimiri concesserat, eò iuris quæsitæ colore, *Nicolaus Tungenus* electus à Collegio Canonorum, & à Sede Romanâ confirmatus, inuitus ad Caminen; in Pomerania Ducali

Quando libera Electio Ecclesie Cracou: sublata.

Episcopus re-
dintegratione
gratiae Regis
obtinere.

Cathedram, quæ nunc Lutheranâ mephiti oppressa, fiscum auget Electoralem, transferebatur; *Alberto Oporouio* eidem, Rex Successorem designante, impensiusq; promouente. Nihilominus *Nicolaus Tungen* Pontificis summi fultus Patrocinio, tum & fauore Pruthenæ Nobilitatis, quæ ægrè ferebat Polonos, pane pasci Prutheno; Possessionem Varmiensis retinuit Episcopatus. Hinc illæ lacrymæ quod Regi fuerit obliquus, cum Rege Hungariæ *Matthia*, qui cum *Casimiro* apertam exercuit hostilitatem, consilia & armorum aliquam, contra *Casimirum* fouit colligationem. Tandem pacis tractatu inter *Casimirum* & *Matthiam* concluso, *Tungenus* vigore eiusdem, Reconciliationem gratiaq; redintegrationem Regis *Casimiri* obtinuit. Veniens verò Petricouiam, ad pedes Regis prostratus, Regiam placauit indignationem, permissumq; illi retinere Episcopatum Varmiensis, ijs acceptis conditionibus quæ supra positæ sunt; & is in hunc vsq; diem eligitur Episcopus, qui grata Regi persona, Regiâq; Nominatione seu commendatione designatur. Stemmata ipsius in hunc vsq; diem visuntur in fenestris templi, tum in testudine supra maius Altare; Aniuersariumque eius in hunc vsq; diem extat, florenorum sexaginta.

Hic Episcopus *Nicolaus* in maxima rerum varietate, & perturbato statu, multa perpeffus, administrauit Episcopatum vsq; ad Annum 1489. Excessit è viuis die 14. Febr. eiusdem Anni. In Ecclesia *Varmienfi* sepultus, vnâ cum alijs quiescit.

*Detrectat Regis Casimiri, agnoscere Sceptra,
Vnitq; manu cum Fratribus Ordinis, Arma
Et parat & sumit, sed Bello lassus adorat
Regales fasces, iuratq; in Regia Verba.*

XVI.

LVCAS WEISELRODT.

Lucas eligitur
legitimè à Ca-
pitulo.

Electio hoc Re-
gi non gustum
fuit.

LVCAS WEISELRODT alias de *Allen, Thoruniensis*, Iuris Vtriusq; Doctor, Canonicus *Varmiensis*, à Capitulo legitimè electus, *Romæ* confirmatus & consecratus Episcopus, In *Pressiam* veniens, quietam Bonorum Episcopatus Possessionem assequutus est. Rex tamen *Casimirus* nonnullis de causis illi infensus, dignitatem hanc ad eum delatam ægrè ferebat,

& quan-

& quandoquidem pro veteri Priuilegio, nullus in Polonia, absq;
scitu Regis, in Episcopum promoueri posset, de eo, loco amo-
uendo valdè cogitabat. Sed quoniam Episcopatus Possessio-
nem habebat, & Vir doctus, Pius, linguarum peritus, & adeo
vitæ exemplaris erat, vt eum ridentem nullus vnquam viderit,
Senatores Prutheni eius defendendi curam susceperant, ne

Lucas Vir pius
doctus lingua-
rum peritus.
Senatores Pruf-
sæ eum defen-
dunt.



quid Rex in eum durius statueret, qui etiam ætate valetudi-
neq; fatigatus, eum facile tolerabat. Rege mortuo, Succes-
sores singulari quadam beneuolentiâ eum prosequabantur. Si-
gismundus præsertim, qui operâ illius in maximis quibusque
negotijs libenter utebatur, & Capitaneatus *Starogardensem*,
Stumensem, *Christburgensem* illi locauerat.

A Sigismundo
Rege adama-
tur.

Administrator
tam in spiritua-
libus quam tem-
poralibus opti-
mus.

Ecclesiam Varmensem non minus in spiritualibus quam temporalibus, adeò rectè prudenterq; administravit, ut ex censibus Episcopatus, quindecim marcarum millia, in redditibus annuis habuerit, quam pecuniam non in propinquos & consanguineos, sed in Ecclesiarum necessitates, & Prouinciæ suæ commodum, & vtilitatem liberaliter impendebat: præsertim verò preciosa ornamenta, & sacra vasa plurima, multis Ecclesijs summâ cum alacritate largiebatur. Eius tempore Anno videlicet 1497. Arx *Heilsbergensis* tota conflagrauit, in quam reficiendam plurimum impendit.

Arx Heilsbergensis
conflagrauit.

Dissidentia E-
piscopi cum
Teutonicis.

In Comitibus
Posnaniæ ob-
stitit se intenti-
onibus Crucif-
ferorum,

Iudicium Epi-
scopi de Cru-
cigeris.

Cum Ordine *Teutonico* in *Prussia* parùm illi conueniebat, Et nisi *Fridericus Saxo* Ordinis Magister, Probus Vir & quietus esset, magnas procul dubio à Fratribus molestias pertulisset Episcopus, qui non minus illis, quam illi ipsi erant infensi, quòd eorum progressus multis in rebus, valde impediret, præsertim in Generalibus Regni Poloniæ Comitibus *Posnaniæ* habitis; vbi Milites *Mariani* congregati ingeniosè supplantare conabantur Regem; Instabant enim mirum in modum apud Regem, ut illis Administrationem totius *Prussia* concederet, pro annua quinquaginta millium florenorum pensione. Et multi credebant, rem effectum habituram; Cæterùm *Lucas* Episcopus, subornatis Senatoribus, negotium impediēbat, & palam profitebatur, si Ecclesiarum Bona, & res Cleri in *Prussia*, in bono & securo statu constituere vellent, cauere diligenter, ne auari & inquieti homines, denuò potentiâ & viribus augeantur.

Ad Synodum
euocatur.

Dat. rationes
absentiæ.

Mors Lucæ E-
piscopi.

Monasterium
S. Antonij fun-
dat.
Wismaric Mo-
nachos addu-
cit.

Indignati ob hoc Fratres, ut Episcopum vlciscerentur, *Archiepiscopum Rigensem* induxerunt, ut *Lucam* ad Synodum in *Liunioniam* euocaret; sed eò non est profectus Episcopus, & se per literas excusauit, quòd Maioritatis & Exemptionis jure gauderet.

Post modum cum Episcopus è Nuptijs Regijs, quas *Sigismundus* cum Comitissâ *Cilia* Filia celebrabat, *Cracouiâ* in *Prussia* reuerteretur, *Thorunij* in Patria sua in grauem morbum incidit, ex quo mortuus est, & *Varmiam* delatus, cæteris Patribus appositus fuit Anno 1512. Dominicâ Iudica.

Hic Episcopus *Lucas*, per Fratrem *Ioannem Symbaliensem* Episcopum, Suffraganeum suum, qui Parochiam in *Kiuiten* obtinebat, Monasterium *S. Antonij Varmia* fundauit, & obtentis ab eorum Præceptore *Wismarij* sex huius Ordinis Fratribus, eos in illo, rebus omnibus ad necessitatem decenter instructo,

colloca-

collocavit. Inter eos erant præcipui tres pij & eruditi Patres, qui multa bona opera in Prouincia faciebant, assidue pauperum, infirmorum curam gerendo, eos ad benè moriendum præparando, Missas celebrando, Verbum DE I, quocunq̃ ab Episcopo mitterentur, cum maximo fructu prædicando. Ita fiebat vt Ordo hic nouus, magnam in *Prussia* Sanctitatis opinionem acquireret, & piorum Eleemosinis optimè sustentaretur, & omnibus rebus necessarijs satis abundaret. Cæterum cum illi recessissent, successerunt in eorū locū alij Fratres, longè prioribus dissimiles, qui magis secularia quàm spiritualia curabant, populoq̃ persuadebant, quòd *Diuus Antonius* eorum Patronus, dominium ignis in cælo obtineret, se non esse Monachos sed Sancti *Antonij* Domnos. Si quis *Diuo Antonio* porcum cum eleemosina offerret, eum in iumentis nullum damnum subiturum; Si qui eorum Porcis (qui pro signo campanellam auribus appensam gerebant) coretum frumenti pro pastu offerrent, eos pro quolibet Coreto, quinque annos de Indulgentia, & peccatorum venialium remissione, consequuturos. *Habebant* etiam in *Sulaua Marieburgensi* domicilium. vnde non contemnendam pecuniæ summam, & bonum numerum porcorum acquirebant. Hyeme verò domos obibant pro *Sancti Antonij* porco, dimidiam hordei mensuram exigentes. Qui autem in societatem adscripti essent, ij mensuram integram pendere tenebantur. Hæ & similes exactiones *Albertum* Ordinis Magistrum induxerunt, vt eos Prouinciæ suæ aditu prohiberet, licet antea, vt eius dominia visitarent, annuatim quadraginta *Marcas* illis donare solitus fuerit. Cum ebrietate vitam scandalosam coniunxerant, vnde in contemptum apud homines adeò venerant, vt etiam à rusticis passim Porcorum Papæ, vel Porcini Episcopi, per ignominiam vocarentur. Eos quidam eorum Præceptor, pius & doctus senex, visitaturus aduenerat, vt improbos & à religionis professione alienos eorum mores, emendaret & corrigeret, cumq̃ eos ebrietatis nomine vehementer obiurgaret, quidam arrepto fuste, eum in capite adeò grauius percussit, vt in terram decidens, paulò post è vulnere decesserit. Percussor autem fugâ sibi consuluit. Deinde Successor *Luca, Fabianus Episcopus*, voluit eos visitare, sed nullâ ratione id permittere volebant. Interim noua *Lutheri* Hæresis nonnullos inuasit; quamobrem Episcopus *Fabianus* eos ferendos non putauit, & ea quæ à *Luca* prædecessore attributa

Tres eorum magnum fructum prædicando faciunt.

Cum magna opinione sanctitatis.

Successores eorum lōge dissimiles.

Domnos se vocant.

Pro Porco emendicant.

Scandalosè viuunt.

Visitatore vulnerant.

Episcopo visitare se non permittunt.

erant, illis ademit. Illi verò locum & hospitale, Venerabili Capitulo reſtituerunt, & abinde reſceſſerunt.

*Hic nunquam ut fertur riſit, tamen omnia lata
Varmienſi Terra præſtat: Nam pace quietâ
Floruit, & menſa eſt multis prouentibus aucta,
Arx Heilsbergenſis flammis abſumpta, renata eſt.*

XVII.

FABIANVS.



Fabianus, eligi-
tur in Episco-
pum tunc sub-
diaconus.

FABIANVS ex Nobili de *Lufianis*, tractus *Reſſelenſis*
natus, Iuris Vtriuſq; Doctor & Canonicus *Varmienſis*, Vir
doctus.

doctus & Urbanus, sed paulò effeminatior & mollior fuit: nam omnem administrandi rationem, Matri, quam *Heilspærgæ* ad latus semper habebat, permiserat. Electus à Venerabili Capitulo Episcopus, ad *Regem Sigismundum* ipsemet profectus, eidem homagium, tanquam Domino & Protectori præstitit, cum tantum Subdiaconus esset, à Suffraganeo suo Fratre *Ioanne Simbaliense* Episcopo, in Ecclesia Parochiali *Heilspærgensi*, Sacerdos primum ordinatus, deinde Episcopus consecratus, primum & vltimum Sacrificium Missæ celebravit, nec vnquam in altaris officio, ministrasse visus est.

Post electionem homagiū Regi in persona sua præstat.

Ordinatus & Episcopus consecratus semel in vita celebravit.

Paulò post mortuo *Friderico, Georgij Saxonie Ducis* Fratres, electus fuit, Trigessimus quartus Ordinis Teutonicorum Magister, *Albertus Marchio de Aupsch* Acolitus & Canonicus *Coloniensis*, viginti quatuor circiter Annorum Adolescens, sed in rebus tractandis sagax, & adeò magni & excelsi animi, ut parem non facile ferret. Quo tempore in Magistrum eligebatur, fuit in Castris *Imperatoris Maximiliani*, cum obsidionem *Patauinam* solueret. In eo Bello modum oppugnandarum Urbium, & artis militaris rationem didicit. Et quoniam Regis *Sigismundi* sororis *Sophiæ* filius erat, eò libentius, Fratres Teutonici illum sibi Principem delegerunt, quòd Ordinem à *Polonorum* iugo liberaturus sperabatur, quandoquidem aliorum quoq; affinium, vel Consanguineorum Principum potentia, inniteretur; Pater tamen ipsius *Fridericus Marchio de Aupsch* consentire noluit, ut filius delatum Magni Magistri munus acceptaret, donec splendida Legatione missa, id ab eo vniuersus Teutonicorum Ordo impetraret. Sed & *Maximilianus Imperator*, Patre & Filio in consilium euocato requirebat, ut ne detrectaret. Cum itaque Munus accepisset, Crucigeri cum maximo Triumpho eum, ad Ordinis Ciuitatem *Mergethum* in *Franconia* deduxerunt, vbi Pallium album, nigra cruce insignitum, pro Ordinis veteri instituto accepit, & aliquot dierum consultationem cum Fratribus habuit, quâ ratione pax in perpetuum stabilita, infecta reddi, & *Prussia* tota in Ordinis Potestatem redigi posset. Iuravit etiam ibidem *Maximiliano* Cæsari, & Imperio Romano fidem & obedientiam. Tandem obtentis Passus, quas vocant Literis, ut per *Poloniam* liberè in *Prussiam* peruenire posset, à Fratre *Marchione Casimiro*, cum maximo & honorifico nobilium comitatu, in *Prussiam* deductus est, Anno Dñi. 1512. die 22. Nouemb: Diuæ *Cæcilie* sacro. Ingressus autem *Regiomontem* cum quadrin-

Albertus Marchio in Ordine 34. Magister Anno 1511.

Dum eligebatur in Castris fuit.

Sororis Sigismundi Regis Sophiæ filius.

Pater consentire non vult.

Imperator sua det.

Introducitur Mergethum. Pallium cum cruce accipit.

Cônsultatio de excutiendo iugo.

Iurat Imperio & Imperatori.

In Prussiam deducitur. Regiomontem introducitur.

gentis Equitibus, Pallio nigro lugubri vsus est, propter Matris, quæ non ita pridem Vitam cum Morte commutauerat, obitum.

Homagium Re-
gi & Regno Po-
loniæ præsta-
re recusat.

Homines pe-
tulantes fouet.

Episcopatum
infestant.

Pagos exurunt.

Contra Polo-
nos fœdus ini-
tum Principi-
bus.

Prætextu, alio.

Nulla securi-
tas in Episco-
patu.

Hillebrandus
Nobilis Ordini
Teutonicorum
pauper quid fa-
cit.

Canonicos ca-
ptiuat.

Ab omnibus
timetur.

Admonitus à Rege *Sigismundo* sapiùs, vt iuxta transacti-
onem cum Prædecessoribus eius factam, Regi & Regno *Polo-
niæ* homagium præstaret, & in perpetuæ Pacis condiciones ju-
raret; id facere nullâ ratione volebat, quòd totus in ea ratio-
ne versabatur, vt amissam *Prussiae* partem, recuperaret, suoq;
Ordini adiungeret: quam ad rem vt sese maturiùs præpara-
ret, perditos quosque homines, qui sibi Nomen Militum vsur-
pabant, facile tolerabat. Hi non solum vicinos è propinquo
infestare, sed sapiùs etiam in Episcopatum, excursionem factâ
Parochis & Miseris Colonis, damna inferre, immò & Pagos
exurere solebant; idq; eo consilio maximè fiebat, vt Rex in-
jurijs Vassallorum commotus, prior Magistro bellum denantia-
ret: qui incredibili quadam pugnandi cupiditate accensus, cum
nonnullis Principibus contra *Polonos*, societatem & fœdus ini-
uerat, nempe cum Magno *Moschouiae* Duce, cum Rege *Da-
niae*, Magistro *Liunia*, Marchione *Brandeburgensi*, Duce *Brunsvi-
censi*, Magistro Ordinis per *Germaniam*, Marchione *Casimiro* de
Auspach eius Fratre; Idq; eo prætextu faciebat, quasi à Sacro
Imperio Romano, post Cæsaris *Maximiliani*, qui jam ad ex-
tremam senectutem deuenerat, obitum, Generalis Dux Exer-
citûs constitutus esset.

Hæc magnâ ex parte acta sunt Anno 1516. quo etiam tem-
pore, Bonorum direptiones, & populationes in Episcopatu
Varmienfi, ita exercebantur, vt non solum foris, sed nec domi
quidem securè agere cuiquam liceret. Quæ cum per eam
Prussiae partem, quæ ad Regem pertinet, ubiq; sparsa ac diuul-
gata essent, accidit, quòd Pauper quidam sed animosus Nobi-
lis, Ordinis Teutonicorum Vassallus, Ciuibus *Elbingensibus*, &
Canonicis *Varmiensibus*, propter contumeliosa ab ipsis in eum
prolata verba, fauore & auxilio Fratris *Vilhelmi* Comitis de
Eisenberg frater, hostiles inimicitias denunciauerit, & merca-
torum *Elbingensium* Bona, in via publica diripuerit: sed & du-
os Canonicos, qui *Melsaco*, *Varmiam* proficiscebantur, in ipso
Melsacensi saltu adortus cepit, & captiuos abduxit: vnde bre-
ui *Hillebrandus* (hoc enim nomine vocabatur) non conte-
mnendas opes, tantumq; nomen sibi comparauit, vt ab eo, su-
isq; omnes sibi passim metuerent. Quamuis autem *Elbingen-
ses* vnâ cum Capitulo, grauiter de *Hillebrando* eius Domino

(qui

(qui Ordinis Marschalcus erat, & in oppido *Holland* morabatur) conquesti fuerint, non aliud tamen ab eo responsum, referre potuerant, quàm ut de eo reconciliando quam primùm laborarent, ne quid deterius postea, pati illos contingat.

Nulla de illo
Iustitiæ admi-
nistratio.

Sub hoc ipsum tempus, euenit etiam hoc, quod cum diues quidam Mercator *Elbingensis*, nomine *Nicolaus Tolkemit* ex vno nundinarum loco, cum Mercibus ad alium proficiscens, in sylua *Hollandica*, in *Hillebrandi* satellites incidisset, ab eisdem, & mercibus, & aliquot centenis marcarum in parata pecunia spoliatus fuit; qui paulò post duos ex dictis latronibus nactos, eos per Magistratum publicè capite plecti curauit. Eorum mortem quidam Nobilis *Pomeranus Hippolitus Wedil*, vlcisci cupiens, quod eos sibi sanguine coniunctos diceret, Inimicum se *Elbingensibus* palam profusus, *Nicola* illi *Tolkemito* diu infidias struxit. Tandem cum *Wormdittum Braunsbergam* proficisceretur, inter *Kirckhausen* & *Bornitte* pagos, eum cum septem benè instructis Equitibus adortus, vtrâq; manu abscissâ, & aliquot vulneribus inflictis, pro mortuo reliquit, merces omnes, & septingentas paratæ pecuniæ marcas abstulit; quæ spolia ut cum socijs partiretur, celeriter ad partem *Klesfeldtum* versus concessit. Interea *Bornittenses* rustici superuenerunt, & *Nicola* adhuc semiuiuo reperto, eum *Wormdittum* reduxerunt, vbi diligenti curâ adhibitâ, sanitatem postmodum, manibus duntaxat exceptis, recuperauit.

Mercator *El-
bingensis* spo-
liatur.

Prædatores
duo puniuntur.

Horum mor-
tem vlciscitur
Wedil.

Porro *Christophorus Pfaff* Burgrabius *Melsacensis*, cum de latrocinio huiusmodi per suos certior esset factus, statim aliquot Equitibus comitatus, *Klesfeldtum* aduolauit, vbi cum *Hippolito* prædam diudentem, & numerandâ pecuniâ occupatum reperisset, eundem in potestatem redegit, famulos autem eius, qui sese armis tuebantur, omnes interfecit. *Hippolitus* ipse sic captus, *Heilsbergam* missus, & in carcerem propè Iuniorum Famulorum mansionem, coiectus fuit.

Capitur *Hip-
politus Wedil*.

In carcerem in-
truditur.

Offendit ea res Ordinis Teutonici Fratres, adeò ut denunciatis Episcopo, & Capitulo palam inimicitijs, multa eorum Bona vastauerint, Villas & Pagos plurimos exusserint. Cumq; per literas Episcopus, apud Magistrum perficere non posset, ut eiusmodi Populationes & incendia prohiberet, ipsemet ad extremum, cum Consiliarijs, & familiaribus suis *Regiomontem* profectus, rogauit Magistrum, ut eiusmodi furta, rapinas, & damna, à miserorum Colonorum ceruicibus auerteret, & Pacis Bonæq; vicinitatis lura, sanctè coleret, ne ista suorum insolentia,

Bona Episco-
patûs depræ-
duntur.

Episcopus *Re-
giomontè* que-
ralaturus ve-
nit.

Excipitur hu-
maniter.

Hippolitus &
carcere dimit-
titur & mori-
tur.

Reconciliatio
Episcopi su-
specta.

Aggravat. su-
spicionem in-
consideratus a-
gna.

Effectus pessi-
mus.

Rex bellum
denunciat Ma-
gistro.

Firleium Ge-
neralem Du-
cem belli insti-
tuit.

res in deterius ruant. Excepit Magister Episcopum humani-
ter, & quietem in vicinatu servare promisit, dummodo *Hippo-
litus* è carcere dimittatur, & quæ illi ablata fuerunt, restituan-
tur: Quod etiam factum est. Cæterum *Hippolitus* è carcere,
in quo diu latuit dimissus, aëris repentinam mutationem non
ferens, altero statim die mortuus est.

Dolenter admodum ferebant *Poloni*, hanc Episcopi cum
Magistro reconciliationem. Quamobrem Episcopum nomi-
ne proditoris passim proscindebant: & in posterum parum
se illi fidere, non obscure testabantur. Porro ad illam Pacifi-
cationem non parum ea quoq; res momenti attulit. Immise-
rat in Episcopatum Rex, non paruum militum numerum, qui
excursiones & insolentias Teutonicorum auerterent. Hi cum
Bartsteinum, *Schippenpilum*, & *Fridlandum* occupare constitu-
issent, missa fuit *Bartsteino* Matrona *Romelsche*, quæ coniu-
ctissimè cum Episcopi Matre, cuius nutu gubernabantur tunc
omnia, vivebat, ad eam ipsam Matrem, ut ab Episcopo obti-
neret, ne Militem *Polonum*, in Ditionem Magistri eruptionem
facere fineret. Res ita per Mulieres acta est, ut *Polonus* ad
Episcopi persuasionem, à damnis Ordini inferendis abstineret,
& ad sua reuerteretur: qui statim ut excessit, Ordinis satelli-
tes Episcopatus Bona, adeò flammâ vastauere, ut vix triginta
villæ, tantam hanc calamitatem potuerint euadere.

Cum itaq; Rex certis & evidentibus, omni ex parte ar-
gumentis, intellexisset, quod Magister debitum illi homagi-
um præstare detrectaret; & quod cum *Moschovitis*, *Danis* &
nonnullis *Germania* Principibus, contra *Poloniæ* Regnum se-
cretò conspirasset, & morte *Maximiliani* Cæsaris subsequen-
te, militem per Germaniam conscribi curasset, habitis Regni
Comitijs, per nonnullos Capitaneos, missis publicis literis,
eum Hostem Patriæ declaravit, bellumq; illi denunciauit: Ge-
nerali Exercitûs Duce constituto, Domino Palatino Sandomi-
riensi *Nicolao Firleio*, cui dedit in mandatis, ut Op-
pidis & Ciuitatibus Episcopatus *Varmien*, Præsidarios *Polonos*
Milites imponeret, quò ex propinquo Bellum facilius Ordini
Ditioni valeret inferre. Non latebant ita Magistrum, qui
Firlej Ducis anteuertenda Consilia ratus, *Braunsbergam* eo ut
sequitur modo occupavit.

ACTA ANNI 1520.

Magister ut celeritate rebus suis consulere, rumorem

omnia

omnibus sermonibus euulgandum curauit, quasi Regiæ Maiestati præstare homagium constituisset. Et quoniam per Ciuitatem *Braunsbergensem*, iter illi faciendum erat, si *Braunsbergenses* illi transitum liberum denegarent, se culpam omnem homagij non præstiti, in eos reiecturum. Itaq; trecentos Equites egregiè instructos, partim *Heiligenbeilum*, partim *Einsiddelem* præmisit, & hospitia hinc inde, etiam vltra *Braunsbergam*, præparari iussit, quò facilius crederetur, illum omninò ad Regiam Maiestatem profecturum.

Magistratus autem *Braunsbergensis*, de ijs die *S. Thomæ* certior factus, in Prætorio consultationem habuit, num Magister in Ciuitatem admittendus esset, cui Maiestas Regia Belum jam denunciauerat. Nonnulli suadebant stipendiarium Militem, vel *Polonos* ad defensionem Ciuitatis, accersendos. Alij sentiebant *Polonos* nullâ ratione admittendos, quò insolentes & valdè graues Ciuibus futuri viderentur, Magistro potiùs liberam facultatem transeundi concedendam. Alij, Magistrum nullâ ratione intromittendum censebant, quem Regia Maiestas pro hoste declarasset, alioquin Proditionis crimen illis obijci posse, & in eos seuerè animaduerti; expectandum potiùs eorum Dominum *Fabianum* Episcopum, qui pro festo Circumcisionis ex *Elbingensibus* Comitijs, *Braunsbergæ* affuturus esset. Hæc cum non ignoraret Magister, vt sub aduentum Episcopi *Braunsbergæ* compareret, pridie Circumcisionis *Heiligenbeilum* venit, manè autem horâ septimâ per densissimam nebulam, cum trecentis Equitibus, & nonnullis peditibus, *Braunsbergam* per molarem pontem, aduolauit, nemine in custodia turris & portæ comparente, præter *Philippum Tetschner* Consulem, quo conscio hæc acta fuisse ferebantur. Magistri ingressus, aream seu circulum Ciuitatis occupauit, tympanorum & tubarum sonitu omnia compleuit. Ipse cum aliquot præcipuis, versus Ecclesiam properauit, vbi tunc Processio peragebatur, & Magistratu, & Primoribus communitatis aduocato, iussit vt se in Arcem sequerentur, postulata ipsius audituri. Erat tum in Arce *Fabianus* de *Maulen*, *Varmiensis* Episcopatus Generalis Aduocatus, qui sororem germanam *Fabiani* Episcopi habebat in Matrimonio, & erat Magistri Vassallus. Burgabij autem officium gerebat quidam Sacerdos, nomine *Petrus*, qui tum erat in templo. Cum ad Arcem accessisset Magister, clausam reperit, & inclamauit, *Fabianelle* (inquiens) aperi. *Fabianelle*? Qui statim egressus misericordiam implorauit,

Fingit se homagium præstiturum Magister, vt decipiat.

Braunsbergenses consultant de transeu concedendo per Ciuitatem Magistrum.

Pro & contra rationes.

Aduentum Episcopi Magister præuenit.

Dolo Ciuitatē ingreditur.

Milites in foro locat.

Ad arcem progreditur.

Aduocatus Arcem tradit.

Adigit Magi-
stratū & Com-
munitatem ad
fidelitatis iura-
mentum.

Denegant o-
mnes.

Fictio Magistri
falsa.

Renunciari Ma-
gistratui iubet.

Dolo & im-
positurā decipi-
untur Cives.

Victi persuasi-
onibus iurant.

Braunsbergen-
siū descriptio.

Fabiani Ingra-
titudo.

Similis Tesch-
neri gratitudo.

Diffidit Civi-
bus illos disar-
mat.

& portam Arcis Magistro patefecit. Ille institit, vt Magistratus & Communitas Iuramentum Fidelitatis illi præstaret, id vt facerent, adduci non potuerunt, asserentes, quòd pro Domino, Episcopum & Ecclesiam *Varmensem* agnoscerent; quibus quandoquidem Iuramento essent obstricti, saluā conscientia, in alterius cuiusvis Domini verba, jurare nullā ratione possent. Ad hæc Magister respondit, Concessam sibi esse à Pontifice Maximo facultatem, & ita cum Episcopo eorum Domino conuenisse, vt hanc ipsam, & alias itidem *Varmiensis* Episcopatus Ciuitates, in potestate haberem, easq; à *Polonorum* iniurijs defenderem. Quamobrem vel omninò iurandum, vel certè moriendum sibi esse scirent. Illi verò in genua procumbentes, orabant, vt eos liberos abire permitteret, quod concedere noluit; sed accersito *Fabiano* de *Maulen* Aduocato, & *Philippo Teschnero* Proconsule, renunciari Magistratui & Ciuium communitati iussit; Dominum Episcopum cum Magistro, apud *Balcze* ita conuenisse, vt si Belli necessitas incumberet, Magister Oppida Episcopatus occupare, eaq; tueri & defendere, quousq; negotium componatur, posset. Paratum esse Magistrum, Domini Episcopi consensum, super ea re in scriptis, alio tempore Ciuibus exhibere; Nunc verbo Principis illis promittere, quòd nec vnus Capilli, nec oboli quidem iacturam subituri essent, si imperata faciant. Quamobrem si sapiunt, & sua illæsa cupiunt, eiusmodi Iuramentum præstare ne detrectarent. His & alijs persuasionibus inducti, ad extremum in verba Magistri iurarunt.

Atq; hi sunt illi *Braunsbergenses*, qui Anno 1459. eruptione factā, tria *Bohemorum* millia ceciderunt: Qui Anno 1588. sacerdotalis Belli tempore, septem millia *Polonorum* dissipauerunt: Nunc verò tam turpiter, ab exiguo hostium numero, se circumueniri passi sunt. Sed & *Fabianus* de *Maulen*, pro tot beneficijs, egregiam Affini suo Episcopo gratiam retulit. *Philippus* quoq; *Teschner*, qui ex quadam Puella nothus *Lucæ* Episcopi, dum olim Ludimagistrum *Thoruniæ* ageret, & postmodum, eodem *Lucæ* creato Episcopo, promotore vsus, Diuitis *Braunsbergensis* Ciuis *Czanderti*, Filiam vxorem adeptus, atq; ita sensim, è stercore ad Consulatûs apicem, euectus fuerat, præclaram animi grati, versus Episcopi successorem, testificationem scilicet edidit. Quamuis autem *Braunsbergenses* Magistro Fidelitatem iurassent, quoniam tamen facile videbat, id eos illibenter fecisse, parum illis fidebat, & arma quæcunq;

domi habebant, in Arcem eos deferre iussit, quibus eos se defensurum pollicebatur. Edixit etiam, ut ne Ciues Cætus aut Congregationes vllas facerent. Reuerendum *Petrum* Burgrabij officio priuauit, & in eius locum *F. Bertoldum* de *Altmanshoffen* substituit; Ciuitati Præsidium è centum *Regiomontanis* bene instructis Ciuibus, imposuit; quibus Capitaneum *F. Simonem* de *Dohnen* præfecit; Militem per domos ciuium disposuit, ut iuxta facultatem, duos vel tres quilibet aleret, qui maximam molestiam hospitibus inferebant. Ut Ciues in officio contineret, ingens patibulum, in medio fori iussit erigi, si quis vel minimum rebellionis, aut inobedientiæ signum daret, ut absq; omni Misericordiâ, statim suspenderetur, promulgauit. Præterea, ad septingentos selectiores milites è suis, *Braunsbergam* accersuit, qui tempus & occasionem expectarent, occupandæ Ciuitatis *Elbingensis*.

Porro *Fabianus* Episcopus, bonæ cuiusdam sortis beneficio, propter profundas niues, *Braunsbergam* pridie Circumcisionis venire non potuit, sed *Elbingæ* se continuit. Calendis autem Ianuarij, cum eò proficisceretur, accepit in itinere à *Fabiano* de *Maulen*, & *Philippo Teschnero* literas, quibus illi significabant, Magistrum specie Amicitæ Ciuitatem occupasse. Respondit breuiter Episcopus, illos, quàm rectè hoc fecerint, paulo post intellecturos, & *Elbingam* redijt. Posterâ die *Heilspergam* celeriter accurrit, ubi Magistriliteras, eo die quo *Braunsbergam* in potestatem redegit, valdè humaniter & amicè scriptas reperit; quarum hæc erat summa. Quandoquidem in colloquio vtrinque habito, conclusum & definitum esset, ut necessitate instante, Magister Episcopatum defenderet, idèò *Braunsbergam* se occupasse, ne in ea *Poloni* sedem Belli poneret, & inde damna Episcopatus, & Ordinis ditionibus inferre possent; se orare ut Episcopus locum & tempus assignaret, in quo coram de his & alijs rebus, conferre illis liceret. Excusauit se per literas Episcopus, cur ipse venire non posset, missurum se tamen duos Canonicos *Braunsbergam*, qui cum eius Consiliarijs colloquerentur. Cum venissent *Braunsbergam* Canonici, reppererunt ibi Fratrem *Simonem* Dominum in *Heideck* qui eos (ita fertur) alloquutus: Princeps meus & Dominus Clementissimus, renunciari vobis per me iussit, quòd Pontifex Maximus, eum Protectorem ac Defensorem, Episcopatus & Ecclesiæ *Varmiensis*, constituerit ac deputauerit; quam rem successu temporis, productis suæ Sanctitatis diplomatibus, osten-

Collocutiones vetat.

Burgrabiū instituit.

Militem per domos disponit.

Patibulum in foro erigit.

Occupandæ Elbingæ inuiat.

De occupata Braunsbergam certior redditur Episcopus

Heilspergæ Episcopus accurrit ubi literas Magistriliteras offendit. Tenor literarū

Responsum Episcopi.

Canonici duo Braunsbergam veniunt.

Quos alloquitur F. Simon facta proponēs

Responsum Ca-
nonicorum.

Varmia exuri-
tur.

Præfidiarij
Braunsbergen-
ses, Ciues male
tractant. Con-
queruntur a-
pud Magistrum.

Inculpan-
tur à
Præsidio.

Comprehēdun-
tur, Ciues &
Regionem
abducuntur.

Interdicitur v-
sus campana-
rum.

Ecclesia occlu-
ditur.

dere & comprobare paratus esset; Nunc à vobis postulat, ut ei, subditorum in morem, Fidem & Obedientiam in manibus meis iuretis. Responderunt Canonici, se quidem hoc tempore præstare id non posse, quandoquidem Domini Capitulares, apud Ecclesiam præsentibus non desissent; daturos se operam, ut primo quoque tempore conueniant, & consultatione factâ, se responsum allaturos. Ita discesserunt nec amplius reuersi sunt. Quamobrem octauo post die, misit Magister suos Milites *Varmiam*, qui Oppidum & Curias Canoniconum (quorum nonnulli *Allensteinum*, alij *Elbingam*, alij *Gedanum* concesserant) incenderunt & exusserunt, Antonianorum Hospitali excepto, qui in verba Magistri iurauerant. Paulò post Rex Ecclesiam Cathedralē, misso centum equitum, totidemq; peditum, Præsidio communiuit. Cæterum Miles, quem *Braunsbergæ* Magister reliquerat, adeò indignè & malè Ciues tractabat, ut Magistratus, de tot iniurijs, apud Magistrum grauiter conquestus, ab eo humaniter petierit, ut eius insolentiam compesceret. Hic Miles capit conqueri & iactare, nisi tam sincerè cum Magistratu ageret, pridem potuisset, Ciuitatem *Christophoro Pfaffio*, Burgrauio & Aduocato *Melsacensi* tradere, quandoquidem plures clauēs ad portas Ciuitatis haberet, quàm illi, Capitaneo Magistri, consignassent. Scripsisset etiam vnâ cum *Petro* quondam Burgrauio, ad eundem *Christophorum Pfaffium*, ut *Polonos* accerferet, quibus Clauēs Ciuitatis, ut eâ facilius potiretur traditurus esset. His cognitis Magister, diligentius inquirere cepit; & reperit clauēs nonnullas, quæ non recens factæ, sed ab antiquo in Prætorio asseruabantur, & eâ re exacerbatus, maximè verò, quòd antea *Braunsbergenſes* Militem Præfidiarium ciuitate eiecissent, alium suo tempore introducitur; Comprehendi statim omnes Ciuitatis Senatores iussit, & fune ligatos, binos & binos *Regiomontem* deduci; in eorum autem locum, nouum Senatum substituit, qui coactus, obedientiam ei iurauit, neque tamen clauēs Ciuitatis illi concedidit: utque tumultus excitandi, omnem amputaret occasionem, interdixit ne quis vllam campanam, siue in turri, siue in Ecclesia, attrectare accederet.

Et quoniam intellexerat, Canonicos *Varmienses*, & nonnullos Rurales Parochos ac Sacerdotes, in Ecclesia Parochiali *Braunsbergensi*, aliquid pecuniæ & argenti recondidisse, iussit eam ipsam Ecclesiam occludi, & clauēs ad asseruandum sibi deferri. Ea res Vicarios & alios Sacerdotes vehementer of-

fendit.

sendit, quòd Officia Diuina exercere non possent, & hinc inde conquerebantur de Magistro, quòd in munus illorum sese ingereret, & campanarum vsum prohiberet. Pleriq; etiam lamentabantur, Fratres suos ligatos *Regiomontem* abductos; tum alios, propè *Liebe* molam, interemptos: Nam isthuc *Braunsbergenses* nonnullos, Magister miserat, vt contra *Polonos* Ciuitatem tuerentur, qui ad vnum omnes interfecti fuerunt. Querele istæ ad Magistri aures delatæ, eum ita exacerbârunt, vt statim *Petrum*, qui antea *Burgrauij* munus gerebat, comprehendijusserit, & vnâ cum focariâ suâ colligatum, in aliorum Parochorum ruralium & Sacerdotum comitatu, *Heiſſpergam* ad Episcopum, summâ cum ignominia propelli & deducijusserit. Ne autem *Braunsbergenses* Parocho carerent, *Laurentius Gældria* Dux appellatus, Magistri mandato, è carcere liberatus, & Ecclesiæ Rector constitutus fuit. Hunc Sacerdotem Episcopus ad perpetuos carceres, in aqua mæroris, & pane doloris, sustinendos, condemnauerat, quòd toto triennio ante bellum, cum Magistri satellitibus, latrocinij, cædibus & furtis, per summum scelus, sese contaminauerat. Quamuis autem Sacerdotes, ita vt supra memoratum est, eiectioni fuerant, didicit tamen Magister, quonam loco eorum pecunia defossa, seruarietur.

Sub idem tempus, Magister cum intellexisset ditiores rusticos, è vicinioribus pagis, bona & facultates suas, *Melsacum* comportasse, die 9. Febr. cum suis eo *Braunsbergâ* excurrit, & statim intromissus est, quòd nullis præsidij Ciuitas teneretur. Inde ducenta vehicula varijs rebus, quas *Coloni* securitatis causâ, in Ciuitatem aduexerant, onerata, *Braunsbergam* abduxit, relictis nonnullis bellicis tormentis, cum iaculandi peritis, qui *Polonos* si superuenirent, à muris arcerent.

Porro Feriâ quintâ ante Dominicam Inuocauit, *Poloni* Duce *Firleio*, *Zaremba* & *Achatio Cema*, apud *Melsacum* compa-ruerunt, & vt in Ciuitatem intromitterentur, institerunt. Responderunt Ciues, se à Magistro præoccupatos, fidem suam illi iuramento obligasse, nec alium Dominum se admittere posse.

Hoc respõso offensi *Poloni*, suburbia Ciuitatis incēderūt, & circūcirca non leuia damna *Coloni* intulerūt, obsessi tormenta bellica, quæ Magister reliquerat, in eos exonerabāt, absq; vlllo hostiū detrimento, qui tandē vehementi impressione factâ, ciuibus vltra resistere posse diffidentibus, Ciuitate potiti sunt. Sic *Poloni* Ci-

Diuina cessant

Episcopus mul-
torum.

Exacerbatus
Magister.

Sacerdotes li-
gatos Episco-
po remittit.

Laurentiū sce-
lestissimum,
Parochum cō-
stituit.

Cōportatas fa-
cultates Melsa-
cum, abducit.

Melsacenses cō-
tra *Polonos* re-
lictis tormen-
tis animat.

Melsacenses *Po-
lonos* intro-
mittere nolūt.

Poloni subur-
bia incendunt.

Ciuitate poti-
untur.

uitatem

uitatem ingreſſi, omnes ad vnum Ciues trucidare volebant, quòd illis reſiſtere auſi fuiſſent. Sed *Achatius Cema* germanorum Præfectus, parcendum eſſe miſeris, qui à Magiſtro altu circumuenti eſſent, facile perſuaſit, quamuis inſolentiam militis ferre neceſſe habuerunt, quos etiam eò adegerunt *Poloni*, vt denuò Venerabili Capitulo *Varmienſi*, tanquam proprio & naturali Domino, Fidem & Obedientiam iurarent.

Però cum omnia *Poloni* in Ciuitate conſumpſiſſent, in Ditionem Magiſtri impreſſionem fecerunt, cuſtodia Ciuitatis *Melfacenſibus* relictâ & concreditâ. Sed Parochus ſtatim perſuadere illis cæpit, vt iterum Magiſtro ſe dederent, quòd à *Polonis* nihil aliud, præterquam damna habituri viderentur; eius ſententiæ reclamabant nonnulli, ſed plures tamen ſequuti Parochum, *Braunsbergam* ad Magiſtrum tormenta, quæ illis mutuò dederat, remiſerunt. Non multò poſt Regius miles reuerſus, machinas eiſmodi requiſiuit; cumque rem vt erat acta intellexiſſet, ſeptem è Magiſtratu comprehenſos, in foro capite plecti iuſſit, nonnulli per murum elapſi, fugâ ſalutem quaſiuerunt. Poſtea Ciuitas miſerè direpta, Parochus ſecretò foras abductus; mouit inde Exercitus, duobus Capitaneis cum trecentis militibus relictis.

Non multò poſt venit Magiſter ante Ciuitatem, & vi tormentorum, pinnas murorum cum turri, verſus ortum ſolis deiecit; Irruptione factâ, *Poloni* omnes, qui ſe egregiè defendebant, interfecti ſunt, nec Capitaneis quidem ſaluſis, duo tamen Nobiles, qui ordines ducebant capti, ſunt abducti. Cæſis *Polonis* Magiſter, ciuitatem incendi iuſſit, quæ vnâ cum cadaueribus in cineres redacta, habitatoribus & ædificijs, metu *Polonorum*, vacua & panè deſolata, multo tempore remanſit. Magiſter cum in expugnatione ſeptem horas inſumpſiſſet, egregium & Nobilem Virum *Ioannem de Leiden*, quo in explodendis bellicis tormentis, principali artifice utebatur, cum duobus famulis, & quatuor ruſticis, globo miſſili traiectum amiſit, multi in aſcenſu muri vulnerati, ad triginta verò, ex eiſdem Magiſtri militibus, cæſi fuère.

Feriâ ſecundâ poſt Dominicam Cantate, *Firleius & Zarembe* cum Exercitu *Braunsbergam* venerunt, & ex improviſo nouam ciuitatem adorti, nonnullos ruſticos miſeros, cum vxoribus & liberis trucidârunt, Ciuitatem verò ipſam, & vicinam Molam, iniecto igne exuſſerunt, quo tempore etiam, circiter quadraginta *Poloni*, ictu ſclopetorum è Ciuitate veteri petiti,

occifi

occisi fuerunt. Inde recedentes, castra propè arborem iaculatoriam posuerunt, & in obsidione Ciuitatis ad aliquot tempus perseuerauerunt, quamuis absque fructu: nam Magister milite, tormentis, & commeatu, Ciuitatem egregiè muniuerat; præsertim verò bonam iumentorum quantitatem, quam ex Episcopatu hinc inde collegerat, inter Ciuitatem & *Passariam*, in campos sub sclopetariorum custodia, emiserat, quam intempestâ nocte *Polonorum* Hussari adorti, abduxerunt; eiacularata in eos tormenta, neminem læserunt, præter vnum vitulum. Erumpentes è ciuitate postea centum Equites, eos insequuti, cum illis parùm feliciter decertârunt: nam ex illis circiter quadraginta, ex Hussaris vndecim tantùm, perierunt.

Sed absq; fructu.

Excursio è Ciuitate cæditur

Cùm itaque viderent *Poloni* se apud *Braunsbergam* frustra tempus terere, obsidione solutâ, *Regiamontem* versus commigrarunt. Non multò post vbi Rex accepisset, nullum operæ precium apud *Braunsbergam* factum, arbitratus id culpâ Ducum euenisse, quorum vterque senex & debilis fuerat; vtrumq; *Firleium* videlicet, & *Zarembam* loco mouit, & *Ianuskius* generalem Capitaneum constituit, adiuncto illi *Koscielecio*, quibus iniunxit, vt denuò *Braunsbergam* obsidione cingerent, quod etiam fecerunt, sed nullo planè vt antea fructu; tormenta bellica, absq; ciuitatis aliquo notabili damno explosuerunt, fastigium tantum turris campanarum, & tectum concusserunt, & campanæ maioris partem, ictu validiore confregerunt. E contra *Braunsbergenses*, è fastigio turris eiusdem in castra *Polonorum* prospectantes, & quæ agerent studiosè obseruantes, exoneratis æneis Machinis, eorum conatus disturbabant, cumque viderent, eos non magnam rerum suarum curam agere, *Petrus de Dohnen* Capitaneus, cum quadraginta Equitibus & centum viginti Peditibus, inopinatò in Castra *Polonorum* erumpens, duos præcipuos *Bohemica* gentis Capitaneos, Dominum *Sutkam* & *Weybersnicki*, ac circiter quingentos milites vallo exturbârunt, vbi in fuga decem Nobiles *Bohemi*, & ex *Polonis* multi perierunt, tormenta rotis imposita in Ciuitatem abducebantur, cùm in castris clamore exorto, Germani velites, nempe *Christophorus Pusch*, *Osualdus Boks* cum cæteris aequalibus (qui ante bellum, propter violentias quasdam, Magistro inimicitias denunciauerant) maximâ celeritate, *Braunsbergenses* prosequuti, tormenta eadem ipsis ademerunt, quadraginta duobus militibus ibidem interfectis, reliqui fugâ elapsi, & in ciuitatem reuersi, intra muros sese continuerunt,

Relictâ obsidione versus *Regiomontem* commigrant.

Reuocatur *Firleius* cum *Zaremba*, *Ianuskius* cum *Koscielecio* substituitur. Iterum *Braunsbergam* obsidione cingitur, nullo itidem fructu.

Excursio è Ciuitate damnum infert.

Sed repulsam cum maiori damno reportauit.

& in caſtra ſubindè abſque vllâ intermiſſione, globos ita iaculati ſunt, vt inde abſcedere *Poloni* coacti fuerint.

Tartari à Magiſtro cæduntur.

Die *Sancti Bartholomæi*, Magiſter euocato ſuo milite *Bartſteino*, *Schippenpilo*, *Regeno*, *Raſtemburgo*, magnâ celeritate vſus, die inſequenti noctu *Reſſeliam* peruenit, vbi in ſeptingentos Tartaros incidit, quorum ſexcenti ſunt interfecti, cum præda copioſa etiam ſexcentos equos abegit.

Magiſter Epiſcopo hoſtilitatem denunciat.

Sub idem tempus Magiſter, Epiſcopo *Fabiano*, quòd eius inimicos in Epiſcopatu ſuo foueret, per literas publicas inimicitias denuntiauit, quas ille ſtatim ad *Ianufki Polonicarum Copiarum Ducem*, & ad ipſam Regiam Maieltatem miſit, orans vt Præſidijs *Heiſſpergam* contra Magiſtri inſultus armarent, qui non contemnendam Militum manum, ex *Bohemis Polonis* & *Prutheis* eò celeriter miſit.

Heiſſperga à Magiſtro obſidetur.

Ignis pilis aſſiduo impetitur.

Feriâ Sextâ poſt feſtum *S. Lucie*, venit Magiſter *Heiſſpergam* cum ſeptem millibus virorum, & tormentis bellicis præſtantioribus, eamque vno & dimidio mēſe obſedit, ſingulis ferè diebus, ad ſexcentas igneas pilas emittebat, vt ciuitatem exureret, quæ ita erant paratæ, vt ſingulis pilis, duodecim bombardæ minores, vnius palmi longitudine, alligerentur: cumque eiufmodi pila alicubi decidifſet, ardebat, & intra vnius *Aue Maria* moram, minores illas bombardas exonerabant: quæ vt abſque damno Ciuitatis aliquo extingui poſſent, *Georgius Preuckius*, recens totius Epiſcopatûs Aduocatus & Capitaneus, ex Curia Marſchalco creatus, Vir magnanimus & Miles ſtrenuus, feriò præcepit in tectorum canalibus, & ſuperiori ædium parte, vnufquiſque Ciuium quatuor aquæ Vaſa, & in quolibet vaſe, corium bouis madefactum haberet, quo proiec-to, pilæ igneæ extinguerentur, atq; ita factum eſt, vt nullum damnum globi huiufmodi, ædificijs inferre potuerint, exceptâ domo *Knobeldorffij Georgij*, in quam vnus ferreus & candens cum decidifſet, tecto & tabulato perforato, in vaporarium vſq; inferius peruaſit: vnus itidem globus ſimilis in Epiſcopi cubiculum irrupit: lactus quilibet eiufmodi globorum, æſtimabatur viginti marcis, ita vt pro comperto haberetur, Magiſtrum machinis huius generis explodendis, apud *Heiſſpergum* XV. Marcarum millia inſumpſiſſe.

Quanti conſtent eiufmodi exploſiones

Murum vi tormentorum deiecit.

Porro cum videret Magiſter, quòd pilis igneis ciuitatem accendere non poſſet, murum Ciuitatis cum duabus turriculis, longitudinis circiter triginta, altitudinis nouem cubitorum ſeptomillionem verſus, vi miſſilium tormentorum deiecit, & mi-

liti statim præcepit, vt in Ciuitatem irrueret, qui etiam si paratus erat, tamen ire recusauit, primò quod ante murum erat fossa, itidem muratæ profunditatis cubitorum viginti; quæ multo labore prius erat complananda, deinde quod à multis mensibus stipendium non acceperat, nec honorarium expugnationis retulerat; itaque noluit vt luri militari, aliquod præiudicium inferretur, quod vsu receptum habet, vt qui in hebdomadam, vnum florenum stipendij percipit, huic antequam ad murum accedat, duo floreni numerentur: & qui plus habent vt Capitanei, Signiferi, & similes, ij primi ad murum comparere debent. Quamuis autem verbo Principis, Magister se militi satisfacturum polliceretur, nihil tamen iuuit hoc; sed subinde miles vociferabatur, pecunia nobis debetur, pecuniam nobis repræsentent nequam cruce signati Monachi, alioquin nihil faciemus, discedemus. Hæc sæpius Magistro renunciari fecerunt, quæ Magistrum malè habebant. *Preuckius* autem perforatam & deiectam muri partem, statim terrâ & fimo, ita obstrui curauit, vt quosuis impetus facilè sustinere posse videretur, muris etiam intra ciuitatem fossam altam addidit, & militem expansis signis ad conflictum egregiè instructum, à Noua Ciuitate vsque ad forum, decenti ordine disposuit, vt hosti obijci statim & resistere posset.

Ad assaultum militem cogit.

Miles ob non perfoluta stipedia recusat.

Nec verbo Principis credit.

Interim deiecta pars murorum obualatur.

Ordo bonus in Ciuitate.

Tertiâ demùm nocte, validus turbo, & tanta tempestas aeris repentè exorta est, vt hostibus terra dehiscere videretur. Quamobrem summo timore attoniti, hinc inde palantes, discurrere & versus Regiomontem fugere caperunt, Curribus, lanceis, bombardis, armis & similibus impedimentis relictis, immò ollis etiam apud focum, & alijs esculentis ac poculentis. Ferebatur tum Magistrum ad *Heilspergam*, ad mille sexcentos homines amisisse, quorum maior pars, è summitate altioris turris Bohemi pixidarij globis missilibus prostrata fuit, pars etiam crebris excursionibus inopinatè, per *Georgium Prunckium* deleta.

Tempestas ingens miraculose fugat hostes.

Numerus castrorum.

Anno 1521. paulò ante carnispruij dies, *Sichauus* accepto Magistri milite, *Gutstadium* contendit, sperans se Ciuitatem per prodicionem occupaturum. Sed quoniam illic Præsidia *Polonica* erant, Proditores cogitata perficere non poterunt. Itaque è monte versus *Glottauum*, tormentis muros quaterere cæpit, è contra Canonici, præsertim verò *Fabianus Emerichus* cum nonnullis, è summitate turris Ecclesiæ, ita peritè iaculabatur, vt in monte ad septuaginta duo ex hostibus

Glottauum obsessum.

perierint. Ipse *Sichauus* grauiter laesus, octauo post die decessit, & *Regiomonti* sepultus est.

Arte & dolo
occupatur.
Casi in Ciuitate
vix non omnes.
Paucis elapsis.

Canonicus capitur
cum Priuilegijs Capituli.

Porro cum viderent hostes vi Ciuitatem expugnari non posse, clam noctu inter scholam & portam, turrim quandam occuparunt, & inde ex improviso erumpentes, *Polonos* omnes trucidarunt; Insuper rusticos propè quingentos, qui securitatis causâ, cum facultatibus suis ad Ciuitatem confugerant: Cives praterea non paucos, ita vt Ciuitas cadaueribus repleretur, multi tunc potuissent per *Wormditem* portam, cladem hanc euadere, si consul *Vngerman* dictus aperi iussisset. Canonici per Molendini portam *Allensteinum* se subdixerunt, *Martino Gross* excepto, quem hostes in potestatem redactum, cum Priuilegijs Capituli, & trecentis Marcis Argenti, *Regiomontem* ablegarunt. Milites tormentorum ictibus, vt supra dictum est, caesos ritu Catholico in Ecclesia sepelierunt, *Polonorum* & rusticorum caesorum cadauera, extra Ciuitatem humari praeceperunt.

Wormditem
oppugnatur.

Deditionem
facit.

Deditione
offenditur Rex
proscribit Capitaneum.

Scheburgum
exurit.
Wartembergum
inundatio aquarum saluat

Allensteinij
Villae exuruntur.

Feriâ tertiâ ante Festum S. Catharinæ, *Magister* ad Expugnationem *Wormditi* accessit, & cum murum ciuitatis propè balnei piscinam, non mediocriter labefactasset, difficile tamen fuit militi, per aquas ad murum accedere. Non multo post, communicato inuicem consilio, Capitaneus *Polonus* & *Iohannes Gersaw* Consul, deditionem Magistro spontè fecerunt, eâ conditione, vt militibus liberè liceret oppido excedere. Incolis verò nihil damni inferretur. Quod etiam factum est. Deditio hæc adeò Regem offendit, vt Capitaneum illum, Infamem pronunciauerit & proscripserit. *Magister* apud *Gersawium* Consulem hospitatus, gratitudinis ergo, Bona *Stellen* in *Libestaten* tractu, illi concessit & donauit. Ex oppido *Scheburgensi*, *Magister* nihil lucri reportauit, sed illud incendi iussit. *Wartembergum* propter aquarum copiosam inundationem, oppugnare non potuit, sed tormento semel exploso, num se Incolæ dedere vellent, frustra tentauit. Inde abscedens *Allensteinum* mouit, sed nullum operæ precium fecit, septem tamen villas incendio vastauit.

Fama de Morbo
Magistri.

Sub hoc idem tempus, fama publica percrebuerat, quòd *Magister* Lunaticus euaserat, & non temerè id affirmabatur. Nam quandoque solus, quandoque duobus vel tribus tantum comitatus, pagos incendebat; Præcipuè verò *Scheßlum* solus exussit, ne *Poloni* statim habere isthic possint. Credibile est eiusmodi affectionem illi euenisse, ex animi quadam anxietate,

quòd

quòd necessitatis huiusmodi Bellicæ tempore, nec milite, nec pecuniâ à quoquam ex *Germania* subleuatus fuerit, nec modum & rationem inueniebat, quâ stipendia emerita, quibus debebat persolueret. Quamobrem Principes nonnulli *Germani*, fratres præsertim & affines eius, apud Regem obtinuerunt, ut illi inducias ad quadriennium concederet.

Ex defectu
nerui bellici.

Induciarum ad
quadriennium

LV THERANISMI INITIA.

FABIANVS Episcopus, Iurisdictioni Ecclesiasticæ, & Religioni Christianæ, non leue damnum & præiudicium intulit, quòd *Lutherana* pestis initijs non illico sese opposuerat: Nam quòd Episcopus *Varmiensis*, Iurisdictionem quam in Ditionibus Ordinis habebat, amisit, huic Episcopo acceptum ferri debet, qui Hæreticis nec clam nec publicè restitit; Ita ut multi Monachi, Sacerdotes & Laici scandalizarentur; & de Sacrificio Missæ, Sanctis, & cæteris fidei Articulis, peruersè sentirent, immò nonnulli etiam Sacerdotes, Parochi, sub specie Matrimonij, Mulieribus assumptis, sese sacrilego concubitu contaminarent. Eâ de causa fuit Episcopus à Venerabili Capitulo, & alijs pijs admonitus, ut officij sui memor, maturè prouideret, ne DEVS & Sancti, impunè à quoquam blasphemarentur, neue propter scandalosam Parochorum vitam, Religio Catholica detrimentum aliquod acciperet. Sed ad hæc respondebat Episcopus, *Lutherus* inquit, est doctus Monachus, & habet suas opiniones in Scripturis fundatas; si quis tantum habet animi, congregiatur & certet cum illo. Fuerunt deinde oblata Episcopo nonnulla scripta, quibus *Lutheri* errores confutebantur; Episcopus illis inspectis, & isti inquit, suas opiniones habent, quibus etiam credi potest. His & similibus malè prolatis Episcopi verbis, plures etiam ex Ecclesiasticis scandalizabantur, & Religionem Catholicam contemptui habebant. Credibile est, propterea præcipuè, DEVM puniuisse hunc Episcopum, ut & Diocesim suam, bellis mirum in modum vastatam videret, & ipse à morbo correptus, & miserè cruciatus, frustra medicorum opem imploraret; immò quòd plura remedia, ab eius Physico & Matre adhibebantur, eò peius habebat, adeò ut adextremum etiam pes, quem

Episcopus tepidus in obuiando hæresi.

Admonetur à
Capitulo.

Responsio Episcopi tepida

Multi scandalizati Episcopo.

Pœna peccati.

vis morbi ardebat, curationis causa, illi abscissus fuerit, ex qua abscissione sacer ignis irruens, Episcopo postmodum mortem accelerauit, qui penultimâ Ianuarij Anno 1523. *Heilspergæ* mortuus est, quo etiam ferè tempore, *DEVS Heilspergense* Oppidum, ita puniuit vt planè totum incendio conflagraret: Nam Ciuis quidam in domo angulari, in foro eius plateæ, quæ versus Ecclesiam tendit Parochialem, ad leuam, stabulum vt equos viseret ingressus, famulo indignatus, candelam parieti affixisset, & arrepto baculo, agasonem persequeretur, decidente in stramen candelâ, non prius hospes illius recordatus est, quàm cum ignis totum stabulum occupasset: vnde oppidum totum, exceptâ Ecclesiâ, domo Parochi, Scholâ, Hospitali, & ædibus nonnullis coquendæ Ceruisiæ destinatis, quæ ex muro solido constructa erant omnia, exustum est. Incendium hoc accidit nocte, Dominicam Palmarum præcedente Anno 1522.

Mors Fabiani

Conflagratio
Heilspergæ.

Occasio conflagrationis.

Exceptâ Eccle-
sia Schola, Do-
mo Parochi.Episcopus pau-
cos sibi addi-
tos habuit.Capitulum mo-
re solito Bona-
Episcopi oc-
cupat.Preuckius iura-
mentum fide-
litis detestatur.Preuckio for-
tuna.

Hic Episcopus paucos sibi addictos habuit: Nam & *Sigismundus Rex* illi offensus erat, quod accepisset, publicè eum iactasse, Etiam si Magister totum illi Episcopatum ademisset, se nihilo minùs illum, absq; *Poloni Regis* auxilio, recuperaturum. Sed & Capitulum atq; vniuersa Prouincia, parùm itidem illi fauebat, quod *Braunsbergam* sibi tam turpiter eripi facillè tulerit, & multa damna Ditioni suæ hanc ob rem intulerit. Atq; ita hic Episcopus, animo anxio, & Diuinâ punitione visitatus, ab hac luce decessit. Eo mortuo statim Venerabile Capitulum, è medio sui duos Canonicos deputauit *Tidemannum Gistum*, & *Leonardum Niderhoff*, qui iuxta receptam consuetudinem, Ciuitates in potestatem Capituli redigerent, nouo Episcopo asseruandas, quæ postea à *Ioanne de Lusianis* Palatino Culmenfense, qui Fratris mortem ibidem expectabat, *Georgio Preuckio* Aduocato & Capitaneo Episcopatus Generali, *Paulo Schnebeck* Oeconomo, & *Iacobo Glesern* Cancellario receptæ, cum omnibus attinentijs fuerunt. Insequenti die, aduocato, ad se supradicto *Georgio Preuckio*, ab eo postularunt, Quando quidem inter Episcopatus Officiales, primarium locum obtineret. Iuramentum fidelitatis, quod hætenus non fecerat, præstaret. Id ille facere renuit, quod Arcem *Heilspergensem* pro Regia Maiestate obtineret his periculosis belli temporibus, nec id absq; scitu Regis præstare, integrum illi esset. Hunc *Preuckium* Episcopus absq; consilio & consensu Capituli, Aduocatum & Generalem Episcopatus Capitaneum constituerat, & stipendium pro sex Equitibus alendis, à Regia Maiestate illi im-

petrauerat, ipse quoq; sex præstantiores equos, omnibus necessarijs instructos eidem donauerat. Quamobrem eâ ratione fidem suam Regi comprobare voluit, quandoquidem in proximo Bello, egregiam operam præclare gestis præstitisset.

Quoniam autem videbat se, propter denegatum Iuramentum, Canonicis parùm gratum esse, qui Ciuibus in Arcem aduocatis, modum & rationem illis præscripserat, qualiter se, dum nouus Episcopus eligatur, gerere deberent, in suspicionem venit, quasi Canonici & Ciues, de illo ex arce exturbando, consilia communicassent, quæ anteuertenda ratus; *Henrico Ricarbio* Burgrauio curam Castri commisit, ipse verò familiam omnem seriò adhortatus est, vt Canonicos ex Arce expellerent, si sibi præstò adessent, amplam eius rei mercedem se reportaturos, certò sibi persuaderent; Omnes ad id se promptos & alacres obtulerunt; quibus egregiè armatis stipatus, ad conclaue è regione fontis in superiori ambulatione positum processit, & foribus pulsatis clarâ voce edixit, vt statim Canonici arce excederent, nisi interfici illicò vellent. Quid facerent, collectis statim sarcinulis ipsi inermes, inter armorum Militum globos, castro excedere coacti fuerunt, ipso *Preuckio* exorto gladio, illos ad vltimam Arcis portam comitante. Expulsus est etiam Oeconomus (nam Cancellarius æger decumbebat) & Cadauer Episcopi ante Portam Arcis elatum; Quod acceptum, cum paucorum Ciuium comitatu, *Varmiam* deduxit, vbi absque vlla funeris pompa, aliorum Episcoporum tumulto illatum est. Sic post mortem parùm à Capitulo honoratus fuit, qui in vita Episcopatum minùs rectè administravit. Et fuit res cumprimis admiratione digna, quòd nec Mater, nec filia ex *Venceslao* de *Eilenburg* liberi, nec vllus ex consanguineis qui præsentis aderant, funus comitatus est, sed & Aulicorum nemo, solus *Ioannes* de *Lusianis* equo insidens, illud extra Ciuitatem deduxit, & postea in Arcem reuersus est.

Eo facto *Preuckius* tantam sibi auctoritatem conciliauit, vt omnium Ciuitatum & Arcium in Episcopatu, Burgrauij, illi tanquam Domino obedirent, quamuis se subditos Capituli & futuri Episcopi professi paulò ante essent. Militem etiam stipendijs Ecclesiæ alendum conscripsit, & pro parte Regis, Oppidis & Arcibus Præsidia imposuit, quibus se ab Ecclesiasticorum potentia tueretur. *Georgium Trosckium* ad Regios in *Prussia* Consiliarios, alium etiam ad Regiam Maiestatem misit,

Cum Canonici malâ fide agita

Canonicos pel-
lit ex arce stri-
cto gladio.
Cadauer Epi-
scopi sine cere-
monijs extra
portâ expor-
tat.
Deducitur Var-
miam & sine
vlla assistentia
sepelitur.

Nec Mater nec
affines comita-
ti eum sunt ad
sepulchrum.

Preuckii au-
thoritas.

Militem con-
scribit.

signi-

Et ſe feciſſe.
Canonicos Tri-
butarios Regi
gloriatur.

Ac ſuſpectos
Canonicos re-
bellionis, de-
fert.

Additur illi
collega.

Allenſteinum,
Canonicis re-
linquitur.

ſignificans, quòd Capitulares, Regi tributarios fecerit, & quan-
doquidem ipſum ad iuramentum adigere voluerunt, vt nemi-
nem ex Regijs in Arces intromitteret, ſe illos ex Arce expu-
liſſe; Facile perſuaſit, vt illi fides adhiberetur, & factum a-
pud Aulam omnium ſermonibus celebratum, & res eò addu-
cta, vt in ſuſpicionem rebellionis, Capitulares apud Regiam
Maieſtatem adducti fuerint; vnde non leuia damna & grau-
amina, Eccleſiaſtico ſtatui ſunt inflicta.

Quoniam autem de voluntate Regia conſtabat, quòd Ar-
ces & Oppida, pro nouo Epifcopo aſſeruanda, præſidijs firma-
re voluerit, obtinuit hoc à Regiâ Maieſtate Capitulum, vt
Preuckio qui Indigena eſſet, nec illi Magnopere fideret, Colle-
ga adderetur. Is autem fuit *Nicolaus Iſkirecki* Capitaneus *Hö-
benſteinensis*.

Allenſteinensis Arx, & oppidum Eccleſiæ, liberum remanſit,
reliquæ verò Arces & Oppida, partim à Magiſtro Teutoni-
corum, partim à Regijs ſupra nominatis Capitaneis teneban-
tur, vſq; ad Epifcopi Mauritij approbationem, quæ mandato
Regio Die decima Iulij *Nicolao Copernico* tanquam Admini-
ſtratori, *Ioanni Crapitio* & *Felici Reich*, Epifcopi & Capituli
Nuntijs, poſt modum reſtituta fuere.

*Conceſſit Matri rerum Luſianus habenas,
Famineo pendens de nutu, Hunc Marchio ſtriſſe
Obſidet Albertus, ſed ſpe fruſtratus inani,
Gangranâ infectus deceſſit, crure recifo.*

XVIII.

MAVRITIVS FERBER.

Natalitium &
Adoleſcentia
Ferberi.


Studia Romæ
Doctor crea-
tur.

MAVRITIVS FERBER Primarij Ciuis *Gedanensis*
Filius, Iuris Vtriuſq; Doctor, propè Sexagenarius, con-
ſentiente *Sigismundo* Rege, ſecundum pacta, à Capitu-
lo electus eſt Epifcopus. Iuuenis mercaturam exercebat, &
procabatur *Pilmanni* Ciuis *Gedanensis* ditiffimi Filiam virginem,
eamque ſibi Matrimonium promiſſiſſe dicebat, quòd cùm illa
negaret, nec eum maritum habere vellet, ipſe *Romam* profe-
ctus, iure cum ea agere cæpit; ſed cùm probare intentionem
ſuam non poſſet, Virgo alteri matrimonio iuncta fuit; ipſe
verò ſummum ſtudium in literas contulit, & Iurium Doctor
creatus

creatus *Leonis X.* Camerarius & Scriptor Apostolicus, ac successu temporis, Custos & Canonicus *Varmiensis, Lubecensis, Revaliensis, Derpatensis,* & Parochus *Gedanensis* ac *Melebacensis* factus fuit. Die 13. Octob. Anni 1523. post Electionem, quæ 14. Aprilis est celebrata, profectus est ad residentiam Episcopalem, *Varmiâ Heilspergam,* Deinde 20. Mensis eiusdem, ad

Leonis X. Camerarius Custos Varmien.

Eligitur Episcopus.



requisitionem Regiæ Maiestatis, *Petricouiam* profectus, ibidem debitum Iuramentum præstitit: ubi etiam à *Ioanne de Laske* Archiepiscopo *Gnesnense,* Episcopus consecratus, & solenni epulo, cum inuitatis hospitibus exceptus, ac humanissimè tractatus fuit.

Iurat Regi Poloniz.
Petricouiz consecratur.

Adijt Episcopatus *Bona,* propter Bella valdè desolata, vil-

Oeconomia e-
ius in bonis E-
piſcopatûs.

A Preuckio
Arces reſtitu-
untur Epiſco-
po.
Perſolutis ſti-
pendijs Militi
de proprio.

Curiam Epiſco-
palem ædificat

Eccleſiam Cõ-
ſtitutionibus
Prouincialib⁹
corroborat.

Hæreſim extir-
pat.

Pax cum Ma-
giſtro conclu-
ditur.

Ciuitates Re-
giæ ad rebelli-
onem pronæ.

las paſſim ab Ordine *Teutonicorum* exuſtas, adeò vt ex rediti-
bus annuis, vix mille marcas, Pontificatûs aſſumpti initio ha-
bere potuerit; quos poſtea diligenti curâ ad ſeptem millia re-
duxit. Arces & oppida, quæ regijs præſidijs tenebantur, juſſu
Maieſtatis Regiæ, à *Preuckio* ſunt ei reſtituta, licet à iumentis
& comœatu valdè imparata & hauſta. Interea ſuâ & Eccle-
ſiæ pecuniâ, coactus eſt militibus *Preuckij* & eius Collegæ *Je-
ſierſki* ſtipendia ſoluere.

Episcopos hic, poſt Dominiorum & Bonorum deuasta-
tionem, plurima reſtaurauit & ædificauit; inter alia egregia eius
opera, illud quoq; non poſtremum cenſeri debet, quod Curiam
Episcopalem, amplum & elegans Palatium, apud Cathedralẽ
Eccleſiam, à fundamentis erexit & ædificauit, & muro, ac fos-
ſâ pulchri operis ipſam, Eccleſiam cinxit.

Quàm amans Eccleſiæ & Patriæ fuerit, editæ per eum
Prouinciales Conſtitutiones, Statuta Capitularia *Varmienſia* &
Gutſtadienſia, quæ pro Bono vtriuſque ſtatus promulgauit, ſa-
tis abundè declarant. Porro quantus fuerit veræ & Catholi-
cæ Religionis Aſſertor, & Propugnator, vel inde apparet, quòd
Hæreſim quæ Anteceſſoris negligentia, in Dominia eius irre-
pſerat, non prius perſequi deſtitit, quàm eam penitus proſti-
garet & exterminaret: illam tamen bonam ſuæ Diocceſis par-
tem, quæ ſub Ordine Teutonico eſt conſtituta, ab eâ peſte pur-
gare non potuit, quæ Anteceſſoris incuriâ, magnas vires acqui-
ſiuerat, ſub *Lutheranis Concionatoribus*, quos *Magiſter Marchio
Albertus* ex *Germania* euocatos, in Ciuitatibus & Oppidis ſuis
collocauerat, qui plurimos peruerſâ doctrinâ infecerunt.

Anno 1525. Circa Feſtum Paſchatis, perpetua Pax inter
Maieſtatem Regiam, & Ordinis *Magiſtrum Cracouiæ* fuit con-
cluſa & ſtabilita, eo modo & ratione prout in Paſtis deſuper
conſectis videre licet. Multi mirabantur, quòd Pius, Catho-
licus, & Orthodoxus *Sigismundus Rex*, in Paſtis eiufmodi,
multa conceſſerit, quæ cum Religionis & Episcopalis Iuriſdi-
ctionis, non leui detrimento coniuncta fuere. Excusabatur
tamen à pluribus, quòd licet inuitus, neceſſariò ſe eò demitte-
re debuerit, quandoquidem *Gedanum*, *Elbinga*, *Marieburgum*,
Thoronium, & aliæ Regiæ in *Prussia* Ciuitates, à *Lutheranis
Concionatoribus* incitatae; ad rebellionem proſpectare videban-
tur: immò *Gedanenſes* cum alijs nonnullis, non obſcurè præ-
ferebant, quòd ſeſe Ordinis Magiſtro, tanquam *Lutheranorum
Patrono*, & Defenſori, dedere vellent, niſi Rex à Bello abſti-

neret, & libertatem Religionis permetteret. Et inde factum est, vt *Gedani*, *Elbingæ*, *Mariburgi*, in templa & Ordinis Ecclesiastici viros, sæuitum fuerit, & Catholico senatu loco moto, Lutheranae sectæ, Magistratus non absque tumultu, & Regiæ Maiestatis insigni iniuria, & contemptu, sit substitutus; quam seditionem in sequenti Anno vix demùm Regia Maiestas repressit, exturbato hinc inde *Lutheranismo*. Quamuis autem *Braunsbergenses* durantibus Iudicijs, cum adhuc in potestate Magistri Ordinis essent, Episcopi *Mauritij* paternis admonitionibus, in rebus Ecclesiasticis aliqua ex parte obtemperarent, vbi tamen Pace cum Magistro stabilitâ, Rex Ciuitatem pro se, vt & *Tolkiemitum*, ad vnum & dimidium Annum obtinerat, volebant etiam *Gedanenses* imitari, & cæperunt Ecclesijs & Monasterio Bellum inferre, & enormia facinora, contra DEVM, Religionem, & potestatem à DEO constitutam perpetrare, prout ex infra scripta querela, per Fiscalem Regium, coram Commissarijs Maiestatis eius deposita, videre licebit, cui *Braunsbergenses* non contradicebant; sed cum intellexissent à Regia Maiestate, Rebelles *Gedanenses* partim capite, partim Exilio multatos, ipsi quoque humiles effecti, & ad pedes Commissariorum proiecti, supplices veniam postulabant.

Ciuitates in Viros Ecclesiasticos sæuiunt.

Idem Braunsbergenses attemptant.

Ecclesijs insulant.

Rebelles puniuntur.

Enumeratio Excessuum, quos Braunsbergenses, cum in potestate Regiæ Maiestatis essent, contra Catholicam Religionem, & superiores, modò rebellionis, admiserunt. Commissarijs Regijs exhibita.

Primùm omnium Proconsul & Senatus, tam Parocho & Vicarijs, quàm reliquis Presbyteris, Reditus annuos, cæterosq; victus commoditates, ab Anno 1524. in hanc vîq; diem retinuit, & in proprios ac *Lutheranorum* Ministrorum vsus conuertit, quos etiam nunc contra ius, & Regiæ Maiestatis mandata sæpius facta, detinet, ita vt miseri Sacerdotes, mendicando victum quærere cogantur.

Braunsbergenses Parocho proprio victu subtrahunt.

Cum eis victum per summam iniuriam ademissent, etiam & habitationem abstulerunt, ac è Sacerdotum Contubernio, in

Domo residet. tali pellunt.

Lutheranis at-
tribuant.

Clerum pro-
bris afficiunt.

Senatus Conci-
onatore Lu-
theranorum
introducitur.

Lutherani Co-
cionatores ad
rebellionem
concitant.

Docent in Sa-
cramento Al-
taris Diabolum
contineri.

Proconsul lu-
dicrum Missæ
simulachrum
repræsentat.

quod nullum ius Ciuitati competit, violenter eos eiecerunt; Cumque *Georgius Preuckius* Regius Capitaneus, auctoritate suæ Maiestatis, in eandem domum eos introduxisset, *Gregorius Rabe*, auulso per vim ab ostio feraculo, suum apposuit, & domum quæ piorum Sacerdotum sumptu constructa fuit, vni externo *Gedanensi Concionatori Lutheri* attribuit.

Vtque violentiam hanc contumeliarum accessione, per-
diti homines, acerbiorum redderent, pios Sacerdotes con-
temptui habebant. publicè eos in plateis maledictis insecta-
bantur, Maleficos Nebulones, ac rapacissimos Lupos appella-
bant, inauditique conuicijs turpissimè lacerabant: Insuper
ante eorum domos, sordes impudentissimè proijciebant, po-
stes & feracula stercorebus illiniebant; Episcopum, Canoni-
cos, ac reliquas Ecclesiasticas Personas, *Lutherani Concionato-
ris* opera, probris in concionibus publicis afficiebant.

Quamuis autem hæc enormia sint, & cumprimis deplo-
randa, tamen minora videri possunt ijs, quæ contra DEVM
ipsum Ciues perpetrare non dubitauerunt: Nam Senatus per
Petrum Kirsten; Concionatorem Lutheranorum, *Ioannem Bar-
bitonforis* dictum, *Gedano Braunsbergam* accersuit & aduexit, vt
Lutheri dogma introduceret, quod etiam ab eo studiosè fa-
ctum fuit.

Cum *Sambientes* Rustici rebellare cepissent, Idem Mini-
ster in concione publica dixit. Quandoquidem Magnates ab
Euangelio defecerunt, DEVS Spiritum Sanctum suum in
pauperes Colonos immisit, vt illud conseruarent & tuerentur.
Itaque hortatus est Populum, vt se illis coniungeret.

Inter plurimos & ab Ecclesia damnatos errores, hanc eti-
am impurissimus homo blasphemiam, ore sparcissimo euo-
muit, publicè docens, in *Sacramento Altaris non Christum sed
Diabolum contineri*; quamobrem cum ad eleuationem Hostiæ
campana pulsatur, debere illicò ex Ecclesia omnes fugere &
aures obturare. Hactenus sacrificos populum dementasse &
seduxisse.

Cum impia hæc doctrina Primoribus Ciuitatis adlibuisset,
Gregorius Rabe Proconsul, in præsentia *Leonardi de Rossen* eius
Collegæ, & aliorum multorum, cum domi Cereuisiam coque-
ret, in Contemptum Diuini sacrificij, ludicrum Missæ simula-
chrum repræsentauit, & ex calice suos spectatores potauit, illis-
que præbuit.

Postea dictus *Leonardus de Rossen* Consularis, Vestibus

Sacer-

Sacerdotalibus indutus, cum *Laurentio Schenradi*, in publicum forum prodijt; vbi ludicram eiusmodi Missam celebrauerunt; vtque nihil impietatis prætermitteretur, clarâ voce Populum, vt ad humani ventris onus, ore percipiendum sese præpararent inuitabant, quæ turpido nec apud gentiles, nec apud Iudæos, vnquam est audita.

In publico foro ludicrâ Missam celebrant.

Cùm Sacerdos quidam in Ecclesia Parochiali, Dominicâ secundâ Aduentûs Anno superiore, Missam iuxta ritum Catholicorum celebraret, idem *Gregorius Rabe* supra nominatus Proconsul, in Capella Corporis Christi, à tergo sacerdotis stans, publicè gestus eius scuriliter imitabatur, Missam & ipse celebrando, Cruces formando, voce submissa verba proferendo, illum apertè deridens.

Celebrante Presbyteri Catholicum derident.

Nocte Natalis *Domini Nostri IESV Christi*, supra memorati *Laurentius Schenradi*, & *Ioannes Fochs*, cum eorum complicibus, quo tempore Diuina officia peragebantur, pellibus vrsinis, & laceris vestibus, vt histriones amicti, Ecclesiam Parochialem primùm, deinde Monachorum Templum ingressi, clamores ingentes, ac inconcinnas saltationes, bachantium more, ediderunt, vt à Psalmodia & Officijs Diuinis, abstinere coacti fuerint Sacerdotes.

Diuina Officia impediunt.

Imagines præterea Diuorum, è templis abstulerunt, & *Bullas Pontificias* Cloacis affixerunt, & tempore Dedicationis Ecclesiæ, Vexillum è laceris pannis consutum appensis fractis poculis vitreis, in contemptum Cæremoniarum Ecclesiasticarum, loco sublimi erexerunt, quæ res Senatum Ciuitatis minimè offendit, immò id illi non displicuisse præ se tulit.


Cæremonias Ecclesiasticas irrident.

Posteaquam autem Nobilis *Georgius Preuckius*, Regius in Ciuitate *Braunsbergensi* Capitaneus, Mandata Maiestatis suæ accepisset, de *Lutherana* Hæresi exterminanda, & rebus Ecclesiæ in pristinum statum restituendis, Sacerdotem Catholicum, qui ad Populum verba faceret, introduxit; Quem seditiosi *Lutherana* factionis homines, annuente ac permittente Senatu, tumultu contra Capitaneum ita excitato, vt à cæde parùm abfuerit, non solum è suggestu, sed etiam ex ipsa

Mandatis Regijs contra eunt.

Ecclesia per vim expulerunt, & in eius locum *Lutheranum* Ministrum

statuerunt.



Auctores tumultûs huiûs præcipui fuerunt.

Gregorius Rabe Proconſul, qui primus vociferari capit in Concionatorem. *Ecce Lupus, ecce Lupus.* Laurentius Schenrade. Simon Eberth. Urbanus Pericke. Petrus Hoffman. Sebastianus Hutter. Notarius Ciuitatis. Matthæus Schiſſentheriſſel. Nicolaus Barbierer. Andreas Horber. Ioannes Paſſe. Cæterum Petrus Kiſten & Valentinus Kirt poſt inchoatum tumultum è templo ſe ſe proripuerunt, Et eſt communis vox, quòd & ipſi in ordienda hac tela, cooperatores fuerint.

Contra articu-
los tranſactionis
peccant.

Præterea eorum legitimum Parochum, contra Articulos vltimæ tranſactionis reiecerunt, & cum ad Mandata Regiæ Maiestatis, ac corporalem Eccleſiæ poſſeſſionem, eum admittere noluiſſent, tamen impudenter apud Regiam Maiestatem con-
queri non dubitârunt, quòd ipſe Parochus apud eos eſſe nollet.

Senatus: con-
tra mandata
Regiæ multa
audet.

Cum tempus Regij aduentus, in has oras immineret, idem Gregorius Rabe Concionatorem Lutheranum Ioannem Barbiton-
ſoris. Gedanum remiſit, eâ tamen conditione, vt poſt diſceſſum Regiæ Maiestatis, Braunsbergam ruruſus rediret. Interea vt ne Lutheranorum dogma, Catholicorum Concionatorum ope-
râ aboleretur, non permiſit Senatus, vt aliquis in Parochiali Eccleſia, aut Monachorum templo, in hodiernum vſq; diem concionaretur, cum maximo multarum animarum ſalutis detri-
mento; quamlibet eo nomine, ab Epifcopo frequenter eſſent admoniti, & Capitaneus Regius, ac Achatius Varmienſis Ca-
nonicus id vrgerent, quibus idem Gregorius impudens respon-
ſum dedit, *Si Epifcopus (inquiens) ſcribendo mitius non egerit, ſciat me eius Epifto-
lis nates abſterſurum.*

Eccleſias ſpo-
liant.

Poſtremò Senatus Vaſa Sacra, clenodia, & Eccleſiaſtica paramenta, Diuino cultui deputata, ex Monasterio abſtulit, quorum nomina & valorem ipſimet Monachi in ſcriptis exhibuerunt. Ex Eccleſia itidem Parochiali VIII. argenteos calices deauratos, ampullas argenteas ſex, pacificalia duo, hume-
ralia tria acceperunt, quorum exemplum Textores ſequuti, calicem & duas ampullas argenteas rapuerunt, pretio inter ſe di-
uiſo, id ſibi licere rati, quod ſuperioribus facere licuit.

Mandata Re-
giæ contempnunt.

Et quamuis ab Epifcopo, & ipſa Regia Maiestate requiſiti eſſent, vt adempta reſtituerent, id tamen facere noluerunt, & mandata eiufmodi, elato ſpiritu contempſerunt.

Adex-

Ad extremum cum multi Ciuium rebellionis huius culpam sustineant, eorum tamen Antesignani præcipui fuerunt. *Gregorius Rabe* Proconsul. *Vrbani Poyke*. *Leonardus de Rosen* Consiliarius. *Ciuitatis Notarius*. *Petrus & Matthias Kirsten* Fratres. *Nicolaus & Albertus Barbitonfores*. *Simon Ebert*. *Andreas Hatcher*. *Ioannes Ludka*. *Georgius Falke*. *Sebastianus Hutter*. *Matthæus Winenpsenig*. *Petrus Hoffman*. *Ioannes Engelbrecht*. *Ioannes Paffe*. *Laurentius Schönrade*. *Valentinus Birt*.

Authores rebellionis.

Braunsbergensium ad obiecta Responsum.

B*raunsbergenses* supra memoratos Articulos, veros esse partim negarunt, partim extenuarunt, partim ambagibus quibusdam inuoluerunt. Sed cum timerent ne idem illis accideret, quod paulò ante rebellibus *Gedanensibus*, sese magnopere demiserunt, & ad pedes prostrati, tam à Regijs Consiliarijs, quàm ab ipso Domino Episcopo *Varmiense* (in cuius potestatem illis veniendum erat) supplices veniam petiuerunt. Res tandem eò deducta fuit, vt omnia reijcerentur in felicem aduentum Regionum Commissariorum *Braunsbergam*, vt tantò melius negotium, in re præsentì examinari, & in Capita seditionis inquiri possit. Duo tamen ex Magistratu *Vrbani Poyke* & *Laurentius Schönrade* (qui negare non potuerunt, quòd cum Regis mandato Capitaneus *Preuckius*, Sacerdotes in Ecclesiam introduceret, ipsi tumultu excitato, eosdem Sacerdotes interfici debere proclamassent) in Carceres sunt coniecti; vnde postea datà sufficienti cautione, quòd in Iudicio comparere deberent, quoties requisiti essent, dimissi fuerunt, quæ omnia clarius ex Actis Dominorum Regionum Commissariorum patebunt.

In responsione variant.

Totum negotium ad Commissionem reijcitur.

Authores duo incarcerantur.

Literæ Commissariorum.

Nos Prælati, Palatini, Castellani, tam Regni *Poloniæ* quàm harum Terrarum *Prussiæ* Consiliarij, à Regiâ Maiestate Domino Nostro Clementissimo, cum plena potestate Deputati, significamus tenore præsentium, quorum interest vniuersis. Quòd cum Sacra Regia Maiestas, Senatum, &

aliquas

aliquas Personas ex Communitate Ciuitatis *Braunsbergensis*, propter diuerſos exceſſus, huc *Elbingam* aduocaſſet, & propter magnas & varias occupationes, quibus Maieſtas eius diſtinebatur, Nobis, vt Maieſtatis eius nomine cauſam, hanc iudicaretur, iniunxiſſet: Comparuerunt coram Nobis perſonaliter, *Georgius Rabe*, *Leonhardus de Roſſen*, *Petrus & Matthias Kirſten*, *Simon Ebert*, *Ioannes Ludka*, *Tobias Matthæus Vinnenpſenig*, *Matthæus Schiſſenteriffel*, *Ioannes Paſſe*, *Ioannes Engelbrecht*, *Laurentius Schönrade*, *Notarius Ciuitatis*, *Vrbanus Poytki*, *Nicolaus & Albertus Barbitonſores*, *Andreas Heicher*, *Sebaſtianus Hutter*, *Petrus Hoffman*, & *Valentinus Birt*: Quos Regij Tribunalis & Fiſci Procurator, in quibusdam grauibus articulis, quibus Diuinam & Regiam Maieſtatem contemnentes, Chriſtianæ Religioni, & eorum Episcopo, tanquam ſpiritali Præſſato aduerſantes, ac aduerſus Regium Capitaneum, Seditio-nem concitantes, grauiter deliquerunt, iurè ac meritò accuſauit. Quamuis Regia Maieſtas, & Nos, non ita facile reperire poſſemus, omnia ita ſe habere, quemadmodum in eos congeſta fuerunt, tamen nolle illos, cum Regia Maieſtate Domino ſuo Clementiſſimo, in diſceptionem iuris deſcendere, & cum ſumma animorum ſubmiſſione, humilitate, ac genuum flexione, Nos ac prænominaſſum eorum Reuerendiſſimum Dominum Episcopum, orare & obſecrare, ſi quos exceſſus pro humana fragilitate, in prædictis amiſerunt, debitamque pro ijs caſtigationem promeruerunt; vt hæc omnia, ex mera gratiâ & miſericordiâ, amore DEI illis condonaremur, & rigorem Iuris in eos extendere nollemus. Fore illos deinceps Sacræ Regiæ Maieſtati, & Reuerendiſſimo Domino Episcopo, in omnibus obediētes, & omnem debitam ſubiectionem, abſq; reprehensione illos præſtare velle, atque id Sanctè polliceri. Quibus Nos maturâ deliberatione & conſultatione præhabita tale pro tunc reſponſum dedimus.

Reſpoſio Com-
miſſariorum.

Etſi tanta delictorum magnitudo, debitas pænas iure expoſceret, quas differre integrum non eſſet; tamen ad examinandos eiufmodi exceſſus, ac puniendos, non ita præcipitanter accedere Nobis videri, & habitâ petitionis ac humilitatis eorum ratione, ex merâ gratiâ & benignitate conuiendum aliquâ ex parte illis nunc Nos conſtituiſſe. Interea tamen *Vrbanum Poytke*, & *Laurentium Schönrade*, tanquam Auctores & capita ſeditionis huius, puniēdos & in carcerem conijciendos eſſe putauimus. Cæteris autem mandauimus, vt *Clenodia* & pa-

tamen-

ramenta Ecclesiastica, quæ ex Ecclesia Parochiali & Monasterio abstulerunt, omnino restituere debeant; Et si quid inde distractum est, id intra unius Anni terminum reponere, aut iuxta arbitrium & sententiam Reuerendissimi Domini Episcopi pro penitentia mille florenos persolvere teneantur. Debent iidem inuestigare, Quis Concionatorem Lutheranum aduocauerit; Et cuius iussu & auctoritate perfectum id fuerit; simul & illud detegere, quinam Urbano Poytki, & Laurentio Schönrade supranominatis, in tumultu contra Regium Capitaneum excitando, Complices & Socij fuerint. Et quoniam Regia Maiestas, Ciuitatem Braunsbergensem, Episcopatu Varmienfi clementer restituere dignata est, Mandauimus ut Reuerendissimo in Christo Patri, Domino Mauritio. Ecclesiæ huius Episcopo, tanquam vero & legitimo eorum Domino, debitam obedientiam & subiectionem, reddere omnino sint adstricti. Intimauimus quoque eisdem Regiam Maiestatem, Reuerendissimos & Magnificos Dominos, Matthiam Vladislauensem, & Mauritium Varmiensem Episcopos, ac Ludouicum de Mortangen Castellatum Elbingensem, & Capitaneum Engelburgensem, suos cum plenâ potestate Commissarios Braunsbergam deputasse, quibus etiam Nos, eam quâ Regiæ Maiestatis nomine fungimur, auctoritatem delegauimus, ut ibidem reos supra nominatos conuenire, & delinquentes punire, abusus omnes tollere, & Ciuitatem in Ordinem ac bonam quietem reducere valeant; simul Possessionem eiusdem Reuerendissimo Domino Episcopo Varmienfi tradant, quorum Dominorum Commissariorum aduentum, pro feria sexta proximè futura, dicti Ciues intimare debebunt, ut nemo Incolarum, sub amissione vitæ & Bonorum, se absentare præsumat; quod datâ fide dicti Ciues se facturos receperunt. Datum & Actum Elbingæ feriâ secundâ, post Festum S. Laurenti, Anno Domini 1526.

Intimatio Commissionis futuræ.

Tandem Regij Commissarij, Dominus Matthias Episcopus Vladislauensis, & Ludouicus de Mortangen Elbingensis Castellanus, 16. Augusti Braunsbergam venerunt, quod etiam Episcopus Mauritius appulerat. Die sequenti in Monasterio congregati, inquisitionem faciebant de Auctoribus, & Causis tumultus excitati, in Ecclesia Parochiali, contra Catholicos & Capitaneum Regium. Et quamuis Braunsbergenses, Auctores huiusmodi prodere nollent, idèò fortassis quod Senatus ipse, tanti mali Causa fuerit, tamen coniunctim omnes nemine excepto ingenua prouoluti, culpam deprecabantur. Inter alios autem duo Proconsules, Georgius Rabe & Leonardus de Rossen, & ex Com-

Commissarij Braunsbergam venerunt.

Inquisitio instituitur.

Culpam agnoscunt.

Deprecantur.

munitate *Petrus Hirſten*, cum enumeratione facinorum perpetratorum, quorum cauſa, vitæ & amiſſionis bonorum, pœnam promeruiſſent, maximè rei pronunciabantur. Sed nihilo minùs omnes coniunctim, ac ſi æqualiter deliquiſſent, proſtrati, veniam à Dominiſ Commiſſarijs, præcipuè verò ab Epifcopo *Mauritio*, in cuius poteſtatem venire debebant, ſupplices ſibi dari petebant. Ad extremum precibus & tantâ ſubmiſſione id effecerunt, vt Domini Commiſſarij, Iuris rigore omiſſo, mitiùs cum illis agendum, quàm meruiſſent, exiſtimarent. Itaque vt die ſequenti in Arcem, Regiæ Maieltatis Mandata, audituri conuenirent, edixerunt.

Cùm in Arcem ventum eſſet die 18. Auguſti, *Felix Reich* Cancellarius in hanc Sententiam verba fecit.

Sermo Cancellarij in Arce Braunsbergenſi ad Ciues.

Poſtquam Sereniſſimus Princeps & Dominus, Dominus *Sigismundus* Dei gratia *Rex Poloniae*, Magnus Dux Lithuaniae, Ruſſiæ, Pruſſiæ, Maſouiæ, Dominus & Hæres, Dominus Noſter Clementiſſimus, Ciuitatem hanc *Braunsbergenſem*, juſtis de Cauſis in poteſtatem ſuam accepiſſet, eamque hucusque retinuiſſet, multa hic enormia euenerunt, contra Diuinam primum, deinde etiam contra Regiam ipſam Maieltatem, contra Maieltatis illius Officiales, contra Reuerendiſſimi Domini Epifcopi *Varmienſis*, Domini mei gratioſiſſimi dignitatem & auctoritatem. Diuiſiſſimum Sacramentum ſuo cultu, Sancti DEI ſuo honore ſpoliati; Parochi & Sacerdotum aliorum annui redditus, contra Regiæ Maieltatis mandatum, per vim erepti & retenti; Seditiones excitatæ, templa & Monasterium ſpoliatum, Chriſtiana vetus Religio exterminata; noua peregrina, & condemnata doctrina introducta; Senatus inordinate loco motus, regendæ ac gubernandæ Ciuitatis ratio immutata, plurimæque alia illicita ſunt perpetrata. Quamobrem cùm Regia Maieltas, grauiffimis Regni negotijs occupata, venire huc non poſſet, pro Chriſtiani Regis ac Principis officio, Commiſſarios ſuos cum ſumma poteſtate huc deſtinauit, videlicet Reuerendiſſimum in Chriſto Patrem Dominum *Matthiam* Dei Gratia Epifcopum *Vladitauienſem*, & Magnificum Dominum *Ludouicum* de *Mortangen Elbingenſem* Caſtellanum, vt excuſus & abuſus huc introductos, vnâ cum Reuerendiſſimo in Chriſto Patre Domino *Mauritio*, Dei Gratia Epifcopo *Varmienſe* Domino meo gratioſiſſimo hîc præſente, tollerent & abolerent, ac in priſtinum ſtatum, tam in ſpiritualibus, quàm etiam in temporalibus, ad DEI omnipotentis laudem, Regiæ

Maieltas.

Maieſtatis honorem, Publicam pacem & vtilitatem, gubernandæ Ciuitatis huius modum reducerent; ſimul eius Poſſeſſionem, Reuerendiſſimo meo Domino Episcopo *Varmienſi*, darent & traderent.

Quamuis autem ipſa Iuſtitia & Iuris ratio dicter, vt illa tot tantorumque delictorum grauitas, capitali ſupplicio, Bonorum conſiſcatione, & Priuilegiorum ac Libertatis amiſſione puniatur; Habito tamen Veſtræ humilitatis, & ſupplicationis ac deprecationis, quam *Elbingæ* per Nuntios veſtros, & hinc ipſimet aliquoties præſtititiſtis, benigno intuitu, quodque ea omnia facere, quæ vobis à Regia Maieſtate, & Reuerendiſſimo in Chriſto Patre, Domino *Mauritio* Episcopo *Varmienſi*, veſtro proprio ac naturali Domino, iniungentur, paratos vos eſſe promittitiſtis; Illuſtres Domini Commiſſarij Domini mei Colendiſſimi, Iuris & punitionis rigorem hac vice omittere, & promerâ gratiâ & bonitate, vobiſcum clementer agere, ac quæ tolerabilia ſunt, pro delictorum pænitentia, vobis imponere conſtituerunt. Quamobrem Regiæ Maieſtatis auctoritate, & de eius ſpeciali mandato, ad malorum correctionem, bonorum autem ſolatum, & Ciuitatis huius commodum, Illuſtres Domini Commiſſarij, Articulos quosdam & ſtatuta conſcripſerunt & ordinârunt, quæ ab omnibus vobis in genere, & à quolibet in ſpecie, ſub obedientia Regiæ Maieſtati debita, inuiolabiliter obſeruari, volunt & mandant, Ea nunc vobis per me publicari iuſſerunt; quod etiam facio.

Nos *Matthias* Dei Gratiâ Episcopus *Vladislauienſis* & *Ludouicus* de *Mortangen*, *Elbingenſis* Caſtellanus & Capitaneus *Engelburgenſis*, Oratores & Commiſſarij Sereniſſimi Principis & Domini, Domini *Sigismundi* Dei Gratiâ Regis Poloniæ, Magni Ducis Lithuanix, Ruſſiæ, totius Pruſſiæ Domini & Hæredis, Domini Noſtri Clementiſſimi, *Braunsbergam* cum plena Maieſtatis Regiæ Auctoritate miſſi, ſignificamus omnibus & ſingulis quorum intereſt. Quod cum Sacra Regia Maieſtas, perpetuâ pace cum Illuſtriſſimo Duce in *Pruſſia* ſtabilitâ, Ciuitatem hanc *Braunsbergensem*, quam tempore Belli idem Illuſtriſſimus Dux occupauerat, ab eodem in ſuam poteſtatem recepiſſet, Ciuitas factionibus laborare, & ſeditiones ac tumultus concitare cepit; Peregrinam & Catholicæ Eccleſiæ contrariam religionem recepit, Eccleſias ſpoliauit, Sacerdotes oppreſſit; Ordinariam Iuriſdictionem Domini Episcopi contempſit; Contra Regium Capitaneum tumultuoſe inſurrexit; Senatum

Deſcretū. DD.
Commiſſario-
rum.

& Regiminis rationem mutauit; Regia Mandata contemptū habuit; & multa alia detestanda facinora commiſit. Quibus & alijs cauſis, Regia Maiestas adducta, Ciuitatem ipſam tantisper in ſua poteſtate eſſe voluit, dum Regiā auctoritate exceſſus punirentur, Chriſtiana Religio reſtitueretur, tumultus ſopirentur, & omnia in ordinem debitum redigerentur. Vt ſic rebus compoſitis, Ciuitas talibus morbis liberata, pacificè ad obedientiam & Officiū reuocata, Reuerendiſſimo Epifcopo tanquam legitimo, & naturali Domino, in poteſtatem traderet. Cū Regia Maiestas, pro officij ſui ratione, tanquam Chriſtianiſſimus Princeps, in *Pruſſiam* veniens, ſubditorum ſuorum commoda procuraret, antequam diſceſſiſſet, Nobis iniunxit, vt ſublatis è Ciuitate hac, turbis & ſeditionibus, rebusq; Spiritualibus & Secularibus in ea rectè conſtitutis, eam ſic purgatam & reſtitutam, Reuerendiſſimo in Chriſto Patri Domino *Mauritio* Epifcopo *Varmienſi* & eius Eccleſiæ, cum omni lure & pleno Dominio, conſignaremus & traderemus. Quod quidem Negotium ſummā fide ac diligentia, vnā cum alijs Regiæ Maiestatis Conſiliarijs, *Elbingæ* cum ſumma poteſtate congregatis, tractauimus, & rebus benè perpensis, maturā deliberatione præhabitā, Auctores ſeditionis puniendos, cæteros in Ordinem redigendos exiſtimauimus. Vt autem futuris temporibus in hac Ciuitate Pax, Quies, & tranquillitas facilius conſeruari, ab eaque incommoda & pericula quæque propulſari ac amoueri poſſint. Articulos & Statuta, inuiolabiliter perpetuò ab omnibus ſeruanda, ordinauimus & conſcripſimus, quæ ad vtramque Ciuitatem *Braunsbergensem*, veterem videlicet & nouam, extendi & referri debere, volumus & decernimus.

Statutū vt Fides & Religio Catholica Eccleſiæ conſeruetur.

Ac Cæremoni-
arum Eccleſi-
aſticarum vſus

In primis vetus Religio, & Catholica Eccleſiæ conſuetudo, quam à maioribus Noſtris, puram & incorruptam accepimus, ſalua & integra conſeruari ac retineri debet. Nam ſi quilibet, pro ſuo arbitrio, religionem condere & mutare, ac iuxta proprium ſenſum, ſcripturas interpretari voluerit, nihil in rebus Fidei firmum, nihil in Politicis fixum erit, ac ſtabile; quod luce meridianā, clariſſime videre licet apud Religionis Nouatores, qui dum Eccleſiæ Catholicae doctrinam oppugnare conantur, ipſi inter ſe diuiſi, miſerandum in modum ſeſe dilacerant. Mandamus itaque, vt Sacroſanctæ Catholicae fidei & Cæremoni-
arum Eccleſiaſticarum vſus, quemadmodum à maioribus per manus traditum accepimus, in omnibus & per omnia in iſta Ciuitate deinceps retineatur, & obſeruetur, quòd ſi quis con-

traueni-

trauenire præsumpserit, pro delicti magnitudine se nouerit esse puniendum.

Si quis juxta receptum Ecclesiæ Catholicæ ritum, & Nostræ Constitutionis huius ordinationem viuere voluerit, hic intra quatuordecim dies, è Ciuitate, quocunq̃ migrare voluerit, & ampliùs in eam non reuerti, tenebitur; alioquin capitis & bonorum omnium amissione mulctabitur.

2.
Si quis ita viuere noluerit, migret.

Quoniam autem hoc tempore, multi sese in prædicationis munus præsumptuosè ingerunt, & sub specioso verbi DEI titulo, Zizania seminant; Mandamus sub vitæ & Bonorum amissione, ne quis deinceps, tam intra quàm extra Ciuitatem, siue sit Ecclesiasticus siue secularis, publicè aut priuatim, alicui prædicandi facultatem concedat, absq̃ue expresso Reuerendissimi Domini Episcopi, aut eius Officialis consensu.

3.
De Concionatoribus,

Quoniam Nouatores Religionis, veteribus & ab Ecclesia receptis orationibus, & Canticis spiritualibus reiectis, nouas precatiunculas & cantilenas, rudi plebeculæ venditant; Præcipimus & mandamus, vt omnes Ecclesiastici, Diuina Officia & Missas, juxta receptam Catholicæ Religionis consuetudinem, in hac Ciuitate celebrent, nullisq̃ue alijs orationibus, Antiphonis, Responsorijs, aut cantionibus vtantur, quàm ijs quæ fuerint, à Domino Episcopo, vel eius in spiritualibus Vicario, receptæ & approbatæ.

4.
De Diuinis Officijs ac Missa & cantu Ecclesiastico.

Et quia multi spiritu auaritiæ ducti, violentas manus Bonis Ecclesiasticis iniiciunt; Statuimus & ordinamus, quicunq̃; Clenodia, Vestes sacras, & alia Diuinis vsibus applicata ex Ecclesia vel Monasterio abstulerit, aut in suos vsus conuerterit, vt tanquam Sacrilegus, supplicio Capitis puniatur.

5.
De apparatus Ecclesiæ.

Inhærentes Regiæ Maiestatis, tanquam Christiani Principis, piæ & Catholicæ Ordinationi, præcipimus & districtè mandamus, ne quis in posterum libros ab Ecclesia prohibitos, turpes cantilenas, libellos famosos, & alia eiusmodi, quæ Christianæ Professioni non conueniunt, in Ciuitatem introducat, aut disseminet, sub pænâ Bonorum amissionis & publicationis ac proscriptionis.

6.
De libris prohibitis,

Quandoquidem id cum æquitate & Principis dignitate coniunctum videtur, statuimus & inuiolabiliter perpetuis temporibus obseruari volumus, vt Officiales Reuerendissimi Dñi. Episcopi, Nempe Aduocatus, Capitaneus, aut Burgravius ubiq̃; & in omnibus, Proconsulem & Senatum Ciuitatis, loco præcedant, quandoquidem Personam & locum Episcopi sustinent.

7.
De præcedentia Officialium Episcopi.

8.
De electione
Proconsulis &
Consulum.

Quòd ad Magistratum secularem attinet, quandoquidem ij qui Rempub; administrant, & Iuri dicendo præsunt, Dominorum & Principum suorum vices gerunt, quorum Auctoritatem sequuntur, valde iniquum, & à Politica, rectè constitutarum Ciuitatum prorsus alienum Nobis videtur, vt Princeps à Boni publici procuratore, Iudiciorum, & Iustitiæ, ac rerum præsertim Criminalium administratione, excludi & remoueri debeat; Cumque euidenter appareat, quòd Proconsules Ciuitatis huius, libertate, in exercendâ suâ Iurisdictione multoties abutuntur, vnde Ciuitas in periculum & Discrimen aliquod, adduci posset; statuimus & Regiæ Maiestatis, quâ fungimur, auctoritate decernimus, ne Senatus modernus, à Plebe inordinatè electus, Officium & locum suum amplius obtineat & exerceat. Reuerendissimo autem Episcopo, nouum Senatum eligendi, auctoritatem & facultatem damus, & concedimus, districte mandantes, vt nemo in posterum in Senatum admittatur & eligatur, absque scitu & voluntate Reuerendissimi Dñi. Episcopi, aut eius locum tenentis; cui etiam potestatem facimus, vt Proconsulem aut Consiliarios, cum illi opportunum & expediens visum fuerit, loco suo moueat & deponat.

9.
De Sententia
Capitis.

&
libero passu.

Declaramus itidem & decernimus, quòd in posterum Iudicium Capitis, in Ciuitate *Braunsbergensi*, pertinere tantum, debeat ad Dominum Episcopum pro tempore existentem, aut eius locum tenentem, qui de capite sententiam ferendi potestatem tantum habebunt. Quodque Magistratus Civilis perpetuis futuris temporibus, absque scitu & voluntate Reuerendissimi Episcopi, nemini in Ciuitate saluum conductum concedere, aut Militaribus copijs liberum Passum permittere possit.

10.
De Iuramento
fidelitatis per
nouiter electos
Consiliarios
& Præsides
artificum.

Quicumque de nouo Consiliarius aut Scabinus creatus & electus fuerit, antequam loci & Officij possessionem adeptus fuerit, debet coram Reuerendissimo Episcopo, aut ab eo Deputato Iuramentum fidelitatis præstare, quodque si quos seditio nem mouere velle animaduernerit, de ijs absque mora aliqua Reuerendissimo Domino Episcopo, aut eius Capitaneo significabit, idque procurabit, vt seditiosi huiusmodi, iuxta delicti qualitatem puniantur. Simile Iuramentum etiam præstabunt illi, qui in Contubernijs Artificum, in Seniores & Præsides electi fuerint.

11.
De electione
quomodo fieri
debent &
quot Personæ
in senatu eligi
debeant.

Mandamus itidem, vt nullus Ciuium tumultuosè, aut indebitis ac illicitis modis, se eligi in senatum procuret, sub pæna Capitis, utq; non plures quàm quatuordecim Personæ in Senatum adsciscantur.

Inter-

Interdicimus etiam & prohibemus in perpetuum, ne aliquo in loco, Congregationes Communitatis in particulari aut generali fiant, sine speciali licentiâ & concessione Reuerendissimi Domini Episcopi, aut eius locum tenentis, sub pœna amissionis omnium Priuilegiolorum, si quid tamen emerferit quod communi consilio & assensu decerni & definiri debeat, tunc ex quatuor Ciuitatis regionibus, sex graues ac prudentes Viri ex Senioribus autem Artificum Duo, deputari debent, qui locum & suffragiũ in Consilio habeant, & in Prætorium aduocentur. Quilibet autem ex dictis Tribunis, ordinem suum in sedendo retinebit. Monemus etiam, ne quis aliquid aliud in medium adferat, quàm quod pro communi bono à Senatu propositum fuerit. Quòd si quis tale quid proposuerit, quod Ciuium vnitati, & statutis Nostris aduersetur, & non vocatus, inordinatè in Prætorium veniens, consultationes turbare ausus fuerit, is Capitis supplicium luet.

12.
De modo Confiliorum faciendorũ & ordine eorum.

Quæ autem in supradicto Consilio, à Senatu & triginta duobus viris, definita & constituta fuerint, ea ab omnibus Ciuibus & totâ communitate inuiolabiliter obseruari debent. Quòd si de aliquo Articulo inter se conuenire non potuerint, de eo, ad Reuerendissimum Episcopum referent, vt is negotium determinet.

13.
Quomodo Confilia obseruari debent.

Si Ciuis contra Ciuem aliquid habuerit, rem ad Magistratum & Iudicem competentem referet; & si illi Sententia Magistratus non satisfecerit, ad Dominum Episcopum illi appellare licebit, vel ad eius locum tenentem; Causæque huius prosequutionem, quæ tumultus aliquos excitare posset, sub pœna Capitis, nullibi, præterquam apud legitimum Dominum aggredietur.

14.
De Appellatione.

Ne autem dissensionis & seditionis flamma, quæ non tam facile sopiri possit, resuscitetur; seriò mandamus & statuimus, ne quis clam aut publicè talia verba faciat, quæ diuisionem aut rebellionem, contra spirituales personas, aut superiores excitare possit.

15.
De Occasione dissensionum & seditionum fugiendâ.

Et quoniam seditiosi, solent initio clàm secum consilia communicare, præcipimus & mandamus, vbi duo vel tres personæ, siue viri siue mulieres fuerint, in ædibus priuatis, in templo, hortis, intra vel extra Ciuitatem conciliabula fecerint, quæ Constitutionibus & ordinationibus Nostris, & publicæ Ciuium quieti aduersentur, & si quis ad eiusmodi conuenticula consensum præbuerit, & nuntium aut literas miserit, de ijs,

16.
Contra cõuenticula clandestina.

quicun-

quicunq̃ue notitiam habuerit, & Domino Episcopo, aut eius Capitaneo hæc non indicauerit, is Capitis & Bonorum omnium amissione puniri debet.

17.
Qualiter se ge-
rere debeant
seniores Arti-
ficum cum O-
pificibus.

Volumus, etiam vt seniores Artificum, habitâ Iuramenti sui ratione, in recipiendis exteris opificibus, eos diligenter admoneant, quam diu in Ciuitate versati fuerint, vt se modeste & fideliter gerant, & juxta Ordinationes Nostras, & Reuerendissimi Domini Episcopi mandata, tam in spiritualibus quàm in secularibus negotijs, viuant. Magistri autem familias, huiusmodi leges, intimare Opificibus tenebuntur, qui si ob insciam contra eas aliquid commiserint, ipsimet Magistri, pro illis juxta delicti magnitudinem punientur.

18.
Vt constitui-
ones istæ eti-
am per hospi-
tia & tabernas
publicentur.

Vt autem nullus Constitutionum harum nostrarum, ignorantiam prætereundere possit, præcipimus & mandamus omnibus, Cauponibus, Cereuisiæ venditoribus, Tabernarijs & Ciuibus, qui exteros hospites, & aduenas, vel amicos, in ædes recipiunt, vt ad hospitum notitiam, leges has Nostras, tam Fidem Catholicam, quàm Ciuitatis regimen concernentes, deducant, eosque moneant, vt ad Regiæ Maiestatis, & Domini Episcopi præscriptum, sese accommodent, sub grauib. pænis à Senatu injungendis. Quod si quis externus, Hæresim & damnatas ab Ecclesiâ doctrinas introducere, & ea quæ Fidei, aut Ordinationibus his Nostris aduersantur, disseminare ausus, post admonitionem huiusmodi fuerit; Is à Reuerendissimo Domini Episcopi Capitaneo, & Magistratu Ciuili, pro qualitate patratii facinoris, puniri & castigari debebit.

19.
Vt Constituti-
ones istæ pu-
blicis libris in-
serantur.

Correctio, ad-
ditio, diminu-
tio, reseruat
Episcopo.

Articulus Ca-
pitalis Senten-
tiæ ad Regem
remititur.

Ad extremum volumus & mandamus, vt Articuli & Constitutiones hæ Nostræ, ad perpetuam rei memoriam, publicis libris insertæ, singulis annis semel Populo legantur; vtque ab omnibus, strictè & inuiolabiliter perpetuis temporibus obseruentur, quas tamen mutare corrigere, in illisque aliqua addere vel minuere, prout temporis & vtilitatis publicæ ratio dictauerit, potestatem & auctoritatem Reuerendissimo Domino Episcopo damus & concedimus. Articulum tamen ferendæ sententiæ Capitalis, Ciuitati contra Priuilegia, ademptum, ad Cognitionem, & Sacræ Regiæ Maiestatis vltimam Definitionem, reijcimus & remittimus.

Nos itaque supranominati Regiæ Maiestatis Legati & Commissarij, post lectionem & publicationem superscriptorum Articulorum, in præsentia totius Communitatis congregati: ad idque sufficienti auctoritate fulti, Ciuitatem *Braunsbergensem*,

cum

cum omnibus Iuribus, Attinentijs, Dominiis & Præminentijs, post præstitum fidelitatis iuramentum, Regiæ Maiestatis nomine, Reuerendissimo Domino *Mauritio*, Episcopo *Varmienfi* hîc præsentî, eiusque Successoribus ac Ecclesiæ prædictæ, de speciali suæ Maiestatis mandato, restituimus & reddidimus. In cuius rei fidem & testimonium, Sigilla Nostra præsentibus literis apposuimus. Datum & Actum in Arce dictæ Ciuitatis *Braunsbergensis*, Sabbatho post Assumptionem Beatissimæ Virginis *MARIÆ*, die *xviiij.* Mensis *Augusti*, Anno Dñi. 1526.

Restituitur
Braunsbergæ
Episcopo.

Sub hoc Episcopo, *Elbinga* à fide Catholicâ, ad Sectam desciiuit Lutheranam; Infames Apostatæ, multum contulerunt ad exterminium Religionis Orthodoxæ, quorum nomina graphice recenset, *Ioannes Leo Decanus Canonicus Gudstadiensis*, in suo Chronico Prutheno, quod manuscriptum extat; hæcque se recognoscit mutuatum, ex historia Pruthenâ illius temporis, scriptâ linguâ Germanicâ, scriptâ non impressâ *Simonis Grünau Tolkmitten*, Sodalis Ordinis *S. Dominici*, qui eâ tempestate vixit *Thorunij*, *Gedani* mortuus est. è propinquo vidit & audiuit, quo furore, quàm impio ausu, Sanctior oppressa Antiquitas, Sacra omnia profanata, nouumque & heri natum dogma introductum. Neq; præmittendum censemus, quod in Libro, seu Tractatu recenter impresso, super aduertentiam defectuum, in Capitibus Imperij Sarmatici connotauit, *Casimirus Zawádzki Succamerarius Marieburgensis*, *Lipinensis* Capitaneus, auitæ claritudinis & Ciuilis prudentiæ præclarus *Rex Alexander*, in distrahendo Reipub. Patrimonio, nimium profusus, Districtum *Scharpauensem*, cum aliqua Mensæ Regiæ prouentuum diminutione, *Luca Weisselroth de Alen* Episcopo *Varmienfi*, concessit an donauit. Successor *Luca Mauritius*, cum Ciuitate *Gedanensi* transegit, eundemq; vendidit Districtum, pro summa leuium marcarum, quindecim millibus. Adeo illo tempore, de non alienandis Bonis Ecclesiæ, inualidum fuerat Legum auxilium.

Ad propagandam
Hæresim
Apostatæ multum contulerunt.

Hos Apostatas recenset
Simon Grünau
Dominicanus.

Rex Alexander
districtum
Scharpauensē
Episc. Varm.
donat.

Hunc Mauritium
Gedanensibus
vendidit.

Mauritius autem Episcopus, plenus dierum & de Ecclesia DEI meritorum, inter manus suorum Officialium, Calendis Iulij Anno 1537. mortuus, & in Ecclesia Cathedrali *Varmia* honorifice sepultus est. Electus fuit à Capitulo in Episcopum Anno 1523. die Sanctorum *Tiburtij* & *Valeriani*.

Mauritius Feber.
moritur.

Motus Braunsbergæ cicurat. noua dogmata in herba.


*Extinguit. Leges dat Clero. * & Sacra statuta.*

Auget prouentus, successoriq; decoras.

Ædes erexit Fraumburgi, & mania templi.

* Gudstadiensis
Collegij.

IOANNES IV.



ET huic Natales dedit *Gedanum*, Prudentiam, per Europam, Asiam, cum Palestinam & sepulchrum Domini visērit, pararunt peregrinationes. Poësi valebat, Laureamq; meruit Poeticam, *Petri Tomici* Episcopi Cracouiensis Regni Cancellarij, Viri incomparabilis, fauore promotioneq; fultus, & qui magnus literatorum audiebat Patronus, primum Secretarius mox ad Cæsares, *Maximilianum*, *Carolus Quintum*, *Ferdinandum*, *Bohemorum Regem*; ad Rempublicam *Venetam*, fuit Legatus, ad Imperatores.

Petro, Tomicio, charus

Legatus, ad Imperatores.

tus;

tus: Quas functiones cum eximiâ prudentiâ obiuit commen-
datione. In Aulâ Caroli V. Imperatoris, annis duodecim Legatus
ordinarius morabatur, omnium Comes itinerum, etiam bellica-
rum expeditionum. Ad Ticinum seu Papiam, cladem Gallo-
rum expeditionum. Ad Francisci Regis captiuitatem, vidit, spectauit. Legationis suæ
tam longinquæ & diuturnæ, spisso complexus volumine feri-
em, quod extat inter Acta publica Tomicij. Dum eâ funge-
retur Legatione, non alio prouisus fuit Sacerdotio, vt ipse scri-
bit, nisi Parochiâ in Gotabie, quam vocat Columbam, ad Vi-
stulam in Diœcesi Cracouiensi. Redux ab ea Legatione, Ca-
nonicatu auctus Varmienſi, Rege promouente Culmenſem, ade-
ptus Episcopatum, Mauritioq; defuncto, Electus Episcopus Var-
mienſis; annis vndecim in regimine completis, exiit Mortali-
tatem Heilsbergæ Anno 1548. Etatis 64. sepultus in Ecclesia
Cathedrali. Paulus Piaſecius in ſuo Chronico ſcribit Ioannem
Dantiſcum perpetuas amicitias prophanarum literarum, com-
mercia cum præſtantioribus Scholarum Hæreticarum Magiſtris
retinuiſſe, præſertim cum Georgio Sabino primo Academia Re-
giomontanæ Rectore, qui fuit gener Philippi Melanchtonis.
Extant impreſſa eiſdem poemata, vbi mutuo carmine ſcriptæ
Epistolæ, Dantiſci & Sabini leguntur. Non longè à fato hæc
ſibi ſcripſit epicedia.

Franciscum Re-
gem Gallorū
vidit captiū

Parochus in
Gotabie.

Canonicus Var-
mien,
Episcopus Cul-
menſis tanſe
Varmienſis.

Cum hæreticis
commercia li-
teraria habuit.

Iam Sexaginta coeunt & tres simul Anni,
Haftenus à superis quod mihi vita datur,
Quam Climactericum contingere sentio tempus,
Ultimus hoc multis terminus esse solet.
Intra quod, si forte DEVS migrare iubebit,
Qui fuerim, paucis ista notata dabunt.
Aula diu tenuit me Regia, misit ad Orbis
Primores: erat hinc Infula dupla mihi.
Corpus habet tandem nunc terra: quiete fruatur
Spiritus aetherea, quæ sine fine beat.
Hoc quisquis transis, mihi quaeso precare Viator,
Vt tibi posteritas, inde precetur idem.

Aliud.

Terra tegat carnem, sit Vermibus illius esca,
In cineres abeat, quod fuit ante cinis.
Ad te summe DEVS contendit Spiritus, illum
Reddo tibi; redeat, Venerat unde prius.

De Ecclesia Varmienfi

*Ambitio, spes, cura, labor, luxus, dolor, & mens
 Rebus in humanis, irrequieta vale.
 Soluor ab his, in bis dena trieteride, & una,
 Illecebris, durus quæ mihi carcer erant.
 Viuimus incerti, postquam procul esse putabis,
 Et minimè veris, fata venire solent.
 Tu qui securus vis viuere, Mortuus esto
 Mundo, & in hoc dubio turbine, viue DEO.*

Effigies ipsius visitur in Domo Canonorum Ecclesiæ Collegiatae Gudstadiensis. Facies quadrata, inclinans ad rotunditatem, obesior vultus, oculi amænum quid spirare videntur, cui ipsemet hos adscripsit versus.

*Vndecimum lustrum, mensem transgressus & unum
 Talis eram, qualem, picta tabella refert,
 Quod vitæ superest, sit te Duce quaso peracta,
 Sanctius in iussis o pie Christe tuus.*

Cui etiam Noster Senator egregiè alludit.

*Eloquio nitidus præsul, charusq; Poësi,
 Tres illum Reges titulis auxere Poloni.
 Munere Legati, leuarias perfundus ad Oras,
 Ingentes plausus famæ, & referebat Honores.*

XX.

TIDEMANNVS.

Gissus in Aula
 Sigismundi me-
 ruit.

Heidenstenius
 Gissum inter
 limatos scri-
 ptos recen-
 set.

Frigidus Ca-
 tholicus.

Non interruptâ serie, tres Præsules Dantiscani Municipis, hanc rexere Cathedram; Ex ijs *Tidemannus Gisse* in Aula *Sigismundi Primi & Augusti* meruit, negotijs grauioribus expediendis, Literis scribendis in Cancellaria operam commodabat, eâ quâ pollebat, doctrinæ, styli, promptitudine, meritò illorum temporum, limatis scriptoribus adnumerare *Gissium* non veretur, *Reinholdus Heidenstenius*, magni olim *Ioannis Zamoyscij* familiaris. Prima illius fuere Sacerdotia, Custodia Canonatus Varmien. & Gedanensis Parochia; Ad Episcopatum Culmensem Regiâ euectus nominatione, Fidem Catholicam remissè, languideq; non eo quem tantus exigit gradus promouit zelo. Cum Brasmo Rotherodamo, qui

elega-

elegantioris literaturæ venditabat se restauratorem, amicam familiaritatem, scriptis ad inuicem literis fouit retinuitq;. Con- stans habet traditio, aliqua eum composuisse, quæ fidei Ortho- doxæ iniuria aliqua depræhensa, neq; tamen in lucem prodiê- re, recteq; ad æternas damnata tenebras. Non toto biennio gu- bernauit Episcopatum. Moritur septuagenarius, anno 1550. 14.

Immo suspe-
ctus.



Octob. & in Ecclesia Cathedrali, sepulturæ traditur. In Arce Lu- baviensi Episcopatus Culmensis, supra portas camerarum ab anti- quo superius structarum, visitur bina eius effigies, sculpta & pi- cta, facies oblongior, genæ barbâ rasæ, oculi viuaces, nasus aquilinus, vultus ad grauitatem compositus, germanicam.

Moritur septu-
agenarius.

De Ecclesia Varmieni

*Facundus calamo Præsul, facundus & ore,
Sed (quod vix credas) in Religione remissus.
Immo aliquid contra scriptis vulgavit iniquum,
Quam sæpè ingenijs, mixta est dementia magnis.*

XXI.

STANISLAUS HOSIVS.



STANISLAUS HOSIVS, Patre *Viricho Hosio* ex *Anna*
Coniuge, nobili familiâ ex *Marchionatu Badensi* prodijt.
Natus est *Cracouia* Anno Domini 1504. die 5. Maij. Adole-

scens

scens in Vniuersitate Cracouiensi, in studijs & Pietate educatus; ibidem Baccalaureatus Lauream accepit. Auctore *Petro Tomicki* Episcopo Cracouiense, in *Italiam* profectus; *Patauij* primum, deinde *Bononiae*, *Lazaro Bonamico* Praeceptore vsus, Vtriusq; Iuris Doctor creatus est. Reuersus in *Poloniam*, promotore *Samuele Macieiuio*, Episcopo Cracouiensi & Regni Vice Cancellario; Secretarius Regiae Maiestatis factus; In Cancellaria, & praesertim negotijs *Prussicis*, *Sigismundo* Primo Regi, egregiam operam praestitit: Qui eius praeclaris virtutibus incitatus, non solum Canonatu Cracouiensi, & alijs Sacerdotijs Ecclesiasticis eum auxit; sed etiam moriens *Sigismundo Augusto* Regi, Filio suo injunxit, vt eum ad Episcopatum quem in *Prussia*, primum vacare contingeret, eueheret; Itaque primum Episcopus *Culmensis* sub *Iulio III. Pontifice Maximo* factus; Ab eodem *Augusto* Rege, ad *Carolum V.* Imperatorem, & *Ferdinandum Romanorum*, ac *Philippum Hispaniarum* Reges, Orator in *Belgium* missus est. Legatione peracta, ab Ecclesia *Culmensi* ad *Varmiensem* translatus est, Anno Domini 1551. die 21. Iulij. In Episcopatu constitutus, totum se ad quaerendam animarum salutem, & Sacrae Theologiae studium contulit. Ex Decreto Synodi Prouincialis *Petricouiensis*, insigne illud Confessionis Christianae volumen conscripsit, multaue alia contra sui temporis Haereticos edidit. Deinde auctore *Aloysto Lippamano Verone* si Episcopo (qui cum esset in *Polonia* Nuntius Apostolicus, *Hosio* familiariter utebatur) a *Paulo quarto Pontifice Maximo*, *Romam* euocatus, cum eo, de iuuandis Ecclesiae DEI rationibus consilia communicauit; quo mortuo, a *Pio IV.* eius successore, ad *Ferdinandum* Caesarem, Nuntius Apostolicus, Concilij Generalis congregandi causâ, designatus est, apud quem, cum triennium exegisset, & rem ex voluntate Pontificis, & Ecclesiae Catholicae commodo feliciter confecisset, ab eodem Anno Domini 1561. die 26. Februarij, absens Cardinalis creatus est, & paulo post, etiam Legatus ad Concilium Oecumenicum *Tridentinum* missus; ibi toto triennio cum alijs S. R. E. Cardinalibus Legatis, Praesidentis munere, magnâ cum *Poloni* nominis gloria feliciter functus est. Finito Concilio ad Ecclesiam suam *Varmiensem* reuersus, Diocesim ab Haeresi; quae pullulare ceperat repurgauit. Patres Societatis IESV primus in *Poloniam* introduxit. Collegiũ ac Seminariũ *Braunsbergæ* eisdẽ fundauit. In Regni Comitijs, Catholicam Religionem liberẽ, contra Haereticorum conatus, defendit. Ecclesiam Parochialem

In Italiam profici scitur. I. V. D. Creator Redit in Patriam Ad Aulam se confert. Secretarius Regius creatur.

Canonicus Crac.

Episcopus Culmensis. Legatus ad Principes.

Episc. Varm.

Contra Haereticos scribit.

Ad Pontificem Romanum euocatur.

Nuntius Apostolicus ad Caesarem.

Cardinalis creatur. Legatus ad Concilium. Concilio Praesidet.

Varmiã reuertitur. Patres Soc. IESV in Poloniam introducit.

Religionẽ Catholicam defendit.

Romam mitti-
tur.Pænitentia-
rius Maior crea-
tur.Hospitale Ro-
mæ erexit.Coadiutore af-
sumit.

Moritur.

Elbingæ ab Hæreticis occupatâ, recuperavit. *Regiomontanam* seditionem auctoritate & prudentiâ suâ repressit. Postea à *Sigismundo Augusto* Rege, *Romam* Missus, negotia Maiestatis eius, summâ fide ac diligentîâ tractavit. *Pio V.* Pontifici Maximo, & eius Successori *Gregorio XIII.* valde charus, à quo etiam Maior Pænitentarius, (quæ prima post Pontificiam in *Romana* Curiâ dignitas est,) creatus. Officium illud summâ cum integritatis laude gessit. *Hospitale Polonorum* in Vrbe fundavit & erexit. Cùm redeundi in *Poloniam* facultatem ætas ingrauescens prohiberet; Coadiutorem Episcopatus *Varmiensis* assumpsit, *Martinum Cromerum*, Virum de Ecclesiâ & Repub. *Polonâ* benè meritum. Tandem in Septuagesimo sexto ætatis anno, cùm *Capranicam* vitandi æstus gratiâ se contulisset, Anno 1579. die 5. Augusti ex hac lucem migravit. Corpus *Romam* translatum, in eius titulari Ecclesiâ *S. MARIÆ Trans Tyberim*, marmoreo tumulo conditum est. Præfuit autem Ecclesiæ *Varmiensi* Annis viginti octo, diebus quindecim.

Ad Ferdinandi fit, Papa Nuntius, Aulam;
Concilij primus Præses Rectorq; Tridenti,
Absens Purpureum capit, inuitusq; galerum,
Sed gerit inuictus, propugnans Dogmata Christi.

Aliud.

Scripta Hosij mundus veneratur; gesta stupefcit;
Catholicus sequitur, proterit Hæreticus.
Concilij Præses: Perfectus Episcopus, Urbis
Gloria; Dux Fidei, Flos Patriæ, Orbis Amor.

Beneuolo Lectori.

Meruit ingens Orbis Christiani Lumen, *Stanislaus Hosius S. R. E. Cardinalis & Episcopus Varmiensis* (Cuius vitæ Sanctimoniam, Incomparabilem doctrinam, tota miratur & veneratur Europa) vt Vita ipsius prolixiori calamo connotata, huic infereretur Operi: At *Thomas Treterus Cuslos Canonicus Varmiensis*, tot annis *Hosio*, ad supremum diem familiaris, poterat aut debebat, copiosius & accuratiùs, Vitam ac Acta *Hosij* consignare; Verùm cùm *Stanislaus Rescius Abbas Andreieuiensis, Canonicus Varmiensis, Decanus Varsaviensis, Signaturæ in Curia Romana Referendarius, Hosij*

per

per annos complures Secretarius, iusto Volumine vitam Patroni Benefactoris sui, eleganter eruditèq; sit complexus; Fortassis & *Thomas Treterus*, manum (vt aiunt) de tabula, actaq; agere supersedit. Neq; nos præsumimus ea in compendium redigere, quæ alias exacto cultoque dicendi genere, à *Rescio* connotata; satius foret si sumptus abundaret, eandem vitam, quæ non nisi in Bibliothecis exstat, iteratò in publicam mittere lucem, hocq; fieri optaremus. Porro cùm *Cromeri* & aliorum sequentium, vix in aliquot lineis hæreat memoria; Nos simplici neq; ad genium sæculi vibrato stylo, ad modernum vsq; Antistitem (cui vitam longæuam, curam, sollicitudinem pastoralem auguramur) incorruptam professi veritatem. Seriem à *Tretero* inchoatam continuamus. Tu Lector faue & vale.

XXII.

MARTINVS CROMERVS.

PEr arduam Virtutis, Doctrinæq; viam, ex humiliori nascenti forte, ad tantum gradum *Martinus Cromerus* euasit; Natale illi solum obtigit *Betrium*, Regij Iuris Ciuitas, tractus submontanei in Palatinatu Cracouiensi. Ætatem primam, literis Latinis, Græcis, in Academia Cracouiensi, veteri Musarum domicilio, excoluit, manu ductore *M. Ioanne de Casimiriâ*, Viro illâ tempestate literarum præclaro. Primâ etiam obtentâ laureâ, & secundâ; ad eam eruditionis famam, quæ post Orbi innotuit literato, assurrexit. Exstant aliquot eius opera impressa, quæ Iunior ex Græco in Latinum vertit. Germanicâ, Italicâ postmodum susceptâ peregrinatione, cultiorem quæsiuit literaturam, quæ illi fauorem, patrociniûmque *Ioannis Choinski, Gente Habdanci Episcopi Cracou: Regni Cancellarij*, egregiè probi & docti, conciliauit: Dumq; inter *Choinj* familiares eminet eruditione, opimiolemq; præstolatur fortunam, præcox & immaturû fatum, magno cum omnium dolore, *Choinium* rebus exemit humanis; nec minori luctu *Cromerum* compleuit, cùm spes suas intelligeret euersas; verûm qui in Episcopatu Cracouiensi successit *Petrus Gamratus*, collapsam *Cromeri* fortunam mox erexit; comperta erat doctrina *Cromeri*, tantòque facilius in censum suorum cooptrauit Clientum, ingenij, industriæ exercendæ, monstrauit campum, grauiorumq; negotiorum æstimauit Arbi-

Patria *Cromeri*.

Studia in Academia Cracouiensi.

Eius profectus in Literis.

Peregrinationes.

Cancellario Regni, ob egregias doctas carus.

Petrus Gamratus fortunam eius erigit.

In Synodo Pet-
triciouienſi per
orat.

Canonicus
Cracouienſi.

trum : nec dum enim ſacris initiatus, in Synodo Pettriciouienſi Prouinciali, à *Gamrato* Archiepiſcopo Gneſnenſi & Epifcopo Cracouienſi. congregatâ, ſermonem dixit, de dignitate Sacerdotali, qui exſtat impreſſus. Ab eodem *Gamrato* Canonicatu Cracouienſi. & alijs auctus Sacerdotijs, Sandomirienſi Kielcenſi Canoniatu, Cuſtodiâ Viſlicenſi, quorum retentionem, in Bulla Coadjutoria *Pius V.* indulſit, in Regiâ Aulâ comparuit, in numerum-



Secretarius
Regius.
Ad reuidentū
Archium de-
ſtinatur.

Ocieſcii pro-
motione.

que & album adſcriptus Secretariorum ; Mox ad reuidentia con-
notandaque Archiui Regni diplomata, Priuilegia, aliasq; ſcri-
pturas, à Rege *Sigismundo Auguſto*, designatus. Negotium com-
miſſum prudenter, dextrè confecit ; accuratum eorum omnium
Indicem conſcripſit, qui etiamnum manuſcriptus exſtat, cum
Præſatione & Epiftola dedicatoria ad *Sigismundum Auguſtum*.
Memorat ibidem, arduum hunc ſe ſuſcepſiſſe laborem, ſuaſu,
conſilio, ac promotione *Ioannis Ocieſki*, tùm Procan cellarii, mox
Regni

Regni Cancellarij, quem Patronum suum & Affinem, scribit nominatq; honorificè: Hinc magna conquisiuit adjumenta ad Historiam Regni conscribendam, quàm terso limatoq; dicendi genere, ac à Repub: literariâ nunquam satis laudato, ad tempora *Sigismundi Primi Regis*, omnium sæculorum memoriâ digni, perduxit. Opus primæ, secundæ, ac tertiæ editionis, *Basileæ* fuit impressum, vltimâ & nouissimâ recognitum curâ, jam Episcopus Varmieñ. *Stephano Regi* inscriptum, *Coloniæ Agrippinæ* dedit imprimendum; quod dum sub prælo sudat, Rex augendo conseruandoq; Regno vnicè intentus, mortalitatem expleuit. *Sigismundo Augusto* tam gratus, tantæq; æstimationis erat *Cromerus*, vt eundem (quod tùm Iuris erat Regii) Nobilitatis decorauerit prærogatiuâ. Recognoscit id ipsum Lib. 2do. suæ *Poloniæ*, narratq; Maternum se ducere genus, ex Gente *Iastrzebeciâ*, Paternum verò ex *Pierschaliâ*, & *Osmerogiâ*.

Historiam Poloniam conscribit.

A Sigismundo Augusto, Nobilitatis prærogatiuâ condecoratur.

Legatione Cromeri.

Legationibus ad Exteros Principes, cum eximiâ prudentiæ, dexteritatis, commendatione perfunctus: Ad *Carolum V.* Imperatorem, vnâ cum Principe *Nicolao Radiuilio M. D. Lithuanie Marschalco*; Dein ad *Ferdinandum Primum Romanorum Regem* mox Imperatorem; *Paulum IV. Pontificem Maximum*. Posteaquam verò *Carolus V.* raro & insolito exemplo, cessione spontaneâ, Imperii diadema dimisisset, illudq; Collegium Electorale *Ferdinando* detulisset, apud eundem integrum exegit septennium, cum titulo Legati Ordinarii; cum eaq; dignatione à *Ferdinando* dimissus, vt ad Stemma, quo illum *Sigismundus Augustus*, cum Fratribus & omni ornauerat posteritate, nimirum dimidia Aquila pectore tenus, naturali colore extensis alis, laureâ coronâ, circa collum redimita, in rubro, gentilitium Austriacæ suæ familiæ insigne, rubram in albo scuto teniam per transfuersum ductam, addidit, duoque Imperialis aquilæ capita, supra conum galeæ coronatæ posuit.

Carolus V. imperium dimittit.

Domus Austriacæ & Imperiali insigni, augetur.

Inde redux *Ioanne de Stangenberg Kostka* Gedanensi Castellano, Terrarum Prusiæ Thesaurario, post *Sandomirien* Palatino, ad Anseaticas Ciuitates *Lubecam*, *Rostochium*, ab eodẽ Rege, demandatam, Legationem pari obiuit dexteritate. Tantorum ergò meritorum Prælatus, illâ ætate, in procliui erat altiore sperare & occupare gradum; Erat in oculis orbis *Poloni* Doctrinâ præstans eruditioneq; tùm vitæ morû spectata integritate *Stanslaw Hosius S. R. E.* Cardinalis & Maior Poenitentiarius, quem in Epistola Dedicatoria, *Polonæ Historiæ* ad *Sigismundum Augustum*; suum recognoscit Præceptorem, ad prælaturam Cantoris & Canonicatum Varmieñ. promouerat *Cromerum*; Conci-

Redux in Patriam destinatur Legatus ad Anseaticas Ciuitates.

Coadiutor Epi-
scopat^{us} Varmi-
en. creatur.

In administra-
do Episcopatu
eius diligētia.

Initium belli
Dantiscani.

Rex Daniæ au-
xilium præbet
Dantisco.

Braunsbergam
inuadunt.

Lytrum extor-
quent.

lio Tridentino, cui præerat Summi Pontificis Legatus, absolu-
to; redierat in Poloniam; cum iteratò à Pio IV. Romam euo-
caretur, ubi grauioribus Ecclesiæ incumbens negotiis, ad supre-
mam fati mansit lineam; Ne ergò Episcopatum, ab hæresi in vi-
ciniâ gliscente, aliqua afflaret contagio (prout ante *Hosii* conti-
gerat tēpora) *Sigismundo Augusto Rege* promouēte, sacri Collegii
Ecclesiæ Varmien. electione accedente, *Pius V.* cum futura suc-
cessione Anno 1574. designauit, approbavit Coadjutorem:
Reditu etiam prouisum ampliori, cum Schmolainen Camera-
ptum, *Hosio* indulgente, non contemnendam Patrimonij Epi-
scopalis portionem, possidendam retinendamque *Pius V.* in di-
plomate Coadiutoria decreuit. Toto tempore vsque ad exces-
sum *Hosii* Episcopatum Spirituali ac temporali gubernauit po-
testate; Circa cultum Diuinum, Fidei Catholicæ conseruatio-
nem, Ecclesiarum à Parochianis frequentationem, zelum ac so-
licitudinem spirantes Pastoralem, scripsit publicauit Ordinatio-
nes, quæ annexæ Statutis Synodalibus, eiusdem Diocesis exstant
impressæ. Cum *Stanislao Karnkouio* Episcopo Vladislauien post
Gnesnen Archiepiscopo, doctrinā, pietate, zelo fidei Catholicæ,
eminentissimo in Regno Antistite, coluit Amicitiam, id ipsum
mutuæ testantur Epistolæ, quæ opera *Karnkouii*, in lucem pro-
dierant publicam. Sæpius *Karnkouius* in *Prussiam* excurrerat
Episcopalem, ac pro *Cromero*, designato necdum consecrato
Episcopo, Ordinationes Cleri aliāq; munia faciebat Episcopa-
lia. Cum verò belli Dantiscani exarsisset flamma, eidemq; op-
primendæ *Rex Stephanus* incumberet, post tentatam oppugna-
tionem, Mindani fortalitii seu Laternæ, obsidione illius intermis-
sā, sub initium Septemb. Anni 1577. exercitu in statuiis dispo-
sito, cumq; *Marieburgum* Rex diuerteret, Danicæ quindecim
Naues quæ Gedanensibus auxiliaturæ in Mari Balthico propè
Gedanum comparuerant, in sinum eiusdem Maris, Habum di-
ctum, excurrerunt, ductore seu Architalasso *Erchardo Munck Da-
no*, & *Ferdinando* Comite ab *Hardeck*, (qui Anno 1594. ob fa-
ctam deditionem *Iauerini* seu *Iaurini* Turcis, capitis subiit sup-
plicium) insperatè, morè Piratarum *Braunsbergæ* inuaserunt por-
tum, missoq; ad Ciuitatem Tubicine, extrema denuntiant Ciui-
uitati, ni rabiem, depræcationemq; militarē, Viginti imperialium
millibus, redimerent: tandem conuentum, repræsentatā impos-
sibilitate, tantò lytro Ciuitatem imparem, vt minori pretio,
quinque millibus imperialium, impendens Ciuitati pagisq; vici-
nis clades auerteretur; Hacq; summā extorta, mittunt subitò
Frauenburgum, imperando ingentis summæ solutionem, quæ
nisi

nisi exolueretur tempestiue, ferro, igne sœuituros denuntiant: Coactum Capitulum, etiam consentiente *Martino Cromero* Administratore, durû necessitatis telum auertere; hostilitatē comminatam mille redemit imperialibus. Nuntius horum ad Regem *Mariaburgi* peruenit subsistentem, miseratq; cum expedita militum manu *Gasparum Bekeffium*, qui classe jam recedente venerat *Elbingam*. Sequiûs etiam Regi fuerat delatum, Capitulum fouere, vel non improbare, bellum contra Regem motum. Aderant aliqui Gedano oriundi, qui primaria tûm Collegii censabantur capita. Patuit nihilominus innocentia, luculenterq; deductum, integerrimam fidem, subiectionem Regiæ Maiestati Capitulum, ne minimâ quidem temerasse suspicione. Multum profuit Capitulo, efficax & validum patrocinium ac interuentio *Petyi Dunin Wolski*, Supremi Regni Cancellarii, demum *Ploceñ. Episcopi*. Addiderat non leue momentum *Hieronymus* Comes de *Rozrazow* Regni Secretarius Major, *Ploceñ. Præpositus*; post *Vladislauiē. ac Pomeraniæ Episcopus*. Hanc infelicitatem, alia domestica subsecuta, *Cromerus* mouit litem Capitulo, super certis articulis, præsertim circa iurisdictionem temporalem in bonis mensæ capitularis, quam hucusque independentem exercet Capitulum; Erant nonnulla juribus Capituli oppido præjudiciosa. Res ad Romanum deuenerat Tribunal, cuius declaratione, commissum *Vincentio Lauro Episcopo Montis regalis*, ut arbiter litem complanaret, quod egregie præstitit, litemq; hanc molestiorem, sine omni iurium Capitularium comminutione, definiuit. Tandem *Stanislao Hosio*, viam vniuersæ Carnis ingresso, Romæ nonis Augusti 1579. Ætatis 76. *Cromerus* pleni & integri juris Episcopus, *Varfauix* consecratus à *Stanislao Karnkowio* *Wladislauiē. Episcopo*, vigilem, sollicitum gregis, à Dño commissi, egit pastorem, Ecclesiam *Remerswaldē. Lauterē. Sacellum S. Annæ* in arce Capitulari *Allenstein* consecrauit. Rege *Stephano* Victricibus armis, *Liunioniam* è manibus *Moschorû, Tyranni Ioannis Basiliadis* vindicante, religionemque Catholicam à barbarie illâ prostratam, vel ejectam instaurante, nouos industriosque ex Episcopatu, ad Noualia, *Liunica* excolenda misit operarios, Presbyteros, vitæ doctrinæ probatæ, Hæresi Lutheranae circumquaque gliscenti, ne in *Prussiam* deriuaretur Episcopalem, summâ obuiauit sollicitudine. Societatem Iesu, magno rei Catholicæ commodo *Braunsbergam* ab *Hosio* introductam fouit, in eamque fuit beneficus. Historia *Pollonia* ab ipso conscripta, cum maleuolorum acriori laceraretur censurâ, Apologiam pro eadem scripsit. Annis iam fessus & Se-

Simile *Frauburgum* exigit,

Capitulū *Varmianse* fidei inculpatur.

Lis capitulo intentatur.

Tandem per commissarium componitur.

Morte *Hosii* publicatâ plenius in Episcopatu *Varmianensi* obtinet *Cromerus*.

Mittit Rex in *Liunioniam* Presbyteros ne hæresis intaminetur.

Andream Bathoreū in Coadiutorem aſſumpſit.

Moritur Anno 1589.

Ad Summum Pontificē, tūm Imperatorem Orator.

ptuagenario maior, *Stephano Rege* requirente & commendante, *Andream Bathoreum Regis* Nepotem, Præpoſitum Generalem Canonicoꝝ Regularium Sanctiſſimi Sepulchri, Miechowienſis, S. R. E. Diaconum Cardinalem, cum futurâ ſucceſſione *Gregorio XIII.* approbante, Canonatu ante Varmienſem prouiſum, à Capituloq; electum, in Anno 1584, prout inſtrumentum coadiutoriæ ſatis clarè teſtatur, aſſumpſit Coadiutorem. Adoptionis huiuscè honorificam facit mentionem, in Epistoſa dedicatoria ad *Regem Stephanum*, operis *Hiſtoriæ* vltimæ editionis; vocatq; *Andream Cardinalem Bathoreum*, dignitate Patrem, ſacrâ adoptione filium. Nec diu ſuperuixit *Cromerus* huic adoptioni, Anno 1589. Viuere deſijt. Verùm obitum & aliqua memorabilia libet conſignare verbis *Ioannis Leonis* Decani Canonici Gutſtadienſis. cōpertæ probitatis, doctrinæq; Sacerdotis, qui in *Chronico Prusiæ* accuratè ſatis eleganterq; conſcripto, quod manuſcriptum duntaxat in Bibliotheca Gutſtadienſi. Collegiatæ aſſeruatur. Ita verò ille de morte *Cromeri*, Anno 1589. ætatis 77. Moritur *Martinus Cromerus* Episcopus Varmienſis. è Ciuitate Betzenſi oriundus I. V. D. Canoni, primùm Cracou. Cantor Varmienſis. Regius Secretarius. A *Sigismundo Auguſto* ad *Paulum IV. Pontificem Max.* deindè ad *Ferdinandum Primum* miſſus Orator, ſummam prudentiæ & integritatis laudem conſecutus, ab eodem Episcopatus Varmienſis. Adminiſtrator, deindè Rege commendante, Coadiutor cum futurâ ſucceſſione designatus, & à *Pio V.* Pontifice Maximo confirmatus, quo in munere nouem annos ita verſatus eſt, vt ob abſentiam Cardinalis Episcopi Varmienſis. Eccleſia nullum ſentiret diſpendium. Mortuo Cardinali in Conuentu Generali Varſauiæ ſolenniter ab Archiepiſcopo Gneſnenſi *Stanislao Karnkowio*, 6. Decembris. 1579. in Episcopum conſecratus. Vir fuit pietate doctrinâ, inſigniter præditus, & in negotiis tractandis, ſingulari quadam pollens dexterritate, cū iam proceſſiſſet in diebus, *Stephani Poloniæ Regis* adductus requiſitione, conſenſu Capituli accedente, de Canonatu Eccleſiæ Varmienſis. ante prouiſum, designauit Coadiutorem *Andream Bathoreum* S. R. E. Diaconum Cardinalem. Quinquennio demùm ab hac adoptione euoluto, in ſenectute bona, plenus dierum, Anniuerſario in Eccleſia ordinato, obdormiuit in Dño die 23. Martij. Sepultus in Eccleſia Cathed. Varmienſi. *Eius elogium nonnemo hoc conſignauit metro.*

*Vir pius & doctus legumq; peritus
Princeps Hiſtoriæ Sarmatiſ ora tuæ.
Prudens Orator, Paſtor bonus, arbiter æqui,
Iuſtitia vindex, hoſtis atrox ſclerum.*

Circa

Circa Ecclesiam sibi commissam, vigilans sollicitusq; fuit. Patet hoc ex frequentibus eius literis scriptis, quæ processus seu Circulares vocantur, quæ etiam nunc exstant; Ex Synodis ad emendationem vitæ, populi juxtaq; Sacerdotum, accommodatis. Quàm verò minùs otio & voluptatibus deditus fuerit, lucubrationes, & ingenij monumenta testantur, aliquorum pono indicem. Triginta libri de origine & rebus gestis Polonorum, opus ab exteris etiam *Paulo Iouio* Nouocomen Episcopo in elogijs Illustrium Virorum; *Francisco Robortello* Vtineñ. *Antonio Possuino* Societatis Iesu in apparatu ad omnium gentium Historiam, quanti æstimentur, ac ab alijs omnis literaturæ consultissimis; satis innuisse. Exstat etiam liber dialogorum, de vera & falsa religione, opus aduersus Lutheri, Caluini deliria polemicum. Catechises pro Dicecesi, germanicè & polonicè impressa. De musica liber. Apologia de nobilitate suâ, Oratio in funere *Sigismundi Primi Regis*. Aliquot etiam homilias *S. Ioannis Chrysostomi*, ex Græco in latinum vertit. Missalia, breuiaria, Agenda, qui sunt libri Ecclesiastici, ad ordinem aliquem reduxit, quibus post hac antiquatis, decenter maioriq; cum comodo Missalia, breuiaria Romana, ad vsum cleri Dicecesani introducta. Pari vsus diligentia in iustitia administranda: Nam quotidie post Missæ Sacrificium, quod vel ipse deuotè absoluebat, vel alio celebrante audiebat, querelis causisq; subditorum audiendis vacabat. *Burgrabium Heilsbergen*, alias affinem suum, ob illatam subdito cuidam Episcopali iniuriam, officio mouit, antequè solis occasum, arce migrare mandauit. Quamuis verò in Episcopali residentiâ, frequens opus exercebat iustitiæ, quotannis nihilominus arces, ciuitates visitabat; vbi de Burgrabiorum, Magistratuum probitate, administratione iustitiæ, inquirebat. Grata & prospera viget eius memoria, vel apud eos, quibus ius dixit, etiam apud illos, quorum aliquos errores, vel delicta quandoq; redarguit. Dicere solebat *Futura tempora, quando illum viuum è tumulo desiderarent*. Mortuus est in lecto, præsentibus adstantibusque presbyteris, non ad mensam vt aliquis Geographus mendax scribere ausus. Cæterum in Ecclesiâ Cathedrali, nulla ipsius exstat memoria, præter anniuersarium. Tantus Vir, sine honore tumuli & elogio quiescit sepulchrali. Quanquam erudita ingenij monumenta, ærè perenniùs Mausoleū quæ Doctior admiratur orbis, eidem erexerunt: Sed & noster Senator tale illi dedit elogium.

Circa curâ Ecclesiæ Cromeri Vigilantia.

Triginta libri de Origine & gestis Polonorum.

Alia Opera eiusdem.


Iustitiæ administrandæ amantissimus.

Quotannis Ciuitates & Arces visitabat.

Mors Cromeri.

*Nouit Cromerum, nouit, quicumq; Polonos,
Quos docto, totum calamo produxit in Orbem,
Extendens fastis facta, & longæua Trophæa,
Nec Scriptor tantum, sed Pastor magnus ubiq;.* XXIII.

ANDREAS CARDI- NALIS DIACONVS BA- THOREVS.



Bona Institu-
tio est Basis
Virtutis.

Fons aut basis Virtutis, maturioris ætatis Viaticum, proba In-
stitutio. Enimverò euenit identidem, vt probæ ac san-
ctiori educationi, adultiores anni minimè respondeant, po-
stremaq; primis non cohæreant. Hoc vtrumq; non euenisset
Bathoreo, qui elegantem satis iuuentutis sanctiùs curatiùsque
educatæ prologum, tristi & lamentabili absoluit epilogo. So-
licitam nimis dedit operam *Stephanus Rex*, vt literis iuxtaq; pie-
tate à teneris imburetur. Abstractum à Matre, quæ sectæ fuit

tenax

renax Luteranæ, *Pultouiam* ad Collegium Societatis Iesu, recen-
ter ab *Andrea Noskowsk* *Plocense* Episcopo, erectum, transtulit:
eiusque Institutioni *Iacobum Vuieci* Societatis Iesu clarum
Theologum, voluit ordinavitque præesse. Literis, Probitati
Bathoreus ita incubuit, ut non dubiam spem, sanctioris induen-
dæ togæ, ad quam destinabatur, probus, modestus, juvenis vi-
deretur polliceri. In illa Palæstra dum excollit ingenium, mo-
ritur *Simon Lugovius* nominatus Episcopus *Pramysliën.* & *Præ-*
positus Generalis Miechouiensis. Anno 1583. Tam nobili amplo-
que Sacerdotio, sanguinem suum propinquum, auxit *Rex Ste-*
phanus. Erat tùm *Bathoreus*, juvenis annorum duo de viginti,
emergebatq; aliqua difficultas circa electionem, quàm liberam
& *Sigismundi Augusti* firmatam diplomate, Congregatio illa Ca-
nonicorum Regularium obtendebat: Verùm *Stephani Regis*,
feruens requisitio, *Alberti Bologneti* Episcopi *Messanën.* Aposto-
lici Nuntii, deinde S. R. E. Cardinalis, *Petri Myskowski* Episco-
pi *Cracou:* persuasionibus cessere, negotioq; complanato, *Ba-*
thoreus electus *Præpositus* Generalis *Miechouien:* à *Gregorio XIII.*
instante Rege *Stephano*, pio, totq; Victorijs celebrato Principe,
impetratum Indultumq; ut eam *Præposituram* non in titulum,
verùm per *Commendam* retineret. Anno sequenti venit *Mie-*
chouiam, omnibus comis, affabilis, sacrum illum *Canonicorum*
cærum, ita deinxit, itaque obligavit, ut benè ordinatis, etiam
in Regulari disciplinâ, fundatis religionibus, Ordinem illum red-
diderit æqualem: prout hoc luculenter testatur *Samuel Nakiel-*
fki, S. Th: D. ejusdem Instituti, ad Pontem Regium, *S. He-*
duigis Stradomia ad *Cracouiam* *Præpositus.* Sacerdos eximie
pietatis & doctrinæ, à quo, seu eius *Miechouia* hæc & alia mu-
tuamus. Neq; erubescimus profiteri, ac fontem coronare, ex
quo hausimus.

Ordinatis religiosæ illius domûs, Rationibus, Statutis, seu
Constitutionibus in Generalibus Capitulis conditis, quæ à *Six-*
to V. approbatæ, impressæ *Braunsbergæ.* Rei familiaris curam
commisit *Stanislao Suchorzewio* *Calisiensi Subdapifero* Viro indu-
strio & probo. His ita dispositis voluntati Regis obtemperan-
do, abiit in *Italiam*, *Romamq;* rectâ perrexit. *Gregorius XIII.*
tanti Regis *Nepotem*, ante ex famâ, post ex vultu notum, pera-
manter excepit, & in Cardinalium creatione, in Sacrum Purpu-
ratorum Patrum Collegium cooptavit. Erat tùm *Roma*, imò
in toto Christiano orbe, celebrata sanctioris innocentisque
vitæ fama, *Caroli* Cardinalis *Boromai*, Archiep. *Mediolan.* vi-

Rex à Matrè
Luteranâ, ab-
tractum Pa-
tribus Soc Ie-
su educandum
committit.

Præpositurâ
Miechouienfi
condecoratur
Bathoreus An-
dreas.

Circa electionē
difficultas.

Tandē sopitis
difficultatibus
eligitur in Cō-
mēdatarium.
Venit Miecho-
uiam.

Omnia suavi-
ter ordinat &
disponit.

Curâ rei fami-
liaris cōmittit
Suchorzewio.

Romam pere-
git.

Cardinalis
creatur.

Mediolanum
viſitat.

A S. Carolo
humaniſſimè
excipitur &
dimittitur.

Mors Regis
Stephani.

Mors Cromeri
Episcopi Var-
mienſis.

Andreas Epi-
ſcopatum Var-
mienſem apprehendit.

Eius acta in E-
piſcopatu.

Inuitus Subdia-
conus factus.

vum illud ſanctitatis Exemplar, cum *Stephano Rege*, familiari-
tatem bonamq; Amicitiam, per commertia literarum, exerce-
bat; eidem Nepotem ſuum impenſius commendauit, vtque
hæc nouella planta, Eccleſiæ decori ſolatioq; adoleſceret, do-
meſticâ familiaritate, Literis prolixius frequentiusq; ſcriptis ad
Bathoreum, *S. Carolus Boromaus* allaborauit *Mediolanum* ad ſe
diuertentem, omnibus Chriſtianæ charitatis excepit officiis, ſan-
ctioribus inſtruxit monitis, etiam Diuorum Lipſanis, quorum
corpora in Baſilicâ quieſcunt *Mediolanenſi* donatum dimiſit,
quæ cum publico Inſtrumento, manu *S. Caroli* ſubſcripto re-
ligioſè in Eccleſia ſeruantur *Miechouienſi*. Iteratò in grauiori-
bus negotiis, à *Rege Stephano* mittitur *Romam Bathoreus* vbi
manſit ad Obitum Regis, quo *Grodna* imperitiâ an perfidiâ me-
dicorum extincto, idibus Decembr. 1586. Tam ferali nuntio
in *Poloniam* reuocatus abiit *Bathoreus*, juſta parentalia *Stepha-
no Regi* perſoluit, moxq; *Cromero* è viuſ ſublato Eccleſiæ *Var-
mienſis* iniit regimen. Episcopatum ſingulari moderatione man-
ſuetudine gubernauit. Capitulum, omnem humanitatis teſti-
ficationem; tùm & Prouincia pronam agnouit benignitatem;
Eccleſiam filialem in Pago Tungen, natali ſolo quondam *Ni-
colai Tungen Episcopi Varmienſis*. & quæ Matricem *Wormditenſem*
recognosceret, permiſit ædificari. *Sacellum* in *Croſſen* itidem
nouiter erectum, vbi Diuæ Virginis Imago Miraculoſa, *Wormdi-
tenſi* Parochiali, voluit ſubefſe. Partem arcis *Heilsbergienſis*, quæ
nunc camera Cardinalis appellatur ſtruxit, vbi Mater eius Lu-
teraniſmi pertinax habitabat. *Wartemburgi* deſertum clauſtrũ
à ſodalibus Minoribus obſeruantib; quod ad Prouinciam ſpe-
ctat Saxoniz, eiufdem Ordinis Religioſis *Polona Prouincia* con-
tulit, & ne Annonæ difficultate premerentur, perpetuam pro-
uidit Eleëmofynam. Ibidem ſibi & Fratri cum Cenotaphio
excitauit ſepulchrum, verũ illud apophtegma *Patruſi Stephanæ
Regis*, quod *Chriſtophorus Varſeuicius* limatiſſimus memorat, in
ſermone eiufdem funebri, ſatis veraciter adimpleuit: nimirũ
multos ſibi ſepulchra condere, & centum millibus paſſuum ab
iis mori atq; tumulari. Iuſſu & mandato *Clementis VIII. Ponti-
cis Maximi*, *Germanicus Melaspina* Episcopuſ *S. Seueri*, eum Sa-
cro Hypodiaconi ordine, votoq; non ampliũ nubendi obſtrin-
xit. Porro vt refert integerrimæ fidei ſcriptor *Stanislaus Lu-
bienſis Episcopuſ* *Plocenſis* ſummis ingratijs *Bathoreus* hoc excepit,
teſtatuſque ſe pænè inuitum eò adegi, & poſthac vt ſuo dicetur
loco, grande poſt ſe reliquit documentum, ſeriò rem Diuinam

esse tractandam, nec ad levis auræ spem, Statum Ecclesiasticum deferendum. Nihilominus *Ioannes Zamoyscius* Regni Cancellarius & Exercituum Præfectus, ad ampliorem & altiore gradum *Bathoreum* contendebat euehere.

Ab obitu *Petri Myskouij* Episcopi Cracou: vacabat hæc Ecclesia, *Zamoyscius* Regi feruentius *Bathoreum* recommendabat, pro eo nexu affinitatis, qui illi cum *Bathoreis* intercessit. Verum pro *Georgio* Cardinali *Radiuilio* efficacius aliqui egere, cui Episcopatus hic cessit: in alijs occasionibus non immemorem se *Bathorei* futurum Rex pollicebatur, speq; non dubiâ fortunæ solabatur amplioris, quod quidem mox præstitit obtento à Regni Ordinibus consensu abeundi in *Sueciam*. *Varlauiâ* Gedanium versùs vistula soluit, ibidem per mare Balthicum in *Sueciam* ordinaturus profectioem. Factum in gratiam *Bathorei*, ut Rex *Czeruinscum* diuerteret, ad tradendam eius loci Abbatiæ Cardinali possessionem. Quod quidem ut memorat oculatus testis *Stanislaus Lubinski*, Episcopus *Ploceñ*. Rege præsentē factum fuit, multum renitentibus Religiosis, superesse adhuc Abbatem clamantibus, & Iura liberè eligendi Abbatis appellantibus. Sed frustra: nam *Germanicus Malassina Nuntius Apostolicus*, ostendit Summi Pontificis id fieri voluntate, ni parerent, præfens illis anathema interminans. Viuebat adhuc *Stanislaus Falęcki Abbas*, fessus annis, & sui poenè impos, nec verbis sed lacrymis se tuebatur. Inuidiosa sanè videbatur hæc Sacerdotij, viuo altero, vsurpatio; quod quidem multis alijs non benè cessit, hocq; ipsimet, post annos aliquot euenit Cardinali, ut mox constabit.

Sub Annum Domini 1595. *Rudolphus 2dus Imperator. Mariâ Christianâ, Filiâ Caroli Archiducis*, Reginarum *Poloniæ Anna & Constantiæ Sororis*, *Sigismundo Bathoreo Transyluania* Principi elocatâ, cum eodem pacta inierat, de *Transyluania*, in Dominationem Domûs *Austriacæ* transferenda, pensando redditus *Transyluania*, in *Silesia Ducatus Opoliæ & Ratiboriæ Bathoreo* in Possessionem consignauit, additâ etiam quotannis certâ pecuniariâ pensione. Subiit in breui penitudo eius transactionis, utq; post vulneratam causam *Sigismundus* quæreret remedium, ipsemet excurrit in *Prussiâ Episcopalem*, Cardinali persuadet, ut quibuscunq; modis rescinderet transactionem de *Transyluania*, tanquam domui *Bathoreæ* iniuriam & præjudicosam; Ipsemet quasi Hæreditatem, *Transyluania* Principatum iniret, certis tamen Possessionibus pro sustentatione *Sigismundo* designatis.

Abbatiæ *Czeruinsc.* Administrator creatur.

Sigismundus Bathoreus occasione Vxoris init pacta cum *Rudolpho* de *Transyluania*.

Pœnitet eum facti.

Cardinalem adit.

Ut Principatû hæreditarium possideat persuadet.

Pergit in Hun-
gariam.

Arripit confi-
lium.

Principatum
Transylvaniæ
apprehendit.

Excusat ſe Im-
peratori,

Apprehenſio
hæc Magnis
Viris in Polo-
nia diſplicet.

Scribit Zamo-
ſcius Sigismu-
do.

Etiã Cardi-
nali.

Scribit & Re-
ſcius.

Sed fruſtra,

Præcipiti magis quàm maturo conſilio Cardinalis, abiectâ omni cunctatione, vltimis Decembris diebus, *Heilsbergâ*, *Schuzclatnem* abiit, inde verò ſecundâ Ianuarij 1599. cum paucis domeſticis ſolisq; Hungaris fatale hoc ingreſſus iter; ac diſcedendo ex *Schuzclaine* fertur ſuis dixiſſe, vado pro vobis immolari. In confiniis Hungariæ aliquam *Polonorum* collegerat manum, cum quâ venit in *Transylvaniam*, vbi omnium Ordinum conſenſu & applauſu gubernationem capeſſiuit illius Principatûs; mox ad Imperatorem *Rudolphum* mittit literas, denunciando Principatum *Transylvaniæ*, concordibus illius Populi ſuffragijs, ſibi delatum; Tranſactionem à *Sigismundo* fratre factam Domui *Bathoreæ* prægrauem, & à jure communi exorbitantem quaſi inanem tranſmittendam; Rogauit inſuper decenter Imperatorem, ne ceſſionem *Sigismundi* temerè magis, quàm aliquo maturiori factam conſilio dignam executione exiſtimaret, ſatius promptum & fidele obſequium, vltro ſibi deuotum mancipatumq; ſueta magis Principibus clementia admittere acceptareque dignetur. Erat tum *Georgius Baſti Epirota*, per Hungariam armorum Præfectus, eidem ſcribit Cardinalis, vt ſatius arma contra Turcas, Chriſtiani nominis expediret hoſtes, quàm ex Chriſtiano imbueret ſanguine. Sanè memoratu non indignum hîcq; addere quaſi appendicem, magnis in *Polonia* Viris Domui *Bathoreæ* ſtudioſis, ad Principatus illius Regimen Cardinalis euectionem, ſummopere diſplicuiſſe, atque cum primis *Ioanni Zamoſcio* ſupremo Regni Cancellario *Bathoreorum* affini, & *Regis Stephani* intimæ admiſſionis miniſtro, tantæque gratiæ, beneficiæ obnoxio, quæ ipſum ad ſummos in Regno euexerat gradus. Præſenferat *Zamoſcius*, *Sigismundum Bathoreum* hæc agitare, vt *Transylvania* in titulos & hæreditatem tranſiret Auſtriacam, Vir ille ciuilis prudentiæ ingens exemplar, prolixas ad *Sigismundum Bathoreum* ſcripſit literas, quaſi præſcia mente denuntiando, quæ in breui euenerunt; eæ duntaxat hærent in manu ſcriptis, neq; eas vulgare conſultum. Ad Cardinalem ne in apertum properet diſcrimen, extant *Zamoſcij* impreſſæ, in *Miechouia Samuelis Nakielſki*; digna ibidem lectu *Stanislai Reſcÿ* epistoſa, Neapoli ſcripta 15. Iulij. 1599. vbi ſuadet rogatq; Cardinalem, vt tuta & præſentia, quàm incerta & periculosa velit capeſſere, ad quarum lectionem, curioſum remitti-mus lectorem. Tantorum Virorum ponderoſæ ſuaſiones, à *Bathoreo* ſurdis auribus exceptæ, vtq; fatiſ Vrgentibus ſolent hominum ſenſus hebetari, ita certa ſecuraque, incertis ac tur-

bidis præponens, in præruptum & ardens se coniecit discrimen. Subito ab Aula Viennensi aduolat mandatū, ad *Georgium Basti*, conjunctis Viribus cum *Michaële Moldauæ Palatino*, copias omnes in *Transylvaniam* promoueat, ex eiusq; possessione, deturbet *Bathoreos*. Cardinalis Viribus impar, non segnior tamen arma opposuit, & cum utroq; Imperatoris exercitu, non improspere dimicauit; omnino Marte aperto, *Basti* & *Moldauus* aggre-
di Cardinalem, minus consultum existimauerunt, qui licet viribus inferior, fortiter & strenue insistebat; Potentiam Austriacam ita distinebat, ut bello ambiguus, præliis inuictus ex acie discederet. Erat præsens in Exercitu Imperatoris, *Germanicus Malaspina*, Nuntius Apostolicus ad Imperatorem, eodem munere in Polonia functus, Cardinalem, hypodiaconi collato ordine, Ecclesiasticæ adscripserat militiæ; Pro illâ familiaritate, quam in Polonia cum Cardinali contraxerat, excurrit ad Cardinalem; venditat se pro Arbitro, & sequestro pacificationis, ultro citroq; com-
meat, ad militiæ Cæsareanæ Præfectos, quasi suaturus Armistitium. Cardinali facile credulo imposuit, ut à Cæsarianis Copijs nullam metuendo hostilitatem spemq; pacis ostentando, suam exauthoraret militiam; Cæsarianum Exercitum *Transylvaniâ* excessurum, Negotium pacis ex Voto Cardinalis confecturum, Verbis magnificus rerum vacuus, pollicebatur. Sensit breui Cardinalis pacis tractationem, extremo suo malo & fato, simulatè magis quam verè ostentasse. Vix enim cohortes Polonicas, præsertim quarum tametsi paucorum fides & robur erat præcipuum, Cardinalis dimiserat, subito aduolat *Michaël* cum viginti & amplius *Moldauorum* millibus, quibus partem suarum Copiarum adjunxit *Basti*. Tàm præualidum & potentem Exercitum, versùs *Sibinium* mouit *Michaël*, ubi Cardinalem *Malaspina*, spe cum Imperatore pacis conficiendæ detinebat. Tàm subita & improspera belli, cum *Inermi Cardinali* incumberet procella, *Malamspina* compellat, seq; ab eo spe pacificationis illudum lamentatur; *Malaspina* harum omnium ignarum se affirmat, & quasi à conflictu *Michaëlem* retrahaturus, ad castra eius properauit, neque amplius ad Cardinalem regressus, aleam euentumq; belli in Castris *Michaëlis* præstolabatur. Hæc Chronica Pauli Piasecij, non infulâ magis, quam libris scriptis immortalẽ promeriti gloriam, nobis suggesterunt, Reliqua delibamus ex Chronico Prutheno *Ioannis Leonis*, à nobis supra memorati. Cum numerofo *Michaëlis* exercitu, Cardinalis aliquâ subitanæ manu collectâ, tentauit conflictum:

Mandatū Viennæ datur contra Bathoreos.

Opponit se Cardinalis.

Malaspina offert se pro Arbitro.

Sed in ruinam Cardinalis.

Spe pacis dimittit exercitū contra quem Michaël ducit exercitum.

Dolum Malaspina.

De quo Piasecius.

Paruâ manu collecta pugnat Cardinalis cum Moldauo.

A suis desertus.

Vix euasit.

Lassus quiescit.

A suo domestico Vugaro Iekiel in fomino obtruncatur.

Caput Viennam missum.

Truncus Albæ Iuliæ sepultus.

Laus huius Cardinalis.

primaque acies *Moldau*i nutare videbatur; verum multitudine ingruente, prælioq; redintegrato, Cardinalis ab Hungaris primaria notæ desertus nimirum à *Gasparo Corny*ssio Arianæ sectæ, cuius filium Cardinalis in Aula liberaliter fouit, tum & *Stephano Botscio* Varadini Præfecto Caluiniano, Ecclesiastici Principis dominationem ægrè ferentibus, proditus an desertus; nocte ruente ex illo prælio vix euasit; dumq; securitati consulendo, longius & remotius à loco conflictus excurrit, equo iam fatigato, ipse quoque lassus & prostratis viribus, ex equo descendit; cumque in herba quiesceret, somnus eundem arctius complexus, sequebatur Cardinalem, *Nicolai Iekiel* frater, quem inter suos adsciuerat domesticos, & aliquo prædio ad vitæ tempora donauerat; cumque ad eum peruenisset locum, ubi Cardinalis fatigatus ad quietem se composuerat, eundem & qui Comitatus erat Cardinalem *Romanum Masouium* iuuenem nobilem crudeliter falce obtruncat. Nebulo hic sceleratus à Cardinali *Heilsbergæ*, satis benignè habitus, dumque eger decumberet, eumq; inuiferet, dixerat aliquando mortem ac necem eidem se illaturum: quod tamen *Cardinalis*, non alicui malitiæ, verum vehementi dolori qui delirium causabat imputauit. Caput Cardinalis occisi, à trunco recisum missum ad Aulam Viennensem, cum acinace, equo, & signo prætoriano, quod in Castris supra Cardinalem ferebatur. Truncum Cardinalis *Moldauus Albæ Iuliæ* seu Visemburgi sepeliuit, non sine ingenti multorum dolore, qui illi annorum 33. Iuueni vix octimestri potito Principatu acerrimè indolebant. *Nicolaus Istanfi* grauis rerum Hungaricarum scriptor, narrat à *Siculis* qui *Moldauis* immisi fuerunt, Cardinalem interemptum, qui abiectâ purpurea Veste, vilem & villosam, ne agnosceretur, induerat habitum, ad radices montis Aitossi, qui *Transylvaniam* à *Moldauia* & *Podolia* diuidit; & is olim Alpes Sarmaticæ vocabatur; Fame siti fatigatum, ab hisce inuasum Siccariis, quorum impetum *Bathoreus* stricto latiore excepit gladio, pluribus tamen eum aggredientibus impar, securi jactâ circa sinistrum oculum in fronte, moxq; in occipitio lethaliter vulneratus exanimis concidit, iamque corruenti caput præcisum. A morte Cardinalis vt memorat *Reinholdus Heidensteinus* Regius Secretarius, *Ioannis Zamoscij* in negotijs Cancellariæ, summæ fidei, doctrinæ integritatis Minister, in historia Polona ab Excessu *Sigismundi Augusti*, ante decennium impressâ scribit ex omnibus *Bathoreis*, ab obitu *Stephani*, neminem magis capacem, dignumq; sceptro visum, quam *Andream*

Bathoreum : Nos etiam aliquorum vidimus literas, illo tempore scriptas hoc ipsum continentes : Præterquam enim, quòd viuo Patruo à tot annis in Regno versatus, cum linguæ tum hominum atq; Institutorum, maiorem quàm cæteri notitiam haberet; Indoles etiam in eo præclara, magnarum virtutum vel index vel testis, egregia corporis statura formaque, vt primâ ætate, plerisq; eum commendabant. Verùm eius rei spem cum potentia aduersæ factionis tum ab iisdem in omne nomen *Bathoreum* concitata inuidia tollebat. Memorat idem Heidensteinus post eam *Bathorei* crudelem cedem, literas ab Imperatore ad Regem *Sigismundum III.* missas sat prolixas, seriem machinationum etiam cum Portâ Othomanica exprobrantes Cardinali, quæ veranè an falsa non inquirò, concludo narrationem hanc verbis *Heidensteinij.* Nullam esse maiorem calamitatem, quam si non solum inique Innocentia opprimatur, sed post mortem etiam indefessa sceleris vltro arguatur. *Thomas Treterus* Custos Varmiensis, Cardinali & Episcopo, cuius se recognoscebat Clientem, hoc scripserat metrum.

Viue diu, STEPHANI sanguis clarissime, Regis

Libros imple actis, non sine laude tuis

Ingenium Probitas animus quoq; Principe dignus

Ætas & Vires sunt tibi, Summa pete.

Cedes & funestus obitus ipsius incidit in diem Sanctorum Simonis & Iudæ Anno Christi 1598. sed his tristibus intermissis ad lætiora calamum vertamus, appositis Magni in Regno Senatoris Cardinali huic scriptis Carminibus.

Regalis de Fratre Nepos, dum Iura paterna

Vindicat, & quærit, Transylvanumq; Ducatum

Intrat, ab aduersi MICHAELIS concidit astu

Discite mortales, contenti viuere pauco.

PETRVS TYLICKI
 PROCANCELLARIVS REGNI
 Episcopus Varmienſis.



NEmini adeò fors contingit tenuis, quin per virtutem,
 Industriam augmentum & amplitudinem adipiscatur.
 Omnino in hoc Sarmatide magnam veri partem habet,
 Romanæ Stoæ Sophi illud memorabile dictum *Ex angulo calum
 proſilire licet.* Inter tot exempla non poſtremus *Petrus Tyl-*
cius. Natale illius ſolum, terra Cuiauienſis, Locus ubi primùm
 lucem aſpexit, *Aduocatia Koualienſis* prædium; In Eccleſia Op-
 pidi eiufdem, ſanctiori ablutus lauacro, neque tanti ingratus
 beneficij ibidem Eccleſiam coſto ædificauit latere, ac pro do-
 te Decem

Natale ſolum
 Tylicij.

Memor Eccle-
 ſiæ in qua ba-
 ptiſatus, in ma-
 iori gradu con-
 ſtitutus.

te Decem millium inscripsit summam. Parentum erat res tenuior, neq; is census, quo ille fultus maiora sperare posset, educauere luuenem pro modo facultatum, & vbi domesticam absoluit Institutionem, ad Academiae Cracouiensis studia, quæ ingeniorum *Poloniae* audiuit olympia transtulerunt. Diuerterat ad Domum Contubernij Hierosolimitani studiosorū, quam postea in maiori gradu, ampliori prouidit censu. Ab Academicâ diatribâ, ad Aulam transijt Regiam, externæ & peregrinæ limæ prorsus expers. *Ioanni Zamoscio* in negotijs Cancellariæ, quæ tersum elegans, neq; tumens phaleris dicendi requirunt genus, sedulam promptamque non sine commendatione promptioris obsequij nauauit operam. Erat eâ tempestate scribarum Cancellariæ honesta & spei melioris sparta; sanè complures in vtrâq; Politia ad maiores euexit gradus. In eâ Palæstra primū *Tylicius* meruit mox Secretarius Regius, Sanctiorem induit togam. Canonicus Posnanien. primū, mox Gnesnensis Præpositus Canonicus Cracouiensis, Regni Secretariatum à *Stephano Rege*, à *Sigismundo Referendariatum*, meritorum obtinuit præmium *Zamoscio* promouente, eodem annitente ad *Culmensē* euasit Cathedram; cumq; *Ioannes Tarnouius* ad Posnañ. promotus Episcopatum, Sigillumq; Regni minus dimisisset in Conuentu Generali Anni 1598. tantum capessiuit Magistratū, quod factum in gratiam *Zamoscij*, cum ante inter illum & *Tarnouium* aliquibus certabatur simultatibus, bono publico obstantibus. Cum *Rege Sigismundo* nauigauit in *Sueciam*, vbi cum omnia, *Caroli Sudermani* fraudibus ambitu, confusa reperisset, Rexq; in aperto versaretur discrimine, à pugna præsertim *Lincopiensi*, aut propè pontem *Strangebriensem*, in quâ *Polonorum* exiguæ Vires à *Suecis* partium Regiarum desertæ, nutabant impares potentia *Caroli*; neq; consultum videbatur, diutius in *Suecia* commorari *Sigismundo*, nullis copijs militaribus; ad *Caroli* machinationes euertendas, frangendamq; potentiam succincto, prout hoc *Zamoscius* abeunti in *Sueciam* suaserat. Hoc ipsum *Tylicius* Regi repræsentauit, tamq; ingenti periculo subtrahatur eò flexit, vt seriò de reditu in *Poloniam* cogitaret, *Dantiscumq;* ad finem appulit Octobr. Neque ab hisce actis, integro concluso biennio, volitat fama certusq; superuenit nuntius, *Cardinalem* atroci cæde è viuis sublatum, *Tylicius* iam ante Canonicatu prouisus Varmienfi Rege *Sigismundo* commendante à Collegio Canonorum electus, *Clemente VIII.* confirmante Ecclesiæ regimini præficitur; morum eximiâ suauitate, Amorem & Beneuo-

Ad Academia
am Crac; mit-
tatur.

Absolutis in
Academia stu-
dijs ad Aulam
se confert.

Ibi primò Sē-
cretarius.
Mox Referen-
darius.

Ac Episcopus
Culmensis.

Tandem Pro-
cancellarius
Regni.

In Sueciâ cum
Rege nauigat.

Eius dexter-
tas in peri-
culis.

Fit Episcopus
Varmienfis.

Ad Cathedralam
venit.

Reuocatur ad
Aulam.


Summa virtus
in Magistratu
Cancellaria-
tus.

lentiam omnium prouocabat. Cum *Varmienſi* Episcopatu, propè quadriennio Cancellarij munus obiuit, Ordinibus Regni, ob eximiam integritatem conuiuentibus, neq; acrius executionem legis vrgentibus, quæ cum Episcopatu *Varmienſi*. Sigilli vetat retentionem; Ad Cathedralam venit 17. Aprilis Anno 1601. Episcopatus Ciuitates lustrauit, negotiisque publicis ad Aulam vocantibus, ex Episcopatu abiit, *Ioanne Pifinio* Cantore *Varmienſi*. relicto Administratore. Sub eius regimine cum Thesauro Regni & Prussia, molestior exorta controuersia, cum ob mansorum prætenſam multitudinem, contributiones, magnâ cum oppressione plebis exigerentur. Gemuit sub hoc onere Episcopatus, donec eius Successor *Simon Rudnicus* Regiâ commiſſione impetratâ, Oppida Pagos ab hac releuaret præſurâ, vt suo diceretur loco.

Non completo integro quadriennio *Varmienſem* Cathedralâ vti reditu & gradu inferiorem cum *Vladislauienſi* permutauit ſuſfragante Regiâ Nominatione. Præpoſituram *Miechouienſem*, quàm poſt Fata *Stanislai Fogeluedrij* à Regis gratia obtinuerat in Anno 1603. vnâ cum *Varmienſi* etiam cum *Vladislauienſi* Episcopatu *Clemente VIII* indulgente, ad importunas preces eius argumenti, vidimus literas Summi Pontificis ad *Sigismundum Regem*. Porro rem memorabilem refert, magnus Antistes *Stanislaus Lubrenius* Episcopus *Plocenſis* in paræneſi ad *Thomam Zamoſcium*, cum Regni Vicecancellarius renuntiaretur, Magistratui Cancellarij abrenuntiando, annulumq; Regni diſpoſitioni relinquendo Regiæ optimâ integerrimâq; gloriabatur fide, Nullam in hoc Magistratu minoris notæ ſcripturam, etiam Citationem Sigillo ſignatam, niſi prius lectam diligentiusq; à ſe examinatam. Hoc non ingratum licuit attexere parergon. Cæterum *Tylicij* in Eccleſia *Varmienſi* hæc duntaxat extat memoria; Anniuerſarium fundatum in florenis quingentis. Ex *Cujauienſi* Episcopatu tranſlatus ad Episcopatum *Cracouienſem*, ibidemq; obiit 13. Iunij Anno 1613.

*En Patriæ custos Aquilæ, Regniq; miniſter
Lingua illi magna vbertas ac dulce loquendi
Pondus, & attonitas ſermo qui duceret aures;
Cracouia tandem ſedis conſcendit honores.*

SIMON RVDNICKI,
EPISCOPVS VARMIENSIS.



Translato ad Ecclesiam Vladislauensem *Petro Tylicio*, Regiâ commendatione accedente, electus à Capitulo *Simon Rudnicki* de Armis Vulpium. Primùm Regni Cancellariæ Regens, Maior deinde Secretarius, Præpositus Posnaniensis, Custos Gnesnensis, Cracouiensis, Varmienfis Canonicus, nasci illi contigit in *Palatinatu Siradiensi*, qui pridem audit, ut elegans poëma *Trabenta Siradia*, inscriptum memorat virtutis natale solum. *Rudniciorum* Domus Orbi non ignota Polono, ibidem floruit, Officijs terrestribus, multi laudabiliter perfuncti, multi Senatoriâ claruerunt togâ. Vbi primùm per æratem

Nascitur in
Palatinatu
Siradiensi.

Cracouiam ad
Academiam
mittitur.

Eius Præ-
ptores.

In exteras na-
tiones excur-
rit.

Eius Studium
Bononiæ.

Romam ſe
confert.

H. ſuo illi⁹ Mo-
res & Indoles
placuit.

Coadiutor
Gneſneſis Cu-
ſtodix factus.

Redux in Pa-
triam ad Aulã
ſe confert.

licuit, domesticã imbutus disciplinã, tum in aliqua minori Scho-
lã prima literarum hauserat elementa, grauiori & solidiori ex-
collendum literaturã Parentes Cracouiam ablegarunt.

Viuebant eã tempeſtate in ea Regni Schola, *Iacobus Gorſcius*
Canonic⁹ & Archipresbyter Crac: *Stanislaus Socolouius* Canonic⁹
Crac: S. Floriani Præpoſit⁹, *Regis Stephani* Theologus, Viri omnis
literaturæ cõſultiſſimi, eorũ manuductione, ver juuenile *Rudnici-*
us ita, excolebat, vt omniũ iudicio ſanctioris vitæ deſtinaretur in-
ſtituto. Annis aliquot Cracouiæ exactis, vltra Alpes, linguarum
peritiã acquiſiturus perrexit, & in Italiã excurrit, Bononiãq;
triennium decenter exegit, ſtudioq; juris Canonici ſeriõ incu-
buit, etiam per priuata exercitia, ſtylum ita formabat, vt prom-
ptè, eleganter, latinè ſcriberet ac loqueretur. Ad Aulæ Polo-
næ theatrum, ac demũ Episcopalis Senatoriãq; dignitatis tra-
beam, ita ſe parabat, vt poſtmodum cum omniũ applauſu, per-
ſonam ſibi cœlo annuente impoſitam laudabiliter egerit. In-
de Romam abiit; Viuebat eo tempore in Vrbe *Stanislaus Ho-*
ſius Cardinalis, Varmienſis Episcopus, Eccleſiæ, Reipublicæ
Chriſtianæ, valida & præpotens columna: Is Polonus Polonos in
Italiam Urbemq; aduentantes omnibus excipiebat officijs, In-
genium, Mores, ſingulorum, quaſi ad libram expendebat, inde-
que vniuſcuiuſq; futuros metiebatur ſucceſſus. *Rudnicij* mo-
deſtiã Indoles *Hoſio* mirificè placuit, quam ijs occupabat ſtu-
dijs, quæ honorem Episcopalem quandoq; ornarent. Præſa-
gire videbatur *Hoſius* cum familiariũ mensã colloquio *Rudni-*
cium dignaretur, eum aliquando in Varmienſi Cathedra na-
cturum ſe ſucceſſorem. Ac cum iam Doctrina & Ingenium cum
ætate *Rudnicij* matureſceret *Clemens Rudnicus*, *Simonis Patruus*,
vnicè deſiderabat, per viam Coadiutoriæ in Sacerdotio Gne-
ſneſis Cuſtodix, tum & Vniciouiſis Archidiaconatũ nepotẽ
ſibi deſignari ſucceſſorem. *Hoſij* operã & patrociniũ tandem
perfectum, vt hanc adoptionem *Pius V. Pontifex* ratam fir-
mamq; haberet. Redit igitur in Poloniam, collectamq; Inte-
gritatis ac doctrinæ in Vrbe famam, in Regiam intulit Aulam.
Regnabat tũ in Polonia *Stephanus Rex*, non belli magis quàm
pacis artibus celebratus Princeps, Aulam ipſius impleuerant
decora Ingenia, *Socolouij*, *Goslicij* Patricij, *Varſauicij*, literis & ho-
noribus famam poſthumam promeriti; ijs familiariũ inno-
ſcebat *Rudnicus*, ex eorumq; congreſſu doctior eruditiorque
euadere contendebat, Dignitatem itaq; à *Stephano* inchoatam,
à *Sigismundo* auctam ad Infulãq; apicem proueectam, *Rudnicus*

est adeptus. *Stephano* è viuis sublato, Regeq; *Sigismundo* succedente, ab eodem impensius caput aestimari. Inter Secretarios minimè otiosus, Legationibus Commissionibus varijs perfunctus, totq; grauioribus exercitus negotijs. Cum *Petro Tylicio* collatum fuisset Sigillum minus, ab eodem *Rudnicus* Regens Cancellariæ dictus illam spartam, singulari morum comitate, & promptâ facilitatē laudabiliter exornauit, styli elegantiam, continuâ quæsitam lectione, illis negotijs, literis, quæ sub manum veniunt Regentis commendabat, quam etiam externa non improbabant iudicia. Triennio in hoc munere versatus, industriæ meritorum præmium ad altiora gradum, maiorem Regni Secretariatum Regij censurâ iudicii obtinuit. Officium hoc illâ tempestate, inter laboriosa Aulæ reputabatur munia, etiam statuto Regni designata illi, maiorum honorum spes & expectatio. Opimiora etiam accessere Sacerdotia, Præpositura Posnañ. & Scholasteria Lancicensis. His prouisus stipendijs, post non longum tempus ad *Varmiensē Cathedralē*, Rege promouente accedente Capitulari electione euehitur, Anno 1604. Consecratus in Conuentu Generali à Nuntio Apostolico Claudio Rengono Episcopo Rhegij. Diutiùs Varfauia moratus, tandem ad curas Episcopales commissumq; properauit gregem. Venit ad Ecclesiam sub tempus Quadragesimæ, Dominica Reminiscere, ad implendam boni & probi Pastoris ideam totum se componebat. Exempla Antecessorum *Hosij*, *Cromeri*, reuoluere, ijsq; insistere sollicitè contendebat. Occurrebant menti sanctioris notæ Antistites, *Carolus Boromæus*, *Robertus Bellarminus* Cardinales, ex illorum monitis librisq; juris publici, continuò lectis, ad regimen gregis, seq; in eiusdem formam expoliebat. Assumptis in partem laboris, Viris sanctorum Canonum & disciplinæ Ecclesiasticæ gnaris, totam lustrauit Diocesim, mores vitam Cleri curatiùs inspiciendo, id effecit, vt Curiones Populum sibi subiectum, quasi Operarij irreprehensibilis, non verbo magis, quàm proprio exemplo ad sanctiorem effingerent vitam. Diocesana visitatione completâ, Synodum Heilsbergæ indixit, Cleroq; Diocesano ad eam vocato, Sacrosancti Concilij Tridentini sancita, vt in Viridem abirent obseruantiam, anxiam intendit curam. Constitutiones Diocesanas à suis conditas Antecedaneis, reimprimi mandauit, *Breuiarij* Diocesani vsum, vt prisca ferebant tempora, & sui Prædecessores adhuc retinuerant, ille Romanum introduxit. *Rituale* circa administrationem *Sacramentorum* reformauit, quod

In Aula eius labores.

Regens Cancellariæ minoris creatur.

Secretarius maior.

Ad Episcopatu Varmiesem euehitur & à Nuntio Apostolico Varfauia consecratur.

Imitator Hosij & Cromeri.

Diocesim visitat.

Synodum indicit.

Eiusdem sancita.

Dotes ac Re-
gimen.

Bona opera.

Zelus in pro-
mouenda fide.

modernus Antistes, vti Romano ritui minimè conforme, ritu Romano vero genuinoq; introducto, abrogari mandauit. Tempia, Altaria, consecrare, Cleri ordinationibus vacare, Cathedrā circa festa solenniora visere, vſitatum illi fuerat. Gratam refert memoriam Altare maius in Ecclesia Cathedrali ab eodem consecratum tabulaq; seu mensa marmorea exornatum. *Heilsbergæ* vbi frequentius ob loci commoditatem, annonamq; faciliorem resident Episcopi, templum Parochiale, etiam cælo pluuiio pedes adire, diuinisq; interesse officijs consueuerat. Nulla prætermiſſa dies, quin singulari deuotionis sensu Presbyterum sacra facientem audiret, vel ipsemet præmiſſa exomologesi, tremenda hæc celebraret mysteria. Subditorum querelis pronam dabat aurem. Libellos supplices ipsemet lectitabat: Ius Clero Populoque dixit, cum singulari moderatione, neq; in longum trahi sinebat lites, ac parti vtriq; mirificè iudicantis placebat æquanimitas. Luxum fastum omnem domo proſcripserat, nihilq; exoticum aut maiori sumptu quæſitum patiebatur: Dignitatis nihilominus Episcopalis & Senatoriæ retinens, eo cultu corporis ad modestiam composito vſus, quem præscribunt Ecclesiæ sancita. Mensæ assidenti codex Sacræ Scripturæ & Historiæ Ecclesiasticæ prælegebatur. Ecclesiam Cathedralē sponsam suam amplis cumulauit donarijs, eidemq; suæ suppellectilis non modicam transcripserat portionē, quæ Harpijs Aquilonaribus in prædam cessit, dum à morte ipsius, vt breui dicetur, Ecclesiam, Prouinciam, plusquàm barbaricā deuastârunt rapacitate. Superest adhuc *Rudnicianæ* Liberalitatis monumentū, argentea candelabra sex, crux maior argentea, Calix aureus, Insulâ opere Phrygio gemmis lapidibusque pretiosis distincta; multis alijs eximijs operibus, ad seram posteritatem, nominis sui propagauit memoriam. Ecclesiam Sancti Stanislai, in ruinam pronam deuotioni Polonorum *Heilsbergam* accurrentium, aut ibidem manentium restaurauit. *Wartemburgi* vbi Minoritæ sodales *S. Francisci* Regularis Obseruantia, à Cardinali *Bathoreo*, prout supra narratum introducti, cum Ecclesia illa muro ædificata, testudinem seu concumerationem nullam haberet, eandem & perystilium templo adiacens cocto struxit latere. Ecclesiam Parochialem *Elbingæ S. Nicolai* ad quam missionem PP. Societatis Iesu locauerat *Hofius*, exortâ belli Dantiſcani procellâ, in eandem *Elbingenses* eiectionis Patribus, rituque Catholico eliminato, Lutheranam hæresim induxerant, Decreti Regij vigore, postliminio vindicauit, reditu Curionem ibidem

laboran-

laborantem prouidit. Eiusdem curâ & solitudine Regiomonti Catholica Ecclesia ædificata auctaq; prouentu, non sine ingenti Catholicorum commodo, quorum in ea Ciuitate, non infrequens numerus. *Lindam Marianam*, locum Diuæ Virginis Matris, cultu & miraculis celebrem, inualefcente hæresi profanatum, & in ruderibus sepultum, *Ioanni Sadorfcio* Regio Secretario, è manibus hæreticorum vindicandi, efficax commodauit Patrocinium, facellique adjuuit structuram. Regiomontanam Commissionem in Annis 1609. & 1612. ex Decreto Conuentus Generalis Regni, vnâ cum adjunctis, ex Senatu & Ordine Equestri, eximiâ prudentiâ dexteritate perfecit, quæ in Volumine legum Regni exstat impressa. Limites controuersos inter Ducalem Prussiam & Episcopatum, tam felici complanatione distinxit, vt nihil ampliùs superfit, quod litem & aliquam posset excitare dissensionem. *Ioannem Sigismundum Electorem Brandenburgicum in Prussia Ducem, Heilsbergam* ipso die festo, Sancti *Ioannis Baptiste* Anno 1612. venientem, cum celebrata humanitatis & hospitalitatis excepit testificatione. Cum Regni thesauro & Prussiæ, circa publicas contributiones, quæ pro libitu asserto numero mansorum exigebantur, populo nimis graues, Regiâ Commissionem super mansorum remissione impetratâ sopiuit, totq; molestis controuersijs finem imposuit, Regiâ accedente authoritate, vt non nisi ex certo & determinato mansorum numero, Contributiones in thesaurum inferantur. Arces Episcopales vetustate collabentes, *Braunsbergensem, Wormditensem, Kesseliensem*, restaurauit; Cameras aliquas superiores in arce *Heilsbergensi*, abrafo antiquo squalore, elegantius adornauit. Motu Ciuili in *Polonia* exorto, aliquæ cohortes prædabundo in *Prussiam* Ducalem & Episcopalem excurrerant, nè rapinis in plebem sæuirent, *Rudnicius* partim positis militaribus seruitijs in Pago *Wuttrinen*, partim ciuilibus auertit medijs, aliquâ offâ pecuniariâ iisdem objectâ cohortibus. At longè grauior tempestas totum Regnum, Regalem Episcopalemque inuasit *Prussiam*, militia Regni quæ in *Moschouia* *Demetrii* partibus adhæserat, ab iisdem retracta, promissâ stipendiorum solutione, tum & ea quæ Regijs auspicijs *Moschos* bello fatigabant, neq; subito repræsentari, aut maturefcere poterat solutio, colligatione seu Confederatione concitatâ, totius Regni Oppida, Pagos, juris Regij ob Ecclesiasticorum, immani rabie, & Sanguineâ deuastabat rapacitate. Auctor seu *Marschalcus* legionum tumultuantium *Zbignew Silnicki* *Brombergæ* seu *Bidgostia*, cum Selectio-

Lindam cultu
& miraculis Ba
M. V. celebrâ
vindicat.

Ioannem Ele.
ctorem Bran-
deburgicū hu-
manissimè ex-
cipit.

Differentias
thesaur. Regni
& Prussiae so-
piuit.

Circa motus
domesticos so-
piendos cura.

Circa Confæ-
derationem
militum.

Cuius Zbignew
us Silnicki Di-
rector Bidgo-
stia sedem ha-
buit.

ribus

Magno lytro
redemit popu-
li calamitatē.

Multos Iuue-
nes aluit.

Tandem annis
& curis feſſus.

Ad mortem ſe
diſponit.

Moritur.

ribus illius militiæ, fixerat ſedem. Tantæ calamitatis portio in *Pruſſiam* deriuabatur Episcopalem, Oppidani, Agreſtes, inſolitis preſſi exactionibus, ſub hac vix ſpirabant tyrannide. *Rudnicus* tam acerbam populi miſeratus ſortem, propriâ ſuppellectili, maioris pretij diſtracta, fundis etiam Episcopalibus, *Paulo V.* Episcopo Maximo annuente oppignoratis, militarē placauit inſolentiam, & plebem prouincialem, in quam ingentibus hæc militia debachabatur rapinis, ex tam graui feruitute, hoc redemit lytro. Meretur & hæc *Rudnicij* beneficentia factis inſcribi æternitatis. *Braunsbergæ Wormditti* ſupra triginta iuuenes aluit, victum, amictum, tum & alia ſubminiſtrando neceſſaria: nec eos duntaxat hæc dignabatur liberalitate, quos nexus ſanguinis cum *Rudnicio* neceſſabat, verum alij Poloni, *Prutheni* nobiles, etiam ex plebe aliqui, in ſortem tantæ admittebantur liberalitatis. Adeo *Rudnicus* pij Antiftitis amantis, Eccleſiæ, Reipub. commoda Senatoris, partes implere contendebat; viſu juxta & affectu cunctis Venerabilis, ita lubricum hoc viæ iter, inter ambitionis & vitiorum huius ſæculi abrupta, vacuus omni decurrit periculo, vt in ætatis & honorum curſu, nihil in præteritum habeat excuſandum, omnia laudanda. Tandem annis & curis feſſus, languere cæpit, & ſupremâ tentari ægritudine, quæ Medico ipſius familiari *Sebeſtiano Szleſkowski*, Viro compertæ in hac facultate peritiæ, Libriſq; publici juris famam in Repub. literatorum adepto, non adeo Sontica & periculosa videbatur, quin ſanari, valetudoq; reintegrari poſſet; Ille nihilominus ſupremam ſibi imminere diem, quaſi fati præſcius euincebat, ad illumque agonem totum ſe pro more Chriſtiano componebat. Narrauit ipſemet Presbytero, quem arbitrum & moderatorem conſcientiæ eligeret, ſpem vitæ longioris penitus decollare; aſfirmabatq; *Stanislaum* pium Presbyterum, minoritam obſeruantem, ante annum defunctum, in viſu nocturno ſibi apparuiſſe, hæcque locutum verba: *Domine Episcope para te ad mortem ex hoc morbo non euades.* Nec mora curam animumque ad ea vertit, quæ ipſi ad brauium beatæ æternitatis, expeditum pararent curſum. Protinùs totiùs vitæ ſeriem percurrendo, noxas omnes cum ingenti doloris ſenſu, in ſacro poenitentiae recenſuit tribunali. Sacris omnibus Chriſtianis procuratus, cum magnâ Chriſtianæ pietatis ſignificatione, extremam obitûs ſui præſtolabatur horam, quæ tandem eum quarto nonas Iulij natum, annos ſexaginta nouem, exactis in Episcopatu Sexdecim, ex hac mortalitatis euocauit ſtatione, non abſq; mærore & luctu totius Prouin-

ciæ ipsius beneuolentiæ, beneficiæq; vixerunt obnoxij. Testamentum condidit benè valens, pro modo peculij, quod non adeò amplum reliquit. Erga Ecclesias, quarum olim reditu sustentabatur, liberalis, familiæ non immemor, Consanguineis aliqua legauit donaria, quos nullis còemptis possessionibus studuit locupletare. Villam hæreditariam *Rzeczyca Municipij Sira-*
diensis. Ecclesiæ Collegiatae Viennensi transcripsit, erecto ibidem Canonatu, quem è domo *Rudnicanâ* Sanctorum indutis togam conferendum ordinauit. Ecclesiam *Varmiensem*, ex triente scripsit hæredem, extantq; duo Anniuersalia in hunc vsq; diem opimioris censûs. Tumulum sibi extrui mandauit, ad sinistram partem Aræ maioris, quem Suecorum impia & rapax violauit manus, mortuoque non parcendo, catenulam cum cruce auream, & annullum detraxit. Capitulum *Varmiense*, gratitudinem optimo testificando Præsuli, Altare erexit marmoreum, in quo visitur sculpta *Rudnicij* effigies, genua flectentis ante effigiem Christi Saluatoris è Cruce pendentis, cum hac inscriptione in Altaris tumba.

Eius testamentum.

Suecorum impietas in mortuos,

D. O. M.

Nec non conseruandæ in posteros gratæ memoriæ *Illustrissimi & Reuerendissimi Domini Simonis Rudnicki*, ex Comitibus de *Bechczyce*, *Episcopi Varmiensis* Beneficentissimi, *Capitulum Varmiense*, Aram hanc posuit, vt hostilem injuriam, priori monumento illatam, suffecto Sacratiori opere vindicaret. Anno M. DC. XXXVII.

In lapide sepulchrali.


D. O. M.

Reuerendissimus Dñus Simon Rudnicki D. G. Episcopus Varmiensis, hîc sepultus est: Obijt *Heilsbergæ* Anno Dñi M. DC. XXI. Die 4. Iulij ætatis suæ Anno LXIX. Deus animæ illius sit clemens & propitius. Reuertatur puluis in terram suam, vnde erat, & spiritus redeat ad Deum, qui dedit illum. *Eccl. 12.* Executores Testamenti & Hæredes posuere vitam *Rudnicij*, accuratiùs connotauit *Ioannes Riuocius* Societatis Iesu, ex ea aliqua libauimus, interim ad alia calamum vertimus, præmissis Carminibus Magni Senatoris.

*Dictis & factis indefessq; labore
Commisissas benè pascit Oues. Brandenburgica Feuda
Concinnat Regis iussu; tutatur egenos,
Ære iuuans proprio; moritur prouectus in annis.*

IOANNES ALBERTVS

Poloniæ & Sueciæ Princeps Episcopatus Varmienſis Administrator.



Ioannes Albertus dispensatione Sedis Apostolicæ Episcopatum Varmienſem assequitur.

Regio thalamo sobolescente, hæc cura exercuit *Sigismundum III. & Constantiam Reginam*, vt honori Sacerdotij & sanctiori vitæ sorti, *Ioannem Albertum Poloniæ & Sueciæ* principem destinarent. Vacabat Episcopatus Varmienſis à morte *Rudnicij*, ad eum *Ioannes Albertus* annorum tredecim Iuuenis promotus, intermissâ etiam Canonicatus prouisione quæ ne à Capitulo vrgeretur *Gregorij XV.* interuenit mandatum, tantiq; Regis Filium, ab hac lege & consuetudine absoluit; Electio nihilominus integra mansit, Regiæq; commendationi vota & suffragia capitulum detulit. Administratio Episcopatus, cum per ætatem

ætatem, muneri huic esset impar, à *Gregorio XV.* indulta in eamq; rem, Sacrum expeditum diploma. Additus à Sede Apostolicâ Coadministrator *Michaël Działynski*, Episcopus Hippo- nensis Suffraganeus Varmiensis, Camenecensis deinde Episcopus & Abbas Mogilnensis. Accessere grauiorum negotiorum Ar- bitri *Iacobus Wierzbicka Boruchouius* Archidiaconus Varfauiensis Scholaisticus Lancicensis, qui obiit Regni Referendarius. *Paulus Piafcius* Canonicus Varmiensis, qui decessit Episcopus Præ- myslensis, & Abbatia Claræ tumbæ Administrator scriptis in Orbe literato clarissimus. Vix Administrationem Episcopatus capeffit *Ioannes Albertus*, ab Aquilone atrox belli tempestas, E- piscopatum inuasit Varmiensem, *Gustaphus Adolphus, Caroli Su- dermaniae* Principis filius qui *Sigismundum* regno excluserat, il- ludq; ad se suamq; traxerat stirpem, non nisi vano titulo *Sigis- mundo* relicto, parenti vitâ functo successit; Erat hic Princeps Martiæ & præliaris indolis (demptâ armorum iustitiâ) Cumq; euulgarentur arcana *Sigismundi* consilia, de Regno Sueciæ, ab iniquo vindicando possessore, præuenire quàm præueniri satiùs existimauit. Liunioniam juris Polonicae Prouinciam, armis & bellicâ fortitudine *Stephani Regis* Moscho ademptam, mari Bal- thico adjacentem, cum Viginti quatuor millium exercitu, nullâ præmissa clarigatione occupauit; vsus eâ temporis opportuni- tate dum *Poloni*, graui ac periculoso impliciti bello, de summa rerum cum *Osmano Turcarum Imperatore* dimicarent. *Rigam* primariam Ciuitatem, proditione Ciuium traditam cepit, cæte- ræ Arces tantæ impares potentia, Rigensem sequutæ deditio- nem. *Liunioniâ* occupatâ præsidijque infessâ, belli in *Prussiam* transferendi agitabat consilia, quæ ita tecta occultaq; fuere, vt non nisi classe *Sueticâ*, in mari comparente innotescerent. Die- bus Iulij Anno 1626. cum triginta nauibus, portum Pilaiien- sem, nemine resistente, & arma opponente intrauit: eius loci Præfectus officioso tormentorum displosorum fumo, hospitem non hostem aduenientem salutauit, lautoq; ac liberali tracta- uit epulo. Locum illum *Suecus* suo firmavit præsidio, Electo- rali dimisso. Nec diu moratus, sinum maris Baltici *Habum*, *Erischbaff* dictum, quem à mari *Neringa* peninsula diuidit, cum suâ Classe inuasit; ipse ad propinquum vicinumq; *Habo Castrû*, *Brandeburgum* deflexit, vbi perhumaniter & honorificè exce- prus, belli necessaria incredibili celeritate, eidem suppeditata, quasi in antecessum prouisa promptè fatis alacriterque Ducali- bus ministris hæc procurantibus. Equi quingenti subito con-

Eius coadmini-
strator Micha-
ël Działynski.

Arbitri Iacobus
Wierzbicka &
Paulus Piafe-
cius.

Gustaphus Li-
unioniâ inuadit.

Idq; tempore
belli cum O-
smano.

Riga sine vllâ
oppugnatione
desciscit ad
Gustaphum.

Inuadit Prus-
siam.

Pilauam per
deditiōē oc-
cupat.

Habum in-
uasit.

Brādeburgum
deflexit.

Cui omnia necessaria ad prosequendū bellum suppeditatur a Ducis Prussiae ministris.
Braunsbergam occupat.

Terror ingens.

Penes Ecclesiam solus Cantor Canonicus remansit.

Immunitatem Ecclesiae spondet Rex.

Sed frustra.

Mortuorum sepulchris non parsum.

Sed nec Eucharistiae sanctae.

Suppellex Ecclesiastica in Sueciam deportata.

Etiam Campana.

quisiti, cum nonnisi pedites sex mille ut scribit *Piascius* fossoribus magis quam bellatoribus similes secum adduxerit. Octaua Iulij ex Habo, cui fluuius *Passerim* propè *Braunsbergam* misceatur, ad littus eiusdem fluuij, militem incontinentem eduxit, moxq; *Braunsbergam* primariam Episcopatus Varmiensis Ciuitatem aggressus, omni munitione vacuam, Magistratu Ciuibus, terrore insperato consternatis ad deditionem cōdēgit. *Frauenburgum* ubi Ecclesia *Cathedralis Varmien.* & Canonicis ab antiquo residere mos est, vno lapide à *Braunsberga* distans, vehementer exterruit, Classis *Habum* nauigans, tūc Nuntius captæ *Braunsbergæ*; Canonicorumq; circa Ecclesiam residentium pro tunc non infrequens erat numerus. In tantis angustijs, nullum aderat auxilium consiliumque; Ad deportandam Ecclesiasticam suppellectilem metu hostili confusi subditi, officiū subuectionis recusabant aut denegabant; Modicum quid ex hac suppellectili, (parte illius potiori relictā) *Allensteinium* ægrè auectum; Canonici hostilitatem declinando, ad tutiora recesserant, aliqui in Poloniam abierant, nonnulli in Episcopatu circa confinia morabantur. *Henricus Hindenbergius* Cantor Varmien. receperat se mansurum circa templi custodiam, prout mansit, cum ducentis peditibus, ad militaria seruitia, iuxta morem Prouinciæ obligatis. *Gustapho Braunsbergæ* hærente, *Hindenbergius* ad illum excurrit, deditionem Castri Spontaneam (ubi Ecclesia Cathedralis) offerebat, modò Ecclesiam militari rapinā, edicto seueriori Regis posset conseruari. Hanc immunitatem *Gustaphus* non grauatim spondebat promittebatq; At ubi *Gustaphus* venit ad portam Castri, *Hindenbergius* frustra fidem datam implorabat, portā clauis Regem intromittere, nisi de promissa cauerat securitate, nolebat: at irruentes *Sueci*, reiecto *Hindenbergio*, in Basilicam Cathedralem irruerunt, & quidquid Sacrae remanserat suppellectilis abstulerunt. Mortuorum sepulchris non parsum, *Simonis Rudnicij* Episcopi tumulum expilarunt, mortuoq; Episcopalia ablata insignia; Sacrum panem Eucharisticum ex argentea arculā, super templi pauimentum proiectum & dispersum; *Gustaphus*, sine horrore spectauit vocatoq; *Hindenbergio* irrisit illuditq; suppellex omnis Ecclesiastica, organorum elegantior structura, tabulae altarium, ipsaq; altaria ad *Sueticas* deportata naues, & in *Sueciam* auecta, campanae maiores itidem ablatae, vnāq; cum naui mari absorptae. Ipsemet etiam *Hindenbergius* in *Sueticam* tractus captiuitatē, ex quā non leui redemptus pretio, libertatem tandem nactus, ærumnis con-

fectus

fectus non diu superuixit. *Frauenburgum* eo tempore à *Suecis* incensum, ferè totum in fauillas & cineres abiit. *Wormdittum*, ab excurrentibus in Episcopatum Suecis occupatum, præsidiumq; ibi militare locatum. Parochiæ, Pagi, insolitis pressi oneribus, ingensq; ex hac rapinâ summa pecuniæ corrasa; serpebat vltius per Prouinciam hæc rabies hostilis, *Melsaccum* Capitulare oppidum, direptum & incensum, arxque Capitularis ibidem exusta. Vltimis Iulij diebus *Wormditto Sueci* excurrentes, *Gudstadium*, Ciuibus arcendæ hostilitati prorsus imparibus inuaserrunt, Canonici illius Collegiæ ad famam propinquæ hostilitatis, tempestiuè recesserant, & securitati consulerant. Collegium seu domus, in quâ Canonici resident, adjacens Ecclesiæ, ita direpta expilataque, vt vix parietes aut muri non diruti remanserint; In oppido relictū Sueticum præsidium, quod *Wormditti* & *Gudstadij* non diu substitit. Superuenit cum *Polonis* Cohortibus, *Martinus Kazanovius* Castellanus Halicieñ. veteranus Tribunus, (qui Palatinus Podoliæ & Campestris militiæ obiit Præfectus) à *Stanislao Koniecpolio* Palatino Sendomirieñ, Supremo exercituum Generali, (qui Birsauiam obsidebat) in Prussiam missus Episcopalem, ex illis locis hostes ejecit, prædasq; & rapinas, aliquantisper coërcuit. Verùm iterùm *Wormdittum* in Anno 1627. à Suecis interceptum, ob ignauiam *Vladislai Lipnicki*, & *Henrici Lechwangi*, qui imperiti præsidiarij, locum illum Suecis prodiderunt. *Allensteinium*, Domini Capitularis Oppidum, eodem tempore Sueci tentârunt inuadere, à Ciuibus rejecti constanter, in pagos Capitulares & plebem agrestem furorem effuderunt. Tàm atrox hostilitas Prussiam Episcopalem, ad Annum 1629. vehementius diuexauit, quò tandem induciæ ad pagum *Altemark Christburgensis* Præfecturæ, ad Annum 1635. inter *Polonos* & *Suecos* conclusæ, aliquid respirij, laceræ totq; aduersis fatigatæ toti indulserunt Prussiæ. *Wormdittum*, *Gudstadium*, deductis præsidijs hostilibus, libertati, veteriq; Dominico restitutum; *Braunsbergam*, *Frauenburgum*, Suecus vsq; ad Annum 1635. retinuit. Eo nihilominus tempore tàm iniquo in Anno 1627. *Gudstadij* in Ecclesia Collegiata, Synodum Dicecesanam congregauit, *Michaël Działynski*, Coadministrator, pro *Ioanne Alberto* Principe, quæ ab eodem approbata exstat impressa. Societas IESV *Braunsbergâ* exacta, aliud domicilium, in Prouincia quæsiuit, *Ressehum* liberalitate domûs Regiæ, introducta, templum & monasterium ab Eremitis S. Augustini, olim ad Saxoniam Prouinciam spectans, tùm desertum, acceden-

Frauenburgum combustum.

Melsaccum se militere.

Gudstadium expilatum.

Milites Poloni superueniunt.

Hostes eijscit.

Iterùm *Wormdittum* à Suecis occupatur.

Allensteinium se defendit.

Induciæ factæ.

Synodus Prouincialis celebrata.

Iesuitæ pulsî *Braunsbergâ*.

Ressehum introductum.

Ioannes Alber-
tus transfert ſe
ad Episcopatū
Cracouiēſem.

Cardinalis
creatur.

Donaria reliſta
in Eccleſia
Varmienſi.

te conſenſu *Ioannis Alberti* Principis, eidem ſocietati traditum. Poſt talia nubila, bellicoſq; fragores, quietius agebat Pruſſia Episcopalis, quam vti ſuperius innuimus, per Coadminiſtrato-rem gubernabat *Ioannes Albertus*, neque ipſemet, ſponſam aut Episcopatum inuiſit. Demum è viuſ abeunte *Andreā Lip-ſki* de armis Gracie, Episcopo Cracouiēſi. eidem à Rege deſi- gnatus Succellor, Varmienſi dimiſſa ad illam Cathedram fecit gradum, ibidemq; in Baſilica Cathedrali Cracouiēſi. Romanæ purpuræ inſignia Anno 1633. recepit; Verum hæc & ulterio- ra, nè videamur extra oleas ferri, alijs connotanda relinqua- mus. Donaria *Ioannis Alberti* viſuntur in Eccleſia Varmienſi. albi & rubri coloris Sacerdotum & Miniſtrorum veſtiarius cultus, Auguſti ſplendoris ex telâ ſericæ aureis intertexta floribus, eti- am pallia maioris altaris, quæ gratam tanti Principis referunt memoriam. Erat & aurea ſtatua S. Andreæ Apoſtoli, de quâ dicetur infra. Huic Magnus Noſter Senator ita cecinit.

*Oſtendunt terris hunc tantum fata, nec ultra
Eſſe ſinunt, magno Magnorum Sanguine Regum
Aſtriadumq; Satus; Patauina extinctus in Vrbe,
Vix oritur, moritur, ſub primo flore iuuentæ.*

XXVII.

NICOLAUS SZYSKO-
WSKI, Episcopus Varmienſi.

Educatio Szy-
skouij.

Sacerdotium.

Abbatia Czer-
uinenſi, obtinet.

Maior Secre-
tarius.

Hæres exaſſe à
Martino deſi-
gnatur.

SAnè in proclui eſt ijs ad ſummum eluctari culmen, quos fautores gradus, dignationiſq; altioris, neceſſitudine ſan- guinis juncti humo leuant, ad eamq; manuducunt viam, per quam ſpargitur lux. Hæc fors contigit *Nicolao Szyskouio* gen- te Oſtroio: A teneris eum fouit, educauit *Martinus Szykowski* Luceorieſi. Ploceſi. demum Cracouiēſi. Episcopus, Prælatus ma- gnorum in Eccleſia & Republica meritorum. Domi primùm etiam extra fines Regni Italicæ peregrinatione ingenium exco- luit, reducem Patruus opimioribus auxit Sacerdotijs Pultouiēſi. Præpoſiturâ, Cracouiēſi, Ploceſi. Canonicatu; ad Abbatiam Czeruinenſi non ſpernendi redditus, eundem promouit, etiam Maiori Secretariatus, vt *Sigismundus Rex* cohoneſtaret, apud quem *Szyskouius* pollebat gratiâ, non difficulter impetrauit. Eundem Patruus tabulis vltimæ voluntatis ex aſſe ampliſſimi pe- culij ſcripſit hæredem, adiectâ eâ obligatione, vt in pago *Bor-*

kon natali & Hæreditario Szyskouiurum, vnâ Leuiâ distantî *Calissio*, in Gnesnensi Archidiæcesi, Ecclesiâ muro ædificaret, eandemq; dotaret, quam conditionē mortē præuentus non adimpleuit. Supra nouennium & ampliùs Secretarius Maior, prudentiæ integritatis eam collegit existimationem, vt minimè otiosum illâ tempestate officium Secretarij, laudabili gesserit dexteritate. Probabat *Sigismundus*, etiam *Vladislaus* in throno suc-

Vacat Ecclesia
Varmieñ.



cessor, maiorum capacem genium, altioriꝑ; in Ecclesia & Republicâ honori destinebant. Orba erat, & sine Pastore Ecclesia Varmieñ, post translationem ad Cracouiē *Ioannis Alberti* Cardinalis Poloniæ & Sueciæ Principis. Perfecit valida & ponderosa commendatio, *Vladislai Regis*, vt *Szyskouiur* juxta morem Ecclesiæ concordibus Capituli votis, electus fuerit Episcopus, & ab *Vrbano VIII.* qui tūm rei præerat Christianæ, confirmaretur. Venit in Prouinciam, quam laceram, rapinis exhaustam inuenit; omnem

Recommēda-
tur a Rege Szys-
skouiur.

Eligitur, & ab
Vrbano con-
firmatur.

Solicitus de
ſuo Epiſco-
patu.

Bellum contra
ſuecos, in Pruſ-
ſia molitur,

Sed pace ad 26
annos dirimi-
tur,

Reſtitutis a-
blatis.

Venit tandem
ad ſuam ſpon-
ſam.

Quam profa-
natam ſaluta-
uit.

Omnem curā
ad exornandā
conuertit,

Pro Pane An-
gelorum recō-
dendo arcuſas
comparat.

Templum B.
V. erigit & ſo-
dales S. Franci-
ſci introducit.

Patres Soc. Ie-
ſu Reſſelij do-
tat.

omnem proinde operam dedit, vt tot ærumnis concuſſa Pro-
uincia, aliquo poſſet recreari ſolatio : & hoc breui ex integro
aſſulſit, cū in Anno 1635. ante Septennium factæ induciæ in-
ter *Suecos* & *Polonos*, Gallicā, Anglicā mediatione accedente, ex-
ſpirarent : Rexq; *Vladislaus Moſcho* ad petendam pacem adaſto,
victoria in Pruſſiam arma transferret. Aliquā fruebatur quie-
te Pruſſia Epiſcopalis, & interim rapinis prædiſq; exhausta ma-
nebat in tranquillo. Belli apparatus contra Suecos ſummo
feruore *Vladislaus* moliebatur. *Stanislaus Koniępolius* Caſtella-
nus Cracouiē, Supremus Exercituum Præfectus, *Polonas* legio-
nes, quæ cum Abaſi Baſſa ad Camenecum, rem proſpere geſſe-
rant in *Pruſſiam* traduxerat, verū interpoſitio Regum, Gallia,
Anglia, tūm & fæderatorum Belgij Ordinum, acies has diremit,
paſſiſque firmatis ad Annos 26. ablata omnia à Sueciſq; deoc-
cupata, Sueticis præſidijs abductis, in Regia & Epiſcopali Pruſ-
ſia reſtituta, veteriq; tradita Dominio. Aduentum ad Cathedrā
diſtulerat *Szyſkouius*, in Annum 1636. neq; enim hoſtilibus præ-
ſidijs *Frauenburgi*, *Brunſbergæ* locatis, licebat expediebatq; vi-
ſere Sponſam : ad quam venit in peruigilio feſtiuitatis SS. O-
mnium, ſalutauit eum nomine Collegij, *Albertus Rudnicius* Præ-
poſitus Varmieñ, Gneſneñ, Canonicus. Ita iam pacato, & ad
ſenſum tranquillitatis compoſito Epiſcopatu, Eccleſia Cathe-
dralis, omni decore, ornamento ſpoliata, hæreticorum impiā &
ſacrilegā barbarie profanata, ad priſtinum redijt ritum. Non-
niſi bina ſupererant altaria, maius *Luca* de *Allenſtein* Epiſcopi
ſumptu pro more antiquo erectum, & alterum Decani, quod
Fabianus Konopacius Decanus Varmieñ, Poſnaniē. Canonicus
Gneſneñ erigi curauerat. *Szyſkouius* omnem curam, conatum-
que vertit, ad Eccleſiam exornandā, pegma, Pani Euchariftico re-
ponendo, decens fieri, curauit : Vrnas binas argenteas, maiorem
& minorem pro conſeruando eodem pane comparauit. Et cū
in Diceceſi, omnes ferè Eccleſiæ à Suecis expilatae, pro pane An-
gelorum recondendo, arcuſas ægrè poſſent comparare, ſanctior
Szyſkouij liberalitas, hanc Sacram Curatiſ diſtribuit ſuppelleſti-
lem. Locum in *Springborg*, ſeu ad fontes Diuæ Virgini Matri
dicatum, ab antiquo miraculis clarum, voto concepto, ob Pruſ-
ſiam Epiſcopalem pacificatam, templo è Lateribus ædificato
exornauit, ibidemq; Sodales S. Franciſci Minoritas Obſeruan-
tes introduxit. Societatem IESV *Reſſelij* Domūs Regiæ bene-
ficentiæ fundatam, benignè, liberaliter fouit, eandemq; perpe-
tuo prouidit cenſu, cum ea obligatione, vt per Pruſſiam Epiſco-

palem Missiones frequentarentur, plebemq; vrbanam & villanam fidei Catholicae docerent rudimenta, ex societate Presbyteri. Erga *S. Franciscum Xauerium*, qui Indiarum audit Apostolus, mirè deuotus, etiam in remotum illum orbis tractum, liberalem extendit manum, aureum Calicem Goam misit, vbi Diui huius mortalitatis quiescit depositum. Amabat decorem domus DEI, & in hunc vsq; diem, in Ecclesia Varmieñ, beneficæ voluntatis eiusdem indicia visuntur. Exstat ferculum majus pro pane Angelorum, & effigies Diuæ Virginis Matris ex argento solido iusti pretij & ponderis; Vestes Sacræ non minoris sumptus. Episcopatum rexit cum eâ prudentiâ, cuius in hunc vsq; diem, grata viget recordatio; Clero, subditis clemens, etiam vbi erat opus seuerus. Ad Conuentus Regni Generales identidem excurrerebat, terrarumq; Prusiae non omittebat. Famulitium aluit decorum, splendidusque fuit in panibus. Omnino nihil eorum intermisit, quæ probi Antistitis, amantis bonum publicum Senatoris requirebat officium, sedit in hac Cathedra propè annos tredecem, cum morbus ab atrâ bile, Hypochondriam Medici vocant, eundem corripuit, adeo pertinax, vt omnem eluserit Medicorum industriam: accessit Lethargus, quo inualecente die Septima Februarij, Sacris procuratis Christianis mortalitatem expleuit. Testamentum nullum condidit, totaque hæreditas deuoluebatur ad Capitulum. Nihilominus interueniente *Vladislao IV. Fratri Germano Martino Szyskoui*, olim bonorum Spytkowice hæredi, tum & Patrueli Petro Castellano Woynicieñ, alijsq; Sanguine junctis, non minorem relictæ peculij partem Capitulum repræsentauit. Elato pro funere in Ecclesia Cathedrali, sermonem Epitaphium dixit, Ludouicus *Scrobkouicius* ex Sodalitio Minorum, qui vocantur obseruantes, meritò inter decora recensendus ingenia, olim *Martini Szyskoui*, *Andrea Lipsij*, Episcoporum Cracouiensium, literarum scriptor, ab iisdem, opimioribus auctus Sacerdotijs, ijsq; dimissis huic religiosæ se aggregauerat familiæ, in qua disertus, eruditusq; audiit Ecclesiastes. Cæterum nomen *Szyskoui*, totaq; domus extincta, non diù ijs fulsit splendoribus, quos honor Sacerdotij, tanquam potentia firmamentum in Equestrem congefferat Familiam. Ea fors versat omnia prospera, vt cum ad summum peruenerint, incremento non relinquant locum; veriùsq; scripturas, omnis potentatus vita brevis. Erexerit ad dextram Maioris, Altare *S. Caroli Boromæi & Sanctæ Rosalia*. Cuius & tumuli hæc inscriptio:

In Altaris Tumba.

V

DEO.

In S. Franciscum
Xauerium mi-
rè deuotus.

Eius donaria.

Omnibus ele-
mens.

Sedit in Cathedra
propè An-
nos XIII.

Moritur.

Sed quod sine
testamento do-
lendum.

Sermonem sy-
nebre habuit
Scrobkouici.

Quis iste
Scrobkouicius
fuit.

Familia Szysz-
koui bre-
ui extincta.

De Ecclesia Varmienſi

DEO OPT: MAX:

Diuiſque publicæ Sospitatis Tutelaribus, *Carolo Boromæo & Roſalia Virgini* Prouinciâ & Episcopatu Varmienſi à peſte liberato, voti reus & in poſterum beneficio fidens, Aram hanc perpetuæ gratitudinis & venerationis pignus, *Nicolaus Szyskowski* Episcopus Varmieñ, Anno Domini M. DC. XL. XVIII. Kal. Octobris erexit & dotauit.

In Lapide Sepulchrali.

D. O. M.

Nicolaus Szyskowski Episcopus Varmieñ hîc quieſcit. Tu qui legis, Nouiſſima cogitans, peccatorum eius veniam à DEO expoſce. Vixit Annos LIV. obiit *Heilsbergæ* die VII. Februarij Anno Chriſti M. DC. XLIII. *Noſter verò Senator ſic de illo ſcripſit.*

*Eheu quàm rarò reſpondent vltima primis.
Omnibus excultus fortunæ, animiq; talentis,
Urbanus, largus, prudens, generoſus; at ecce
Fit ſimilis puero, tetricus, lucemq; peroſus.*

XXVIII.

IOANNES CAROLVS
KONOPACKI,
Electus Episcopus Varmienſis.

Domus Konopaciorum antiqua.

Parentes eius.

Peregrinationes.

In Aula Regia perſeuerans.
Tandè Dibo-
uienſem accepit Præfecturam.


INter Pruthenorum veteres domos, *Konopaciorum* non poſtrema ab antiquo cenſebatur. Eorum aborigines in hac Prouinciâ, Palatinorum, Caſtellanorum currulibus, etiam ſanctioris poteſtatis ſplenduerunt Infulis. Ex hac prodiit ſtirpe *Ioannes Carolus*, *Matthiæ Culmenſis* Palatini, & *Elisabethæ Duſciæ* Filix *Ioannis Duſki*, Regni Theſaurarij Filius. Parens *Matthias* Vxore præmortua, à *Sigismundo III.* ad Culmeñ. euectus Cathedrali: Cui laudabiliter, aliquot præfuit annis, ac tandem fatiscedens, Culmenſe, in Eccleſia Cathedrali tumulatus. Eius parentis filius *Ioannes Carolus*, repetitis per Europam peregrinationibus, ingenium excoluit, ciuilemque collegit prudentiam. Quâ in tantum inclaruit Orbi Chriſtiano, vt etiam eum *Gregorius XIII.* ſuæ Boncompagnorum Familiæ adſciuerit, partito cum ipſo Inſigni Domûs ſuæ. In Aula *Sigismundi III.* etiam cum diſpendio patrimoniij ſatis diu meruit, nec niſi *Dibouienſem* Præfecturam non adeo ampli Censûs, pro tot anno-

rum

rum sumptuoso seruitio, quasi præmium obtinuit. In vltorio tandem ætatis flexu, & maior quinquagenario, aulicæ vitæ pertæsus, sanctiorem induit togā, & a *Vladislao Rege* post ascensum *Ioannis Lipski Ladicij ad Culmen*. Cathedram, eidem *Wachocen. Abbatia* collata. Abituriebat extra Regnum *Ioannes Casimirus Polonia Princeps*, eidem in Italiam, Genuam, indeq; Maritimo itinere, Hispanias visere agitati, Veteranus in Aulâ Regiâ

Sanctiorem induit togam.

Abbatiam Wachocensem obtinet,



Konopacius, comitem se viæ offert, adiungitque. Iter hoc improspere celsit, Principem memorabile aduersorum inuoluit ferie; neq; ab hac sorte immunis *Konopacius*. Nondum triremis Malsiliam peruenerat, quæ *Ioannem Casimirum* Principem, eiusque vehebat famulitium, *Ioannes Godofredus* Malsilien prodit, euulgatq; Magistratui, Principem Polonia Malsiliam intra biduum venturum. Vbi iam detentionis coquebantur consilia, *Champignio*, Gubernatore Prouinciæ satagente, vt ea deuenirent

Comes viæ Ioannis Casimiri destinatur.

Sed improspere.

Infidie ſtramon-
tur.

Præmonitur
Princeps.

Nauarchus de-
tinetur.

Requiſitus Ca-
ſteſi præfectus
ſurdis auribus
poſtulata ex-
cipit.

Imò Konopa-
cius retinetur.

Princeps dedu-
citur ad Ca-
ſtellum.

Qualiter tra-
ctabatur.

Fideliffimè ad-
hæret Principi.

Parifios dedu-
cit.

Redux in Pa-
triam Konopa-
cius.

Rediit & Prin-
ceps Ioannes
Caſimirus.

Konopacio cõ-
fertur Abbatia
Tynecenſis.

ad executionem. Nonnulli ex familiaribus Principis præſenſe-
rant hoc arcanum, circa detentionem Principis, etiam forenſi
plebi non incompertum : Cùmque de hoc præmonitus fuiſſet
Princeps, cymbam conſcendens ad triremem peruenit, quam
intrando, tutam, omniq; vacuam periculo ſperabat nauigatio-
nem. Vix triremis ſex Leucarum emenſa erat iter, & ad por-
tum Gallici iuris *Iour de boue* Gallicè dictum peruenerat, ac
propè vicinum eidem portui *Caſtellum Martegues*, jactis an-
choris triremis ſubſtiterat, primùm triremis illius Nauarchus,
in continentem euocatur & detinetur. Hæc vbi Princeps in-
tellexit, mittit *Konopacium* ad Caſtellanum, expoſtulatum, cur
tàm inciuiliter, amicæ & foederatæ Ciuitatis, triremis & Nauar-
chus detinetur? neq; vltra nauale hoc iter liceret continuare.
Surdis auribus excepta *Konopacij* requiſitio, quinimò, ipſemet
retentus, nec permiſſum illi ad Principem regredi. Non mi-
tior ſors parabatur *Ioanni Caſimiro*, qui ſi in continentem de-
ſcendere nollet, tormenta triremem quaſſatura fuerunt diſpo-
ſita. Inuitus ergò & minis magis, quàm precibus ex triremi
coactus egredi, ad ſupra memoratum deducitur Caſtellum, in-
de ſub militari cuſtodiâ *Salonam, Cifteronem*, deductus, arctiùſ-
que detentus, quâ ciuilitate & quibus humanitatis officijs, in il-
la detentione Princeps maectabatur, an honorabatur, qualiter-
que ſit libertati reſtitutus, ab alijs denarratum; Nos *Konopacij*
vitam proſequimur. Porro in illa viciffitudine, *Konopacius*
Principem non deſerebat, nec à Latere eius diſcedebat, donec
Aulæ Gallicæ mandato, *Parifios* migrare juſſus, vbi annum inte-
grum ſcenæ huius triſtioris, latum aliquem præſtolabatur Epi-
logum; quæ cùm in longum traheretur, redijt in Poloniam *Ko-
nopacius*, & in *Wachocen* morabatur Abbatia. Aulam ſubindè
reuifebat Regiam, quæ rem auguſtior, totque meritorum
Prælatum, non dubiâ opimioris Sacerdotij ſpe, ſolabatur. Re-
dierat iam ex hac Gallica detentione *Ioannes Caſmirus* Princeps.
qui Comitem, conſortemque ærumnarum ſuarum *Konopacium*
Fratri *Regi Vladislao* impenſius commendabat. Ceſſerat fatiſ
ſub id tempus *Iacobus Zadzik* Episcopus Cracouiẽ, ob exi-
mia in Eccleſiam, Rempub. merita, faſtis inſcriptis æternitatis.
Reſignauerat eidem ſucceſſorem *Vladislaus Rex, Petrum Gembi-
cium* Episcopum Præmyſſienſem, Supremum Regni Cancellariũ,
Abbatia Tynecen. Adminiſtratorem: quæ Abbatia tum vacans
ceſſit *Konopacio*, redditus Luculenti: rationibus ipſius interim
optimè conſultum, donec gradum & ſenſum maiorem aula de-

ſtinaret

stinaret. Neque diu erat expectandum. In Anno 1643. abiit è
vita *Nicolaus Szyskowski* Episcopus Varmieñ. Ad eam Cathedram
Pruthenum Indigenam, moribus suauem, vitâ integerrimum,
prudentiâ doctrinâ insignem, promouit *Vladislaus IV.* Capitu-
lum vnanimi elegit consensu. Procurabat in Vrbe Sacrorum
diplomatu expeditione, quæ priusquam vltra alpes peruenirent,
Konopacius Febri maligna correptus, vltimis diebus Decembr.
Anno 1643. in Abbatia Tynecen. maior sexagenario, morta-
litate expleuit, cum magnâ Christianæ pietatis significatione.
Diu satis mansit insepultus, etiam Fratre germano remissius hoc
Supremum curante officium. Exile satis & tenue reliquit pe-
culium, hocque forsan causauit, neglectum, an dilationem se-
pulturæ. Demum cum *Vladislaus Rex Cecilie Renata Vilna*
magno cum omnium dolore vitâ functæ, in Basilica Cathedrali
Cracouieñ, iusta perfolueret, *Georgius Ossolinus* Supremus Re-
gni Cancellarius, pro ea necessitudine amicitie, quæ illi cum
defuncto constans intercedebat, eundem tumulari curauit, in
Ecclesia illius Abbatie Religiosorum S. Benedicti. *Simon Sta-
rowolski* spectatæ integritatis & doctrinæ, Polyhistor Sarmati-
cus, sermonem funebrem scripsit *Konopacio*, qui in opere Con-
cionum illius exstat impressus, pro comperto affirmat, nonnisi
aureum vnum ab obitu *Konopacij*, in Arculâ Secretiori reper-
tum. Profecto palam erat omnibus, illum erogandi magis,
quàm corradendi denarij artem calluisse.

Breui Episco-
patus Varmi-
ensis.

Expeditionem
Romanâ more
præuenit.

Cui sepulturâ
procurat Geor-
gius Ossolini.

*Comis, linguarum gnarus, morumque; peritus;
Splendidus, & cunctis Regali gratus in aulâ.
Consensu obtento Romam, dum gestit adire
Heilsbergam; in Claustro Tynecensi è corpore migrat.*

XXIX. VENCESLAVS COMES

De Lefzno
LESZCZYNSKI,
Episcopus Varmiensis.

COæua Religioni & Regno, Comitum de Lefzno Domus,
ex *Bohemia* in *Poloniam* migravit. Constans maiorum
habet traditio, in Comitatu *Dambrowcæ*, filie *Boleslai*
Bohemorum Principis, *Miecislai* primi *Polonorum* Christiani
Principis Coniugis, *Nobilem Perstinium*, venisse in *Poloniam*, fa-

Familia Le-
sczyniorû an-
tiquissima in
flore.

miliæque *Leſczyńſium* fuiſſe authorem. Quæſitæ ab-eodem poſteriſque eius amplæ circa fines Sileſiæ poſſeſſiones, & nunc haud interruptâ ſerie, eiufdem Illuſtriſſimæ Domûs, longa & auita præferentis decora, ſunt hæreditas. Vidit parentum & noſtra ætas; quod præſciñe, raræ dixerim felicitatis: quatuor Cancellarios, Ciuili prudentia eminentes, & Patriæ commodis vnicè intentos. Cæteros heroes recensere non mihi in procliui,



De quâ Tuar.
dotius ſatis
fuſe.

Nāſcitur Ven.
ceſlaus.

quorum nomina, in Eccleſiam, Remp. merita, viuunt perennant in ſeræ poſteritatis memoriâ. Graphicè ſatis & felici venâ hæc complexus *Samuel Twardouiſius*, in ſuo poëmæ, cui titulus: *Palatinum Leſnẽſe*, linguâ vernaculâ, juris publici factò, inſcriptoq; *Boguslao* Comiti in *Leſno*, maioris Poloniæ Generali, poſt Supremo Regni Theſaurario, demùm Regni Pro-Cancellario, ad quem Lectorem remittimus. Ex his ortus maioribus *Venceslaus Comes de Leſno*, editus in hanc lucem Anno ſupra Mil-
linum,

simum, Sexcentesimo, quinto, Augusti decimâ quintâ, qui dies
 Diuæ Virgini Matri, ad cælos assumptæ sacer. Geminos omi-
 ne felici contigit nasci. Prior & quasi Maior natu *Præclaus*, qui
 Sremensis Castellanus, deinde Palatinus Derpatensis, Capitane-
 us *Wschouen*, seu *Franstadiensis*, quadriennio à morte *Venceslai*
 obiit: Cùm *Venceslaus* secundo genitus & quasi junior è vita
 prior migrauerit. Pater erat *Andreas Comes* in *Leßno*, Palati-
 nus *Bresten* Cuiavia, *Nacensis* Capitaneus, qui illâ tempestate
 hæreticorum fuit Antesignanus, & qui in Pseudosynodo Hæ-
 reticorum *Thorunen*. 1595. congregata, seueriori; edicto Re-
 gio improbatâ, quasi caput & præses, illius audiuit conciliabuli,
 prout ex Actis eiusdem constat impressis: obiitq; in Anno 1606.
 Calvinismi pertinax extra gremium Ecclesiæ. Mater erat *So-
 phia* de *Bnin* *Opalenia*, *Ioannis* Castellani *Rogoznen* filia, ger-
 mana *Petri* & *Ioannis* Palatinorum *Posnaniensium*, continuato
 succedentium ordine soror *Patruelis* *Andreae Posnaniensis Epi-
 scopi*, *Luca* Supremi Regni *Poloniæ* *Marschalci*, foemina præsci
 moris, religionis *Orthodoxæ*, zelo, pietate, sanctioris æui non
 impar Matronis. Orba marito in ipso flore ætatis, omnem cu-
 ram conatumq; vertit, ad prolem in fide *Catholica* educandam.
 Erat frater maior *Raphael*, qui Castellanus *Vislicen* post *Beizen-
 sis* fuit Palatinus, prioris Conjugis *Firleæ* Filia *Castellani* *Lubli-
 nen* à teneris dogmate *Caluiniano* innutritus, eiusdem ingens
 fautor: is tutelam sibi naturalem arrogans, omni studio con-
 tendebat, *Ioannem* natu Maiorem; qui Supremus Regni *Can-
 cellarius*, tandem Palatinus obiit *Cracouien*, hosq; altè memo-
 ratos geminos, à maternâ abstrahere educatione, & heterodo-
 xâ *Caluini* imbuiere sectâ. Fatigabat forensi strepitu optimam
 Matrem, oppidoque anxiam & sollicitam circa institutionem in
 fide *Catholica*. Animo, subitis casibus maiore, ex illis litium
 euasit molestijs, fratribus *Opalenijs* auxilium, consilium sugge-
 rentibus. Vernantes ætatis Annos, in *Posnaniens* Societatis *Iesu*
Gymnasio, humaniori excoli literaturâ Mater curauit, & ne vis
 aliqua *Venceslaum* ad Hæreticam abstraheret Scholam, in *Mo-
 nasterio* *Sodalium S. Francisci* de *Observantia*, Scholis Societatis
 vicino, prouidit domicilium, & mensam. Maturiore in *Ger-
 maniam*, *Italiam* expediuit, adjuncto parastatâ, comiteq; itine-
 ris, *Ioanne* de *Zalesie* *Baykouio*, Canonico *Posnaniens*, post *Epi-
 scopo* *Ennensi*, *Suffraganeo* *Posnaniens*, integerrimi moris, com-
 pertaq; virtutis *Prælato*. Germaniâ Italiâque lustratâ, etiam
 grauioribus eruditus studijs redijt in *Poloniam*, indutus sanctio-

Pater eius.

Mater.

Mulier piissi-
ma.

Eius cura circa
prolem.

Opponit se
frater maior
natu *Caluinia-
no* dogmate in-
notatus.

Litem mouet
Matri fratru &
sua Nouerca.

Quam pia mu-
lier superauit.

Venceslaus
Posnan relin-
quitur.

Præclaus in Ex-
teras nationes
expeditur.

Redux ad Au-
lam se confert.
 Fit Secretari⁹.
 Illius in Aula
consanguinei.
 Sed viuentē Si-
gismundo præ-
ter spem, nihil
obtinnit.
 Moritur Sigi-
smundus.
 Eligitur Vla-
dislaus,
 Canonicatum
Crac. & Præ-
positurâ Lan-
ciensem obti-
net.
 Lucas Opale-
nius in Exteras
nationes di-
scedit.
 Adiungit se illi
Leszczynius,
 Et in Galliam
se confert.
 Gnesnæ sacri
initatus,
 Cracouiæ fre-
quens mora-
batur.
 Ad Tribunal
multoties de-
putatus.
 Referendarius
Regni decla-
ratur.
 rem togam, in Aulâ comparuit Regiâ, ac in censum Secretario-
rum, à *Sigismundo III.* transcriptus. Viuebant in aulâ & orbe
Polono, magna nomina, cum quibus propinquior sanguinis ne-
xus intercedebat *Leszczynio*, eius Patruus, *Venceslaus Comes* de
Lesno, Supremus Regni Cancellarius, maioris Poloniae Genera-
lis; *Nicolaus* de *Podhaice Wolski* Supremus Regni Poloniae Mar-
schalcus, *Lucas Opalenski* Curiae Regni Marschalcus, qui fauo-
re, gratia, apud *Sigismundum Regem* pollebant: Hinc pronum
erat *Leszczynio*, ad aliquem opimioris fortunæ assurgere gra-
dum, tantis attollentibus Patronis. A viuentē *Sigismundo* nihil
præter spem obtinnit, sumptuque indigens, aulicum seruitium
domesticis sustentabat impensis. Quasi de industriâ cælitus re-
seruata fuisset, aucta, consummataq; eius dignitas *Vladislao IV.*
Neq; longum abiit tempus, cum *Sigismundus III.* ob mortem
Constantiæ Reginae, mœrore ætate languidus, catarrho extingui-
tur. Assumitur ad Thronum, magno totius Regni applausu
Vladislaus IV. Patruem *Venceslai*, *Andream*, qui Episcopus
Culmen. & Cancellarius Regni, demum Gnesnē obiit Archie-
piscopus, Abbatia Premientensi tum vacante prouidit, à quo bi-
na dimissa Sacerdotia, Canonicatum Cracouiē, Præposituram
Lanciensem contulit *Leszczynio*, hoc liberaliori fultus stipendio,
in aula mansit aliquantisper. Excurrebat tum in Italiam *Lucas*
Opalenius Supremus Regni Poloniae Marschalcus, cui se comi-
tem adiungit *Leszczynius*. Porro illo in Poloniam redeunte, *Le-*
szczynius abiit in Galliam, vbi supra biennium commoratus, lin-
guæ Gallicæ, ad elegantiam redijt gnarus. Sacerdotio in Me-
tropolitana Gnesnē Ecclesia initiatus, cuius postmodum fuit
sponsus & Archiepiscopus. Aulam subindē visebat Cracouiæ
frequens morabatur. Iudex illius sacri Collegij ad Tribunal
Deputatus, eam functionem, cum eximiâ integritatis obiuit
commendatione, & in Anno 1643. eandem exercebat functio-
nem. Vacabat tum in Aula Referendariatus Regni post ascen-
sum *Alexandri Trzebinij*, ad Episcopatum Præmysliē & Procan-
cellariatum Regni. Multi in Aulâ præsentēs ad illud officium
spe, votis aspirabant. Absentis *Leszczynij* egere causam *Gaspar*
Comes à Donhoff Palatinus Siradiē, *Lucas Opalenius* Supremus
Regni Marschalcus; effeceruntque vt Regni à Rege declaratus
fuerit Referendarius, additâ Płocensi Præpositurâ tum vacante,
amplioris redditus Prælaturâ. Non integro biennio egit Refe-
rendarium, & Regiâ commendatione ad Varmienē euasit Cathe-
dram. Erat tum Vilnæ Rex *Vladislaus*, cum nuntius mortis, lo-

annis Caroli Konopacij ad Aulam peruenisset. *Ceciliâ Renatâ* Reginâ promouente, Rex designauit *Leszczynium* Konopacio Successorem, Regiâq; fultus commendatione, à Capitulo electus, Nuntio Regio *Stanislaus Kobierzycki*, Castellano Gedaneñ, deinde Pomeraniæ Palatino, genere, probitate, literis perinfigni, negotium conficiente. Varſauia in Anno 1644. peractâ Consecratione, venit in Prouinciam. Ad Sponsam, Ecclesiam Cathedralem secundâ Augusti in Anno 1644. primum habuit ingressum. Regimen Episcopatus, eximiâ temperauit benignitate. Erat tûm *Vladislaus Rex* viduus, fatis sublatâ *Ceciliâ Renatâ* Vilnæ, eademq; in Basilica Cracouiensî sepultâ, de innouandis Matrimonij votis, agitabat consilia, quæ in eum abiêre euentum, vt ex Gallia *Mariam Ludouicam*, *Caroli Gonzagæ*, *Mantua* in Italia, & *Niuerniæ* in Gallia Ducis Filiam, sociam thori & throni præoptaret. Præmiserat in Galliam, *Gerardum* Comitem *Donhoffum* Palatinum Pomeraniæ, pactorum connubialium arbitrum. Porro ad Sponsam deducendam designauit Legatos, *Leszczynium* Varmien Episcopum, *Christophorum Opalenium* Posnaniens Palatinum, Fratres Consobrinos, tanto negotio pares, Palatinus Posnaniens cum amplo & splendido Polonæ iuuentutis comitatu, terrestri pergens itinere, commodè fatis viam hanc longinquam confecit: *Leszczynius* conductis Dantisci nauibus, Lubecam versûs maritimû ingressus iter, cum suo famulitio, atroci iactatus tempestate, totq; nauigationis incommoda perpeſsus, seriûs Palatinum assecutus, simul tandem, sub finem Octobris Parisios ingressi, aulam Gallicam, totumq; populum Parisios confluentem, ad illudq; spectaculum effusum, in admirationem traxerunt. Cultus, vestitus Polonus, in illis oris incognitus, non leui quæſitus pretio, equi generosiores, peritiâ equitandi, Scenam illam aut pompam, Aulæ populo, gratam amantemq; adornabant. Exstat Poëma *Andreae Kanon* Societatis IESV, orbi literato non ignoti, publici juris, super eâ Legatorum expeditione in Galliam, inscriptum *Luca Opalenio*, Palatini, Fratri Germano, Succamerario Posnaniens. qui obiit in Anno 1662. Varſauia, Curia Regni Mareschalcus, Vir egregiè probus & Polonorum doctissimus. Ingressu hoc peracto quintâ Nouembris in Anno 1645. in Regia Capella, *Ludouicâ Mariâ* desponsatâ *Vladislao IV.* Paranymphegit personam, Palatinus Posnaniens, *Leszczynius* primum pro Sponsa *Vladislao* impetrandâ, perorauit ad Gallia Reginam, præſente *Ludouico XIV.* Galliarum Rege tûm octenni. Postmodum jux-

Confertur illi Episcopatus Varmienſis.

Consecratur Varſauia.

Eius aduentus ad Sponsam.

Cecilia Renata moritur.

Maria Ludouica in sociâ thori & throni designatur.

Præmittitur in Gallias Comes à Donhoff.

Legatio comittitur Leszczynio & Opalenio.

Palatinus terrestri itineri se accinxit.

Leszczynius maritimû ingressus iter.

Eorum ingressus Parisios.

Leszczynius perorat pro Sponsa.

Deducitur in
Poloniam.

Peractâ legati-
onis functione
ad Episcopatû
reuertitur.

Mors Vladi-
slai IV.

Concurrentia
Fratrû ad Sce-
ptrum.

In qua ſopien-
da enituit pra-
dentia Leſczy-
nij.

Post electionē
redit ad ſpon-
ſam.

Romam excur-
rit Iubilei ma-
gni cōſequen-
di.

Redux pericli-
tanti Patriæ
milite proprio
ſuccurrit.

Ætate ingra-
ueſcente debi-
lior in dies.

ra Eccleſiæ Catholicæ ritum, illi aſtitit matrimonio; ſeruatis cir-
ca talem actum conſuetis ceremonijs. Hiſce conſectis Epi-
ſcopus & Palatinus, Pariſijs; aulâ Gallicâ ſalutatâ, in Poloniam,
abeuntem *Ludouicam Mariam* comitantur, quæ tam longin-
quo, per tot terrarum tractus *Gedanum*, inde *Varſauiam* vn-
decimâ Martij peruenit. Aduenientem in Baſilica Varſau-
enſi. *S. Ioannis Baptiſtæ*, Rex *Vladislaus* ſalutauit. Matrimoni-
um ante Pariſijs, per Legatum Plenipotentiarium contractum,
Ioannes de Torres, Archiepiſcopus Adrianopolitanus, Nuntius
Apoſtolicus confirmauit. Cæterum *Leſczynius*, tam longin-
quo ſumptuoſoq; conſecto itinere, ad Episcopatum redijt, vbi
comitatu illo numeroſo dimiſſo, de nominibus diſpungendis,
quæ grandia contraxerat, ad eam functionem glorioſè perho-
norificèq; obeundam, modum rationemq; inijt, quod quidem
exactè præſtitit. Episcopatum rexit ſingulari animi modera-
tione, Conuentibus terrarum Prusiæ, frequens intererat. Se-
cutâ morte *Vladislai IV.* designatæ ab Ordinibus Regni electio-
ni præſens interfuit. Præter exardeſcentem Coſacorum re-
bellionis flammam, aliquæ *Principum Fratrum*, bonum publicû
impediebant ſimultates. Vterq; ſtudijs, ſuffragijs, circa or-
tum ſceptrum diſtrahebat Rempublicam. Nonnulli Procerum,
Ciuiſi prudentiâ eximij, ijs componendis allaborabant, quos
inter *Leſczynius* ſuaſit, effecitq; vt *Carolus Ferdinandus*, in
Ioannem Caſimirum ſpem vt vota transferret. Eodem tempo-
re Varſauia conſecrauit, in templo tûm ligneo Clericorum pau-
perum. Matris DEI, *Albertum Pilchowicz*, Episcopum Hiponenſi,
Suffraganeum & Canonicum Varmienſi, Suceſſorem Michaëlis
Działynij, Episcopi Camenecenſi. Abbatis Mogilnenſi. Electione
Ioannis Caſimiri feliciter completâ, abiit in Episcopatum. Erat
in propinquo annus Sanctus Iubilei magni, quem *Leſczynius*,
vt in ipſa Metropoli conſequeretur, Romam excurrit, vbi à Sum-
mo Pontifice *Innocentio X.* à Sacro Cardinalium Collegio per
humaniter exceptus; Romæ ob morum ſuauitatem omnibus
gratus. Româ redux, belli Coſacici glifcente incendio, Eque-
ſtrem vt vocât Raytarorum Cohortem proprijs auctoratam im-
penſis, ad Caſtra expediuit. Incipiebat iam tentari hæredita-
rio arthritidis morbo, ad eum leniendum quaſiuit fomenta, in
acidulis Badenſibus, quarû inefficax remedium nihil iuuuit, cûm
ætate ingraueſcente, debilitate pedum ita fuerit correptus, vt
nonniſi ſellâ geſtaretur. Enimuerò Coſacicæ rebellionis gra-
uem Regno tumultum, grauior atrociorq; belli aquilonaris tem-

pestas ingens, aduersorum additamentum exaggerauit. Quasi non sufficeret, Regno pessundando, interna hæc vis, etiam externis armis; & furore Suetico aggredienda & spolianda erat Polonia. Cesserat throno & Regno, *Christina filia Gustau Adolphi*; Eidem ab ordinibus suffectus *Carolus Gustauus*, ex domo Palatina Bipontina, *Gustau* sororis filius. Primum facinus noui Principatus, moliri occipiebat, agitabatq; consilia, belli in Poloniam transferendi. Equidem erat in procliui, tot cladi- bus fessam attritamq; inuadere Poloniam. Causa fomesq; belli, præcipuus titulus Regni Sueciæ, à *Sigismundo*, *Vladislao*, etiam à *Ioanne Casimiro*, peruicaciùs retentus vsurpatusq; neq; in Literis ad Regem Sueciæ recenter Coronatum, iuxta præscriptum pactorum Stundorffien- sium, cum triplici & cætera scriptus: insuper in iisdem literis in cautiùs à scriptore Literarum, ut mos regnantium, scripti, additiq; anni Regnorum. Illud verò magis pensiculatè, à Sueticâ libratum aulâ, & pro motiuo belli inferendi arreptum, dùm circa actum, Coronationis *Caroli Gustau*, Regis Poloniæ internuntius, *Canasilius* Natione Gal- lus, publicè Coronationi *Caroli Gustau* reclamauit, inscio Senatu & Ordinibus Regni, eo tamen ipso, & hac intercessione, pacta induciasq; abruptas, Aula *Suetica* conficiebat euincebatq; subitò Præliminaris narratio Causarum belli Polonis inferendi, quasi clarigatio in lucem protrusa; cui scripto, cum omni latini sermonis, & ciuilibus prudentiæ grauitate, respondit, *Gregorius Borastus*, Cracouiens, Varmiens Canonicus, natione Suecus, probitate doctrinâ eximius, cum eo titulo Causæ præliminares limatæ, & eliminatæ. Ac tanti Poloniæ constitit titulus ille à Regibus, nullo fructu commodoq; verum cum ingenti Regni iacturâ, & summo discrimine, pertinacius retentus, Suecisq; enixius deposcentibus non dimissus, aliàs pacificationem perpetuam, & ablatorum restitutionem offerentibus. Herebat iam in Pomerania conscriptus Suecorum exercitus, cui præerat *Arfardus Wirtembergius*, eundem Regis mandato, ad fines maioris Poloniæ promouit. Nec adeò validum militiæ Sueticæ robur erat, quin à nostris opprimi posset. Duorum Palatinatum Nobilitas *Posnaniens*. & *Calissiens*, ad amnem *Notessum*, propè Oppidum *Vicie* ad arma euocata, Castra posuerat. Æmulatio inter ductores nobilitatis, offensæ contra Aulam, occasionem rei benegerendæ cum Suecis euerterunt: & aliquo tractatu cum *Wirtembergio*, protectione Regis Sueciæ acceptatâ clausaq; Nobilitas tumultuariè domum abiit, hocq; specioso pro-

Rex Sueciæ
bellum intere-
dum Polonis
proponit.

Causa Belli.

Grauior offen-
sa.

Miles Sueticus
Wirtembergio
duce in Pome-
rania.

In maiorem
Poloniam pro-
mouetur.

Protectio Re-
gis Sueciæ ac-
cipitur.

Ioannes Brane-
cki Suffragane-
us Poſnani. oc-
ciditur à Pro-
tectionibus.

Rex Sueciæ re-
gnum ingredi-
tur & occupat
Vrbes.

Etiā in Pruſ-
ſia

Gedanum con-
ſans non cre-
didit Prote-
ctori.

Hoc idem ma-
lum ſenſit Epi-
ſcopatus Var-
mienſis.

Collectio à S.
ſede indiſta.

Ad reſtituendā
Legē publica
contra.

Episcop⁹ Var-
mien. Regio-
montum ſe
conſert.

Eccleſia Regi-
omonti reco-
gnoſcit ſuū E-
piſcopum Var-
mien.

Elect⁹ pro-
miſit Proteſti-
onem Pruſſiæ.

Sed ſine effe-
ctu.

reſtoris illeſta titulo, inuaſori Regni Sueco portas aperuit. Poſnaniā, Califfium, Suetica inſedera præſidia. In ædes ſacras, domos Nobilium, omni prædandi rapiendiq; graſſabantur li-
centiā. Nec à cædibus innocentum abſtinuere; etiam Sacri
Ordinis *Ioannem Branecium* Episcopum Ennensem Suffragane-
um Poſnaniensem, in pago hæreditario Srodensi Oppido vicino,
dum humanius inuaſores excipit tractatq; ab ijs pilis plum-
beis interimitur, totaq; ſuppellex diripitur. Superuenit cum alio
exercitu Rex Sueciæ, Regnum ingreſſus, *Cracouiam*, *Varſauiam*,
& vtramq; *Poloniam*, vno deoccupauit impetu. Etiam in Pruſ-
ſiam fulminis inſtar furor hic Suecus penetrauit. *Thorunium*
Elbinga, *Mariæburgum*, aliaq; loca, Suecum patentibus excepere
portis. Solum *Gedanum* ſupererat, quod conſtātem &
intemeratam fidem, Regi & Regno ſeruauit: ſumptu maximo
terrā mariq; Suecorum inſultus aut morabatur, aut propulſabat.
Acerbam hanc ſortem, ſenſit Episcopatus Varmienſis. & rapacita-
tem non euitauit Sueticam. Sacra tamen Eccleſiaſtica ſupellex,
tempeſtiuè nauibus aueſta *Gedanum*, in ſecuro manſit. Argenti
nihilominus & auri potior pars, Summo Pontifice indulgen-
te, publicæ data neceſſitati, etiam inſigne & Baſilicum donari-
um *Ioannis Alberti* Principis, Statua *S. Andreae* ex auro ſolido, li-
brarum aliquot decades fiſco ceſſit, & alia per Regnum Eccle-
ſiæ, coactæ hanc ſanctiorem depromere gazam. Aliquam te-
ſtificando gratitudinem Ordines Regni, lege cauerunt publi-
cā, argenti ab Eccleſijs accepti reſtitutionem, quod ſperandum
in Anno magno Platonis. Interim Canonici ob ingruentem
hoſtilitatem, Eccleſiā deſertā, ad tutiora reſceſſerant. Episcop⁹
abiit Regiomontum, & ſub amici, domuiq; ſuæ beneuoli Prin-
cipis vmbra, in tam flagranti periculo quaſiuit ſecuritatem.
Neq; Regiomontum extra curam paſtorales Varmienſis. Episco-
pi; ſuberat olim Sambienſis. Episcop⁹, eius titulum Varmienſis. v-
ſurpat Episcop⁹, cum redditus Lutheraniſmo in Pruſſia Ducali
inualeſcente, in profanam & heterodoxam abiere dominatio-
nem. Eccleſia Catholica, quæ ibi exſtat, recognoſcit Ordina-
rium Episcopum Varmienſis. Fecerat aliquam ſpem Elect⁹ *Bran-
deburgicus*, etiam in Conuentu Generali terrarum Pruſſiæ, id-
ipſum per ſuum declarauerat Ablegatum, Pruſſiæ Regalis, ab
ingruente hoſtilitate deſenſandæ, armaque Suecis opponen-
di: verum proſperi Suecorum ſucceſſus, totaque Pruſſia Re-
galis occupata, ad alia conſilia flexit Electorem. Aliqui Polo-
ni exercitus Tribuni, cum ſuis legionibus in partes Sueci tran-

fierant,

stierant, in Prussiamq; aduentantes cum *Brandenburgicâ* militiâ
aleam Martis tentârunt, quæ cûm Brandenburgicis improspere
successisset, ad media pacificationis cû Sueco Elector inclinabat.
Non otiosè Regiomonti egit *Leszczynius*, vnâ cum *Vincentio*
Coruino Gasiuio, Supremo M. Ducatus Lithuaniae Thesaurario,
ibidem Campestris Militiæ Præfecto, aulâ non insciâ pertrahe-
bat Electorem in partes Regis & Regni; qui duntaxat id præ-
tendebat, vt ex Ducali Prussia ad aulam tollerentur appellation-
nes: insuper summam aliquam notabilem, pro Stipendijs Polo-
næ offerebat militiæ. Cæteroqui nonnullorum opera, qui ni-
hil in Repub. præclarum existimant, nisi quod ab ijs repertum
consultumq; tractatus ille reprobatus, contemptimq; habitus,
etiam Regi hisce susurrantibus displicuit. Aderant in aula præ-
sentes Cancellarij & Ministri status, *Stephanus Coricinius* Supre-
mus Regni Cancellarius, *Andreas Trzebicius* Episcopus Præmy-
slien. Minor Regni Cancellarius, illi tractatum à *Leszczynio* &
Gasiuio cum *Brandenburgico* conclusum, ratum haberi conten-
debant: præualuit priuatorum sinistra & maleuola informatio,
qui offensi *Leszczynio*, eundem citra omnem culpam, sequiori-
bus apud Regem onerauerant delationibus. Cûm ille nihil
intermiserit, donarijs, Largitionibus aulam Electoralem molli-
endo, ne fides Catholica in Prussia Episcopali periclitaretur.
Et iam Elector, prosperis Suecorum expensis, quorum exercitus
totam inundauerat Prussiam Regulam, metuensq; ne & Duca-
lis nutaret, aut dominationem mutaret, primùm per occultio-
res Internuntios cum Sueco confert, postmodum ipsemet *Bar-*
zensteinij, Oppido Prussiae Ducalis, quarto ab *Heilsbergâ* lapide
congressus, pro mutuâ securitate iniit pacta, in dominium trans-
scribebatur Electoris: qui nullâ vsus morâ, præsidia per Oppi-
da disposuit, eamq; patrimonij Christi portionem, Prussiae Du-
cali vnire, aggregareq; intendebat. *Frauenburga*, vbi Cathe-
dralis Ecclesia, *Brunsb erga*, quæ prima in Polonia, nascentem
excepit Societatem IESV, primaria Episcopatus Ciuitas, *Hebo*
& *Passeria*, quæ ibidem in Habum influit, adjacens, firmiori in-
fessa præsidio. De amouendâ inde societate, agitari consilium,
præsenferat in Aula Electorali *Leszczynius*, hoc ne ad effectum
deueniret, Calviniani dogmatis Prædicatorem, qui Consorti E-
lectoris, quasi Consiliarius erat, (si Dijs placet) spiritualis, non
leui obligauit honorario, hic causam Soc: Iesu feliciter egit per-
fecitq; vt *Braunsbergæ* remaneret. Hæc & alia didici narran-
te *Leszczynio* Domino Patrono meo beneficentissimo. Totum

Regiomonti nō
otiosè Leszczy-
nius.

Vnâ cum Gasiuio.

Eorum bonâ
opera repro-
bata.

Priuatorum si-
nistra infor-
matione.

Electori init
pacta cum
Sueco.

Episcopatus
Varm. in Do-
minij cedit
Electori.

Cuius Arces &
Ciuitates po-
tenti præsidio
munit.

Leszczynius
suâ prudentiâ
retinuit Patres
Soc: IESV.

Lubomirscij
fides in Regē
ac Virtutes

Regem ab Exi-
lio reuocat.

Tartaros in au-
xilium con-
ducit.

Rakocium fu-
dit.

Graudentum
expugnat.

Thoruniū op-
pugnat.

Pacē cum Sue-
co composuit.

Potentiam Mo-
schorum attri-
uit.

Stephanus
Czarnecki he-
ros magnani-
mus Suecos nō
semel fudit.

Vicissitudinem
fortunæ Sueco-
rum cōsiderat.
Electōr Bran-
deburgicus.

Committit ne-
gotium traſta-
tus Leſzczynio
& Gaſienio,

Episcopatum pro libitu Elector, exactionibus, Militum Statiuis prægrauabat *Allensteinum, Melsaccum*, Domini Capitularis loca, gemebant in hac incude tribulationis. Interim fauentius benigniusq; cælum, toti Poloniae feliciores disponebat transitus. Subita illa & nimia Suecorum fortuna, languescebat, suumq; relinquebat Victorem trepida nimis ad nomen *Georgij Lubomirscij* nunquam partibus Suericis adhærentis; qui Exercitum Polonum, fortunam Suecorum sequentem, ad fidem Regis ac Reipub. defendendamq; Patriam, inauditâ prudentiâ reuocauit; *Regi Casimiro* è Silesia vbi reclinauerat, (quem ante aliquot annos suâ prudentiâ Regem creauerat) Regnum restituit, ac Coronam Thesaurumq; Regni conseruauit, feliciterq; eundē ad propriam sedem reduxit. *Magnum Tartarorum Chanum* cum ingenti Exercitu (cum quo illi ab antiquo stricta fuit amicitia) contra Suecos proprio ære adsciuit. *Rakocium Transyluaniae*, Suerici belli contra Polonos socium, vastatis partibus Hungariae, illo in Polonia commorante, gloriosè è finibus Poloniae pepulit, fuso ad internationem eius exercitu, Ducibus in captiuitatem Tartarorum redactis. Meretur & inde nominis famam immortalis idem *Lubomirscius*, quod Graudentum summâ prudentia expugnauit. Thorunium ingenti apparatu bellico, & ingenti fortitudine oppugnauit & prosperè expugnauit, Suecis ab hinc inuincibilem iniecit terrorem, cum quibus tandem pacem Oliuæ composuit. Deniq; *Seremetum Moschorum* Ducem, ad *Cudnouiam Cosacorum* viribus, Duce Czeçiurâ potentissimum ad internationem deleuit, stupendamq; ac Posteritati admirandam reportauit Victoriam: sed tanti Viri heroicis ausibus & gestis immortalibus, nec vna dies, nec vna sufficit pagina. Dedere tunc boni Cælites felicitati Polonorum & alium non dissimilem priori, Virum *Stephanum Czarnecium* Castellatum Kiiouensem & deinde Palatinum, in omnes casus belli expeditum, qui Suecum pariter pluribus in locis, incredibili celeritate vsus, victricibus armis oppressit, & vires infensas in tantum fregit, vt faustos ab initio Suecorum progressus, nulli nixos iustitiæ, tristis terminaret catastrophe. Hæc vbi prosperè in rem Polonorum geruntur, expendebat Elector successus Sueci, fatali obnoxios vicissitudini, rotamq; fortunæ erga Suecos pronioris, breuius verterendam permutandamq; fore. Nec alieno erat animo à resumendo tractatu, quo rebus Suecorum inclinatis suæ consularet securitati. Commissum datumq; negotium *Leſzczynio* Regio-monti commoranti, tū & *Vincentio Coruino Gaſienio* Supremo

M. D. Lithuaniae Thesaurario, & Campestris Militiae Praefecto, cum Electore paciscendi, & qui (vt supra memoratum) aliquorum susurris interuerso tractatu, centena millia Imperialium, in ararium Regni pollicebatur se illaturum, modo cum suprema potestate Ducalem gubernaret Prussiam. Nec onerosum erat, cum Electore taliter pacisci. Verum Elector transactione Sueticâ, tum & Episcopatus Varmien apprehensione elatus, oppido in praegraues conuenit conditiones, quas hic attexere prolixum & superfluum. Prussia Episcopalis vigore horum pactorum, exempta à praetenso Dominio Electorali, pleniq; iuris possessio, Episcopo & Capitulo, asserta, vindicataque, etiam miles Electoralis excessit, & in Prussiam migravit Ducalem. *Frauenburgum* nihilominus & *Braunsberg* ab Electorali praesidio retenta mansit ad Annum Dñi 1663. eoque tandem Anno, asserta in libertatem, excedente militiâ Electorali. Pacta de quibus supra confecit *Lesczynius* & *Gasieuius* cum Electore *Welauiæ* 1657. 19. Mensis Septembris, approbata & confirmata à Rege *Casimiro Brombergæ* seu *Bidgostiae* eodem Anno 6. men. Nouembris. Necdum verò bellico hoc fragore consulescente, *Lesczynius*, ea quæ sunt potestatis Episcopalis implebat. *Sceburgi* in Ecclesia illius Oppidi Parochiali consecrauit *Thomam* de *Rupniem Vieyski* Episcopum *Kiiouien*. Praepositum *Varmien*. Abbatem *Plocen*, qui raro exemplo, insulam in Anno 1677. cum religiosa Societatis IESV permutauit lacernâ, & post eam tempestatem latior & pacatior status redibat Episcopatu. Quamuis *Elbinga*, *Mariaburgum*, in propinquâ viciniâ metum terroremque spargebant, Suecis ibidem latitantibus, quorum excursiones Polonæ Militiæ cohortes, in Episcopatu consistentes reprimebant. Tandem illa formidabilis Suecorum potentia iam decreuerat, totq; cladibus à Polonâ militiâ illatis, vix trahebat spiritum, nec nisi *Elbinga* & *Mariaburgi* hi corui braccati, quasi in nidis aliquibus delitescabant. Superuenit Gallica mediatio, quæ mutuas diremit acies & annorum aliquot truci finem posuit classico. *Oliuenses* pacis tractatus, tot cladibus, deuastationibus optatam superinduxere tranquillitatem. Verum non diu *Lesczynio* in Episcopatu, ad sensum pacis composito, morari permissum. Viuere desierat eius Patruelis *Andreas Comes* de *Lesno* Archiepiscopus *Gnesnen*. in Anno 1658. nec quidquam ambientem, imò inuitum & reluctantem, Rex nominauit Archiepiscopum *Gnesnen*. ad tantumq; pertraxit gradum, qui in *Varmien*. Ecclesia tumultum iam cogitatione impleuerat. In

Prussia Episcopalis exempta à praetenso Dominio Electorali.

Frauenburgum & *Braunsberg* ab eodem occupata.

Pacta cum Electore approbantur.

Lesczynij A. & in suo Episcopatu.

Suecorum vana arrogantia.

Eorum potentia attrita.

Mediatio Gallica pacem Oliuæ conclusit.

Mors *Andreas* *Lesczynij* Archiep. *Gnesnae*.

Declaratur *Venceslaus* Patruelis defuncti in Archiepiscopum.

Anno

Ei⁹ in Episco-
patu Varmienſi.
virtutes.

Virorum do-
ctorū æſtima-
tor & cenſor.

Hirtenbergij
Paſtoris.

Stoffelij.

Nowieyſcij &
aliorum opera
utebatur.

Multos ad fidē
reduxit.

Iuuenes nobi-
les fouit in
ſcholis.

Pauperes ſu-
bleuabat.

Ædificia & Ar-
ces Vetuſtate
conſumptas
reſtaurabat.

Moritur Lyſco-
uicijs.

Sepultus Lo-
uicijs.

Anno 1659. circa ortum veris abiit Varſauiam, pro Conuen-
tu generali Regni, quo finito ad Archiepiſcopatum venit. Pri-
uſquam in Poloniā proficiſceretur, per omnes Parochias ex Am-
bona publicari mandauit, vt ſi aliquibus illata injuria eſſet eius
compensationem ſperarent & requirerent. Omnibus beneuo-
lus & beneficus eſſe contendebat. Viros doctos fouit. Ioa-
chimo ab *Hirtenberg* Paſtorio, Regio Hiſtorigrapho & Secreta-
rio, qui lutheraniſmo ejurato, Catholicam fidem Orthodoxam
profefſus cum domeſticis, Conſorteq; præmortuā in ætatis de-
uergio ſacris initiatus, Parochus Gedaneſ. & Officialis deniq;
Cantor Varmienſ. in Anno 1681. abiit è vita, elegantioris lite-
raturæ, quam libri teſtantur impreſſi, famā celebri, annum
pendebat ſtipendium. *Sigismundum Chriſtophorum Stoffelium*
Cuſtodem Varmienſ. quem Archiepiſcopus melioris notæ orna-
uerat Sacerdotijs, Gneſneſ. Louiceſ. Canonicatū, Præpoſiturā
Califſieſ. habuit familiarem, ejusdemq; in grauioribus negotijs
trifti & turbulento ſtatu Episcopatus calamo, operā, conſilio
utebatur. *Albertum Nowieyſki* ab Academicā profefſione in
Aulam adſciuerat virum literatum, & ad Canonicatum promo-
uit Varmienſ. Multos, cum quibus illi ſanguinis intercedebat
nexus, ab hæreſi ad fidem reduxit Catholicam. Iuuenes no-
biles etiam inferioris fortis in ſcholis ſumptu proprio curabat
educari. Eleëmolyſis occultis, & quas amabat neſciri, mul-
torum ſubleuabat inopiam. Ædificiorum nitorem ac ſplen-
dorem ſeruare, decori ſibi ducebat. Arces *Seeburgenſ.* *Reſſellienſ.*
vetuſtate fatiſcentes reſtaurauit, elegantiusq; adornauit; Curi-
am ligneam *Biſchdorffii* propè *Reſſelium* commodam ſatis ædi-
ficauit, horto etiam nouiter excito plantatoq; *Heilsbergæ* Ca-
meras inferiores, cum acriori morbo articulari correpto per
gradus portari nimis eſſet incommodum, renouauit, quæ nunc
Archiepiſcopales vocantur Cameræ. Eccleſiam *Springbornenſem*
Beatiffimæ Virgini Matri à *Nicolao Szyskoui* Anteceſſore ex
voto erectam, ſtillicidijs perpluentem reparauit. Altare *An-
tonio Paduano* Diuo, Miraculorum gloriā celebri, in Eccleſia
Wartemburgenſ. Sodalium *S. Franciſci*, Obſeruantia Regularis
fabricari curauit. Gratam & proſperam in Episcopatu reliquit
memoriam. Tranſlatus ad Archiepiſcopatum completo ſepten-
nio 1666. primā Aprilis. *Lyſkoui* mortalis eſſe deſiit, mor-
bo articulari oppreſſus, cum piè ac religioſè ad ſupremum hunc
agonem ſuſcipiendum ſe præparâſſet. In Eccleſia Collegiata
Louicienſi humatus, & in eodem depositus tumulo, cum *Fra-*

tre Patrule Andreá suo antecedaneo, anté maius Altare. Ecclesiæ Varmieñ. suæ olim Sponsæ, tabulis vltimæ voluntatis, donauit aureum Calicem, Candelabra argentea sex, cum effigie Christi è cruce pendentis, itidem argentea. Anniuersarium pro anima, in Mille quingentis fundauit florenis. Acta in Archiepiscopatu alijs narranda & connotanda, quasi cursu Lampada tradimus.

Eius fundationes.



XXIX.

IOANNES STEPHA-
NVS WYDZGA
Episcopus Varmienſis.

Vluorum acta & vitam componere, magni viri operosum
cenſuerunt. Arduum omninò & periculofa plenum opus
Y alex.

Acta viuorum
deſcribere non
vnius metus
deterrēt.

Episcopatus
Varmienſis con-
ſertur Stephano
Wydzga.

Eius Natales
recenſentur.

Wydzgarum
Origo in Ma-
ſouia.

Tandē in Ruſ-
ſiam ſe tranſtu-
lerunt.

Parentes Ste-
phani.

Elogium Pa-
rentis eius.

alea, vitia juxtaq; virtutes memorare ſuperſtitum. Citra ma-
leuolentiæ ſuſpicionem, aut notam adulationis, non in procli-
ui hæc attrectare. Hinc & me is inceſſit metus, dum in ſe-
rie Varmienſium Episcoporum, ea veniunt connotanda, quæ vi-
uentes (vtinamq; diu longæui) in hoc geſſere gradu, enim-
uero, cum mihi lingua & calamus, non ſit adulatione exerci-
tus, imò benefactorum memoria grato vigeat in pectore, nar-
ratio hæc, quæ vitam viuentium, reſq; in Episcopatu geſtas ab-
ſoluet, profeſſione pietatis, aut laudata erit, aut excuſata.
Translato itaque ad Eccleſiam Metropolitanam Gneſneſ. *Le-
ſczynio, Ioannes Stephanus Wydzga* Episcopus Luceorien, Rege
Ioanne Caſimiro promouente, à Collegio Prælatorum & Canoni-
corum electus, in Sacello Arcis *Heilsbergenſis* extra Eccleſiam Ca-
thedralem, circa quam excubabat Electorale præſidium, Ca-
ſtrumq; vbi Eccleſia, retinebat ad executionem pactorum *Bid-
goſtienſium* ſeu *Brombergenſium*, prout infra dicetur. Natale ſo-
lum tanti Antitiſitis, in tractu Roxolano & Palatinatu Ruſſiæ
terra Leopoliæ. vbi Magnorum Heroum domicilium. Quan-
quam domus *Wydzgarum*, à primâ & vetuſtâ origine, in Maſo-
uia naſta domicilium, inter Palatinatûs Płoceniſis Equeſtres cen-
ſebatur familias. Anni propè trecenti, in priuilegio pacis &
concordiæ, *Vladislai Jagellonidis* Poloniæ Hungariæ Regis, Bre-
ſtæ Cuiariæ initæ, cum *Paulo de Ruſdorff*, Supremo Crucigero-
rum in Pruſſiâ Magiſtro, Anno 1436. dum præſentiû illi actui,
Senatorij, & equeſtris ordinis adſcribitur Cathalogus, aderat
præſens *Andreas Wydzga* Płoceniſis Vexillifer. Mutauere de-
inceps poſteri Coloniam, in Palatinatum Sandomiriæ. & in
Ruſſiam tranſtulere ſedem, ibidemq; cum primarijs Heroum
familijs, affinitatis contraxere nexus, opibus & fortunâ lucu-
lenter aucti. Ex hac ſtirpe, parens erat noſtri Antitiſitis, *Ioan-
nes Wydzga*, in bello Moſchouitico, auſpicijs *Sigismundi III.* fe-
liciter geſto conſectoq; *Herborthi Subcenturio*. Liber hic à ma-
gno calamo magnum apponere elogium, illud verò eſt *Stani-
slai Kobierzycki* Palatini Pomeraniæ, magnæ dignationis in Re-
publica, & qui elegantioris ſtyli, ſolidæ doctrinæ, ſibi circumde-
dit famam in Hiſtoria *Vladislai* Principis, parentem & filium
gratâ proſequitur memoriâ. Felix bellicâ laude gloriaq; Vir,
ſed longè illuſtrior feliciorq; *Stephano* filio Abbate Sieciecho-
uiæ. *Vladislai Regis*, Magni nominis Eccleſiaſte, cuius doctrina,
prudencia, blandeque in aures influens ſuada, non vnus Aulæ
Poloniæ, ſed vniuerſæ Chriſtianitatis meretur Theatrum. Eius

parentis

parentis filius *Ioannes Stephanus Wydzga*, ingenium acre viuidum in Polonis primùm Gymnasijs, dein peregrinationibus per Europam excoluit. Louanij in illis Athenis Belgicis, *Erycium Puteanum*, *Nicolaum Vernuleum*, audiuit præceptores. Ius Canonicum, *Andreâ Valense* prælegente, didicit. Galliâ, Hispaniâ, Italiâ peragrata, Romæ Theologicis eruditus disciplinis, redit in Poloniam. Canonicatu primùm *Leopoliën.* post Præpositurâ in eadem Cathedrali obtentâ, Euangelium non erubescibat : frequentius ex sacris Rostris dicendo, admirabili facundiâ, rerum sententiarum pondere, celebre in illa Vrbe auditorium, trahebat in admirationem. *Alexander Trzebinus* Episcopus Præmyslien. Regni Procancellarius, *Wydzga* sui popularis, & sanguinis conjunctione affinis, præstans ingenium, doctrinam solidam nouerat familiariùs. Ad aulam *Vladislai IV.* euocat *Wydzgam*, Regi commendat Secretarium, sibiq; adsciscit familiarem. Abjערat tum in Italiam *Ioannes Casimirus* Poloniae & Sueciæ Princeps, ab obitu *Vladislai*, electus & Coronatus Rex Poloniae, ac ibidem, post aliquod tempus, Religioso Societatis IESV Ordini se adscripserat, *Laureti*, ad ædem Beatissimæ Virginis Martris, miraculis per orbem Christianum, totq; salutis nostræ mysterijs celebratam : cumq; biennium Religiosi tyrocinij à Principe complendum fore speraretur, *Innocentius X.* qui recenter *Vrbano VIII* in Pontificatu successerat, prohibuit Principem ad religiosa profitenda admitti vota. Porro vt mutatio hæc statûs, in gloriosum & per honorificum abiret titulum, in Collegium S. R. E. Cardinalium, eundem Pontifex cooptauit. Cæterum Nuntius hic mutati statûs, & ad vmbram secessus Religiosam, Rege fratre inscio & inconsulto, vehementius eiusdem permouerat, imò causauerat offensam, vt cum acerbioris animi sensu, etiam in Synodo Prouinciali Varsauien. quam in Anno 1643. ad diem Octauam Nouembris, indixerat, congregaueratq; eximie pietatis & probitatis Antistes, *Matthias Lubienius* Archiepiscopus Gnesnë contra societatem, quæ clam Rege, Principem Religiosâ induerat veste, fuerit conquestus. Sunt in promptu eius argumenti literæ *Vladislai IV.* ad *Alexandrum Trzebienium* Episcopum Præmysliën. dolenter scriptæ : etiam nomine Episcoporum ad Synodum congregatorum, alteræ *Cardinali Sauello*, Regni Poloniae Protectori, minùs reflexû consilium, in admittendo ad Societatem Principe, improbantes, neq; votis obstringatur Religiosis impensius postulantes. Ferebat acerbius status Principis ex Regnatrice domo, cum vm-

Studia & Ingenium Stephani.

Eius Præceptores in Exteris nationibus.

Redux in Poloniam Canonicus Leopoli: factus.

Concionari nõ erubescibat.

Cum summa ædificatione.

Trzebinus Episcopus Præmysliensis ad Aulam Regiæ eundem euocat.

Casimirus Princeps Poloniae ingreditur Religionem Societatis IESV.

Vrbano VIII. prohibet Principem admitti ad vota Religiosa.

Eundem Cardinalem nominat.

Ingressum Casimiri ad Religionem Rex non probat.

Nec Procere Regni.

Rex ab Aula
amouet Patres
Soc; IESV.

Wydzgam ſuū
creat Concio-
natorem.

A Rege magni
æſtimatur.

Creatur Abbas
Sieciechoui-
enſis.

Anno Iubilei
ſancti Romam
ſe confert.

Redux Regina
Cancellarius,
breui Referen-
darius ac Se-
cretarius Ma-
ior.

Tandem Epi-
ſcopus Luceo-
rienſis.

Tempore in-
cuſſionis Sue-
ticæ Regis &
Reginæ Co-
mes.

Mors Petri
Gembicki.

Andreas Trze-
bicki Episcop⁹
Cracouiēſis.

Procancellari-
atus Wydzgæ
deſtinabatur.

brâ Religioſa permutatum *Vladislaus Rex*, protinuſq; Societatis IESV Presbyteros ab Aula ſpiritali amouit ſeruitio. In locum *Stanislai Tomiſlauij* Societatis IESV, Eccleſiaſtem adlegit *Wyd-
zgam*, oppidò diſertum eruditumq; ſacrum Oratorem, & qui eminentiſſimorum in Republica Virorum iudicio, miraculum ingenij, Oraculum Ambonæ, mellifluus audiebat *Wydzga*. A Rege *Vladislao* magni æſtimabatur, qui veluti erat prudentia incomparabili, ita ſummo pollebat iudicio, & exactâ ingeniorum cenſurâ: fatiſ ſublato *Stanislao Grochouio*, Archiepiſcopo *Leo-
polien*, vacantem Abbatiam *Siećiechouien*. redit⁹ amplioris ei-
dem contulit. Maiori etiam deſtinabat gradu, ni præter ſpem & vota omnium, in ancipiti Regni ſtatu, viuere & regnare deſi-
ſſet. Supra Octennium, tam laborioſam adornauit ſpartam, etiam apud Succellorem *Vladislai Ioannem Caſimirum*, eandem collegit, continuauitq; exiſtimationem. Imminente Anno San-
cto Iubilei in Anno 1650. ab *Innocentio X.* publicato, Romam excurrit, ab hiſ ſeuerioribus curis; totq; annorum labore, laxa-
mentum & reſpirium naſturus. Inde redux Regina *Ludouicæ
Mariæ* primū Cancellarius, in breui Referendarius, Maior Se-
cretarius. Et per hoſ gradus Regiâ nominatione, ad inſulam per-
uenit Luceorienſem tum uacantem, ab obitu *Ioannis Baptiſtæ
Zamoyski*, qui ex Præmyſlien. Episcopatu ad Luceoriēſem trans-
latus, necdum apprehenſâ poſſeſſione, in itinere mortalitatem expleuit *Bilgorati* Oppido municipij Beſzenſis. Necdum poſ-
ſeſſionem illius inierat Episcopat⁹; *Carolus Guſtauuſ* Sueciæ Rex, vt iam dictum, totam Poloniam fato quodam aduerſo, ar-
morum potentiâ ita inundauerat, vt Rex & Regina, extra fines Regni in Sileſiam, ſecuritati conſulendo excedere coacti fue-
rint. Comitabatur Aulam *Wydzga*, vt Regina Cancellarius. Et poſt aliquod tempus *Petro Gembicio* Episcop⁹ Cracouiēſi:
Brunæ in Morauia extincto, cum ad illam Cathedram Rege pro-
mouente, euect⁹ fuiſſet *Andreas Trzebicki* Episcop⁹ Præmy-
ſlien: Regni Procancellarius; Annulo Regni, quem dimittebat, *Trzebiciuſ* deſtinabatur: lenitas & manſuetudo oberat, quò mi-
nus hoc ſuccederet. Talis verò Aula opus habebat Miniſtro, qui cum *Stephano Coricinio* Supremo Cancellario, aulæ medita-
tiſ & intentiſ obliquo, acri⁹, vehementi⁹ exerceret æmula-
tionem. Verū & hic non diu ſuperuixit, aulæq; cogitata non morabatur. Hæc qualiter maturuerint, & quanto aduerſorum turbine Rempublicam permiscuerint, exhorreſcit calamus; & nē videamur in alieno pedem ponere choro, ad noſtra deſlecti-

mus.

mus. In Episcopatu Luceorien: ministerium suum implebat, tametsi illius Episcopatus, Moschorum, Colacorum incursione bona Mensæ, in Palatinatu Podlachia, & circa Brestam Lithuanorum barbarâ immanitate fuerint deuastata. *Albertum Stanislaum Radziwilium*, R. Imperij Olicæ Nieświesij Principem, Supremum M. D. Lithuania Cancellarium, eximie pium & doctum, qui in nostra Sarmatide, alterum refinxit Elzearium, libris spiritualibus asceticis, inter tot publica negotia scriptis, & publici juris factis, pietatem insigniter fouit, promouitq; Olicensem Basilicam grandi erexit sumptu, Insulatum Præpositum, & Collegium Canonorum fundauit, aureâ, argenteâ suppellectili admirando comparatâ pretio, eandem adornauit Ecclesiâ, parentali laudauit sermone. Supra quinquennium illi præfuit Cathedræ, & post translationem ad Metropolitanam Ecclesiam Venceslai *Leszczynij* in Varmien. eidem successit, *Electus Heilsbergæ* in Sacello arcis 1699. primûmque venit ad Episcopatum 1660. in festo Epiphaniarum, quem lacertum rapinisque militaribus attritum, nec ab ijs immunem reperit. At grauiorum texebatur turba malorum, cûm colligatio seu militaris confederatio in Anno 1661. conflata, sibi ductore seu Marschaleo, *Samuele Swiderski*, homine ex eorumque genere, quibus anima pro Sale. Tantumque ausa hæc militaris insolentia, vt palatium Kielcense Episcopi Cracouiens. non minùs eleganter quàm sumptuosè à *Iacobo Zadzik* Episcopo ædificatum, deoccupauerit, ac ibidem, consilij & militarium circulatorum, sedem constituerit, mansionemq; aut hospitium pro Marschalci officio, & eidem Consiliarijs adjunctis designauerit. Ab hoc militari tumultu, non fuit immunis Episcopatus, supra triennium; Oppidani, agrestes, insolitis pressi exactionibus. Auxerat malorum sensum, contra totum Sacrum Ordinem, prægrauis quædam, & in Regno Catholico inaudita adinuentio. Modiperatores seu reuifores fuerunt designati, qui Censu redditusq; spiritualium librarent, & certo assignato demenso, potiozem prouentuum partem; ad ingluuiem militarem explendam transcriberent. Hæc fors mittebatur super Episcopatum, prudens tamen solersque Episcopus hosce censores distinuit, nè commissa exequerentur. Omnino hæc licentia militaris, in Regno & Magno Ducatu Lithuania ita grassabatur, vt extremæ hostilitati par, imò supra videretur. At in Lithuania longè grauius, hæc militaris sauities prælicenterq; insolescebat. Ausa immane facinus, quod omnem atrocitate

Cura eius in Episcopatu Luceorien,

Oratio eius in Exequijs Radziwiliij.

Creatur Episcopus Varm.

Confederatio Militum.

Confederatio nis Marschalcus.

Eius Sedes.

Inuentio Spiritualibus grauis.

Quam Episcopus non permittit in sua Episcopa exequi.

Confederatio nis magna licentia.

Ausus & facinus Lithuaniae ex Confederationis.

superat barbariem. *Vincentium Coruinum Gaſienum*, Supremum M. D. Lithuaniae Theſaurarium, Campeſtris militiae Praefectum, recenter ex Moſchouitica reducem captiuitate, Vilnae ægritudine languentem, lecto affixum, carâ conſorte *Magdalena de Konopat*, fruſtra cum lacrymis vim deprecante, violenter abreptum, & propè oppidum Oſtrynia deductum, innocentem ex aliquâ vanâ & futili ſuſpicionem, fiſtulis ferreis diſploſis interemerunt; ægrèque permiſſum maculas conſcientiæ Societatis IEſV Presbytero detegere. Hæc parerga dum infero, beneuolus Lector indulgebit. Interim hæc militaris ſeditio vt conquieſceret, omnem curam conatumque Reſp. intendit, ac tandem *Leopoli* in Anno 1663. Rege, Regina præſentibus, *Venceslao Comite de Leſſno*, Archiepiſcopo Gneſn allaborante, diſſolutis ſtipendijs, quæ valorem rei monetariæ corruerunt, argentum & aurum mutârunt in ſcoriam, pede monetali penitus euerſo, tumultuans hæc militia, redijt ad obſequium Regis & Regni. Indultum aliquid oppidanis & agreſtibus, tot rapinis exhaustis imò exoſſatis, quos in breui vix non ſimilis afflixit preſſura. Eodem Anno pro executione pactorum *Brombergſium* ſeu *Bidgoſtienſium*, ſat agente apud Aulam, Ablegato Electorali *Ioanne Howerbekio*, Commiſſio Regiomontana ab Aula expedita, pro Supremo dominio Ducalis Pruſſiæ, tradendo *Brandenburgico* Electori, demandatumque negotium *Wydzga*, *Ioanni Comiti de Leſſno* tum Regni Procancellario, Maioris Poloniae Generali, vt præſtito iuramento Nobilitas & populus illius tractûs, Supremum Dominum Electorem *Brandenburgicum* recognoſceret. Actus huius erat *Secretarius Ioannes Stanislaus Sbaſki* Gneſneſ. Varſauienſ. Canonicus, Decanus Louiceſ. nunc Episcopuſ Præmyſlien. Præpoſitus Generalis Miechouien. Canonicorum Regularium Cuſtodum Sanctiſſimi Sepulchri. Hiſce peractis *Frauenburgum*, *Bransberga*, hucuſque à præſidio retentæ Electorali, eodem excedente, ad priſtinum rediêre ſtatim. Tantâ verò conſtantiâ *Wydzga*, eorum locorum vrgebat eliberationem, nullatenusque commiſſum exequi negotium volebat, ni priùs certa compertaque ſuperueniret notitia, ex memoratis locis Electorale exceſſiſſe præſidium, quâ acceptâ, actum completumque negotium. *Frauenburga* liberata à præſidio Electorali Canonici qui ſparſim in Episcopatu manſerunt. Circa Eccleſiam, reaſſumpſerunt reſidentiam. Episcopuſ ad Eccleſiam venit modoſto Comitatu, pro Dominica Palmarum, cum nomine Collegij ſalutauit Præclauſ *Szemboro-*

Tandem Con-
federatio hæc
diſſoluitur.

Comiſſio Re-
giomontana.

Inter Comiſſa-
rios Wydzga.

Supremuſ Do-
miniuſ Ele-
ctori recogno-
ſcitur.

Frauenburgi
Bransberga
reſtituuntur
Episcopuſ Var-
mienſ.

uski Decanus Varmien. Rex eo tempore pacatâ tumultuan-
te militiâ, exauthoratis aliquibus cohortibus, imò & externæ
militiæ legionibus, cum recenter conscripto Milite in Russiam
remotiorem Leopoli profectus, & vltra Borysthenem, rebellio-
nem Cosacicâ edomare, & in obsequium flectere contendebat :
hæc verò alij prolixius recensebunt. Coquebantur interim
consilia oppressio-*nis* *Georgij Lubomirscij* Supremi Regni
Marschalci, & Militiæ Campetris Præfecti, Herois ingentium
in Regem & Rempub. meritorum, & qui, ad *Suecum, Transylua-*
num Regni inuasores exturbandos, Magnum se gessit præstitit-
que Achillem. In Conuentu Generali 1664. quæsitissimis ar-
tibus formatum iudicium, fabricata proscriptio, cui astra ipsa
indignari visa, hyeme & in ortu veris, bino Comete excande-
scentia. Quæ aduersa Regno incubuerint, & concitatum bel-
lum ciuile, pro partibus *Georgij Lubomirscij*, quo euentu con-
quieuerit, alij consignabunt. Episcopatus tamen remotior ab
illâ Pharsaliâ, sensit nihilominus illius incommoda belli, cum
externæ Legiones Regiarum partium, hyemem acturæ in Epi-
scopatum destinabantur. Qui euit tandem, hæc Ciuiliū armo-
rum procella Anno 1666. & singularis cura conatusq; *Wydz-*
gæ, ab hac militaris exactionis præssurâ & statuis, liberauit E-
piscopatum. Hic annus fatalis fuit *Venceslao Comiti Leszczynio*
Gnesen Archiepiscop. qui Calendis Aprilis morbo gentilitio
articulari oppressus, migravit e vitâ. A Rege designatus ei Suc-
cessor *Nicolaus Prazmouius* Episcopus Luceorien. Supremus Re-
gni Cancellarius, & in Conuentu generali anni eiusdem, qui
improspero solutus euentu, Magistratui renuntiavit. Non am-
bienti *Wydzga*, maius offerebatur sigillum, vtq; postposito *Io-*
anne Leszczynio, Cancellario minori, illud capefferet, aula im-
pensius suadebat, ille cum injuriâ *Leszczynij*, & priscae consue-
tudinis interuersione, ad tantum gradum euectionem deprecatus.
cumq; nullatenus flecti posset, non ambienti *Andrea Olsho-*
uio Episcopo Culmen. minus delatum Sigillum. In Annum se-
quentem incidit mors *Ludouicæ Mariæ Reginae*, quæ in ortu ve-
ris iv. Idus Maij, viam vniuersæ carnis ingressa. Corpus exa-
nime Cracouiam deportatum, ibidemq; in Basilica Cathedrali
traditum sepulturæ. Sermonem parentalem dixit *Wydzga La-*
tinum, cultum edecumatum, is tamen impressus non exstat.
Ibat annus à Christo Nato supra Millesimum Sexcentesium,
Sexagesimus Octauus; cum Rex *Ioannes Casimirus* Viduus, cu-
rarum publicarum pertæsus, & imminetia obtendens nouissi-

Contra Lubo-
mirscium con-
silia oppressio-
nis.

Contra eundē
formatum iu-
diciū.

Quo fine:

Hoc malū sen-
sit Episcopat⁹.

Tandem curâ
Episcopi libe-
ratus.

Mors Vence-
slai Archiepi-
scopi
Cui Successit
Prazmouius.

Non ambienti
Cancellariatus
offerretur.

Inuerti Con-
suetudinem
noluit.
Procancellaria-
tus Olshouio
collatus.

Mors Reginae.

Sermonem fu-
nebrem *Wyd-*
zga habuit.

Rex Regnum
abdicat.

ma,

In Galliam
pergit;

Eligitur Mi-
chaël.

Moritur Mi-
chaël Rex.

Victoria ad
Chotimū ipſo
die ante tamen
mortem.

Electionis die
indictā eligitur
Rex Ioannes
sobieski.

Mortuo Pra-
zmouio Archi-
episcopo in lo-
cum eius datus
Olszowski.

Rex electus, in
Ruſſiam cum
exercitu mo-
uit,

ma, quæ agitabat, Coronæ & ſcripti deferendi conſilia, nouo & inſolito in hoc regno exemplo, maturauit; Ordinibus Regni in Conuentu Generali, liberâ Suſceſſoris relicta electione. Ne-
que diu in Polonia immorari illi placuit, abiit in Gallias, ibi-
demq; inter viuos agere deſijt. Electus in Anno 1669. *Michael Dux Wiſniowiecius*, filius *Hieremiæ Michaelis* Terrarum
Ruſſiæ Palatini, herois ingentem per arma promeriti gloriam,
Martis verè Poloni, meritòq; cum curâ dicendi. Eius Electio-
ni præſens *Wydzga* interfuit. Quadriennium & ſupra rebus
præſuit Polonis, Leopoli curſum vitæ confecit, & in obitu ipſius
Polonus & M. D. Lithuaniae exercitus, Ductu auſpicijs *Ioannis*
Sobieski Supremi Regni Poloniae Marſchalci & Exercituum Ge-
neralis, Theſeis cooperantibus *Michael Pac* Vilneſ. Palatino,
Exercituum M. D. Lithuaniae Supremo Præſecto, *Demetrio Wi-*
ſniowecij Zbarazij Duce, Palatino Belzenſi, Campeſtris militiæ
Regni Præſecto (qui deceſſit Caſtellanus Cracou: & ſupremus
Exercituum Generalis) *Michael Caſmiro Radziwił Duce* in
Olika & Nieſwiez, Procancellario M. D. Lithuaniae, & Campi-
ductore, ad Chotimum die feſto S. Martini Pontificis Turcarum
30000. memorabili obtruiſit clade, actumq; fuiſſet de Camene-
co, ſi tam vincere, quàm victoriâ licuiſſet vti. Electione vna-
nimi conſenſu Ordinum indictâ, *Ioannes Sobieski* per calcatas
barbarorum ceruices, ad thronum peruenit, vnanimiq; conſen-
ſu Electus Rex Poloniae. Nominatus ab *Andrea Trzebicio* Epi-
ſcopo Cracouiſi, nam ſub tempus Electionis, obierat *Casimi-*
rus Florianus Dux in *Klewan Czartoryski* Archiepiſcopus Gne-
ſneſ. *Ioannes Gembicius* Epicoſopus Cuiauieſ. nouiſſimâ conſi-
ſtabatur valetudine, & in breui ſupremum vixit. Sublato è vi-
uis Archiepiſcopo, nominauit Electus *Ioannes III. Rex*, Suſceſſo-
rem *Andream Olsouium* Culmeſ. Epicoſpum, Procancellarium
Regni, eiufdemq; ad Summū Pontificem *Clementem XI.* Nomi-
nationis literas ſcriptas, Sigillo Camerae obſignatas, expediuit.
Coronatio *Regis Reginae*, quæ jure, conſuetudine priſcâ ad Ar-
chiepiſcopum ſpectat, veniebat in conſilium & cōſiderationem.
Cæterum Electo Rege in Pruſſiam remotiorem, verſus Bracła-
uiam, cum Exercitu mouente, ibidemq; hyemem ſub pellibus
agente, & ferè biennio, vel ſupra inter bellicas operationes exa-
cto, Coronatio ad Annum Dñi 1676. protracta Interim *Cle-*
mens XI. Andream Olsouium Gneſneſ. confirmat Archiepiſco-
pum, palliumq; Metropolitanæ poteſtatis mittit inſigne. In-
greſſu Gneſnam peracto, anno vt ſupra dictum, diebus Februarij

in Baſili.

in *Basilicâ Cathedrali* Cracouiē. coronauit Regem *Ioannem III.* & *Mariam Casimiram* Reginam. In eodem Generali Coronationis Conuentu, *Olſſouius* illi renuntiauit Magistratui. Non ambientem *Wydzgam* Rex ad tantum euehit ministerium, lege etiam ab Ordinibus Regni resolutâ, permittenteque, cum *Varmien.* Episcopatu Sigilli retentionem. Neq; integro abeunte biennio, Conuentu Generali *Varſauia* finito, Rex profectus erat *Gedanum*, ad aliquas turbas & dissidia, Magistratûs cum plebe componenda, quorum incentor, oleum igni affundendo, audiebat *Ægidius Strauch*, in Synagoga Lutherana famosus Rabinus, eoque impotentia an dementia plebs *Dantiscana* progressa, ut numismata aurea argentea, huius *Æoli* signauerit effigie. Rege iam *Gedani* motus illos componente, *Olſſouius* ibidem superuenerat, auram pestilentē, quæ circa *Louicium* serpebat declinando, ubi fatum & supremum sibi accersuit diem; incautiùs purgatione super purgationem sumptâ, quod Princeps Medicorum improbat *Hipocrates*. Quo *Gedani* vitâ cedente, *Wydzga* etiam in Archiepiscopatu longè juniori *Olſſouio* à Rege designatus, ex asse Sigilli & Archiepiscopatûs Successor. Ibidem *Ioannes Leszczyński* Supremus Regni Cancellarius, ætate ingrauescente Septuagenario maior, eo Magistratu cessit, post aliquod tempus Palatinatum Cracouiē. morte *Alexandri Comitis* in *Wiśnicz Lubomirski* vacantem, eidem Rex contulit. Sigillum maius pro veteri consuetudine Rex *Wydzga* Procancellario & Nominato Archiepiscopo *Gnesnē* tradidit. Nullus *Marschalcorum* ad aulam tum erat præsens, *Ioannes Ignatius Bakowski*, qui fatis cedente *Stanislao Działyński*, in Palatinatu *Mariæburgen.* successit, Regio nomine, *Wydzgam* Supremum Regni Cancellarium renuntiauit. Minus Sigillum à *Wydzga* dimissum, Rex detulit *Ioanni Comiti* in *Pieskowa Skala Wielopolski* Dapifero Regni, Capitaneo Generali Cracouiensi, natalium auito splendore, celebratâ integritate ciuili prudentia, omnibusq; bonis artibus tantum promerito gradum. Neq; diu eam Prouinciam Maioris Sigilli retinere poterat *Wydzga*; curis translationis ad Archiepiscopatum distractus. Rege *Gedano* discedente, ille redijt *Heilsbergam*, ibidemq; Generalem conuentum *Grodna* indictum præstolatur, ad quem in Anno 1678. ueniens, negotijs illius vacabat Conuentus. Necdum ab Vrbe translationis receperat diploma, Sigilli que retentio protrahi sperabatur, ni Nuntiorum terrestrium acrior obstitisset intercessio, quâ percussus eo cessit Magistratu. Iuxta veterem consuetudinem Regem allocutus, publico elegantiq; sermone Sigillum dispositioni Re-

Coronatio Regis Ioannis III.

Procancellarius confertur *Wydzga*, dispensante lege.

Rex *Gedanum* venit.

Author mortuum.

Olſſouius *Gedanum* venit.

Moritur *Gedani*.

Et in Archiepiscopatu succedit *Wydzga*.

Leszczyński resignat Sigillum maius.

Fit Palatinus Cracouiē.

Minus Sigillum collatum *Ioanni Wielopolski*.

Reditus *Wydzga* in Archiepiscopatu.

Sigillum deponit.

Ad Archiepi-
ſcopatū ſe di-
ſponit.

Eius in Epiſco-
patu Varmienſi
acta.

Monafterium
Franciſcanis
exædificauit.

Seriem Epiſco-
porum Carmi-
ne deſcripſit.

Caſus terri-
bilis.

ni Regiæ conſignando, cui ſermoni à nemine, ſoloq; ſilentio reſponſum, nuntijs, qui cum Senatu conſultabant, publicorum conſiliorum curſum, continuantibus. Grodnâ ad Epiſcopatum venit, & in Anno 1680. receptis translationis Apoſtolicae li- teris, ad Archidioceſim viæ ſe accingebat, circa vltimos dies Octobris, Varſauiam, inde Squierniewicios abiit. Annis vigin- ti Epiſcopatum gubernauit, ſeueritatis & clementiæ tempera- mento. Curiam Epiſcopalem in Caſtro Eccleſiæ propinquam, à multis annis deſertam & incultam, commoditati Succeſſorum reſtaurauit, hac adiectâ, in tabula marmoreâ, inſcriptione :


Domum hanc, cuius muri impenſis Reuerendiſſimi olim *Mauritij* Epiſcopi ſurrexerant, vel injuriâ temporum, vel inui- diâ hominum, ſuis fermè in ruderibus ſepultam, cubiculis diſtin- xit, & habitabilem fecit *Ioannes Stephanus Wydzga* Epiſcopus Varmienſis & Sambienſis. Anno 1666.

Gudſtadij ad Eccleſiam Collegiatam, itidem Curiam Epiſco- palem, ruinolaſam deſertamq; reædificauit. *Heilsbergæ* cubicu- la ante pontem, cum Superioris arcis Camera, ad quas per gra- dus aſcenditur, vergenti in ſenium incommodæ viderentur, re- concinnauit in iſſque ad abitum manſit. Monafterium in *Springborn*, diſiecto ligneo, Sodalibus de obſeruantia, cocto latere ædificauit. Eccleſiæ Sponſæ ſuæ veſtes Sacras coloris varij donauit. Epiſcoporum Varmienſium, ſuorum prædeceſ- ſorum Stemmata, in dioeta maiori arcis *Heilsbergenſi*. depingi cu- rauit, verſibusq; ſcriptis vitas compendioſè complexus. Ad- do tragicum & ferale facinus in Arce *Heilsbergenſi*. paratum anno 1670. die 2. Octobris. Erat in ſeruitio Arcis vnus ex Iudai- ſmo conuerſus & baptiſatus, is braxatorij curabat rationes, quas cum *Ioannes Baptiſta Nycz* Canonicus Varmienſis Oeconomus E- piſcopatûs diligentius exanimaret, in iram & vindictam exar- deſcens, cultro in abdomen immerſo, crudeliter eundem ob- truncavit. Captus condignum ſupplicium pro tanto luit ſcele- re. At nos triſtibus his intermixtis, adiiciamus Colophonem. Erat is Epiſcopus in conuerſatione iucundus, amœnus, omnibus- que affabilis, eutrapeliâ vrbaniſſime excellebat, eruditione, do- ctinâ præſtans, & cui etiam ſermones familiares, grauib; do- ctisq; ſententijs condere fuit uſitatum. Acta in Archiepiſcopatu alijs ſcribenda relinquamus.

*Æui delictum noſtri, laus ſumma futuri,
Ingenij Phœnix, eloquijq; Stupor;
Cum geſtis, meritis, virtutibus omnia vincas;
Leechia cum laudes non capiatq; Tuas;
De Te poſteritas, vt Præſul maximè ſcribat;
Scriptorum calamus, par Tibi nullus erit.*

XXXI.

MICHAEL STEPHA-
NVS RADZIEIOWSKI,
Episcopus Varmiensis.



IN Palatinatu Rauensi, qui olim fuerat pars Masouiae, antiqui-
tus domicilium & nidus *Radzieioui* familiae, quae supe-
rioribus saeculis, ac nostra aetate, Senatorijs eminebat hono-
ribus. Ex hac domo *Michael Stephanus Radzieioui*, gente Ia-
nosius, atavis editus heroibus, feliciter Varmien. praest Eccle-
sia,

Origo familiae
Radzieioui-
nae.

Natales Ra-
dzieioui *Michaelis*.

Parentes.

Parens Episco-
pi ſit Procan-
cellarius Re-
gni.Contra eum
fabricatur con-
ſpiratio op-
preſſionis.Adolphus Bra-
chellius in ſua
Hiſtoria.Tandem pla-
catus Regi,Terror belli
Turcici,

ſæ. Auus Episcopi *Stanislaus Radzieiowski*, Palatinus Lancicieñ. *Sigismundo III. Vladislao IV.* per multorū annorum probata, con-
tinuataque obsequia, intimæ admiſſionis, gratiam & fauorem
meruit Regum. Cum ſocia thori *Catharinâ Sobieſciâ Marci*
Palatini Lublineñ. filia. *Nicolaum & Hieronymum* progeniuit.
Maior natus *Nicolaus Castellanus Lancicieñ.* inito matrimonio,
cum *Agnete Plichciana, Valentini Plichta*, Castellani Rauen. fi-
liâ, nullo relicto hærede è viuis abiit. *Hieronymus* Episcopi pa-
rens, *Mater Eufrosina Eulalia*, Comitissa de Tarnow, filia *Ioannis*
Grati, Castellani Zarnouieñ. quæ primi voti fuerat conſors *Con-*
ſtantini Ducis Wiſniowiecij Camionaceñ. Capitanei. Hic ille eſt
Hieronymus Radzieiouiſ, qui *Georgio Offolinio*, Supremo Regni
Cancellario, in procinctu itineris Romani, vitam finiente, cum
in Generali Regni conuentu 1651. maius Sigillum, *Andreae* Co-
miti de *Leſno* Culmeñ. ceſſiſſet Episcopo, ab eodem minus di-
miſſum, Rex contulerat *Hieronymo Radzieiouiſ* Lomzenſi Ca-
mionacen Capitaneo, quem necdum integro euoluto anno, in-
dignatio Regia, ſequioribus fabricata delationibus, cum Vxo-
re *Elizabetha ſluſzczanka*, primùm *Adami Kazanouiſ*, Curia
Regni Marſchalci, deinde *Radzieiouiſ Conſorte*, quæ ſribuſculum
moliebantur rixæ (de his prolixiùs exactiùſq; *Vespasianus Ko-*
chouiſ in ſuis annalibus Poloniae, recenter Cracouia impreſ-
ſis) quæ tandem ad iudicium deuenerunt Marſchalcale, quòd
acriùs quàm iuſtiùs, neque ex præſcripto legum Patriarum in-
ſtauratum, atrociori ſententiâ, infamem damnauit *Radzieio-*
uiſ, tantoque priuatum Magiſtratu, ſolum vertere, patriſſque
excedere coëgit ſinibus. Vberiùs, exactiùs hæc, ipſemet *Rad-*
zieiouiſ, in manifeſto innocentia, publici iuris factò. Ne-
que etiam ſcriptores rerum externarum, tantam ærumnam,
in ſuis prætermiſerunt conſignare factis. Adeò in procliui
eſt, vt non nemo inquit: Cuius Principi in ſuo imperio,
quemcunque etiam bonum & innocentem, non accusare ſo-
lum, ſed etiam còdemnare. Quod in hac Repub. libertate præ-
cellenti, noſtris temporibus, quæſitis factitatum, fabricatumq;
artibus, & clades hoc fonte deriuata, in patriam populumq; flu-
xit. Nimirum amiſſa libertas, erepta dignitas, altiùs animo in-
ſident, acerrimoſq; recuperandi perdita, aut vindicandi ſtimu-
los ingerunt. In anno tandem 1662. offeſum Regem placa-
uit, & per legem publicam, ferali ſublato decreto, priuatus in
Regno vixit, fauente patrocinate *Mariâ Ludouicâ Reginâ.* quæ
filios filiam, materno complexa ſinu, educationem illorum im-
penſiùs curabat. Non vanus in anno 1666. terror belli Tur-
cici,

cici, cæso partimq; disperso à Tartaris exercitu ad Brailowiam gliscebant. Eidem præerat Vicariâ potestate *Paulus Machouius*. Pro auertendo tam formidando belli fulmine, ad Portam Ottomanicam, cum titulo honoris Palatini Vendeñ, legatus designatus extraordinarius *Radzieiouius*, itineri longinquo, totq; periculis obnoxio, alacrem se obtulit, ac eidem legationi dextrè nauiterq; conficiendæ incumbendo, exiit mortalitatem. His noſter Episcopus ortus maioribus, domi forisq; exculto ingenio, Germaniâ, Galliâ, Italiâ peragrâtâ, sanctiorem indutus togam, per minora sacerdotia, Gnesneñ. Varſauieñ. Canonicatum, Præposituram *S. Michaelis* in arce Cracouieñ. ad infulam euasit Varmien. Adhæserat lateri parentis sui consobrini *Ioannis Sobiescij*, Supremi Regni Marschalei & exercituum Generalis, qui per calcatas Barbarorum ceruices, Regiũ conscendit thronum, & dum hæc connotamus, Viennam ingentibus Turcarum copijs pressam obsessamq; ab ancipiti liberauit discrimine, inauditâ, nec retroactæ ætatis annalibus visâ, lectâq; felicitate, sacrâ armorum initâ, cum Augustissimo Imperatore, Romaniq; Imperij Principibus, societate, potentissimam Turcarum, scytharum, colluuiem, memorabili obtriuit clade, etiam in vltiorem Pannoniam, Ottomanorum tyrannide oppressam, cum victricibus properauit aquilis. Poliorceta maximus, belli fulmen, orbis gloriæ ornamentum, seruata, liberata, ab immani Thracum rabie, rei Christianæ Clypeus. Huic ubiq; etiam in Castris, continuus aderat *Radzieiouius* Comes, faustisq; sub penetralibus, ad magna nutritam præparabat indolem. Gedani vt memorauimus *Andrea Olſouio*, Gnesn. Archiepiscopo decedenti, succedente *Ioanne Stephano Wydzga*, ad Cathedram Varmieñ. *Ioanne III. Rege* commendante, modo præmisso vacantem assumitur. A nominatione ad Archiepiscopatum, non nisi supra biennium, *Wydzga* Cathedræ Metropolitanæ inijt possessionem, Româ tardiùs sacrâ transmittente diplomata. Tandem vltimis Octobris diebus 1680. *Wydzga* in Poloniam abeunte, Capitularis electio more consueto peracta, quam Regius *Nuntius Nicolaus Swięcicius*, Decanus Posnaniëñ. Abbas Tremesneñ, vorgebat requirebatq; In anno 1681. literæ Apostolicæ in forma breuis, ad capiendam Episcopatus possessionem, ab Vrbe superuenerunt, Capituloq; præsentatæ, actutum Cathedræ, totiusq; Episcopatus tradita, & consignata possessio. In conuentu Generali Regni Varſauie, qui seu ob priuatas quorundam similtates, seu veriùs, aliquo è tribunis externis compendijs

Ad Portam destinatus Legatus Radzieiouius.

Peregrinationes & Sacerdotia Michaelis.

Semper & vsq; cum Rege.

Regis commendatione eligitur Episcopus Varmienſis.

Consecratus
Varfauia.

Eius ingressus
ad Episcopatū.

Ab omnibus
solenniter ex-
cipitur.

Eius ordinatio-
nes Dioce-
sanæ.

mancipato, nimioq; plus ijs ancillante, improspere cecidit euen-
tu, Episcopalis consecrationis absoluit solennia, tantum imple-
te ministerium. *Ioanne Matachouio* Episcopo Cracouien. Duce
Seueriæ, in Basilica *S. Ioannis* Collegiata Varfauien. In Episco-
patum venit eodem anno diebus Iulij, vltimis limitibus Episco-
patûs appropinquantem, *Zacharias Ioannes Szoltz* Custos, *Ioan-
nes Wotowski* Canonicus Varmien. obuiam profecti, vltra pa-
gum Capitularem *Wutrynen* salutârunt, & prosperum gratula-
ti aduentum *Wartenbergum*, *Seeburgum*, inde *Heilsbergam* de-
duxerunt. Ad Sponsam ingressum ordinauit designauitq; in di-
em festum *S. Michaëlis* Archangeli, sui Diui Tutelaris, quo im-
minente *Heilsbergâ* *Wormditum*, inde *Brunsborgam* profectus, à
Ciuitate hac primariâ Episcopatûs, tum à Collegio PP. Societa-
tis IESV, eâ cultus obseruantia testificatione exceptus, quæ de-
betur Regij Sanguinis Principi. Nomine Collegij Ecclesiæ Ca-
thedralis subsistentem *Brunsborgæ*, salutauit *Adamus Sigismundus
Konarski* Præpositus Varmien. Cantor *Plocen.* cum *Georgio Wolff*
Canonico. Die ingressus ad Ecclesiam præfixo, circa deci-
mam antemeridianam venit ad Ecclesiam. Actum ingressus ad-
ornabant Prutheni Senatores *Michaël Działynski* Culmeñ. *Vla-
dislaus Comes* à *Donhoff* Pomeraniæ (qui anno superiore in Hun-
garia, cum Turcis dimicando, vitam & sanguinem rei Christia-
næ impendit) *Ioannes Theodorus Comes* à *Schlüben* Liuoniæ Pala-
tini, nomine Collegij peractâ salutatione, Missam celebrauit
Pontificalem. Eâ finitâ Christianus Seet. I. V. D. & in Acade-
mia Regiomontana Proffessor, ad Ecclesiæ gremium nouiter ac-
cedens, ejurato Lutheranism, in manibus Episcopi, fidei Ca-
tholicæ Romanæ fecit professionem. Quatriduo commora-
tus ad Ecclesiam, curis Pastoralibus, etiam iuridicendo vacauit.
Vicarium in spiritualibus designauit, constituitque *Zachariam
Ioannem Szoltz* Custodem Varmieñ. tanto muneri parem. De
ritu administrationis Sacramentorum, ab Ecclesiâ Romanâ dif-
sono, factâ inquisitione, mandauit commisitq; Vicario in Spiri-
tualibus Agenda seu Rituale ritui Romano, à *Paulo V. Pontifice
Maximo* ordinato conforme, imprimi, & ad vsum Cleri Diocece-
sani, antiquato prisco Rituali, proferri & introduci. Deman-
dato negotio nouiter, admouit manum memoratus D. Vicarius
in Spiritualibus Genuinus Ritus Romanus, pro administratione
Sacramentorum, viget iam floretq; in hac Ecclesiâ & Diocecesi,
quæ à primâ origine immediatam Sanctæ Sedis recognoscit
subiectionem, non tamen absq; murmure & pericaciam aliquo-

rum,

rum, qui improbabant, aut ogganniebant ritum Polonum introduci, quasi Polonæ Ecclesiæ, cum Romanâ dissentirent, nec ea seruare satagerent, quæ sancta Romana Vniuersalis præscribit Ecclesia. Adeò in procliui est nonnullis, ea quæ non intelligunt exagitare & carpere, quæ non capiunt. Anno 1682. pro festis Dominicæ Resurrectionis Sponsam inuisit, in coena Domini sacros cōsecrauit liquores, Sabbatho magno fecit ordinationes. Dominicâ Resurrectionis, missâ celebratâ Pontificali, postridie ac sequenti Martis die, Sacramento Confirmationis, multos Christi fideles signauit, turbam accurrentium, amplâ vix capiente Ecclesiâ. Adultâ ætate vocatus à Rege, *Ianorouiam* excurrit, inde in autumnno ad Episcopatum redijt, Indixerat Rex generalē conuentū in Anno superiori Varsauiæ ad diem 27. Ianuarij, quem more consueto Prouinciales, & Palatinatum præcedunt Conuentus. Terris Prusiæ eundem Rex designauit 31. Decembris Graudenti. Venerat pro die festo Natiuitatis Domini, ad Ecclesiam Cathedralem Episcopatus, eoq; die, festo, missâ celebratâ Pontificali, die sequenti Graudentum versûs abiit, ibidemq; appropinquanti nuntiatur, Palatinatûs Culmeñ. Conuentum particularem in *Schonsee*, alias *Kowaleuia*, duos *Pruthenos* nobiles priuatis simultatibus, rixis discordes, illius conuentus, imò boni publici Successum impediuisse. Venit nihilominus Graudentum, in peruigilio Circumcisionis Domini, vbi cum Palatino Pomeraniæ inito consilio, hæc Regi significauit. Graudento *Elbingam* diuertit, Ecclesiam Parochialem, ibidem visitaturus, quod ante denuntiauerat, intimaueratque illius Ecclesiæ Curato, in vigilia Epiphaniarum Domini, venit *Elbingam*, ipso die missam Pontificalem in Ecclesia decantauit, perindie Sacramentum Confirmationis, præmissâ catechesi, multis Christi fidelibus impertijt. Rationes illius Ecclesiæ diligentius inspexit, eas ordinationes pro reformatione scribi mandauit, quæ fidei Catholicæ Romanæ, in illa Ciuitate Lutheri, Caluini, menonistica, delirâ fascinatâ hæresi, multum conferrent amplificandæ, Conuentui Generali Varsauien. anni Superioris inter fuit, in quo cum Sanctissimo Domino nostro *Innocentio XI.* Vniuersalis Ecclesiæ Summo Pontifice, zeli pastoralis vigilantia incomparabilis, cum Augustissimo Romanorum Imperatore, tum Romani Imperij Principibus inita approbata est, contra Orientem armorum societas, Regiq; nostro *Ioanni III.* Suprema militiæ colligatæ commissa potestas & præfectura, quâ felicitate, fortitudine, prudentiâ contra Ottomanos, extra Regni limites, offensiuè, non defensiuè gesta administrata, limatioris

Acta Spiritua-
lia.

Ad Comititia
se disponit.

Cura in parti-
cularibus Co-
mitijs.

Elbingæ Pon-
tifically ce-
lebrat.

Cura fidei pro-
pagandæ.

Cura boni
Christianita-
tis.

Redux à Con-
uentu genera-
li Regiomôta-
nam Ecclesiam
visitat.

Qua de re
præcussodit E-
lectorem.

Excipitur cum
sûmo honore.

Ibidem Sacra-
mentum con-
firmationis
confert.

Missionarios
ordinat.

Recommenda-
t Electori Ca-
tholicos.

Multa alia eius
acta pro Eccle-
sia.

tioris calami opus, quod præsens, subsequens mirabitur, depræ-
dicabit posteritas. Ab eo conuentu redux, Regiomontanae Ec-
clesiæ Parochialis, visitationem indixit, Electori *Brandenburgico*
Duci in Prussia, se hoc velle aggredi significauit, quod comi-
ter satis excepit Elector. 2. Iulij *Heilsbergâ* Regiomontum pro-
fectus, postmodum illuc peruenit, cui obuiam misit *Ernestus Bo-*
guslaus Croia, & *Archotæ Dux* S. R. I. Princeps, Ducalis Prus-
siæ Gubernator, *Baronem Truchiesium Colonellum Electoralem*,
cum rheda, & cohorte equestri militiæ, qui ad ipsam Ecclesi-
am, per ampla illius Ciuitatis pomeria, deduxit Episcopum, cu-
jus aduentui applaudendo, bellica displosa tormenta, eaq; de-
clarata hospitalitatis officia, quæ Principi Electori conuenie-
bant. Supra integram septimanam Regiomonti commoraba-
tur, in Ecclesia die Dominico missam decantauit Pontifica-
lem, Confirmationis Sacramento, propè duo millia hominum
signauit, gregem Catholicum sat numerosum, quasi lilium in-
ter spinas, & hæresis senticeta, egregiè propagatum, cum ma-
gno internæ consolationis sensu, vidit inspexit, & ea quæ visi-
tationis requirit actus, impleuit. Missionem Societatis IESV
ad eandem Ecclesiam fundatam, à suisq; confirmatam antecesso-
ribus, ingenti rei Catholicæ commodo, circa animarum lucra
laborantem, approbavit, confirmavit, Electori *Brandenburgico*,
Duci Croia, Catholicorum protectionem impensius recommen-
dauit, hisq; peractis, ad conuentum generalem, vt vocant post
comitalem abiit, vbi ea fecit præstitit, quæ boni publici exi-
gebant rationes. Festum diem *S. Casimiri* Regni Poloniae & M.
D. L. Principis ac Diui Tutelariorum, hucusq; profusum, celebre ad
forum populum per diocesim denuntiavit. Cæteris eius desti-
natis, & curis Episcopalibus, Princeps Pastorum benedicat, mit-
tatq; ab alto auxilium, Ecclesiæ Reipub. solatio longæuum, so-
spitemq; præstet. Vouemus & apprecamur in eo tractu, quem
circumquaq; heterodoxum sepsere, obsedereq; zizania, mereat-
ur illud, quod *S. Antistiti Ildephonso* sanctior adscripsit calamus
Elogium ANCHORA FIDEI.

*Pontificale caput, non tot tibi Varmia gemmis ;
Nec tanto decorat fulgure, mitra duplex ;
Præsule quod dignæ tibi sunt, & Principe dotes ;
Regia dona animi, quod Tuus Agnus habet.
Hinc decuit, Regum trabeas qui sanguine tangis,
Vt Regio Regum, Pastor Ouile regas.*

F I N I S.

CHRONICON
DE VITIS
EPISCOPORVM
VARMIIENSIVM.

P E R

IOANNEM PLASTWIG,
Decretorum Doctorem Varmiensis Ec-
clesiæ Decanum.


Conscriptum circa Annum M. CD. LX. IV.



Amico Lectori

THOMAS TRETERVS S. P.

Libellum de vitis Episcoporum Varmien-
sium, qui Anonymus circumferebatur, Au-
ctori suo IOANNI de PLASTWIG restitutum
hîc adjunximus; Qui cùm stylo durior con-
scriptus fuerit, nonnullis in locis, verba quæ ad illu-
strandam sententiam magis facerent, fide Histo-
riæ ubiq; saluâ, mutare vel addere necesse habui-
mus. Magna tamen illi gratia debetur, quòd non
parùm lucis, Episcoporum Historiæ, hoc suo com-
pendio attulerit, ad Episcopi *Pauli* cuius jussu, hæc
se scripsisse fatetur, tempora. Sunt qui existi-
ment, eum Braunsbergensibus paulò iniquiorem
fuisse, injuriæ, Consanguineis quibusdam suis per
eos illatæ, vindicandæ studio.





P R Æ F A T I O.



Mania tempus cursu velocissimo imminuit, atq̃ consumit. Senescunt non modo Familia, sed & Vrbes. Mundus quoq̃ ipse ni fallimur, vergit ad extremum. Omne quod in tempore oritur, cum tempore occidit, & cum occiderit non redit. Virtute & industriâ bonarum artium studijs frenari potest, non quòd ne fugiat, sed ut ne pereat. Nihil est autem diuturnius, nil dulcius, quàm bene impensi temporis memorari. Et quia quo fruimur, vitæ cursus, nunc brevis, nunc breuissimus est, longus nunquam durus semper, asperq̃ & ambiguus. In remedium igitur Infirmitatis humanæ, literarum vsum, Diuina misratio piè procurauit, ne facta gloriosa, rapido temporis fluxu, dilabantur. Exemplum enim majorum quæ sunt incitamenta & fomenta virtutum, nullum omninò erigerent aut seruarent, nisi pia sollicitudo scripturarum, ad posteros transmississet. Nemo enim unquam, nisi ex sua, aut scripti alieni constanti gloria claruit. Falso igitur quæritur de natura sua, cupidè malis suis incumbens genus humanum, quòd imbecillis atq̃ æui brevis, sortè potius quàm virtute regatur. Nostra deniq̃ omnium vis in animo & corpore sita est; Animi imperio, Corporis seruitio magis vtimur; Alterum nobis cum Superis, alterum cum belluis commune est. Dux enim uerò atq̃ Imperator mortalium vitæ, animus est; qui ubi ad gloriam, virtutis viâ graditur; abundè pollens potensq̃ & clarus est, nec fortunâ eget: quippè quæ probitatem, virtutem, industriam aliâq̃ artes bonas, neq̃ dare neq̃ eripere, cuiuspiam potest. Quòd si hominibus bonarum rerum tanta cura esset, quanto studio alia ad nihilum profutura, multa etiam periculosa petunt, non reuerentur magis, sed reuerent Casus, & eò procederent, ut pro mortali gloria, æterni fierent, utq̃ Filij Dei dicerentur & essent: Nam uti genus humanum compositum ex anima & corpore est, ita res cunctæ, studiaq̃ omnia nostra corporalia, animi naturam sequuntur. Itaq̃ præclara facies, magnæ diuitiæ, ad hoc vis corporis ingens, & alia huiusmodi, omnia tempore breui dilabuntur. At ingenij egregia facta, sicuti anima, immortalia sunt. Postremo corporis & fortunæ bonorū, uti initium sic & finis. Orta enim occidunt, & aucta senescunt; Animus, incorruptus & æternus est. Quòd rectius videtur esse ingenij, quàm virium gloriam quærere; Gloria autem vera, bonis artibus non quæritur;

Est enim (ut sapientibus placet) gloria quasi quædam umbra virtutis: illam comitatur, illam sequitur: Quæ quibusdam veluti stimulus, generosos modestosq; animos, excitat atq; erigit, & impellit ad virtutum opera prosequenda. Ut verò non modo longa sit gloria, sed æterna, sola virtus efficere potens est; quæ in rebus humanis, nihil maius nihil altius est. Est enim rectum atq; unicum ad felicitatem iter. Illi vacandum, illiq; totum nisu ac perseverantiâ insistendum est. Profectò Largitor ille sydereus, nisi constanter optantibus, instanteq; precantibus illam tribuit. Perseueranti quidem animo, omissis omnibus, hic jugiter incumbendum est: hoc unum ante oculos semper habendo, ad nihil aliud in hanc terrenam habitationem nos venisse, & hoc unum à nobis exigere, ut virtutum gradibus, Cælum petamus. Cæterum gloriosa rerum bene gestarum memoria, validum generosis animis incentivum, ad virtutum iter capeffendum, præbet. Cum enim quis facta magnifica, è scripto discit, aut representatiuas imagines intuetur, vehementissimè sibi ad virtutem animus accenditur: non quidem scripturam, aut figuram, tantam vim habere putandum est; sed memoria rerum gestarum, eam flammam egregijs viris in pectore ingerit, neq; prius sedari sinit, quam virtus eorum famam, atq; gloriam adæquauerit. An quis omnibus his maior est, qui diuitijs & sumptibus, non probitate, neq; industriâ, cum maioribus suis contendere mauult? Quocunq; igitur impetus fortunæ rotauerit, nos virtutis vestigio incedentes, eiusdem gubernaculum firmiter teneamus, Optimo nos syderum Conditori, ac salutis Nostræ Gubernatori, amantissimè committendo, supplicemus, ut liberam vitæ proram, gubernaculo prudentiæ dirigat, in portum salutis æternæ. Nunc iam his præmissis vadat calamus, & in ea quæ intendo, suo tramite gradiatur; eâ præcipuè motus intentione, ut alijs mihi & scientiâ & experienciâ maioribus, viam aperiâ, maturius, copiosius, ac perfectius, in subiecta materia cogitandi, Dei Omnipotentis gratiam & pietatem inuocando.

INCIPIT HISTORIA.



Rutheni, Hunni & Gethæ, in Chronicis *Polonorum* nominantur gentium more, Idolis seruientes Christianicis plurimum infesti, cæperunt sæuissimè *Masouia Cuiauiæq;* Ducem (qui vnicus dictos duos tunc Ducatus possidebat) ac cæteros *Polonia* Duces, cum ipsorum subditis, qui tunc erant Christiani, bellis continuis molestare. Nondum enim erat *Polonia* Regnum, sed Ducatus. Ipsiq; *Prutheni* bellis ac incursionibus continuatis, totam terrâ *Culmensensem*, quæ tunc ad Ducatum *Cuiauiæ*, & terram *Dobrinensem*, quæ ad Ducatum *Masouia*, pertinebant, omninò desertas reddiderunt; ita vt ibidem annis multis nemo hominum habitaret; singulis namque annis *Prutheni* præfati, magnum contra *Polonos* exercitum ducentes, multos ex ipsis Christianis occidentes, reliquosq; vnâ cum mulieribus quoq; & infantibus, in gentilitatis suæ seruitutem traduxerunt, Ecclesias Christi destruentes, Presbyteros ac religiosos miserabiliter trucidarunt, ipsosq; Ducatus tributarios, & quasi desertos faciebant. Ruebant enim sine omni resistencia, quò volebant: Nam erant in populo copiosi, corpore robusto, & animo ferocissimo. Cumq; præfati *Polonia* Duces & signanter *Cuiauiæ & Masouia* Dux, inter cæteros *Polonia* Duces Principalis, & *Prutheni* plùs vicinus, Christianos sic occidere, extirpari & periclitari Religionem; se suosq; tam crudeliter agitationibus continuis, molestari animaduertisset, nec se quouis modo *Pruthenis* resistere posse videret, præhabito maturo consilio, cum deliberatione diligenti, præmissa pericula, sæuitias, & grauamina, coram sede Apostolicâ proponi fecit, consilium & defensionis auxilium, humiliter implorando. His calamitatibus fidelium mora sedes Apostolica, ad præmissis periculis obuiandum, misit Legatum suum ad *Germania* partes, contra *Pruthenos* bellum generale indicendo, Christi que crucem, contra eos prædicando & erigendo. Vnde moti multi Archiepiscopi, Episcopi, Reges, Principes, ac alij Fidei Zelatores, deuotionis causa, & peccatorum suorum remissionis intuitu, sub spe remissionis æternæ, animati, Christi Cruce insigniti, contra *Pruthenos* arma sumpsêre, comparatoque exercitu copioso, Legatus in *Prussiam* proficiscitur. In quo quidem Exercitu, erant aliqui, licet pauci Fratres Ordinis Sanctæ *MARIÆ* Teutonicorum.

Sic sollicita de Christianæ Religionis protectione & augmento Sedes

Prutheni Idolatraz.

Ducatus *Masouia* depopulantur.

Incolas in seruitutē rapiunt.

Quæ gens qualis fuerit.

A sede Apostolica Dux *Masouia* contra *Pruthenos* consilium petit.

Legatus Apostolicus in *Germaniam*.

Bellū *Pruthenis* indicendo.

Multi contra *Pruthenos* in surgunt.

Legatus Apostolicus cum Exercitu in *Prussiam* proficiscitur.

Sollicitudo Se-
dis Apostolicæ
circa Prussiam.

Debentur Pru-
theni.

Offertur Prus-
sia deuicta sedi
Apostolicæ.

Mittitur Lega-
tus ad diuiden-
dam terram &
Episcopatus
fundandos.

Dotantur Ec-
clesiæ.

Terra diui-
ditur.

Ordo Teuton-
icorum non de-
uicit Prussiam.

to Sedes Apostolica, multis continuatis annis faciebat, mittens annis succedentibus, tres successiuè Legatos, ad fideles contra *Pruthenos* incitandum, donec Diuinæ pietatis auxilio, terra *Prussiae* Incolis pro maiori parte interemptis & fugatis, residui pauci quidem, fidem Christi suscipere coacti sunt. Cùmque fuisset annis quinquaginta tribus, clarissimè præliatum, & ces-
sante Incolarum feritate, *Prussia*, sine magnâ *Pruthenorum* resi-
stentiâ in potestatem Fidelium deuenisset, præfati Archiepisco-
pi, Episcopi, Reges & Principes, quorum operâ, laboribus & ex-
pensis, sede Apostolicâ, Legati sui medio, instigante, terra ipsa
fuit obtenta eandem Sedi Apostolicæ præfata, deuotè obtule-
runt, humillimè supplicantes. vt pro defensione & augmento
Fidei Christianæ, de illa ordinationem prouidam facere digna-
retur. Missus igitur fuit ab *Innocentio Papa IV.* Dominus *Wil-
helmus Mutinensis* Episcopus, Legatus sedis Apostolicæ (qui
postea factus fuit Papa, & vocatus *Alexander III.*) & hic iuxta
traditam sibi formam Anno Domini M. CC. XL. III. Mensis
Iulij, præfati *Innocentij Papæ* Anno I. Terram diuisit, limitauit,
Episcopatus fundauit, Ecclesias erigendo, Episcopos instituit, Ec-
clesias dotando; & ordinauit, quòd Episcopus *Culmensis* iuxta
tunc concordata, cum Diocesis suæ Incolis, ac Ordinis Fratri-
bus, suâ deberet esse portione contentus. Erat enim dicta Dioc-
cesis à *Cuiavia* Duce, Fratribus Ordinis præmissi, in feudum da-
ta Anno M. C. XC. Et quia in introitu terræ erat sita, iam com-
petenter ab hominibus inhabitabatur, eò quòd in fidelium in-
gressu, illam primò Castris & fortalitijs (refugij causâ) munie-
rant. In cæteris verò Diocesium, videlicet *Varmienfi*, *Pome-
sanensi*, & *Sambienfi*, statuit & ordinauit, quòd Episcopus quilibet,
Ecclesiæ suæ, nomine totius suæ Diocesis, partem tertiam
obtineret, Ordinis Fratribus residuas partes duas, à sede Apo-
stolicâ in feudum obtinentibus, eo tamen pacto, quòd Ecclesijs
omninò liberis remanentibus, Ordinis Fratres labores & expen-
sas, bellorum pondus, ac terræ defensionis sufferre deberent,
prout hæc clarè & latè, tam in Ecclesiarum quàm Fratrum Pri-
uilegijs continentur; quæ utinam seruata fuisset, non tantis
hodie gement sub cladibus Vrbes, minusq; Clerus ac Chri-
sti Religio tota.

Et notandum est hîc diligenter, quòd non (prout quidem
& præcipuè dicti Ordinis Fratres, virtutibus alienis, nomen su-
um adornare satagentes, aiunt inaniter gloriantes) Ordinis
Fratres, Terrâ *Prussiae* à *Pruthenis* bello, seu gladio vindicarunt,

cùm

cum ipsi in eiusdem terræ acquisitione, numero & æstimatione fuerint minimi; Nec finit ratio suspicari, tam sæuam gentium multitudinem, paucos ordinis Fratres potuisse debellando subiugare; sed terram euictam, ac *Pruthenis* interemptis & expulsis, sedi Apostolicæ oblatam, ab eadem sede donatione, & in feudum receperunt. Nec Ordinis Fratres Episcopatus, seu Ecclesias Cathedrales erexerunt, fundarunt seu dotarunt: Nam vno eodemque tempore sunt per Legatum, Autoritate sedis Apostolicæ, Ecclesiæ fundatæ & dotatæ, Ordinifq; Fratres, de residua cuiuslibet Diocesis parte infeudati; modis & conditionibus quibus supra. Ita vt Ecclesiæ immediatè in temporalibus, sedi Apostolicæ subiectæ sint: à quâ etiam Regalia petere & recipere tenentur, prout hæc clarè in Priuilegijs continentur præmissis.

Euictam à Sede Apostolica in feudum Ordo accepit.

Nec Episcopatus Ordo fundauit.

Primus EPISCOPVS ANSELMVS.

Ecclesiæ Venerabili Varmienfi erectæ, fundatæ, & dotatæ præfectus fuit in primum Episcopum Dominus *Anselmus* qui quamuis latissimas pro Ecclesiæ suæ dote terras obtineret, erant tamen omnes incultæ & desertæ, propter bellum longum & *Pruthenorum* interfectionem & expulsionem; ita vt ipse Dominus *Anselmus* Episcopus Primus, in principio suæ prouisionis, vnâ solùm Marcâ argenti, de quodam Molendino, sito juxta *Gutstade*, (Crusmole hodie nuncupato) in redditibus feratur habuisse. Sed non est dubium, quin eiusdem sagacitate & diligentia, dicti redditus etiam tempore suo, aliquatim aucti fuerint. Ipse enim primus & prouidus Architectus, diuturnitatis fundamentum in virtute jacens, honestis vitam actibus circumuallans, Prudentiam atq; Fortitudinem ante fores collocauit. Iustitiam atq; Modestiam, in propugnaculis statuens, Humanitatem & Mansuetudinem in muris vndiq; ordinauit. Spem, Fidem & Charitatem, in medio structuræ firmans, bonam famam, Dei hominumq; Amorem, in circuitu stabiliiuit. Sicque malos & incredulos in stuporem, bonos verò incitabat in Amorem, vitamq; post laudabilem. migravit ad Dominum.

Reditus Episcopatus vnus Marcæ.

Tempore ipsius Domini *Anselmi* Anno Domini M. CC. LX. fuit magna & tetra Apostasis *Pruthenorum*. Ipse Dominus *Anselmus* Anno Christi M. CC. LXI. in Ciuitate *Braunsberg* in honorem Sancti *Andree* Apostoli, Ecclesiam Cathedralem erexit, Prælatos & Canonicos in eadem instituit & ordinauit, prout

Apostasis *Pruthenorum*.

Cathedralis
Ecclesia fun-
datur.

prout hæc in literis per eundem desuper confectis plenius continetur. Ipsius obitus tempus ignoratur, vixit tamen Anno Domini M. CC. LXI. XIII. Calend. Iunij prout in Regestris antiquis reperitur. Sepultus est *Elbingæ*.

Secundus EPISCOPVS HENRICVS.

Teutonici ad
terram vo-
cantur.

Ecclesiæ Paro-
chiales eri-
guntur.

Cathedra Fra-
uenburgum
transfertur.

Post prædecessoris sui obitum, Ecclesiæ *Varmienfi* fuit prouisus Dominus *Henricus*. Cuius & Successorum suorum solitudine diligenti, agri Ecclesiæ successiuè, cum hominibus Teutonicis ad terram vocatis, pro maiori parte, & *Pruthenis* expulsis, redeuntibus, locati sunt. Ecclesiæ Parochiales erectæ & dotatæ, in Diuini cultus augmentum. Ita vt Domino auxiliante, Ecclesia *Varmiensis*, quæ in principio inter alias pauperior extitit, in Diuini cultus augmento, ac temporalibus facultatibus, felicia recipiens incrementa, temporis successu, ditior alijs effecta sit. Ipse Dominus *Henricus* Ciuitati *Braunsberg*, per Reuerendum Patrem Dominum *Brunonem* Episcopum *Otomucensem*, qui cum Rege *Bohemiæ* contra *Pruthenos* venerat, fundatæ, Priuilegium concessit. Ipse etiam Ciuitatem *Frauenburg* primò exposuit. Erat tunc Ecclesia Cathedralis in *Braunsberg*, in Capella Castri, in honorem Sancti *Andree* Apostoli consecrata. Fuitque Castrum *Frauenburg* cuiusdam honestæ Viduæ, quæ mota pietatis affectu, Castrum ipsum, pro Ecclesia Cathedrali ibidem construenda, donauit. Et tunc Ecclesia Cathedralis, tempore ipsius Domini *Henrici*, illuc translata est.

Hic Dominus vitæ integritate, operumque stabilitus claritate, virtute fulgens, quæ sola Fortunæ legibus est soluta, post labores fructuosos, Spiritum Deo reddidit Anno Domini M. CCC. idibus Iulij. Sepultus in Ecclesia *Varmienfi* sub lapide ante Altare.

Tertius EPISCOPVS EBERCHARDVS.

Mortuo *Henrico*, substituitur Ecclesiæ *Varmienfi* Dominus *Eberchardus*, virtute præditus, in spiritualibus & temporalibus, prouidus & circumspectus. Qui ad Ecclesi-

am promotus, præfata Ecclesiæ profuit. Ipse exposuit & fundavit Oppida *Wormditt Heilsberg & Gutstadt*, Ipsius etiam tempore *Melsack* oppidum per Capitulum expositum & locatum est. Hic quantâ solitudine Ecclesiæ suæ commodis intentus fuerit, in agris locandis, oppidis & villis exponendis & fundandis, Priuilegia Oppidorum Villarumque reuoluens, liquidè deprehendit. In commisso sibi officio diligentissimè laborauit, multa bona faciendo, diuturnitatis sibi nomen virtute & solitudine comparauit, consultè ponderans quòd nihil sine labore laudabile, nil excelsum; Cùm sit labor virtutum area & laudis fundamentum. Tempore ipsius, Fratrum Ordinis Magister Generalis *Sifridus de Fuchtevangen*, residentia suæ sedem primò posuit in *Prussia*, in non magnam Ecclesiarum consolationem. Ipse quoq; Dominus *Eberhardus* vitâ functus est Anno Domini, M. CCC. XX. VI. VIII. Calend: Iunij. Sepultus in Ecclesia *Varmiensis*.

Fundantur Ciuitates.

Magister Ordinis sedem locat in Prussia.

Quartus EPISCOPVS IORDANVS.

Dominus *Iordanus*, qui Prædecessorum suorum vestigijs inhærendo, laudabiliter Ecclesiæ *Varmiensis* præfuit, ejusdem profectibus diligenter inuigilando. Virtutis in Vestigia pedem figens, nec declinans aliò nec subsistens alibi, felicitatis & gloriæ meruit brauium adipisci, cursum vitæ finiens Anno Domini M. CCC. XXVIII. VI. Calen: Decembris. Sepultus est in Ecclesia *Varmiensis*.

Quintus EPISCOPVS HENRICVS WAGENAX.

Vitâ functo *Iordano* datur Ecclesiæ *Varmiensis* in Episcopum Dominus *Henricus Wagenax*. Qui Prædecessores suos sagaciter imitando, Ecclesiæ suæ commodis fideliter insudauit, in Spiritualibus sollicitus, in temporalibus prouidus, virtute animum imbuit, illam sciens vnicam fore, quâ quis contra omnem fortunæ impetum, tutissimè se tuetur: Nam nullius rei eget, qui virtutum diues est. Hic post laudabilem conuersationem, & labores fructuosos, diem suam clausit ex-

tremam Anno Dñi M. CCC. XXX. IV. V. Idus Aprilis, sepul-
tusque est in Ecclesia Varmienſi.

Ob Schisma li-
tigioſum vacat
Eccleſia an-
nis quatuor.

Reſſel fun-
datur.

Et hîc notandum quòd præmiſſorum Venerabilium Patrum
Dominorum Episcoporum, prouidâ diligentia & vigili curâ,
auctæ fuerunt competenter Eccleſiæ facultates. Cæperunt igitur
duo, in diſcordiâ electi, contra iuſtitia præceptum, præſſe
quærentes, non prodeſſe; plus de redditibus accipiendis, quàm
de Oibus conſeruandis ſoliciti, ſuper Eccleſiæ titulo, in Curia
Papæ, quæ tunc erat *Auenione*, litigare; quæ lis durauit annis
quatuor, quibus Eccleſia Paſtore caruit. Tandem vnus de-
ceſſu, & alteri ſilentio impoſito, cauſa finem ſortita eſt, & vtri-
que ambitionis via præcluſa; Quâ vacatione durante Anno
Domini M. CCC. XXX. IV. Capitulum expoſuit & locauit
oppidum *Reſſel*, eidem Priuilegium concedendo. Nondum
enim erant Eccleſiæ Bona diuiſa.

Sextus EPISCOPVS HERMANNVS de PRAGA,

Papa Conſert
Episcopatum
Hermanno.

Eumque ipſe
conſecrat.

Libros con-
ſcribit.

Ad infantia
mores redu-
daſtus Mo-
ritur.

Bona Episcopi
Capituli erant
Communia.

Eccleſiæ Varmienſi, fuit Dominus *Hermannus* de *Praga* De-
cretorum Doctör eximius, in *Curia Papæ* Auditor *Rotæ*,
ætate ſenex, moribus venerabilis. Cui Dominus Papa
Benedictus XII. Auenione de Eccleſia, vt præfertur, vacante pro-
uidet, ipſumq; in octaua Paſchæ quæ fuit dies xix Aprilis ſo-
lenniter conſecrauit, Anno Domini M. CCC. XXX. VIII.

Hic adeptus Eccleſiæ prouiſionem, prouidi & ſoliciti Paſto-
ris more, multa bona in Eccleſia ſua faciebat, cumq; boni ſe-
nis veneranda canities experientia plena, laboris ſollicitudinem,
corporiſq; valetudinem, eidem abſtuliffet, ſcripturarum ac vir-
tutum ſtudio plus incumbens, ad animi exercitium ſeruentius
ſe tranſtulit, ac in ædificationem fidei libros edidit, omniq;
conatu, in ſibi commiſſo officio vigilabat. Ipſe novum Op-
pidum *Braunsberg* expoſuit & locauit, & ſimiliter oppidum
Scheburg.

In fine tandem vitæ, exhaustus ſtudio & labore, ad infan-
tia mores redactus eſt, obdormiuitq; in Domino Vir venerabilis
Anno Domini M. CCC. L. Instante tunc Iubileo, in nocte Cir-
cumciſionis Domini. Sepultus eſt in Eccleſia Varmienſi.

Hîc notandum eſt quòd à Principio Erectionis & funda-
tionis Eccleſiæ, fuerint Bona Episcopi & Capituli indiuiſa, redi-
tibusq; communiter collectis, Episcopus partibus duabus ſibi

reten-

retentis, tertiam Capitulo erogabat : communiterq; operantes & sibi mutuò consulentes, Ecclesiæ profectibus intendebant. Sed annis aliquibus, paucis quidem, ante eiusdem Domini Episcopi *Hermann* obitum, vt ex Regestris colligere potui Anno Domini M. CCC. XL. VIII. intrante, fuit Dominium Ecclesiæ diuisum, inter Episcopum & Capitulum in partes tres, missaq; fors, & quod cuiuslibet fors tribuit, illo pro commodo suo quouis vsus est, vsq; in tempus hodiernum. Cætera Ecclesiæ ab Ordine Teutonicorum abstracta, prout in processu infra patebit.

Diuiduntur in tres partes, duæ cedunt Episcopo, tertia Capitulo.

Septimus EPISCOPVS IOANNES de MISNA.

Ioannes de *Misna*, qui cùm esset ipsius Ecclesiæ Varmiensis Decanus, à Capitulo concorditer in Episcopum electus, à Domino Papa *Clemente VI.* confirmatus est, ad Ecclesiamq; suam de Curia Papæ, in die Sanctæ Cæcilie Virginis reuersus, fidei sollicitudine, Prædecessorum suorum vestigijs inhærendo, bonum & commodum Ecclesiæ totis viribus procurauit. Hic diligentia sagax, labore proficiuus, sollicitudine impiger, virtute spectabilis, inter Prædecessores suos non infimus reputatione, cuncta benè & decenter administravit. Ipse primò Castrum principalis *Heilsberg* muri fundamenta posuit, & super terram produxit. Et similiter in Castro *Ressel* & *Scheburg* fundamenta posuit; Erant enim antea in locis supradictis fortalitia lignea argilla circumducta. Ipse Dominus Ioannes, notabilem fecit laborem, paruo illo tempore, quo ipsi Ecclesiæ præfuit. Ipsius etiam tempore, Ecclesiæ Varmiensis fundamenta locata sunt. Erat enim antea Ecclesia lignea & parua. Tempore quo idem Dominus Ioannes Ecclesiæ præfuit, Anno Dñi M. CCC. L. III. Capitulum exposuit & locauit Oppidum *Allenstein*. Obijt idem Dominus Ioannes Anno Domini, M. CCC. L. V. die penultimâ mensis Iulij, ac sepultus est in Ecclesia Varmienfi.

A Capitulo concordibus votis eligitur Ioannes de Misna.

Castrum Heilsberg fundatur.

Similiter Ressel & Scheburg.

Capitulum Allensteinum locat.

Octauus EPISCOPVS IOANNES STREIFFROCK.

Concordibus votis in Episcopum eligitur à Capitulo *Ioannes Streiffrock* Custos eiusdem Ecclesiæ, Anno eodem M. CCC. L. V. die secundâ Mensis Augusti, qui à Do-

Eligitur à Capitulo Ioannes Streiffrock.

Fundatio War-
tembergi.

Fratres Teuto-
nici Bona Ec-
clesiæ inuadūt.

Colloquiū E-
piscopi cum
Magistro in-
stitutum.

Magister Epi-
scopum inter-
ficere conatur.

Insidias illi
struit.

Quas euasit &
Auenionem
peruenit.

mino Papa *Innocentio VI. Auenione* confirmatus est, ibidemque consecratus, ad Ecclesiam suam Sabbatho ante Dominicam Lætare, Anni insequentis reuersus est, Ipse oppidum *Vartemberg* fundauit & locauit, Anno Domini M. CCC. LX. I. Postquam tempore aliquanto pacificè in Ecclesiæ suæ Dominio resedisset, prouidâq; sui ac Prædecessorum suorum sollicitudine, agri Ecclesiæ in magna parte locati fuissent, ac oppidis villisque iam fundatis, redditus augeri cæpissent, Ipse Dominus Ioannes Episcopus cum Ecclesia sua, inuidiâ non caruit, acciditque quod dici consuevit; *Inuidet opibus vicinia, pauperiem miseratur, illas cupit ac vituperat, hanc horret & laudat.* Gernentes namque Magister & Ordinis sui fratres, Ecclesijs vicini grauissimi, & vt plurimum malè fauentes, homines communiter malle sub Ecclesia, quàm ipsis Fratribus residere; Inuidiæ flammâ succensi, auaritiâ fomentum ministrante, finibus suis non contenti, Ecclesiæ Dominium inuadere, & contra eandem tyrannicè seuire cæperunt, eiusdem prosperitate, infortunium suum suspicantes; multasq; villas, Nemora & Lacus successiuè Ecclesiæ abstulerunt. Vnde Dominus *Ioannes* Episcopus prænominatus, prouidi & fidelis Pastoris more, iniuncto sibi Officio fungens, tyrannidi præfata viriliter se opponens, Ecclesiæ suæ lura defendendo, ablata repetere, & vt æqua fieret Diocesis diuisio, cum limitum distinctione, feruenter cœpit instare, eâq; propter diuersas cum Magistro successiuè tenuit conventiones; Quarum nouissima fuit Anno M. CCC. LX. IX. in festo sancti *Ioannis Baptiste* in Villa *Neukerche*, ad vnum milliare ab Ecclesia *Varmiensi*, in via quâ itur in *Elbing*, quam tunc cum Villis & terris adjacentibus adhuc Ecclesia possidebat; quibus statim prædicta Ecclesia fuit ab Ordine spoliata. Et dum idem *Ioannes* Episcopus in dicta Conuentione, Ecclesiæ suæ ablata repeteret, pro Ecclesiæ suæ luribus viriliter decertando, inter verba incidentia, *Magister Winricus Kniprode*, spiritu se nequam Instigante, extracto seu euaginato cultello quo præcinctus erat, Dominum *Ioannem* Episcopum interficere conabatur; quod cum per circumstantes, Domino DEO volente fuisset impeditum, Magister præsumens eundem Dominum Episcopum Patriâ egressurum, illi in omnibus vijs & passibus prætendi ordinauit. Sed tamen Domino Deo gressus suos misericorditer dirigente, euasit, & saluus Ciuitatem *Auenionem* intrauit, vbi tunc Papa cum sua curia residebat; sicque hunc suum hostem quem pugnando pati nequibat, vicit fugiendo, & contra arma tyrannica, iustitiæ Cly-

peo triumphauit. Post ipsius recessum, sequutus est eum Dominus Ioannes de Essen Cantor & Canonicus Ecclesiæ memoratæ, & cum Priuilegijs & Iuribus huius Ecclesiæ, insutus sacco humili, in naui clam adductus est. Postquam Causa contra Magistrum & Ordinis Fratres, in Curia Papæ introducta fuit, illi furijs accensi, plus solito in Ecclesiam tyrannicè sæuire caperunt: nam tunc erant potentissimi: prodijtq; ex abundantia, superbia, conditionis obliuio, tumorq; animi letifer, quod nil peius in vita reperitur. Nec ipsorum abundantia est faciat auariiâ, sed accensa. Spoliarunt itaq; Ecclesiam multis terris, Dominijs, & Possessionibus, & signanter infra scriptis, quæ Ecclesia Varmiensis ab initio in pacifica semper habuit possessione, Videlicet terram *Seyssten* ab illa parte *Ressel*, cum omnibus terris & Lacubus versus Meridiem. Item à *Seysstern* vsq; ad Lacum *Kermeycken* & flumen quod exit de eodem Lacu, ubi Ecclesia suos multis annis tenuit Custodes. Item Lacus *Weyssen* & *Segestrien*, alijsq; lacubus & terris propè iacentibus. Item Lacus *Bawant* & Lacus qui vocatur *Stromigk* & Lacus cum terris propè iacentibus. Item postq; castra *Hanesberg Rastenburg* ædificata fuerunt & conuentus locatus in *Lunenburg*, his lacubus & terris circum iacentibus, successiuè de Anno in Annum spoliata fuit Ecclesia supradicta, à principio suæ foundationis pacificè possessis; Quorum lacuum nomina sunt hæc.

<i>Gymen,</i>	<i>Dampkt,</i>	<i>Nerdingi,</i>	<i>Afore,</i>
<i>Talbe,</i>	<i>Wangon,</i>	<i>Garxede,</i>	<i>Galintze,</i>
<i>Laysson,</i>	<i>Kausis,</i>	<i>Marksedt,</i>	<i>Schobe.</i>
<i>Coysnik,</i>	<i>Indissee,</i>	<i>Sawant,</i>	<i>Skiten maior,</i>
<i>Purde,</i>	<i>Dambir,</i>	<i>Persuppe,</i>	<i>Skiten minor,</i>
<i>Ariugune,</i>	<i>Kansinge,</i>	<i>Ylgone,</i>	<i>Salgenum,</i>
<i>Narayte,</i>	<i>Sampolt,</i>	<i>Lacus iv. qui dicuntur Alpus,</i>	
<i>Malsobe,</i>	<i>Womenin,</i>	<i>Cromone,</i>	<i>Keytante,</i>
<i>Burgelin,</i>	<i>Gramme,</i>	<i>Gemente,</i>	<i>Lanxobe,</i>
<i>Swerlbinke,</i>	<i>Kimpone,</i>	<i>Calmoy,</i>	<i>Yellow,</i>
<i>Passerwinte,</i>	<i>Loyliske,</i>	<i>Strene,</i>	<i>Aucte.</i>
		<i>Dalunge,</i>	

Item Commendator *Balgensis*, per mensurationem vnus miliaris à *Ressel* versus *Poloniam*, abstraxit Ecclesiæ spatium quatuor Mansorum, in quo spatium continetur villa *Weder* & nemus *Weder*, cum nemoribus adjacentibus, & Lacus *Willike* cum pratis eidem adjacentibus, & lacus *Summir*; quæ omnia Commendator præfatus, Anno eodem quo Dominus Cantor recessit, statim tenerè inuasit, & tyrannicè occupauit.

Eum Cantor cum Priuilegijs sequitur.

Causa agitur coram Papa.

Ea res Magistrum offendit.

Spoliat Ecclesiam bonis.

Et Lacus plurimis.

Et Lacus plurimis.

Villa Weder & Nemus, Lacus Willike & Summir.

Limites Dio-
cesis Varmien-
sis,

X. Milliaria à
Kurczkifadel
vsq; ad lapide
finium intra
Ressel.

Item Ecclesia *Varmiensis*, vt præmissum est, totius Dioce-
sis suæ partem tertiam, debet integrè possidere, cuius tamen
tertiæ, vix medietatem dignoscitur habere, prout ex infra-scri-
ptis luce clarius poterit deprehendi. Est enim latitudo totius
Dioecesis *Varmiensis* propè mare recens, à loco vbi *Pregera* in-
fluit idem mare recens, vsq; in *Elbing* XIII. Milliarium, de qua
latitudine Ecclesia habet duo milliaria aut minus. Et ascenden-
do de *Elbing* vsq; ad *Hollandt*, & ab alia parte juxta *Pregeram*
vsque in *Koenigsbergk*, latitudo Dioecesis transeundo propè Vil-
lam *Plastwigk*, est XIII. Milliarium de quibus Ecclesia habet
vnũ milliare, & quartale milliaris. Item ascendendo à *Hollandt*
vsq; ad stagnum dictum *Weyfike* propè Villam *Buchewaldt*, &
ex parte opposita à *Koenigsbergk* juxta *Pregoram* vsq; ad Castrum
Topia, latitudo Dioecesis, transeundo juxta *Wormditt* est XIV.
Milliarium, de quibus Ecclesia habet tria milliaria. Item ascen-
dendo à Stagno *Weyfike* vsque ad stagnum dictum *Marung*, &
ab alia parte ascendendo à Castro *Topia*, juxta *Pregoram* vsq; ad
oppidum *Wolaw*, sumendo latitudinem Dioecesis, transeundo
juxta *Heilsberg*, sunt XVI. Milliaria, de quibus Ecclesia habet
VI. milliaria. Item ascendendo à Stagno *Marung* vsq; ad *Kurcz-
kifadel*; & ab alia parte, à *Welaw* vsque in *Susterberg*, vbi est fi-
nis *Pregoræ*, sumendo latitudinem, sunt XXV. Milliaria, vide-
licet X. milliarium à *Kurczkifadel*, & graniciem positam retrò
Ressel juxta Castrum *Pilher*, & xv. milliaria vsque in *Iusterburg*
de qua latitudine habet Ecclesia X. Milliaria. Et ista pars
Dioecesis est diuisa inter Ecclesiam & Ordinem. Quæ pars in
longitudine ab *Elbing* vsq; ad *Hollandt* habet milliaria tria, de
Hollandt ad Stagnum *Weyfike* milliaria tria, de Stagno *Weyfi-
ke* ad Stagnum *Marung* milliaria tria, à Stagno *Marung* vsq; ad
Kurczkifadel milliaria sex; Et sic ab *Elbing* vsq; ad *Kurczkifa-
del* sunt milliaria xiiij. cum dimidio. Item ab alia parte à mari
recenti vsque in *Koningsbergk* milliare vnum, & à *Koningsbergk*
vsq; ad *Topio* milliaria quatuor, à *Topio* vsque ad *Welaw* milliaria
duo, à *Welaw* vsq; ad *Insterburg* milliaria V. & vltra vsq; ad Ca-
strum *Tamnaw* milliaria duo, Et sic à mari recenti vsq; ad *Tam-
naw* longitudo est xiiij. milliarium. Coniungendo & compu-
tando partes quas habet Ordo, tunc habet ab vtraq; parte xiiij.
milliaria in latitudine, sed Ecclesia non habet vltra quinq; in la-
titudine, & cum hoc inferius, vbi sunt agri boni vsq; ad *Worm-
ditt* modicum habet Ecclesia. Sed vltra vbi pars Ecclesiæ dila-
tatur, sunt ericæ multæ, & loca parùm vtilia.

Item pars Dioecesis adhuc diuidenda est fortè in duplo ma-
jor,

ior, quàm diuifa, quia habet in latitudine xxv. milliaria. & in longitudine vſque ad flumen *Memelo* eundo verſus Orientem, computantur de *Iſterburg* ad Nemus *Kirtamedie* Milliaria viij. Deinde ad flumen *Metem* milliaria viij. & vltra ad *Memelam* Milliaria jx. Et ſic longitudo eſt milliarium XL. VIII. Sed notandum eſt, quòd tota hæc computatio, eſt facta ſecundùm vias vſitatas, fortè ſi menſurando iretur directè, minus inueniretur. Et nota quòd de iſta parte indiuiſa, Eccleſia habuit in pacifica poſſeſſione, illam partem quæ eſt *Kurczkiſſadel* vſq; ad *Maſanam*, eundo videlicet de *Kurczkiſſadel* ad ſtagnum *Malſicko*, de quo ſtagno eſſluit fluuius qui dicitur *Malce*, juxta quem fluuium proceditur vſq; ad *Maſouiam*, & habet in longitudine milliaria vij. Item ab alia parte, retrò *Reſſel* à granicie poſita, juxta *Piltz* per *Scyſten*, ad lacum *Kerwoyke*, & fluuium qui ab eodem fluit; Et habet in longitudine milliaria viij. Latitudo verò dictæ partis, ſcilicet à *Kurczkiſſadel* vſq; ad *Piltz*, eſt milliarium X. & hanc partem totam habuit ab antiquo Eccleſia in pacifica poſſeſſione; ſed poſtea ſucceſſiuè ab Ordine ſpoliata eſt. Et hæc eſt terra ſita in terra *Galindia*. Et eſt notandum, quòd terra *Galindia* fuit, à *Bertingen* vſq; in *Poloniam* à *Gunlauken* vſq; ad *Poloniam*, & à *Bertingen* vſq; ad fluuium *Nate* & vſque ad *Sudoman*, ita vt tota terra *Nadroma* & *Sumoda* & *Polonia*, vſq; ad *Bartingen*, *Gunlauken* & *Barthen*, eſſet terra *Galindia*. Ita dixerunt Domini *Merune Miles*, *Wilkune Camerarius* in *Gutſtadt*, *Nadob* de *Aldekirchen*, *Namet* & *Sude* & *Auleps Mayne*, *Tubnaken Mayne*; Et iſti dixerunt ſe audiuiſſe à progenitoribus ſuis, & etiam ab illis quorum Progenitores habitauerunt in terra *Galindia*. Quòd major Rex *Galindia*, habitauerit circa lacum nomine *Nabentine*, qui eſt ad medium milliare, ab illa parte *Lutzen* verſus *Liouonias*, & vocabatur Rex ille *Ysgulp*. Item idem *Nadob* de *Aldekirchen* dixit, quòd *Magiſter Theodoricus* de *Aldenburg* qui fuit electus Anno M. CCC. xxx. V. & præfuit Officio Annis VI. Vocauit ad ſe ad Caſtrum *Strosberg* quatuor *Pruthenos*, de territorio *Galgenſi*, ſcilicet *Iomische*, *Zohin*, *Prermoth* & *Neyben*, & Tres Domini Eccleſiæ *Varmienſis*, ſcilicet ipſum *Nadob*, *Fuledraue* & *Preydrus*, & cum illis conferebat de Granicijs, inter Regem *Cracouiæ* & Terrarum *Prusiæ*. Tunc præfati quatuor, de territorio *Galgenſi*, designarunt Magiſtro Granicies antiquas, retrò diſtictum *Galgenſem* verſus *Weſen*. Et cum idem Magiſter ipſos interrogaret, de Graniciebus verſus *Maſouiam*, reſponderunt nos, nescimus illas; ſed de his, illos

A Kurczkiſſadel ad Piltz X. milliaria.

Situs Galindia.

Rex Galindia.

Magiſter Ordinis inquit fines Prusiæ.

Similiter Maſouia.

tres

tres de Dominio Ecclesiæ interrogetis, quia illa solitudo seu Desertum est Ecclesiæ, & tunc illi tres de hoc interrogati, granicies ipsas, inter Episcopatum seu Ecclesiam & *Masouiam* designarunt, & placuit Magistro, nec aliquid contradixit.

Castrum Heilsberg perfectit.

Rosfel & Scheburg similiter.

Et est sciendum, quod præfatus Dominus *Ioannes* Episcopus, Castrum principale *Heilsberg*, per Prædecessorem suum inchoatum, feliciter compleuit, testudines omnes sub terra, & supra terram etiam pro maiori parte faciendo. Inchoata etiam Castra, *Rosfel* & *Scheburg*, similiter pro maiori parte compleuit, antequam tyrannicæ rabie sæuiente, exulare cogeretur, ineuitabili Ecclesiæ suæ necessitate deuictus.

Ioannes Episcopus moritur Auenione.

Vitæ quoque suæ terminum finiens idem Pater venerandus, in Ciuitate Aueniensi, ubi tunc Papa cum Curia suâ residebat, Postquâ pro luribus Ecclesiæ suæ, & terris, quibus fuerat à Fratribus Ordinis spoliata, triennio litigasset, & super abiatorum restitutione, verâque & æquâ Diœcesis diuisione, ac limitum distinctione, tres sententias definitiuas conformes, vnâ cum literis exequutorialibus reportasset. Migravit ad Deum Vir venerabilis, memoriâ dignum pro Ecclesia sua zelum gerens Anno Domini M. CCC. LXX. III. in die sancti Ægidij. Sepultus apud Fratres Prædicatores ibidem cuius, anima gaudeat consortio Beatorum Ciuium supernorum.

Nonus EPISCOPVS HENRICVS SORENBAVM.

Henricus à Gregorio XI. prouisus.

Postpositis tribus conformibus consensit in dislimitationem nouam.

Cum diminutione sex millium Mansorū,

Henricus Sorenbaum oriundus de *Elbingo*, Notarius Domini Caroli tunc Romanorum Imperatoris: qui cum esset *Auenione* tempore obitus Prædecessoris sui, eidem per Dominum Papam *Gregorium XI.* prouisus extitit de Ecclesia Varmiensis, Anno eodem M. CCC. LXX. III. Quinto die Mensis Septembris. Hic nimis anhelans ad Ecclesiæ possessionem, Prædecessoris sui memoriæ venerandæ, qui pro Ecclesiæ suæ luribus & libertate, mortis pericula parui pendit, minimè inhærendo vestigijs, consensit in nouam Diœcesis diuisionem limitumque distinctionem, amicabili medio terminandas, Arbitrisque ad diuidendum ac dislimitandum electis, facta fuit diuisionis, limitumque distinctio, in maximam Ecclesiæ læsionem. Perdidit namque per eam Ecclesia memorata, de per ipsam antea pacificè possessis, ultra sex millia mansorum, cum lacubus & terris supra specificatis.

Et hoc

Et hoc etiam confessus fuit in extremis se procurasse poenitentiam tardam *Ioannes* de *Pusilia* Parochus in *Slaw*, vnus de arbitris, ad diuidendum & dislimitandum electus, & muneribus corruptus, Ecclesiae fines perfectissimè sciens, ex proposito, scienter & dolosè hoc malum faciens, alijsque minùs instructis idem persuadendo.

Perfidia Ioannis de Pusilia
Plebani in
Slaw. (Mans.)

Et hanc iniquissimam Diuisionem, cum limitum distinctione, praefatus Dominus *Henricus* Episcopus inconsultè nimis approbavit, rei iudicatae trium sententiarum definitiuarum, literisque Exequutorialibus per praedecessorem suum venerandum, magnis laboribus, periculis corporis, grauibusque expensis de super obtentis, turpiter renuntiando, suam quietem quaerens, cum enormissima laesione; o vtinam Praedecessoris sui, laudabilem & intrepidum animum habuisset! Magister & Ordo tunc erant potentissimi, & *Prussia* in maiori quam vnquam fuit flore & diuitijs, & Arbitri ad diuidendum ac limitandum electi, omnes per Magistrum aut corrupti, aut nimis in inquisitione veritatis negligentes. Quoniam vt ajunt sapientes, *Pauci sunt, qui ad rectum virtutis iter, nisi per deuia multa, cespitando perueniunt*, multosque ideò voluptatis seruos, in iuuentute suà visos, qui virtute in senio claruerunt. Ipse enim Dominus *Henricus* Episcopus, in primo ad Dominium Ecclesiae ingressu, multos secum *Bohemos* nobiles, de Domini Imperatoris Curia adduxit, qui cum essent dissoluti, ipse quoque ipsorum moribus aliquantulum reffectus est, caputque prodigalitatis vitio, Ecclesiae suae facultates dissipare, ipsamque expensis inutilibus nimis praegravare. Quapropter fuit per Capitulum suum, Capitulariter super sui emendatione requisitus. Quam quidem requisitionem ipse Dominus *Henricus* gratè & benignè recepit, emendationemque facere promisit, quam & fecit; dictos *Bohemos* honestè successuè ad partes suas remittendo, quibus sic dimissis, non fuit ulterius Ecclesiae suae oneri.

Arbitri corrupti & negligentes.

Episcopus Bohemorum fauor.

Bona Ecclesiae dissipat.

Monitus à Capitulo respuit.

Ipse Dominus *Henricus* vnà cum Capitulo suo, oppidum nouum *Braunsberg*, antiquo oppido vniuit, Anno Domini M. CCC. VC. VIII. Quae vnio cum propter graues dissensiones subsistere non posset, idem Dominus *Henricus*, vnà cum Capitulo suo eam cassauit, priuilegia noua concedendo Anno Domini M. CCC. XC. VIII. primà die Septembr. Et in dicto nouo oppido *Braunsberg*, Capitulum habet & habere debet, vnā curiam integram, omninò liberam, vt in Priuilegio continetur. Ipse etiam Dominus *Henricus*, oppida *Bischoffstein* & *Bischoffsburg* exposuit atque locauit.

Oppidum nouum Braunsberg cum veteri frustra vni-re tentat.

Duo Oppida fundat.

Braunsbergen-
ses, contra E-
piscopum sedi-
tionem exci-
tant,

Ipsē elapsus
Braunsbergū
obsidet.

Ciues veniam
petunt sumptus
belli refūdunt,

Conradus Val-
rader Magister
tyrannus.

Cogit rusticos
Ecclesiæ ne
laborent Dño,

Sed sibi, con-
sentiente Epi-
scopo inuito,

Contra Vota
sua faciunt,

Et est sciendum, quòd cùm ipse Dominus *Henricus* Consulatum & Ciues Oppidi *Braunsberg*, propter certum excessum notabilem punire decreuisset, & ipsi vocati in Castrum Episcopale, in præsentia eiusdem, super responsione dandâ, inducias postulatas recepissent; Consulatus Communitate totâ ad Prætorium conuocatâ, ad sonum Campanæ Consularis, nequam se Spiritu instigante, impetuosè furiâ pleni, in Castrum Episcopale irruentes, eundem Dominum Episcopum suum interficere conabantur. Sed Domino misericorditer ipsum protegente, retrò per muros Castri dimissus, vix euasit. Post breue temporis intervallum, Oppidum ipsum fautorum succursu, cum residuis Ecclesiæ suæ subditis, potenter obsedit, compellens eosdem, vt discalceati, discoopertisque capitibus, ac cingulos suos in collis deferentes, omnes Oppido exeuntes, humiliter veniam postularent: quam obtentam, murum altum Castri cum turribus suis, versùs Oppidum construxerunt in emendam, *Marcas* etiam mille, quæ tunc duo millia florenorum Vngaricalium valebant, pro expensis factis, eidem Domino suo tradiderunt.

Tempore ipsius Domini *Henrici* Episcopi, Anno videlicet Domini M. CCC. XC. I. electus fuit in *Magistrum Conradus Valrader*, qui fuit Tyrannus Maximus, & durissimus Ecclesiæ persecutor, omnis virtutis hostis sceleratus. Hic fecit in Dominio Ecclesiæ *Varmiensis*, rusticis ne agros colerent, sub poena amputationis manuum, & pedum inhiberi; crudelitates multas Ecclesiæ subditis inferendo, pro eo, quòd Dominus *Henricus* Episcopus Capitulumq; suum, eosdem juxta Priuilegium Ecclesiæ suæ, in libertate solita defendere conabantur. Coëgit demum idem Magister, Episcopum & Capitulum, tyrannicis ac inhumanis subditorum suorum oppressionibus, vt contra sua Priuilegia, Consuetudinem, ac omnem honestatem, rusticos suos mitterent ad laborandum in *Memelam* & *Ragnetem*, ad munitiones ibidem faciendas: Et in *Memela*, per *Samogitas* & per *Lithuanos*, vnâ vice de Ecclesiæ subditis vltra trecenti interfecti fuerunt; Mirâ quidem res est, *Ordinis Fratres*, vt Ecclesias, Clerum, ac totum Ecclesiasticum statum defendant, professionem emittere; ab Ecclesia etiam Romanâ, huius defensionis prætextu, Dominia temporalia, & omnia Priuilegia obtinere, qui tamen prout decet, non verentur, Ecclesias & Clerum opprimunt, statumq; Ecclesiasticum execrantur, Episcopos nil omninò ab ipsis Fratribus temporalitatis obtentos, tyrannicè persequuntur, periculosam formidandamque ruinam statui suo,

ex hoc

ex hoc prouenientem non pensantes, à quo etiam Gentium tyrannos, timore Diuinæ vindictæ, legimus abstinuiffe. Rarò enim uerò Ecclesias, Episcopos, siue Clerum læsos, siue affectos injuriâ reperimus, ubi non sit vindictæ Dei manus subsequuta; Et utinam in Auctores, & non in subditos poena redundaret, sed sapissimè Iustus pro Impio flagellatur.

Ecclesia & Clerus rarò opprimatur sine vindictâ Dei.

Obijt præfatus Dominus *Henricus* Episcopus, in Castro *Heilsberg* Anno Domini M. CD. I. Secundo Idus Ianuarij. Sepultus in Ecclesia *Varmiensis*. Ipse Dominus *Henricus*, ambitum in Castro *Heilsberg* fieri fecit & compleuit. Suburbium etiam eiusdem Castri, Muris ac fossis circumduxit. Multas etiam Ecclesias Parochiales, intra Diocesim exstruxit.

Moritur *Henricus III.*

Decimus EPISCOPVS HENRICVS HEILS- BERG de VOGELSANG.

Hic cum esset ipsius Ecclesiæ Canonicus, à Capitulo concorditer electus, & à Papa Domino *Bonifacio IX.* Romæ confirmatus est, Anno eodem M. CD. I. Quarto Calen: Aprilis, ac in Ecclesia Parochiali *Heilsberg*, jx. Calen: Augusti Anno eodem solenniter est consecratus. Vir virtute præditus, Bonorum Ecclesiæ suæ fidelissimus dispensator. Tempore ipsius Anno Domini M. DC. IX. In die Diuisionis Apostolorum, *Magister Prussiae Vlricus de Iungingen*, & Ordinis sui Fratres, per Regem Poloniae *Vladislaum Jagelonem*, & *Vitoldum* Magnum Ducem *Lithuaniae*, per se ad bellum prouocatos, deuicti, in bello magno occubuerunt. Et Rex cum Duce præfato, obtinuit quasi omnia, paucis exceptis, Ordinis Castra, Oppida, & Dominia, Magistro & Commendatoribus principalibus, in bello interfectis. Quod sagaciter mente reuoluens Dominus *Henricus* Episcopus memoratus, cupiens pro Viribus Ecclesiæ suæ consulere, cujus jam pars magna hostiliter extitit deuastata, accessit ad Ducem *Vitoldum*, obtinens ab eodem, quòd per exercitum ulterius Dominio parceretur. Rege verò & Duce *Vitoldo*, cum Exercitu de *Prussia* recedentibus, *Magister Henricus* de *Plauen* nouiter electus, omnia Castra, Oppida Ordinis & Dominia, infra tempus paruum recuperando, totum mali belli exitum, retorfit in Ecclesiam Varmiensensem, Dominum *Henricum* Epi-

Henricus III. eligitur.

Victoria Regis *Vladislai* de Teutonicis in die Diuisionis Apostolorum.

Episcopus à *Vitoldo* pacè Ecclesiæ obtinet.

Id, *Magister* inuidet & Episcopus persequitur.

Bona Ecclesiæ
occupat.

Episcopus
exulat.

Fit cōpromis-
sum de con-
cordia,

Episcopus re-
cuperat Pos-
sessionem Do-
minij.

Moritur Ve-
neno,

Magister Ad-
uocatum ini-
quum præfi-
cit Ecclesiæ.

Vindicta Do-
mini in Magi-
strum.

scopum, eò quòd partem Dominij Ecclesiæ, illasam conserual-
set, capitaliter persequendo, qui omnibus sibi præclusis vijs,
habitu desimulato, in naui vix euasit. Recepitque Magister
omnium Castrorum Oppidorum, & totius Dominij Ecclesiæ Pos-
sessionem. Ecclesiæ subditos, ad sibi præstandum homagium
compellendo, omnia etiam Castra & allodia Ecclesiæ spoliavit,
& Dominum Episcopum *Henricum*, in exilio tenuit Annis qua-
si quatuor.

Tandem Dominis, Rege & Duce *Vitoldo*, cum Magistro &
Ordinis sui Fratribus, super ipsorum differentijs, in Dominum
Sigismundum, tunc Vngariæ Regem, postea verò *Romanorum Im-*
peratorem, compromissum facientibus, Dominus *Sigismundus*
Rex, Domino *Henrico* Episcopo instante, inter cætera ordina-
uit: vt dicto Domino *Henrico* Episcopo, ad plenam Dominij
Ecclesiæ suæ possessionem restituto Magister cum Ordine suo,
eidem pro damnis illatis, & redditibus Ecclesiæ alienatis, vigin-
ti quinque millia Marcarum monetæ *Pruthenicalis* soluere tene-
retur, quæ tunc valebant, vltra quinquaginta millia florenorum
vngaricalium, seu de Camera. Reuersus fuit Dominus *Henri-*
cus Episcopus ad Dominij Ecclesiæ suæ possessionem, postquam
annis quatuor exulasset, & postea paucò tempore superuiuens,
veneno toxicatus obiit Anno Domini M. CD. XV. in princi-
pio Mensis Iunij. Sepultus est in Ecclesia Varmiensis.

Notandum est, quòd tempore exilij Domini *Henrici*, Ma-
gister *Henricus* prænominatus, præfecit in ipsius Ecclesiæ Ad-
uocatum, Virum iniquissimum, tyrannum magnum, & hominem
desperatum, Ordinis sui Fratrem nomine *Lucam Lichtenstein*,
vt si quid fortè mali, *Magister* facere erubisset, *Aduocatus* ipse
suppleret. Sed Tyrannorum euentus ambigui, & vt plurimum
infelices. Illud quoque ipsis communiter accidit, quod dici
consuevit.

*Ad generum Cereris, sine cade & vulnere, pauci
Descendunt Reges, & sicca morte Tyranni.*

Mens autem inordinata præsentis, non virtute & iure, sed vo-
luntate Dominantis, Tyrannum facit Reipub: grauem, Omni-
potenti DEO, & hominibus odiosum, qui omnium æquus re-
tributor; Eidem *Magistro Henrico*, condignam tyrannidis suæ re-
tribuit vltionem, quia peccauit vnctum Domini persequendo
temerè. Commendatores enim contra eundem conspirantes,
ac ab officio suo deponentes, ipsum annis septem in duris car-
ceribus tenuerunt.

Et notandum est, quòd idem *Magister Henricus* de *Plauen*
Anno

Anno Dñi M. CD. XI. & Anno M. CD. XIII. exactiōando subditos Capituli, habuit ab ipsis Marcarum quatuor millia & centum, bonæ monetæ Pruthenicalis, quæ valebant florenorū Vngaricaliū, octo millia ducentorū; Exactiōauit etiam Domini Episcopi subditos, in magna pecuniæ quantitate, & in dictis pecunijs exactiōatis, & in Viginti quinque Millibus marcarum condemnati remanent, Magister & Ordo suus, Ecclesiæ Varmiensi obligati.

Magister &
Ordo debet
Ecclesiæ 25.
millia Mar-
carum.

Vndecimus EPISCOPVS
IOANNES AB E-
ZIER.

Hic oriundus *Thorunio*, Ecclesiæ *Varmiensis Præpositus* Canonicus, & Decretorum Doctor, ac Auditor Rotæ in Concilio Constantiensi, à Capitulo Anno quo supra, die octauâ Iunij concorditer electus, & per Archiepiscopum *Rigensem* Metropolitanum suum, in Concilio prædicto confirmatus est & consecratus; multis pollens virtutibus, omnibus amabilis, nemini odiosus.

Ioānes III. E-
piscopus.

Tempore illo agebatur Causa inter Dominos, *Poloniæ Regem* & *Magistrum* ac Ordinem suum, super terris aliquibus in Concilio prælibato. Ipse quoq; Dominus *Ioannes* Episcopus, quia erat Domino Papæ Martino V, in ipso Concilio præsentis, & præsidenti sincerè dilectus, magnam Magistro & Ordini assistentiam faciebat, scribendo, aduocando, & sollicitando, nihil Mercedis, præter Ecclesiæ suæ fauorem affectans. Quem tamen postea in Ecclesiæ suæ Dominio residentem, malè grati damnis afficiebant; adeò vt pro luribus Ecclesiæ suæ defendendis, ad Curiam Romanam ire properans, jam *Thorunium* venisset; quòd percipiens *Magister*, misit ad ipsum aliquot Commendatores, qui diuersis ipsum Sponsionibus, ad Dominium Ecclesiæ reuocabant. Hic à Capitulo suo sæpiùs requisitus, vt à Magistro & Ordine peteret Marcas viginti quinque millium, in quibus fuerant Prædecessori suo condemnati, respondit, se non posse afflictis afflictionem superaddere, quia nondum erat inter Regem *Poloniæ* & Magistrum pax firmata. Obijt Anno Domini M. CD. XXIV. die vndecimâ Febr. in Castro *Heilsberg*. Sepultus in Ecclesiâ Varmiensi.

In Cōcilio Cō-
stantiensi Or-
dinis Negotia
promouet.

Malè illi gra-
tia refertur.

Romam pro-
fectus.

Reuocatur à
Magistro.

Debitum non
recuperat.

Moritur.

Duodecimus EPISCOPVS FRANCISCVS.

Ioannes III.
eligitur,

Pius in sub-
ditos.

Hic cùm esset Præpositus Ecclesiæ *Varmiensis*, & Decretorum Doctor, Anno Domini M. CD. XXIV. Die decimâ tertiâ Februarij à Capitulo concorditer electus est, & per Dominum Papam *Martinum V.* Anno eodem, die octauâ Mensis Aprilis confirmatus, & in Ecclesia Parochiali *Heilsbergensi* consecratus est. Ipse fuit subditis suis pijsissimus Pater, & signanter rusticis, quibus in necessitatibus suis, magnum in frumentis & equis succursum faciebat, omnium sciens infirmitatibus, sincerissimè compati, paternâ pietate.

In principio enim suæ Promotionis, tanta fuit per totam terram mortalitas Equorum, & signanter in Dominio Ecclesiæ, vt quasi nulli equi remanerent.

Magistro &
Ordini addi-
tus.

Dat illis mu-
tuo pecuniam,

Ordo impetrat
duos Canoni-
catus à Papa,

Sed indultus
cassatur.

Hic antè suam de Ecclesiâ prouisionem, ac etiam postea, magna & diuersa Magistro & Ordini seruitia faciebat, in diuersis per Magistrum missus Legationibus, sicut & omnes Canonici ipsius Ecclesiæ *Varmiensis*, in Consilijs, Legationibus, & quibuscunq; ipsis possibilibus Magistro & Ordini suo, semper erant seruire parati. Ipse quoq; Dominus *Franciscus Episcopus*, Magistro & Ordini suo, mutauit Marcarû quatuor Millia monetæ *Pruthenicalis*, in quibus adhuc remanent Ecclesiæ obligati. Quibus omnibus minimè ponderatis *Magister Conradus de Erlich-suisen*, Anno Domini M. CD. XL. VIII. collationem duarum Præbendarum majorum, in Ecclesia *Varmiensis* perpetuis temporibus obtinendam, à Domino *Nicolao Papa V.* narrationibus falsis circumuento, impetrauit. Pro cuius Indulti cassatione & litigio, exposuit Ecclesia vltra mille florenos vngaricales.

Idem Dominus *Franciscus* super repetendis Marcis viginti quinque millium, in quibus Magister cum Ordine, Ecclesiæ extitit condemnatus, per Capitulum suum sæpius requisitus, hoc facere distulit, in Ecclesiæ suæ læsionem.

Rustici Melsa-
censes fiunt
Rebelles,

Instinctu Ci-
uitatum.

Tempore ipsius Anno videlicet Dñi M. CD. XL. I. Rustici & Incolæ omnium Villarum territorij *Melsag*, villis tribus exceptis, scilicet *Sonnenwaldt*, *Gabesyn*, & *Lichtenwaldt*; per *Braunfbergenses* vt asserebant, & aliquos de Consulatu oppidorum *Thorn Culmen & Elbing*, consulti & inducti, rebellionis & contumaciæ spiritum assumentes, seruitia solita facere Capitulo recusarunt; asserentes quòd solutâ dimidiâ Marcâ, de Manfo quoli-

bet,

bet, juxta suarum continentiam literarum, ad vltiora grauamina seu seruitia minimè tenerentur, Ad tantam insuper insaniam deueniunt, vt Capitulo vi resistere se velle & posse, præsumerent. Nonnulli de Vasallis Ecclesiæ eisdem secretò adhærebant. Durauit hæc ipsorum Contumacia vltà annum: nam Anno Domini M. CD. XL. II. in octaua Sancti *Stephani* Protomartyris, in Castro *Heilsberg* captiuati fuerunt, per Dominum *Franciscum* Episcopū, ac reliquos de Capitulo. Eorundem Rusticorum Capitanei & Consultores principales quadraginta sex; de quibus Capitanei duodecim, in castrum *Allenstein* in carcerem missi sunt, & duodecim in Castrum *Sehburg*, residui in Castro *Heilsberg* captiui remanserunt. Postea Ciuitatibus introuenientibus, omnes de Carceribus sunt dimissi, pauci relegati, residui in modico sunt mulctati, & ad seruitia solita vniuersi sunt reducti.

Ejusdem Domini *Francisci* temporibus, Anno videlicet Domini M. CD. XL. I. cunctis stupendum prodigium extitit. Circa festum enimuero Sancti Laurentij tanta fuit pluuia, qualis nunquam visa fuit, cataractis enim cæli, nubibusq; apertis & effusis, diluuium redire videbatur. Cadebant insuper de nubibus aues multæ, aucis similes, sed minores, habentes pennas nigras, hinc inde albis intermixtas, quales quidem aues, nec antea nec postea vnquam, in dicta terra, seu etiam regnis & terris vicinis visæ fuere. Durauit hæc pluuia uix per dimidium quartuale horæ, quæ si per horam durasset, terram totam hominesq; & cuncta animalia absorbuisset. Fuerunt hæc vehementer mali ominis auspicia. Tunc quippe in nobilis terræ Prussiæ destructionem, facta fuit colligatio Vasallorū & Communitatum, Incolarum terræ *Prussia*. Cū enim Pax foret in Patria, subijt Liuor, initiumq; mali Libido blanda hostis, ac pestilens: subijt quoq; Fratrum Ordinis discordia, contemptus & Obedientiæ excussio. Hinc sumptâ occasione, Commendatoribus nonnullis, Ordinisq; Fratribus persuadentibus, animati & inducti Vasalli & Communitates, præmissam Confæderationem iniērun, cujus quidem confæderationis Commendatores & Ordinis Fratres, magnâ causâ, & primi Motores erant, vt præfertur: nam & ipsi fuerunt primi, qui dictam Confæderationem struebant.

Aliquantulo postmodum transacto tempore, *Magister Ludouicus* de *Erlichewisen*, Commendatores & Ordinis Fratres, Vigilem curam, pro dictæ confæderationis dissolutione, faciebant.

Capita rebellionis captiuantur.

Puniuntur.

Et sic rebellio cessat.

Prodigiosa pluuia aues pluuit.

Fit liga Confæderatorum Prussiæ contra Ordinem.

Auctoribus Cruciferis ipsis.

Eam Magister reprimere conatur.

Et in

Episcopū Fran-
ciscum Legatū
mittit ad Im-
peratorem.

Id Confædera-
tos offendit:

Et Vasallos
Ecclesiæ qui
renuntiant E-
piscopi obedi-
entiam.

Marieburgum
ob idetur cum
Magistro.

Soluitur ob-
sidio.

Exercitū Po-
lono delet ad
Konitz.

Prussia deficit
ab Ordine,

Ordine non
resistente sed
metu conster-
nato.

Pœna peccati.

Et in hoc Dominus *Franciscus* Episcopus, Magistro & Ordini, (in-
uito Capitulo) nimiam assistentiam faciebat, qua ex re, totius
confæderationis vehementer cōtra se odium suscitauit, & ex hoc
præcipuè, quòd cum Fratre *Henrico Reuse* de *Plauen* Com-
mendatore *Elbingense*, Magistri & Ordinis intuitu, ad Dominum
Fridericum Romanorum Imperatorem, Anno Domini M. CD.
L. III. primâ die Martij, profectus est. Rediensque ad terram
Prussia, Anno insequenti in principio Februarij ad Dominium
Ecclesiæ redire non poterat, quia Patria tota, resignato ho-
magio, Magistrum & Ordinem suum, cum omnibus eisdem
adhærentibus diffidauerat. Subditi præterea Ecclesiæ *Varmi-*
ensis, nullâ prætensâ causâ, contra omnem honestatem, præfa-
tum Dominum suum Episcopum, similiter homagio resignato
diffiderant, *Braunsberg* & *Wormditt* consulatu, hoc fieri procu-
rantibus. Et sic cum ad Dominium Ecclesiæ suæ redire non pos-
set, coactus fuit in Castro *Marieburg* remanere, ibiq; cum Domi-
no Magistro obsidionem passus est, à principio Quadragesi-
mæ anno quo supra, usq; ad vigiliam Sancti *Matthæi* Apostoli,
quia tunc rupta fuit obsidio Domino Rege & exercitu suo vali-
do & magno, insuper in die Sancti *Lamberti*, (per Ducem *Ru-*
dolphum de *Sagen*, cum gente paucissima comparatione alio-
rum, in subsidium Magistri & Ordinis sui venientem) juxta Op-
pidum *Konitz* in bello campestri deuictis.

Et est notandum, quòd Vasalli & communitates homagio
resignato, omnia Ordinis Castra, Oppida & Dominia (duobus
Castris videlicet *Marieburgo* & oppido adjacente, ac Castro
Sztum duntaxat exceptis) sine aliquâ resistantiâ, infra mensem
obtinuerunt. Et quod omnes gentes minimè facere potuif-
sent, ipsorum subditi, Deo permittente, fecerunt. Adeo enim
Commendatores, cæteri que in Castris præsidentes, ac Ordinis
Fratres antea in pauperes ferocissimi, effæminati effecti sunt,
vt Castra fortissima & inexpugnabilia, omnibus necessarijs opti-
mè prouisa, sine aliqua impugnatione, spontè fugiendo dimit-
terent, omnemq; salutis suæ spem, solius fugæ remedio com-
mittebant. Et indubiè, relicto scripturæ testimonio, nemini hæ-
sitandum est. hanc super ipsos plagam, Dei permissione venis-
se, quia Ecclesias Possessionibus suis spoliantes, Clerum sup-
presserunt, Episcopos Ecclesiarum suarum, abstracta bona repe-
tentes, in corpore & bonis tyrannicè persequendo, in exilio
miserè viuere coëgerunt. Diuina ergò pietas præfatos Fra-
tres piè monuit, vt dignè se recognoscerent pœnitendo, ac cum

tempo.

tempore legis & Gratia, ac gentium plagatis adeo regibus, quam vindex sit Dominus super malos, misericorsque super bonos, ac dignè poenitentes, meditentur. Castris omnibus, duobus seclasis, Oppidisq; ac Magistri, Ordinisq; sui Dominijs Vniuersis, per terræ Incolas sic obtentis, ipsi Incolæ, Regem *Poloniae*, in suum Dominum receperunt, omnibus Magistri & Ordinis sui Dominijs, castris & oppidis eidem traditis & presentatis. Quæ quidem Castra & Oppida vnâ cum Incolis Dominijs, Rex in suam ditionem recepit, non obstante quod pacem perpetuam, cum Magistro & Ordine suo, ac ipsorum subditis haberet, per Patrem & Fratrem suos *Poloniae* Reges, & se, tunc *Lithuaniae* Ducem, juratam & sigillatam, & secundario, post suam in Regno Coronationem, regio sub nomine sigillatam & juratam, anno proximo ante Bellum. Ipsi quoq; Incolæ terræ *Prussiae*, ab homagio Magistro præstito, minime absoluti, nec feudis prout decuit resignatis, Regi iuramentum Fidelitatis, & homagium, tanquam verò suo Domino præstiterunt; vt Magistrum & Ordinem suum sic perpetuò excluderent à *Prussia*. Sed certè quantum miraculosa fuit Magistri & Ordinis sui humiliatio, seu Dominijs priuatio, tam miraculosa in multis pro eisdem Fratribus, in Terrarum suarum recuperatione, & hostium prostratione, Dominus operatus est; & signanter bello habito contra Regem ante *Konitz*, vbi quinque millia, vltra triginta millia armatorum, vnâ cum Rege, in fugam verterunt, & multa millia occiderunt, ac septemdecem Centena hominum captiuarunt. Et in alijs diuersis mirabilia operatus est Dominus, quæ longum foret specificare. Utinam Magister & sui Fratres darent gloriam DEO victoriam tribuenti. Ab origine mundi nusquam grauiores ac longiores continuatiq; motus fuisse, in codicibus reperiuntur, in quibus multa millia hominum, & clade & gladio interierunt; quorum nondum posset humana ratio concipere finem, nisi Omnipotens misericordiarum Pater, pauperum deuictus gemitu, hanc terram cum Incolis paucissimis, adhuc in angustia reseruatis, velit oculis suæ immensæ pietatis, misericorditer intueri.

Pruss. Regi
Poloniae se
sponte subdit.

Et homagium
eidem præ-
stant.

Clades ad Ko-
nitz.

Belli Pruthenici diuturnitas.

Anno Domini M. CD. L. V. circa festum Paschæ, iuit Dominus *Franciscus* Episcopus de Castro *Marieburg*, ad Ciuitatem *Vratislauensem*, vti dolorum cuspidi, opponens clypeum fortitudinis, intuitu fauoris Ordini impensi, exilium passus & vitâ functus est. Anno Domini M. CD. L. VII. die decimâ Mensis Iunij. Sepultus in Ecclesia Cathedrali in Capella retrò Chorum,

Episcopus *Vratislauensis* exulat.

Moritur ibidem.

cujus anima sit in sede refrigerij. Et est sciendum quòd ipse Dominus *Franciscus* Anno Domini M. CD. XL. I. mutuauit Episcopo & Capitulo Ecclesiæ *Vratislaviensis*, pro aliquib⁹ Ecclesiæ suæ Possessionibus redimendis, florenos Vngaricales quatuor mille, de quorum parte, successiuè tunc solutâ, exilij sui tempore, expensas & necessitates suas sufferebat.

Decimus tertius EPISCOPVS ÆNEAS SYLVIVS.

Bello sæuissimo in *Prussia* inualecente, Domino *Francisco* vitâ functo, Canonici Ecclesiæ *Varmiensis*, bellorum occasione dispersi, apud Ecclesiam præfatam, *Braunsbergensium* ordinatione, per *Bohemos* Domini Regis Milites incastratam, capitulariter in vno loco debito, ad electionem celebrandam, conuenire non potuerunt; sed diuersis in locis diuersas electiones celebrârunt. Quatuor namq; Canonici, duo majoribus, & duo minorib⁹ Præbendis præbèdati, *Glogouia* majori *Diœcesis Vratislaviensis* conueniētes, præmeditatione prouidâ, Reuerendissimum Dñum *Æneam Syluium* Cardinalem Tituli Sanctæ Sabinæ *Presbyterum*, in Episcopum *Varmiensis* Ecclesiæ postulârunt, ipsius sperantes adiutorio, Ecclesiam posse in suis calamitatibus reuelari.

Glogouia in
Silesia à Ca-
nonicis con-
gregatis eligi-
tur *Æneas Syl-
uius* Cardi-
nalis.

Dantisci Ca-
nonici congre-
gati Vice-Can-
cellarium Re-
gni Poloniæ e-
legerunt.

Regiomonti
Arnoldus Can-
tor eligitur.

De tribus ele-
ctis Papa *Æ-
neas* approbat.

Postea verò, aliquantulo temporis interuallo interiecto, Ecclesiæ Custos aliq; duo Canonici, medijs præbendis præbendati, *Dantisci* Diœcesis *Vladislaviensis* conuenientes, quendam *Iohannem Lurconis* Decanum Ecclesiæ *Gnesnensis*, Domini Regis *Poloniæ* Vice-Cancellarium, in Episcopum elegerunt.

Insuper Dominus *Arnoldus* de *Wenrade* ejusdem Ecclesiæ Cantor, adjunctis eidem quatuor Canonici majoribus, vno mediâ, & vno minori, præbendis præbendatis, in Capella Sancti Georgij, extra muros Ciuitatis *Koninsbergensis*, intra Diœcesim conuenientes, Dominum *Arnoldum* præfatum Cantorem in Episcopum elegerunt; Causisq; postulationis & electionis hujusmodi, ad sedem Apostolicâ deuolutis, Dñus Papa *Calixtus III.* præfatam Ecclesiam *Varmensem*, causæ cognitione præuiâ, prælibato *Reuerendissimo Patri Ænea* Cardinali cōmendauit. Qui morè Pastoris prouidi & fidelis, in sibi commisso onere sollicitus, vt Oues suas, quas abduxerat error in inuia, Deo lucrificeret, feruenter insudabat. Et in hoc efficiendo, non pepercit laboribus & expensis, ac sapissimè nuntijs & scriptis, Oues quæ perierant, vt

monita sua reciperent, diligenter requisivit, quæ aures suas obturantes, vocem se vocantis audire temerè renuerunt. Nihil enimuerò Pater ipse *Reuerendissimus* de possessionibus adipisci, nec cuiuspiam obedientiam poterat obtinere, nisi Capituli maioris partis & sanioris. Optimo præfato *Reuerendissimo Præsule* ac Domino *Æneâ*, sic commissæ sibi solitudini incumbente, placuit omnium conditori, *Dominum Calixtum* Papam III. carnalibus vinculis absolutum, ab hac vita vocare. Electus itaque fuit in Papam, Prænominatus *Reuerendissimus Æneas*, Anno Domini M. CD. L. VIII. die decimâ nonâ Augusti, & coronatus die tertiâ Mensis Septembris, quæ fuit dies Dominica, in qua consuevit Dedicatio in Ecclesia Varmiensî celebrari, vocatusque est *Pius secundus*.

Non recipitur
Vasallis.

Creatur Pon-
tifex dictus
Pius II.

Decimus quartus EPISCOPVS PAVLVS de LE- GENDORFF.

AD summi Apostolatus culmen *Pius Papa* secundus electus, sibi familiarem *Paulum Legendorff* in Prothonotarium creauit, cùm antea esset literarum Apostolicarum scriptor. Eidem postea die Vigesiâ Mensis Septembris, Anno eodem M. CD. L. VIII. Ecclesiam ipsam *Varmiensem* ad Annum commendauit, adiiciens suæ fore voluntatis, quòd dicto Anno reuoluto, absq; alia prouisione, Ecclesiæ eiusdem titulo potiretur, super munere consecrationis differendo, primò ad biennium, secundò ad triennium, dicto biennio reuoluto secum dispensando. Qui Dominus *Paulus*, cum terra *Prussiae* adhuc esset turbatissima, motibusq; durissimis implicata, maximis curis, & oneribus se subiecit. Nihilominus per aliquos Ecclesiæ subditos requisitus, ipsum Domino Papa annuente, & committente, ut Ecclesiæ suæ Dominium accedens, ejusq; intendens commodo, se quouis modo non faceret in Bello parrialem, ad terram *Prussiae* se transtulit, per *Poloniae* Regnum iter suum dirigendo, obtinuit quoq; à Domino Rege licentiam, Ecclesiæ suæ Dominium ingrediendi, Domino Rege promittente, se Dominum *Paulum* electum, in terrarum suarum adeptione, velle gratiosè habere commendatum, & signanter in his Castris & oppidis, quæ suam fouerent partem, ipsumq; in obtentis defensare; eo tamen

Pius II. promittet de Ecclesiâ Varmiensî Paulo de Legendorff.

Paulus venit in Prussiam.

A Rege Poloniae admittitur sub conditionibus.

pacto, quòd Dominus electus præfatus, de ejisdem Castris & Oppidis, Domino Regi & suis, Ordinis intuitu, Bellum moueri non sineret, nec se contra Domini Papæ Commissionem faceret in Bello partialem: quod idem Dominus *Paulus* electus Domino Regi promisit, & inuiolatè seruauit. Non obstante quòd postea à Domini Regis Stipendiarijs, inæstimabilia damna in captione Oppidi *Wormditt*, & alijs diuersis locis illata fuissent, prout inferius detegetur.

Adit Possessionem Oppidi Wormditt.

Cumq; ipse Dominus Electus, Anno Domini M. CD. LX. Mense Maio Dominum Ecclesiæ suæ fuisset ingressus, statim Oppidi *Wormditt* possessionem est assequutus. Omnia enim alia Ecclesiæ Castra & Oppida, per Dominorum Regis & Magistri stipendiarios, erant occupata; videlicet, *Braunsbergum*, *Heilsbergum*, *Gutsladum* & *Scheburgum* per Domini Regis; *Kesselium* autem, *Wartenburgum* & *Bischoffsteinum*, per Domini Magistri Milites, occupata tenebantur. Erant enim Ecclesiæ Oppida, vnâ cum castris ejisdem adjacentibus, per Regis stipendiarios occupata, ejisdem per Vassallos & Communitates, confæderationi pro suo stipendio obligata.

A Magistro neutralitatem obtinet.

Habitâ *Wormditti* possessione Dominus Electus antefatus, ad Dominum Magistrum *Königsbergam* se transtulit, & obtinuit ab eodem, quòd juxta sanctissimi Domini Papæ commissionem; Ecclesiæ suæ incumbens commodis, neutri contendentium Parti præstans opem, Bellorum occasione dictorum, posset quietus remanere. Promisit etiam Dominus Magister, pro se & suis, dictum Dominum electum, subditosq; suos eidem obediētes, ac temporis successu, ad ejusdem obediētiā redeuntes, in nullo damnificare, sed pro posse, velle defensare, ore & manu stipulatâ, sub bona fide pacem pollicitando. Nunc ad ea quæ durantibus Bellis his ætatibus, confæderationis occasione suborta, quantum Ecclesiam tangunt *Varmiensē*, acta sunt, breuius quòd potero explicabo; Constat quippe Memoriam amicam fore breuitatem. Et primò gesta per subditos Ecclesiæ, compendio quodam hîc annotabo, ea quæ per Magistrum & Ordinis Fratres, ac etiam per Fæderatos, Ecclesiæ illata sunt, deinde subjungendo.

Capitulares edicunt ne subditi Partiales essent.

Et primò sciendum est, quòd attendentes Viri prouidi Capituli seniores, ex incensis Vassallorum & Oppidanorum animis, terræ *Prussiae* magni dissidij seminarium suboriri, visibiliterq; timentes, ex semine malo, non posse nisi pessimum Bellorum fructum, & terræ destructionem peruenire, volentes consultè

præuisis

præiis periculis obuiare, Anno Domini M. CD. L. III. post Domini *Francisci* Episcopi sui recessum, à Mense Iunio viq; ad initium Belli, vltra decem Vasallis & Oppidanis Ecclesiæ subditis persuadebant, in euentum prout verisimiliter timerent, si inrer Magistrum & Ordinem subditosq; suos, ad Bellū contingeret deueniri, quòd in nullius omninò se partem flecterent, sed neutrales & suspicione liberi, pro Mediatoribus vnâ cum Capitulo se tunc offerent: quodq; tunc Ecclesiæ Castra, à nullo extraneo, per ipsius subditos teneri deberent. Quæ quidem conclusio, fuit in omnibus conuentionibus singulariter innouata, & hinc inde ore & manu stipulatâ, sub fide & honore semper inuiolatè seruari promissa. Quibus tamen conclusis & præmissis, immediatè Domino Magistro & Ordine suo diffidatis, & Bello suborto, Oppidorum *Braunsberg* & *Wormditt* Consulatus & Ciues, & aliqui in *Heilsberg*, nonnulliq; Vasalli, in fide claudicantes, inconsultè & perfidè contrauenerunt. Aliquos quibusdam minis, reliquos sinistris persuasionibus, ad eandem perfidiam induxerunt, Dominumq; suum Episcopum diffidantes ac Ordinem persequentes, promissaq; sua temerè violantes, bello se immiscuerunt, in dolendam & calamitosam Domini Ecclesiæ, toriusq; Patriæ destructionem, cui quidem destructioni, seniorum Capituli vli Consilio, in suis promissis stabiles, cum magno comodo & honore, Omnipotentis suffulti præsidio, salubriter potuissent obuiasse. Sed *obduratum fuit inspiens cor eorum*, vt videntes sibi imminens exitium, non viderent, & audientes intelligere nollent, salutis suæ consultores. Quibus sic actis Ecclesiæ subditi, insaniâ & furiâ æstuentes, hos qui plurima nefanda committere possent, meliores reputabant, fuitq;que, omni virtute & honestate rejectâ, *libertas impune mala faciendi* Vnde *Braunsbergenses*, nequissimi Armiductores; scelerum, in malitia sortiti sunt principatum, conantes Dominae suæ Ecclesiæ *Varmienfi* subiectionis omninò à se excutere jugum, eâq; de causâ Domino Regi homagium præstiterunt. Ipsi in principio motuum, & ad statim diffidatione factâ, Ecclesiam & Canonicos sæuissimè psequuti sunt, omnium conelusorum & promissorum immemores. Quòdq; Canonici sincerissimè semper & fauorose, quascunq; poterant obsequij vices, eisdem in ante exhibuerunt, maiores & minores, quomodocunq; ipsos apud Ecclesiam reperiri contigisset, inuitando & conuiuando, omniaq; humanitatis & fauoris obsequia exhibendo. Quorum omnium immemores & ingrati, in malitia obdurati, pro bonis mala, &

Subditi Ecclesiæ neutralitatem futuram sanctè promittunt.

Braunsbergenses & Wormditenenses fidem datam non seruant.

Alios inducunt ad Episcopum & Ordinem persequendum.

Perditorum licentia crescit,

Braunsbergenses primi, Iugum excutere conantur.

Regi se dedunt.

Canonicos persequuntur.

Beneficiorum immemores.

Ad spoliandum
Ecclesiam Varm:
plebem indu-
cunt.

Sed primò Bal-
gam spoliât &
comburunt.

Bohemos Hæ-
reticos intro-
mittunt.

Ecclesiam Var-
nensem spoliât.

Canonicos ca-
piunt.

Curias vastant
& demolun-
tur.

Castrum Epi-
scopale destru-
unt.

odium pro dilectione, reddebant. Quadam enim die consu-
latus, dedit Communitati aliquot vasa cereuisiæ, vt ebrietatem
furie superadderent, omnibusque sic furia & ebrietate repletis,
ad faciendum insultum in Ecclesiam *Varmiensem*, Canonicosq;
ac ipsorum Curias spoliandum, eosdem inducere satagebant; sed
nondum venit hora hoc malum perpetrandi. Erumpebant e-
nim velut bestie furiosæ, per aliam portam versus *Balgam*, il-
ludq; Castrum, cum Consulatu ipsos tunc sequente, spoliârunt,
& spoliatum cremandum igni tradiderunt. Consulatus deniq;
omnem diligentiam faciebat, ad persecutionem Ecclesiæ, &
Canonicis procurandam, adeò vt nullus Canonicus, aut ipso-
rum familiaris *Braunsbergam* securè posset ire. Ita demùm tot
& tantas displicentias *Braunsbergenses* ipsi, Canonicis inferebant,
& inferri ab alijs ordinabant, vt Canonici pro maiori parte, ab
Ecclesia recedere cogerentur.

Intromiserunt etiam ipsi *Bohemos* Hæreticâ perfidiâ plenos,
Regis stipendiarios in numero magno, Anno Domini M. CD.
L. V. in Vigilia Visitationis Beatæ MARIÆ Virginis, quorum
quidem *Ioannes Schafski* erat Capitaneus, in plenissimum perfidiæ
sue argumentum, de quibus miserunt, eâ intentione, vt Eccle-
sia esse desineret, ad eandem incastrandam *Bohemos* quinqu-
aginta pedites, in Hæreticâ labe non minimos. Quorum Capi-
taneo vnum Canonicum, maiori præbendâ præbendatum, ma-
joribus suis conformem, nomine *Christophorum* de *Zegenberg*
adjunxerunt, residuos verò Canonicos adhuc penes Ecclesiam
existentes, captiuari postea disposuerunt, captiuatiq; sunt tres
per *Gedanenses*, secumque abducti, duo euaserunt, in *Heiligebeil*
per deuia fugiendo. Ita demùm valide fuit Ecclesia ipsa inca-
strata, vt postquam *Bohemi* nunc DE I expulsi fuissent, ipsi ex-
puli, qui se Ecclesiam occupantibus adjunxerunt, maxima da-
mna & pressuras eisdem *Braunsbergensibus* inferrent, vt in quo
peccauerunt, æquitatis iudicio punirentur.

Postquam Ecclesia Venerabilis, sic fuerat per *Braunsbergen-
ses*, iniquitatis alumnos, in lupanarium, coquinarium & stabu-
lum bestiarum, in locumque gemitus, ac pauperum cruciatus,
ignominiosè redacta, Canonicis repullis, iidem *Braunsbergen-
ses* Curias Canonicales spoliauerunt, & demoliti sunt, Nemora
Capituli inciderunt, ac redditus subleuarunt; omnem insuper
quam valebant, iniquitatem exercuerunt, in perfidiæ sue eui-
dens testimonium, & memoriale sempiternum; Spoliauerunt
etiam ipsi Castrum Episcopale, & murum altum cum turribus
suis, versus oppidum, per *Prædecessores* suos constructum in
emendam

emendum, demoliti sunt. Molendina etiam & Allodium *Cleynaw* spoliauerunt, eorundem Dominum sibi usurpando. Ipsi etiam miserunt *Bohemos* Regi seruientes, in Castrum *Heilsberg*, quos *Petrus Funcke*, iniquitate & perfidia plenus, in *Heilsberg* oppido Magister Ciuium, aliquibus Ecclesie Vassallis consentientibus, inuitis immo inscijs Ciuibus, in Castrum ipsum introduxit, in maximam Ecclesie destructionem. Qui *Bohemi* se augentes, fuerunt consequenter per Ciues in *Gutstadt* & si militer in *Scheburg* intromissi. In *Wormditt* Consulus & Ciues, in sceleribus & perfidia, *Braunsbergensibus* satis fuerunt conformes, saeuissimi Persecutores Domini sui Episcopi, Canonico-
Molendini & Allodium sibi usurpant.
Bohemi Heilsbergam intromittunt.
Gutstadium quoque & Scheburgum.
Wormdittenses imitantur Braunsbergenses in perfidia.
Heretici Hussitam admittunt.
Melsag comburunt.
Plebanis tributum imponunt.
Castrum spoliant & Molendinum.
Heilsbergenses itidem faciunt.
Gutstadenenses vastant Prædia.
Scheburgenses & Bischoffsteinenses malitiosi.
Reffelenenses Fideles.
Wartembergenses Episcopi Persecutores.

ac totius Clericalis status, effecti sunt. Ipsi intromiserunt quendam *Ioannem Golda* Hæreticum pessimum, Regis stipendiarium, cum Viris sexcentis, Qui quendam *Presbyterum Bohemum* Hæreticum, fecit iuxta morem suum publice sacramenta ministrare, ex quo & Ciues ipsi procul dubio non sunt effecti meliores. Eisdem tamen *Bohemis* recedentibus, alios intromittere voluerunt. Ipsi oppidum *Melsag* combusserunt, seque in Nemora & Villas Capituli intromiserunt, dicentes illa se gladio acquisiuisse. Coëgit insuper idem Consulus, Plebanos in Villis adjacentibus, ad tributum soluendum, & agros suos excollendum, in hoc Pharaone nequiores, qui Leuiticam tributum, alijs oneratis, ab omni decreuit esse tributum & laboris, grauamine liberam & alienam. Ipsi etiam Castrum Episcopale, & Molendinum spoliauerunt, damna etiam maxima in Oppido *Melsag*, & territorio ejusdem, Capitulo intulerunt.

In *Heilsberg* erant Ciuibus bonis, pessimi intermixti, & qui plurima bona ab Episcopali sede receperant, ibi & alibi, ipsam seuerius sunt persecuti. Vincebant in principio, Mali Bonos, donec aliquos de malis, e medio sustulissent, tuncque est data facultas bonis, Dominum suum reperendi, ut inferius patebit.

In *Gutstadt* in principio Belli, pauci erant boni, ipsi Allodium *Schmolein* Domini sui Episcopi optimè ædificatum, spoliatum primò, funditus demoliti sunt; In *Scheburg* & *Bischoffstein* ciues quamuis parum erant reputati, tamen in malitia non erant minimi et si ipsos defecit facultas, non defuit voluntas, mala plura faciendi.

In *Reffel* Consulus & Ciues, quasi omnes erant stabiles & fideles, Domini sui intimè affectantes, de cuius etiam redditibus seu luribus, nil omnino contingere voluerunt, nec sunt Ordinis Fratres persecuti. In *Wartemberg* Ciues duobus aut tribus ex-

Melfagenses Ci-
ues Fideles.

Rustici pessimi.

Allensteinenses
resipuerunt.

Wartembergenses Eccle-
siaz & Capitulo infensi.

Vasalli ferè omnes Domi-
nio rebelles.

Ioannes de Rogettel cū Fra-
tre & Nepotibus Episcopo
aduersi.

Iacobus de Bayßen simi-
liter.

Iacobus de Godawten & Fa-
bianus de Wusen itidem.

Balthasar de Schaybot per-
fidus.

Ioannes de Luto & Mar-

ceptis omnes alij erant pessimi, Domini sui Persequutores, tra-
ditores, iniusti, dolentes aliquos in malitia se præcedere. In
Melfag Consulatus & Ciues, fuerunt Dominorum suorum fidelis-
simi zelatores, & promptissimi seruitores, vbi nullus sinistra su-
spicionis repertus est. Sed Rustici ejusdem Territorij erant pes-
simi, juxta antiquam suam perfidiam, seruitia consuecta facere
recusantes. In *Allenstein* Consulatus & Ciues, fuerunt in prin-
cipio Motuum communiter malitiâ infecti, & furiam pleni; Ipsi
enim *Balthasari* de *Schaybot* Militi, Capituli Vasallo clauēs Ca-
stri *Allenstein*, ab Administratore Capituli sibi tradi postulârunt,
& propriâ temeritate, pontem Castri posteriorem funditus de-
posuerunt, & pro demolitione Castri institerunt. Sed expleto
ipsius furie cursu, ad animum reuersi, satis fideliter se erga Ca-
pitulum gesserunt. noluerunt enim quouis modo, à subjectione
Capituli alienari, quâ ex re, *Bobemos* quinquaginta, Regis ser-
uitores, per fæderatos ad occupandum Castrum missos, nullo
modo admittere voluerunt, & quasi omnes fideles remanserunt.
In *Wartemberg* Ciues quamuis sæpius non forent circumdati, ni-
hilominus à *Braunsbergensibus* infecti, erant pessimi, paucis ex-
clusis, totis enim conatibus instabant, vt Curias Canonicales &
Ecclesiam possent spoliare. Animum habuerunt pessimum, sed
facultas explendi ipsis in principio defuit, quam tamen, cum
paucis commodis postea assequuti sunt. De Vasallis Ecclesiæ
in communi, quæ libenter bona traderem non inuenio, quasi
enim omnes in dictis, quibus supra, conclusa & prouisa, hono-
ris immemores, contra omnem honestatem Dominum suum E-
piscopum diffidentes, temerè & perfidè violârunt, & quasi omnes
fidelitate neglectâ, per erroris deuia abierunt. Inter quos ta-
men *Ioannes* de *Rogettel* cum Henrico Fratre suo, vnâ cum Ne-
potibus suis, *Christiano* & *Bartholomæo* Fratribus de *Wergel*, per-
fidi & durissimi, Domini Episcopi & Ecclesiæ persecutores esse-
cti, contra conclusa, primò venientes cum *Iacobo* de *Bayßen* mili-
te, Dominum suum Episcopum diffidentes, pro alienatione Ca-
stri *Heilsberg* institerunt. *Iacobus* de *Godawten* & *Fabianus* de
Wusen, de territorio *Melfag* pro Rege militantes, Viri perfidis-
simi & scelerati, grauissimi Ecclesiam, Episcopum, Canonicos &
omnem clerum prolequuti sunt. *Balthasar* de *Schaybot* miles
de territorio *Allenstein* perfidiâ plenus, omnes ejusdem territo-
rij Vasallos ac Ciues sibi alliciens, seque constituens Capitane-
um, ipsos contra Capitulum in contumaciam induxit & confor-
tauit in eadem. *Ioannes* de *Luto* & *Martinus* de *Lusygen* jux-

ta *Ressel*

tà *Ressel*, in fide & constantia firmiter perstiterunt, residui verò paucis seclusis, honoris prodigi, non eâ quâ decuit diligentia, pro suo honore & fidelitate decertabant, sed aut mali erant, aut cum malis ponebant suam portionem.

tinus de Lufy-
gen fideles.

Nunc ad ea, quæ ab alijs Ecclesiæ illata sunt, me conuertam; Et sciat quiuis, quòd non obstante, quòd Canonici Ecclesiæ *Varmiensis*, ante diffidationem Magistro & Ordini factam, semper erant eidem seruire parati, ac post diffidationem aliquos Ordinis Fratres, in domibus suis occultabant, literas & Nuntios Domini Magistri, in Castro *Marieburg* obsessi, secretò promouebant. Nihilominus Frater *Henricus Rense* de *Plawen*, Commendator *Elbingensis*, & tunc Generalis Ordinis Capitaneus, Anno Domini M. CD. L. IV. die vndecimâ Mensis Decembris, cum exercitu suo, primùm post ruptam obsidionem Castri *Marieburg* exiens, Dominium Capituli inuasit, villas aliquas spoliando, Ciuitatem etiam *Varmiensem* spoliata, ciuibus aliquibus interfecit, paucis domunculis remanentibus, totam concremando; Curias etiam Canonicales spoliavit, Canonicis vltra triginta bonos equos auferendo; ac aliquibus Curijs Canonicalibus incensis, minabatur se omnes velle curias concremare, nisi pecuniâ redimerent, pro quarum redemptione, extorsit ipse commendator à Capitulo Marcas, centum viginti bonæ monetæ Pruthenicalis, & duas tunnas salis. Mala fuit, per Dominum Episcopum adhuc tunc, Ordinis intuitu, exulantem, & Canonicos, Magistro & Ordini impensi seruitij, gratitudo relata. Præteriuit enim Ordinis oppida, quorum vnus Incolæ, videlicet *Hollandt*, in proprio corpore persequendo, castro suo expulsum, positus insidijs, ipsum interficere conabantur. *Elbing* verò *Morung* & *Tolckemit* incolæ castra sua spoliando, & ad humum prosternendo, multos Ordinis sui fratres occiderunt. Et illis nihil tunc mali intulit, quia ad Ecclesiam *Varmiensem* non spectabant.

Capitulū Ma-
gistro & Ordini fauet,

Malè illi refer-
tur gratia,

Varmiam spo-
liat & incēdit.

Curias item
aliquot Cano-
nicorum.

Reliquæ præ-
tio redemptæ

Oppidis sui
Ordinis parit
ab eis malè
acceptus.

Anno Domini M. CD. LV. Feriâ tertiâ Paschæ, Commendator præfatus, cum suo Exercitu, à Castro *Marieburg* descendens versùs *Konigsberg*, Seruitij per Dominum *Franciscum* Ordini suo impensi immemor, exussit funditus Oppidum nouum *Braunsberg*, Ordinis sui Oppidis iterùm parcendo. Capitulum tamen Ordinis suppressioni sincerissimè compatiendo, perpessis damnis & injuriâ non fractum, ordinauit Incolis & Ciuibus Oppidi Capitularis *Melsag*, intromitti pro terrarum suarum recuperatione, debere Ordinis fratres, per præfatum Commenda-

Nouum Oppi-
dū Braunsberg
exurit.

Capitulum ad-
mittit Fratres
in Melsag,

Quorū negli-
gentiā Ciues
Wormdit; exu-
runt Meisag.

Canonicos
præfentes in
carcerant.

Melsacensem
districtum Or-
do sibi vsurpat.

Melsacum de-
nup locatur.

Capitulū spe-
reducendi Epi-
scopi, Crucife-
ros admittit in
Allenstein.

datorem cum armigeris, illuc missos, sperans ipsorum adiuto-
rio, Dominum *Franciscum* Episcopum ad Ecclesiæ suæ Domini-
um reduci posse; quod etiam factum fuisset, si Commendator
ipse & Frater ad hoc fideliter intendissent. Præmissi Fratres Or-
dinis & Armigeri, in Oppidum *Melsag* immissi, nimis desides, in
causa fuerunt, ut Oppidum ipsum per Ordinis inimicos & Ciues
Wormdittenses combureretur, ubi Capitulum & Canonici etiam
singulariter, maxima damna sustinuerunt. Ac Dominus *Arnol-
dus* de *Wenrade*, Ecclesiæ Cantor & Canonicus, per Capitulum il-
luc missus, multiq; alij presbyteri captiuati, & incarcerati, exa-
ctionati, ac mirabiliter & miserabiliter pertracti sunt. Dicto
oppido sic exusto & deserto, Commendator præfatus, ac Ordi-
nis sui Fratres & Armigeri, in Oppido *Heilsgebeil* commorantes,
se de omnibus Villis, molendinis, & Possessionibus vniuersis, ter-
ritorij *Melsag* intromiserunt, inter se diuidentes easdem, cen-
sus & obuentiones singulas percipiendo, ac à rusticis maximam
frumenti & pecuniæ summam extorquendo, nihilq; Canonicis
assignabant. Stetitq; desertum Oppidum præfatum vsque ad
Annum Domini M. CD. LVII. tunc enim in profesto Sancti
Laurentij, munitionibus reformatis denuò locatum, & imposi-
tis Ordinis Fratribus & armigeris est munitū, Magistro & Com-
mendatore hoc fieri ordinantibus. Ipsi quoq; Ordinis Fratres
& Armigeri, Magistro & Commendatore permittentibus, quin
immò ita fieri ordinantibus, vniuersos census & obuentiones
sibi vsurpantes, Canonicis sapissimè instantibus, de proprijs eo-
rum redditibus, quasi nihil fecerunt assignari. Ecce qualis sit
gratitudinis vicissitudo.

Item Anno Domini M. CD. LV in die Diuisionis Aposto-
lorum, Canonici Ecclesiæ præfatæ, præmissis omnibus non ob-
stantibus, adhuc Magistri & Ordinis Compatientes suppressioni,
Magistro dicto & Comendatore instantibus, prece Vigili, ut in
Castrum & Oppidum Capituli *Allenstein*, aliqui Ordinis sui Fra-
tres, pro Dominij sui recuperatione intromitterentur, multis ar-
ticulis & compactatis in antea, per Dominos eosdem Magistrum
& Commendatorem sigillatis, inter cætera continentibus, se ad
hoc totis velle instare Viribus, ut Dominum *Franciscum* Episco-
pum, in Castrum *Allenstein*, ac consequenter in Ecclesiæ suæ Do-
minium, reducere vellent, utq; Ordinis Fratres, suis cum Arm-
igeris, illuc intromissi, de proprijs viuere, ac in nullo de iuribus
& redditibus Capituli, intromittere se deberent, sed illa pro pos-
se defendere; quodq; ad omnem Canonicorum requisitionem,

pacificè

pacificè absq; quauis contradictione, à Castro & Oppido præfatis recedere tenerentur. Quibus & alijs diuersis compactatis, per Dominum Magistrum & Commendatorem *Elbingensem*, sæpiùs nominatum Sigillatis, & per eosdem, vnâ cum Intromissis, sub Fide & Honore, & Ore & Manu stipulatâ illibatè seruare promissis, per Dominum *Arnoldum Rattelen* Præpositum, *Ioannem Platsuig*, Decretorum Doctorem, Decanum, & Canonicos *Arnoldum Clinger*, *Nicolaum Vethenn* Decretorum Doctores, in Castro *Allenstein* illo tempore residentes, fuerunt intromissi, Frater *Viribus Kinsberger*, Aduocatus de *Soldan*, & plures alij, dicti Ordinis Fratres; quibus omnibus fratribus, cum ipsorum familia, in castro fuit sufficiens, per præfatos Dominos de Capitulo, prouisio facta. Qui quidem Ordinis Fratres prænominati; Imagines Luciferianæ prauitatis in malitiâ obstinati, de omnibus beneficijs ingratissimi, spiritu se nequam instigante, omni rejectâ honestate; Anno Domini M. CD. L. VI. in die S. Thomæ Cantuariensis, traditoriè, impiè, & iniquè, Præfatos duos, Præpositum, Decanum & Canonicos, duos Vicarios & Presbyteros tunc in eodem Castro existentes, vnâ cum ipsorum Familiaribus, captiuârunt, incarcerârunt, & multimodè in ipsorum necem machinantes, eosdem omnibus suis bonis, totâq; substantiâ spoliatos, vnâ cum infami Castri detentione, ad manus *Georgij de Slissen* Capitanei, & Cohortis suæ Armigerorum, Ordinis Militum, qui cum illis fuerant intromissi, quiq; omnia & singula supra memorata Compactata, Ore & Manu stipulatâ, seruare promiserant, & præmissas traditionem & captiuitatem sollicitârunt, tradiderunt; Absq; hoc, quòd vnquam aliquam causam, cur hæc fecissent, prætereundè potuissent. Sed asseriebant dicti Ordinis Fratres traditores, se hoc fecisse, ex Domini Magistri commissione: quod & verum fuisse clarè compertum est: nam id ex propria Domini Magistri clauit confessione. Qui *Georgius* Capitaneus, suis cum Armigeris, & præfatis Ordinis Fratribus traditoribus, ipsos Præpositum, Decanum, Canonicos, & Presbyteros, diebus multis in captiuitate detentos tandem nudos & vacuos relegauit; Castrum & Oppidum, attinensq; Territorium, cum omni fructu, Annis quinque & diebus quatuor, tyrannicè occupando.

Per Canonicos & præfatos conditionibus datis, & per Cruciferos iuratis.

Cruciferi beneficij immemores.

Canonicos rapiunt & spoliant.

Magistri mandato.

Captos postea dimittunt rebus omnibus exutos.

Quinque annis Castrum retinent.

Legat quiuis & relegat, si vnquam pro beneficijs tantis, talis & tam subita, & iniqua reperiatur retributio facta. Vbi fidem quis requireret, si à Fratribus his, in extremâ sui angustia, tam benignissimè recollectis, humaniter pertractatis, & in omnibus

necessariis abundanter & optimè prouisis, ipsam legerim tam turpiter violatam? Damnificatum fuit Capitulum in ipso spolio, & personæ Capituli singulares, plusquam ad Decem millia florenorum de Camera. Erant enim in Castro ipso Achanes vulgo Lastæ, Saliginis XC. VII. Tritici VIII. Farinæ XII. Hordei tosti Mensuræ VII.

Ordo Intromittitur in Wartemburg.

Anno Domini M. CD. LV. eodem videlicet, & die proximè sequenti, quo ipsis prænominatis iniquitatis Alumnis, in *Allenstein* pacificus patuit ingressus, Præposito, Decano, & Canonicis præfatis promouentibus, eisdem pactis, & promissionibus quibus in *Allenstein* etiam intromissi fuerunt, in Oppidum Domini Episcopi *Wartemburg* Ordinis Fratres & Milites, *Georgiusq; Lobel Silesita*, in Capitaneum præfectus est, bonâ fide singuli pollicitantes, omnem operam se daturus, vt Dominum *Franciscum* Episcopum ad Dominium suum reducere possent. Quod quidem Oppidum multis annis tenuerunt; omnes redditus & obuentiones, Pactis & Promissionibus temerè violatis, in vsus suos conuertentes, nullam vnquam operam, pro Domino Episcopo reducendo facientes; sed totum Ecclesiæ Dominium fauissimè spoliârunt, in Fidei suæ lætionem.

Item in Oppidum & Castrum Ressel,

Anno eodem die IX. Mensis Augusti, Præposito, Decano, & Canonicis antedictis cooperantibus, sub spe Dominum suum Episcopum, ad Dominium suum reducendi, intromissi fuerunt in Castrum & Oppidum, Domini Episcopi *Ressel*, Ordinis Fratres & Milites, pro terris & Dominiis suis recuperandis, Domino Magistro & Commendatore *Elbingensi* instantibus, ac patentibus in antea literis, suis sub Sigillis promittentibus vt dicti Intromissi, se quouis modo de iuribus, Reditibus, seu obuentionibus Domini Episcopi intromittere non deberent; sed vsq; ad eiusdem Domini Episcopi redditum, quem infra mensem reducere promiserunt, Iurisdictio per Canonicos exerceri, ac redditus subleuari, ad vsuq; Domini Episcopi reseruari deberent; quodq; ipsi Intromissi, quodocunq; pro parte Domini forent requisiti, omni morâ & contradictione seclusis, ex Castro & Oppidis præfatis exire, & ipsi Dño Episcopo tradere & restituere; nullis vnquam damnis, expensis, ab Episcopo seu Ecclesiâ postulatis; cum non Ecclesiæ sed Ordinis intuitu, illuc forent intromissi. Et hæc omnia & singula Commendator *Elbingensis* præfens, & alii multi Cohortium Capitanei, vnâ cum Domino *Phanemberg* & aliis Militibus, qui omnes erant Australes, ac multis Ordinis Fratribus in ibi intromissis, sub Fide & Honore, Manu stipulatâ,

Intuitu solius boni Ordinis, Ordo admittitur.

Decano *Varmienſi* tunc præſenti, Domini Epifcopi, & Eccleſiæ nomine, firmiter obſervare promiferunt; ſed in minimo non ſervabant. Non enim Dominum Epifcopum reduxerunt, quem reducere promiferunt, immò de ipſius regreſſu contenti non fuiſſent: nam reditus Domini Epifcopi, & Molendinorum obventiones ſubleuabant, Ruſticos exactionabant, & magnam copiam frumenti in Caſtrò repositi, & ſingula ibidem reperta in ſuos uſus conuertebant. Tenueruntq; dictum Caſtrum & Oppidum, temerè occupata; uſque Anno Dñi M. CCC. LXII. Menſis Octobris, ſapiffimè requiſitiones factæ, per Dominum *Paulum* ipſius Eccleſiæ Electum & Confirmatum, ac eius nomine coram Domino *Magiſtro*, & Commendatore præfatis, ſuper ſuis literis & Sigillis, ſervandiſq; ſuis promiſſionibus, in nullo profuerunt, evanuitq; Fides; ſed debuit Dominus *Paulus* Electus & Confirmatus Eccleſiæ prædictæ, pro dictorum occupatorum egreſſu, remittere Marcas Mille ſeptingentas, levis moneta, in quibus fuerunt Ciuibus obligati: Literis & Sigillis, Sponſionibusq; ſub Fide & Honore præmiſſis, minimè ſuffragantibus. Ipſis etiam Occupatoribus, de omnibus perceptis, ac damnis illatis, per Literas Domini Electi, & Capituli penitus plenè quietatis. Et ſic cum labore magno ac expenſis non modicis, Oppidi & Caſtri turpiter ſpoliati obtinuit Poſſeſſionem.

Reſſel à Paulo recuperatur.

Crucigeri Vſ. dūt *Marieburg* & alia Caſtra.

Anno Domini M. CD. L. VI. In principio Menſis Septembris, Magiſter & Ordinis ſui Stipendiarii, ad Caſtra & Oppida quædam tuitionis cauſa recepti, Caſtrum *Marieburg* & alia certa Caſtra & Oppida eiſdem ſic commiſſa, *Regi Poloniae* & Confæderatis Venalia exhibentes, de certa pecuniæ ſumma, cum eiſdem conuenerunt; Commendator quoque *Elbingenſis* Frater *Henricus* de *Plawen*, fingens Caſtra & Oppida eadem, per ſtipendii ſolutionem ſe redimere velle, magnam pecuniam, Auriq; ſimul & Argenti ſummam mutuò & exactione comportauit, cui Canonici Eccleſiæ *Varmien*: pro compaſſionis affectu, reciprocum fauorem ſperantes aſſequi, ſolicitarunt de Eccleſijs Parochialibus Dioceſis ſuæ, calicibus & clenodijs, mutui nomine, fieri ſubventionem, pro præfatorum Caſtrorum & Oppidorum redemptione; Ipſiq; Canonici, quamuis omnibus bonis ſuis, per Ordinis Fratres & Milites forent ſpoliati, nihilominus de aliquibus Eccleſiæ reliquijs, argento, fulcitis, & in *Konigsberg* reſervatis, Commendatori præfato, Ordinis ſui nomine, Marcas argenti puri XLI. mutuârunt. Ciues præterea & Incolæ Oppidi *Allenſtein* eidem mutuârunt Argenti Marcas CLXX. IV. Item in

Canonici pro redemptione dictorum, illis ſubueniunt,

Argento Eccleſiarum diſtracto.

Allenſteinenſes etiam,

monetâ nouâ bonâ *Pruthenicali* *Marcas* VI. scotos XXI. In quibus adhuc Magister, Commendator & Ordinis Fratres antedicti, Capitulo Ecclesijs Parochialibus, ac dictis Ciuibus remanent obligati.

Magister &
Commendato-
res promissa
seruare nolunt
Capitulo.

Litigatur cum
spoliatoribus
annis quatuor.

Per tractatus
tandem resti-
tuitur Capitu-
lo Allenstein.

Magistro da-
mna refunde-
re promitten-
te.

Item post commissum in *Allenstein*, per Ordinis Fratres & Milites tradimentum, & postquam Domini, Præpositus, Decanus, & Canonici de carceribus dimissi fuissent, Dominus Magister, & Commendator memoratus, vt per ipsos, literis & Sigillis, firmata Pacta & Promissa seruarent, iniquissimasq; Rerum & Castri spoliationem, ac Personarum inde relegationem, prout suum diligerent honorem, emendarent; fueruntque per eosdem, cum multimodâ & debitâ instantiâ, cum subsidiorum & seruitiorum factorum commemoratione, sapissimè requisiti, sed præmissis omnibus minimè suffragantibus, caruerunt abstractis, nec fuit talis, qualem honestas exigebat, per Dominum *Magistrum* & Commendatorem diligentia facta, quin immò comper- tum est euidenter, ipsos restitutioni præfatæ restitisse. Vnde *Iohannes* Decanus & Canonicus Ecclesiæ præfatæ *Varmien*, vnus de Captiuis & spoliatis contra *Vilhelmum* de *Helffenstein* Commendatorem de *Grudentz*, *Vlricum* *Kinsberger* Aduocatum de *Soldan*, principales traditores, & reliquos dicti Ordinis Fratres, & *Georgium* de *Sliffen* Capitaneum, Cohortisq; suæ milites dicti tradimenti, captiuationis & spoliationis participes, Causâ, Apostolicæ Sedis Auctoritate, Domino Episcopo *Camene* commissâ, annis quasi quatuor litigando, ac coram diuersis Principibus Electoribus alijsq; quærulando, ipsos etiam Traditores, suis cum participibus omnibus & singulis, Censuris Ecclesiasticis innodatos, interdictos & maledictos, in diuersis *Germania* locis, & Principum Curijs denunciari faciendo, expensis, fecit & obtinuit, vt ipsi Traditores concordia medio per Capitulum inito, Castrum ipsum vacuum, & turpiter spoliatum, de omni iniuriâ, transgressionem, & damnis illatis, in antea plenè quietati, Capitulo restituerent. Anno Domini M. CD. LXI. die primâ Ianuarij, Domino Magistro, Commendatore *Elbingense*, cum certis alijs Commendatoribus, & Ordinis Fratribus, solenni manuum stipulatione, bonâ fide promittentibus, Capitulum & personas Capituli singulares, in dicto spolio damnificatas, plenius velle contentare, patentes quoq; literas sigillatas de super se concedere asserentibus, quas tamen sapius requisiti, non absq; graui doli suspicionem, tradere distulerunt sed nec tradiderunt. Præfato Castro *Allenstein* vacuo, & Oppido recuperatis, totoque attinenti

Territorio, tyrannide dictorum Traditorum, exhausto, ac hominibus Incolis Vacuato, nihilominus Canonici præfati, ad se in dictum Castrum quendam Ordinis Fratrem, nomine *Helfferich de Sebolt*, Commendatorem de *Ragnite* receperunt, eidemq; de paupertate sua, prouisionem faciendo, sperantes se exinde, Magistri & Ordinis Fratrum Protectionem, & maiorem promereri fauorem, cuius tamen contrarium detexit euentus: nam quamuis idem *Helfferich* probus foret reputatus, nihilominus auaritiâ inflammatus pauperum exactionibus nimis intendebat, ac valdè rapinis inferuiens, diuersas dictis Canonicis Capituliq; subditis, persecutiones, & grauissima damna inferri, per spolia sua procurabat, & ad omnia profutura omninò inutilis, solius afflictionis fuit occasio. Sed abyssum animi metiri, non est hominis, nisi verò prodeat in lucem sine facto. Conferens beneficia obsequiaq; singula, per Ecclesiam *Varmiensem*, Ordini in extremâ angustia suâ, impensa, qualis modo fuerit recompensatio facta, liquidè deprehendet. Etsi obsequium Amicos patriat, tam inscrutabiles tamen ac profundæ sunt, ipsorum Fratrum Ordinis pectorum cauernæ, tamq; Venenosi & inhumani ipsorum animi, vt nullam pio affectui vicem reddere sciant; quod nec belluis quidem nisi atrocissimis accidit. Exasperantur obsequio, & si credi potest, amore ad odium irritantur, quod periculosissimum est, & inter vitæ mala, grauissimum humana simplicitas experitur.

Iterum Canonici admittunt Crucigeros Alensteinum.

Anno Domini M. CD. LX. Eodem videlicet anno, quo Dominus *Paulus* electus & confirmatus Episcopus, Ecclesiæ *Varmiensis* Dominium ingressus, *Oppidi Wormditt* possessionem habuit, in Oppidum *Heilsberg* se transtulit, ac per Ciues inibi, eâ quâ decuit reuerentiâ receptus, & in Curiam Parochialem introductus est. In omnibus quoq; ministerijs toto inibi suæ tempore residentia, mensibus quinque, honesta sibi exitit prouisio facta, ultra hoc, pulchris eundem donatiuis honorârunt; homagium ac honorem debitum eidem facientes, eumq; cum Militibus Domini Regis, qui Castrum *Heilsberg*, eisdem per Vasallos & Communitates Confæderationis, pro suo stipendio obligatum occupabant, super eiusdem dimissione foret in tractatu; Milites quidam tam de Regis parte, quàm Magistri, vnanimis in perfidiâ, in principio Mensis Septembris, noctis tempore, clam oppidum, *Wormditt* transcens muris, intrando, propter incautam & remissam Ciuium custodiam, id vincentes occupabant. In quo Dominus electus præfatus, in Auro, Argento, Clenodijsq; ac

Episcopus Paulus in Heilsberg receptus.

Tractat de restitutione arcis.

Interi Wormdittum occupatur a Regijs & fratribus Ordinis.

vesti-

Ciuium negli-
gentiâ.

Qui bonis o-
mnibus spolia-
ti eijciuntur.

Gutstatenses
Regio milite
pulso.

Episcopum re-
cipiunt.

Qui Oppidum
Scheburg Va-
sallorum ope
obsidet.

Capitulo quo-
que iunante.

vestibus plusquam in tribus millibus florenorum, de Came-
ra, sustinuit damna. Erant namq; Ciues ipsi in culpa latissima, ex
nimiâ enim superbiâ, & fatuâ præsumptione, Domini sui Electi,
ipsis super his auisamenta in antea facta, temerè spreuerunt, ni-
miùm de suâ arrogantia præsumentes. Oppido sic obtento,
Ciues bonis omnibus spoliati, nudi & vacui fugerunt, meritam-
que præsumptionis luunt pœnam, quia nec se prout decuit, er-
ga Dominum suum Electum, in eiusdem susceptione, & prouisio-
ne, facienda exhibuerunt. Et sic quod honori detraxerunt, tur-
pitudini celsit, Omnipotentis DEI permissione.

His sic actis, dum ipse Dominus Electus, cum Castrum *Heils-
berg* occupantibus, super eiusdem dimissione, staret in tractatu,
Ciues Oppidi *Gutstadt*, nutu Diuinæ pietatis, Regis Milites, qui
oppidum ipsum occupauerant, Capitaneo eorum, *Refsko* nomi-
ne, tunc apud eundem Regem constituto, residuos omnes virili-
ter expulerunt: ac pro Domino Electo mittentes, venienti q; in-
tromisso, solenniter homagij & Fidelitatis præstiterunt iuramen-
tum Anno Domini M. CD. LXI. ipsiusq; luctum consolator O-
ptimus Deus, in gaudium conuertit. De Militum enim expul-
sorum relictis, in Equis, Armis, clenodijs, vestibus, ac Viçtuali-
bus, bonam satis reperit prouisionem, in consolationem non
modicam sui & suorum. Paucis postea diebus reuolutis *Refske*
expulсорum Capitaneus, à Rege rediens, cum aliquibus de suis
sic exclusis, ad Castrum & Oppidum *Scheburg*, quod tunc etiam
Milites Regis occupabant se transferens, præfatum Dominum
Electum & suos statim diffidauit. Ipse quoq; Dominus Electus,
assumptis Ecclesiæ subditis, *Heilsberg* videlicet *Ressel*, *Gutstat*,
Vartemburg, & *Bischoffstein*, Sculterisque Villarum aliquibus, ac
paucis Vasallis Ecclesiæ eidem adhærentibus, in *Scheburg* vadens,
fuit per Ciues in Oppidum intromissus, eundem quoq; *Refske*
cum suis satellitibus, in dictum castrum ex Oppido fugientibus,
potenter obsedit, septimanis viginti tribus; in quâ quidem ob-
sidione, Capitulum vnâ cum Ciuibus Oppidi *Allenstein*, Domino
Electo memorato, magnam assistentiam faciebat, vltra marcas
centum, bonæ monetæ exponendo. Quâ quidem durante ob-
sidione, cum militibus Castrum *Heilsberg* occupantibus, tali fi-
ne conclusit, vt eisdem decem millibus florenis vngaricalibus,
in auro, argento & monetâ Pruthenicali persolutis, idem Ca-
strum cum suis attinentijs, Domino Electo spontè traderent, ac
dimitterent recedendo; summâq; comportatâ, juxta præmissam
conventionem, & solutâ, dicti Castri obtinuit Possessionem An-

no Domini M. CD. LXI. die verò penultimâ mensis Augusti, quam pecuniâ summam pro majori parte; Ecclesiâ subditorum, contributione, & mutuò, & de Parochialium Ecclesiarum Clenodijs, comportauit, pro residuo, Pontificalibus Ecclesiâ impignoratis; statimque post dicti Castri *Heilsberg* adeptam possessionem, in festo videlicet S. Michaëlis, obsessi in Castro *Scheburg* Milites de hoc certificati, præmissis tractatu & concluso, vt cum rebus suis liberè possent abire, Castrum ipsum præfato Domino Electo tradiderunt, ab inde recedentes.

Scheburgum
per deijctionem
recepit.

Anno Domini M. CD. LXI. die decimâ Mensis Septembris, in Oppido *Braunsberg*, Ciues quidam & Mechanici, pauci quidem numero, communiterque; Pauperes, plus DEI Omnipotentis ordinatione, quàm humanâ ratione, rusticis aliquibus de villis adjacentibus, in domibus suis, succelsiue diebus præcedentibus, clam absconsis, iustitiæ zelo præcinctis, in *Bohemos* Regis Milites, qui dictum Oppidum vnâ cum Castro adjecenti, per intro-missionem & traditionem cuiusdam Ciuis, occupabant, animosè irruerunt, interfectis quibusdam, nonnullis transmuros salientibus, residuos numerò quasi centum captiuarunt, dictorum Militum Capitaneo *Ioanne Schalski*, tunc apud Regem existente; Quibusdam etiam de Consulatu, qui parti fauebant *Bohemorum* domus suas pro carcere deputantes, eisdemque; mandantes sub poenâ Capitis, ne illas quouis modo egrederentur. Mitrentes insuper pro Domino Electo, venientem in octauâ Natiuitatis B. M. V. introducentes, ac solenniter Homagij & Fidelitatis, præstito eidem juramento, omnes præfatos captiuos, necnon, Equos, Arma, Vestes, Resque; diuersas, eorundem Capitanei & captiuorum, ipsi Domino Electo tradiderunt; habuitque; equos bonos vltra centum, Armaque; Vestes, & aliàs res pretiosas, æstimationis non modicæ, absque; rebus non vilioribus clam per Ciues retentis. Aliquos etiam de Consulatu, communi populo plus exosos, ac in eorundem *Bohemorum* intromissione plus culpabiles, Dominus Electus inde relegauit. Postea verò Domino Electo inibi adhuc manente, turbataque; & effrenatas Ciuium mentes, ad limites reducere rationis, Oppidiq; regimen stabilire cupiente, *Ioannes Schalski*, Expulsorum ac Captiuorum Capitaneus, qui Oppidum ipsum, quorundam Ciuium adhærentiâ, hæreditario jure cogitabat occupare, de suâ spe frustratum, ac de suorum dolens captiuitate, coadunatis sibi quibusdam Militibus, de parte Regis numerò sexcentis oppidum ipsum, noctis

Braunsbergen-
ses Mechanici,
Bohemos Ci-
uitate eijciunt
& captiuant.

Consulib⁹ do-
mum pro car-
cere assignant.

Episcopum ad-
uocât, ei Ciui-
tatem cum Ar-
ce tradunt, &
homagium
præstant.

Bohemorum
bona eidem
tradunt.

Episcopus C6-
sules rebelles
in exilium
pellit.

Ioannes Schal-
ski *Braunsber-*
gam recupera-
re nititur.

Noctu trecen-
tis viris per
muros imimis-
sis.

Sed profligan-
tur à Ciuibus.

Multi interfi-
ciuntur.

Plures capi-
untur.

Reliqui fugâ
elapsi.

Comendator
obsidet Castru
Morung.

Capituli auxi-
lio illud recu-
perat.

Capitaneu homi-
nem ingra-
tissimum præ-
ficit.

Qui Allenstein
territoriu va-
stat.

Totu se euer-
suru minatur.
Capitulo fru-
stra interce-
dente.

Commendato-
re frustra pro-
mittente.

tempore, furtiuè recuperare nitebatur, inque nocte B. Andreae Apostoli, de mane, horâ quasi quartâ, propter incautam & remissam Ciuium Custodiam & Vigiliam, cum propter maximam ventorum turbinem, pluuiamq; continuam, tenebræ forent, nimix, dictus Ioannes cum Viris trecentis, muros clam transcensos, pro maiori parte jam occupabat, multisq; militibus, intra Oppidum de muro jam dimissis, præsumebat se jam de victoriâ securum; sed non ita visum est Diuinæ pietati: nam ingenti tonitruu ictu, ciues excitati, validis Viribus, Manu Domini præcedente, in præfatos Milites maledictionis, animosè irruerunt, Petrum Nossal in Wormditt Capitaneum, hominem crudelissimum & iniquum, cum alijs viginti occidentes, vltra quinquaginta captiuarunt, residui verò non per scalas, sed per casus transmuros festinantes, euaserunt fugiendo. In quo quidem conflictu Diuinæ pietatis auxilium, meritis & intercessione B. Andreae Apostoli apparuit euidenter. Non enim humana dicta fuit expulsio, sed Diuina.

Anno Domini M. CD. LXI. in Mense Augusto, Frater Henricus de Plauen Commendator Elbingensis, Castrum & Oppidum Morung obsedit, in quâ quidem obsidione, Canonici in Castro Allenstein tunc existentes, eidem non modicum in hominibus & pecunijs, ab ipsorum subditis contributis, succursum faciebant, tam diu vt Castrum & Oppidum ipsa, ab obtinentibus, per pacta dimissa obtinerent, quibus sic obtentis, præfecit ibidem in Capitaneum quendam Extmannum de Kirchberg assertum Comitem, Ordinis sui Fratrem, hominem iniquissimum, tyrannum, inhumanum; qui pro gratitudinis Vice, totum territorium Allenstein, quod fuerat reparatû, miserabiliter vastauit, fuitq; Capituli subditis crudelior, quàm aliquis vnquâ inimicus, & ad omnium Canonicoꝝ humilia scripta, nihil aliud respondere didicit, quàm se velle occidere, deprædari captiuare, & villas concremare, ita vt cum Scopa totum territorium Allenstein deberet comportari: quod vt dixit ita fecit. Post diuersa insuper scripta & quærelas Domino Magistro & Commendatori Elbingensi factas, nulla fuit dictis Pauperibus data securitas. Tandem ipse Commendator Anno Domini M. CD. LXII. feriâ quintâ post Dominicam Lætare, in Castro Heilsberg, inq; præsentia Domini Electi Varmiensis, promisit Decano Ecclesiæ Capituli nomine, ore & manu stipulatâ, sub bonâ Fide, se disponere velle, ne dictus suus Capitaneus, vlteriùs Capituli subditos, quouis modo damnificare seu molestare deberet; & hoc etiam scripsit

die insequenti de *Morung* suo sub sigillo, prout promiserat ordinasse. Sed nihil omnino fuit de præmissis obseruatum: nam proximâ feriâ sextâ, post Dominicam Palmarum, spoliavit idem Capitaneus Villas Capituli quatuor, & vnam concremauit, in quibus Villis recepit Equos XXV. quia dicti pauperes plures non habebant. Scripserunt Canonici Commendatori & rescripserunt, eundem sapissimè super promissis suis requirentes, sed nullam dicti Pauperes restitutionem sunt assequuti, sed sine intermissione idem Capitaneus, Commendatore ipso in perfidiæ suæ testimonium minimè prohibente, villas Capituli concremauit & destruxit, pauperesq; spoliavit, ac inhumaniter pertractavit. Et dum Anno M. CD. LXII. in mense Septembri Capituli subditi; à præfato Capitaneo maledicto spoliati, cum Canonicorum literis, apud Commendatorem *Elbingensem* essent in *Morung*, & equos quibus fuerant spoliati, in Castro ipso, & in curribus Commendatoris repertos repetijssent; Commendator idem ipsis Pauperibus respondit, animo furioso, Etsi equi fuerunt vestri, nunc sunt mei; recedatis ab hinc in malâ horâ, Attendat quiuis, quàm fuerit hæc honesta responsio! immò iniquissima, attentis suis promissis, literisq; suo sub sigillo sigillatis! & quia iuxta tenorem suorum Priuilegiorum, tenentur Fratres ipsi, Ecclesiam cum suis subditis, ab injurijs & violentijs defendere. Et quamvis sine intermissione dicti Pauperes, Capituli subditi territorij *Allenstein*, eiusdem Capitanei continuis deprædationibus, & incendijs vexarentur, ipsiq; Canonici in Castro *Allenstein* existentes, Dño Magistro & Commendatori præfato scriberent vicibus iteratis, nunquam tamen fuit aliqua restitutio facta, nec aliqua data securitas, facta sed Verbo sufficiens, seu promissa, immò quantò plus scriberent, tantò peiora & crudeliora, idem Capitaneus diabolicus, pusillanimis & effæminatus nimis contra Ordinis sui Inimicos, dictis Capituli subditis, sine cuiusvis prohibitione, nequiter inferebat. Et Anno Domini M. CD. LXIII. In Vigilia Assumptionis Dei Genitricis Virginis gloriosæ, in Castro *Heilsberg*, ac in præsentia Domini Electi Ecclesiæ *Varmiensis*, dum Decanus Ecclesiæ præfatæ, cum Commendatore *Elbingen*: ibidem præsentem, super promissis & literis suis, per ipsius Capitaneum & Ordinis Fratrem, temerè eo dissimulante violentis, ac territorij *Allenstein*: tam crudeli Vastatione verba miscuisset, & Dominus Electus diceret, se multum admirari, quòd talem tyrannum pro Capitaneo sustineret; Respondit Commendator, quia multum benè scit Castro

Villas spoliavit
& vnam concremauit.

Et alias plures
postea,

Subditi spoliati, sua à Commendatore sibi reddi petunt.

Commendator inlunaticè respondet.

Contra fidem datam & Priuilegia Ordinis.

Canonici frustra intercedunt.

Decanus & ipse Episcopus apud Commendatorem instant.

Responsum
indignum.

Commédator
de nouo Inde-
mitatem pro-
mittit.

Sed horum
nihil.

Territoriū Al-
lenstein vassa-
tum,

Domino Epi-
scopo in Gut-
stadt.

Capitulo in
Melsag, da-
mna infert.

Magister cum
auxilio Brauns-
bergenſi ob-
ſidet Eccleſiā
Varmienſem.

Intentione
peruerſa.

prouidere, Responsio sibi utilis, sed non honesta, ut locupletetur cum iacturā Pauperum, quos iniquus suis deprædationibus cogit fame interire. Idem tunc etiam Commendator, sponſiones suas & promissa, in antea verbo & scriptis sæpiſſimè factas, innouauit, firmiter promittens disponere velle, ne Capituli subditi, jam omninò destructi, plùs damnificari deberent. Sed nec istud, nec aliud vnquam Ecclesiæ à se promissum, curauit opere adimplere. Sed qui fregit fidem, facile redibit in idem: Nam nihilominus dictus suus Capitaneus, suam dictam exercet crudelitatem, spoliando Pauperes Capituli subditos occidendo, villasque comburendo; Et ut breuiter dicam, totum territorium *Allenstein* adeò destruxit & deuastauit, ut Anno Domini, M. CD. LIII. non possent Canonici, de eodem territorio habere de censibus, vltra quatuor marcas; nec adhuc eiusdem Capitanei furie finis est: nam multa damna dictis Canonicis ingerit, quæ singula cum in dies fiant, enumerari non possunt; Fecit etiam idem Capitaneus maxima damna Domino Episcopo in Dominio suo, & signanter in *Gutſtad*, & Capitulo in territorio *Melsag*, uti multas bonas villas spoliavit & concremauit, & in dies adhuc suam tyrannidem exercet, sine cuiusquam prohibitione, Commendatore præfato dissimulante, seu verius ea fieri ordinante. Magister præterea sæpius nuntiis & scriptis requisitus, nullam vnquam effectualem, pro emendatione, fecit diligentiam. Dura erunt hæc ad audiendum apud posteros, & ad credendum difficilia; sed pro dolor, nimis vera.

Anno Domini M. CD. LXII. In Mense Iulio, Dominus Magister cum Militibus suis, & Ordinis sui Fratribus, adjunctis eisdem aliquibus Ecclesiæ subditis, & signanter de *Braunsberg* Viris trecentis, Ecclesiam Cathedralem *Varmienſem*, in honorem Virginis *MARIÆ* consecratam, per *Bohemos* Regis milites, per *Braunsbergenses* inibi introductos, incastratam, in stabulum bestiarum, coquinariumq; ac lupanar ignominiosè redactam, potenter obsedit, eā (ut asseruit) præcipuā intentione, ut illam ab omni spurcitiā emundatam, cultui Diuino restituerent; Quam quidem Ecclesiam, Diuinā suffragante pietate, interuentu Virginis gloriosæ, Patronæ Ecclesiæ memoratæ, leniter obtinuisset, si ipse & qui secum erant Fratres & milites, sinceram intentionem, & firmum ad Diuini Cultus augmentum zelum in Domino habuissent. Sed cognouit Scrutator cordium non sinceram obsidentium voluntatem, qui ipsam Ecclesiam obtentam, pro-

ponebant

ponebant rursus incastrare, & in eadem peiora fortassis prioribus perpetrare; Quare misit Dominus dissensionis spiritum in eosdem, ut inter se super Capitaneatu Ecclesiae ipsius, nondum obtentæ, disceptarent, & sic subortâ discordiâ, Commendator *Elbingen*, sæpius memoratus, discordiæ eiusdem origo, primò, deinde residui omnes, unâ cum Domino Magistro, non absque verecundiâ, & sequenti iacturâ non modicâ, nemine fugante, recesserunt sine ordine. Et post dictam obsidionem dissolutam Vassali, Communitas, & Milites, Regis partem confouentes, magnam audaciam & prosperitatem, in factis suis receperunt, Pars autem Magistri & Ordinis sui effaminata & deses, nihil boni faciebat, peruersæ suæ voluntatis condignam luens ultionem.

Ut potitâ Ecclesia commodum habeat.

Ante obtentam Capitaneum destinat.

Soluitur obsidio Ecclesiae.

Anno Domini M. CD. LXIII. die decimâ tertiâ Mensis Februarij, quæ fuit dies Veneris ante Dominicam, Esto mihi. Reuerendissimus Pater Dominus *Hieronymus* Archiepiscopus Cretensis, per Sanctissimum Dominum Pium Papam secundum, cum potestate Legati de Latere, ad Pacem inter Dominum *Poloniae Regem*, Vassallosque ac Communitates Confæderationis terræ *Prussiae* parte ex unâ, Magistrumque & Ordinem suum partibus ex alterâ reformandam, & differentias Confæderationis occasione subortas sopiendas, ad partes præfatas destinatus, per *Regnum Poloniae*, iter suum dirigendo, venit in Castrum *Allenstein*, ibidemque honestè prout decuit susceptus, & die sequenti in *Heilsberg* conductus est; ubi per Dominum *Paulum* Electum Episcopum honorificè susceptus, & diebus aliquot splendide conuiuatus pretiosis donis honoratus est, in valore centum florenorum: qui consequenter Dominum Magistrum in *Königsberg* visitauit, ac suis cum eodem finitis colloquijs, ad Dominum Electum in Castrum *Heilsberg* remeavit; indeque progrediens, venit in *Allenstein* die decimâ quintâ Aprilis, ulterius ad Conuentionem, Prælatorum, & Consiliariorum Dominorum Regis & Magistri, Vassallorumque ac Communitatum Confæderationis præmissorum, in Oppido *Brzeg* Regni *Poloniae*, ad festum S. Georgij præfixum, profectus est. In quâ quidem Conuentione, idem Dominus Legatus, inconsultè, durè nimis contra Regni *Poloniae* Prælatos & Confæderationes Communitatis inuehendo, tractatus Pacis, adeò perturbauit. ut postea Dominus Rex cum suis, & Confæderati, præfatum Dominum Legatum ad tractandam Pacem, tanquam vehementer suspectum, admittere omninò recusarent; Si in primo mansuetè procedens, paci congruos tractatus habuisset, spes erat, communiter vtriusque partis, omni-

Archiepiscopus Cretensis Nuntius Apostolicus venit in Prussiam.

Propter componendas differentias.

Allensteinum venit. Heilsbergam.

Regiomotem.

Redit Allensteinum.

Postea Brigam ad conuentum deputatorum.

Vbi se partialè declarat.

Eum Rex ad tractatus amplius non admittit.

Vratislauiam
concedens se
admitti frustra
petit.

Episcopus à
Magistro Bart-
steinum ad di-
etam vocatur.

Magister instat
vt Episcopus
declaret se pro
parte sua in
Bello.

Episcopus di-
lationem ad
deliberandum
postulat.

Quod se decla-
rare non possit
probat ratio-
nibus.

Primò

Secunda.

Tertia.

bus discordiis sopitis, ipsum pacis sibi Auctore assistente, indubiè Pacem reformasse. Et sic rebus infectis recedere coactus est, iuitque in Ciuitatem *Vratislauiensem*, magnam apud Regem, Regniq̃ Prælatos instantiam faciens, vt ad Tractatus Pacis posset admitti, quod tamen suspicionum objectu, minime potuit obtinere.

Anno Domini M. CD. LXIII. in festo *S. Ioannis Baptiste* Dominus Magister Stipendiariis suis (vt asseruit) sollicitantibus, Dominum *Paulum* electum & confirmatum Episcopum Ecclesiæ *Varmien.* in Oppidum *Bartstein* vocando ad dietam, sollicitè institit apud eundem, vt neutralitati, quam ex *Domini Papæ* Commissionem, ac vtriusq̃ partis contendentis, Regis videlicet & Magistri consensu, tam diu tenuit abjecta seu remota, partem Magistri assumere vellet; subjungens quod Stipendiarii sui, omnino conclusissent, dictam à modo neutralitatem nolle tolerare, sed aut expressus esset Inimicus, aut Amicus. Erant enim omnes Milites præfati, concordēs & vnānimes, prout ipse Dominus Electus secretè fuerat auisatus, quod nisi se pro parte Domini Magistri declararet, ipsum omnes diffidare, ac Dominium Ecclesiæ inuadere, segetes in campis destruere, ac omnia velent deuastare. Vnde Dominus Electus in validā perplexitate constitutus, dilationem deliberationis, vsq̃ue ad festum *S. Iacobi* obtinuit postulatam. Quo quidem termino, iterum in *Bartstein* Dominis, Magistro & Electo constitutis, Dominus Magister præpetitam declarationem, cum instantiā postulauit; Dominus verò Electus, vnā cum aliquibus de Capitulo suo, nonnullisq̃; Vassallis ac Oppidanis suis, multas causas rationabiles, & validissimas, quare neutralitas sibi suisq̃ue expediret, impedimenta etiam, quare se declarare non posset allegauit.

Primò, Quod Sanctissimus Dominus Papa *Pius II.* in suo à Curiā recessu, seriò ei commississet, vt in Dominio Ecclesiæ suæ residens, nullatenus faceret se in Bello partialem, cui commissioni contrauenire non posset ne de inobedientiā notaretur.

Secundò, Quod vti ex Legati Sedis Apostolicæ, ad Pacem reformandam, inter Dominos, *Regem Poloniae*, & Magistrum, per Dominū Papam ad has partes destinati, relationem percepisset, idem Dominus Papa dicto Legato commisit, vt in Tractatu Pacis, sibi Dominum Electum haberet adiunctum, ipsius quoque consilio potiretur, quod post factam declarationem, cum se fecisset Partialem, fieri non posset.

Tertiò, Quod Dominus Rex, Sanctissimi Domini Papæ, au-

dita

data Domino Electo de Neutralitate seruanda, factâ Commis-
sione, de eadem contentus, eidem Domino Electo, ad partes *Prus-*
sia & Dominium Ecclesiæ fauisset ingressum; Quoddq; idem Do-
minus Electus, Domino Regi, in dicto suo ingressu promississet,
quod de Castris & oppidis Ecclesiæ Varmiensis, tunc Domini
Regis partem fouentibus, recuperatis, eidem Bellum mouere
non sineret.

Quartò, Quod Dominus Magister, in primo ingressu, Domi-
nium Ecclesiæ, Domini Electi præfati; ac auditâ Domini Sanctis-
simi Papæ *Pij II.* sibi factâ Commisssione, de dictâ Neutralita-
te fuit contentus.

Quintò, Quod sub eiusdem Neutralitatis contextu, Castra
& Oppida Ecclesiæ omnia, per partem Domini Regis occupata,
recuperasset, de quibus Domino Magistro & suis, nullum Bel-
lum, nec pericula prouenirent.

Sextò, Quod pretiosiora Ecclesiæ Clenodia, nec non Ponti-
ficalia, Libri resq; diuersæ, essent in Oppidis *Gdansk* & *Elbing*,
quæ Domini Regis fouerent partem, quæ omnia in euentum
declarationis præfatæ, in Ecclesiæ notabile damnum, perditio-
nis periculo subjacerent.

Septimò, Quod Ecclesiæ Dominium, inter terras quas Domi-
nus Magister recuperasset, & eas quas adhuc Domini Regis pars
occupabat, consisteret in medio, casu ergò quo se Dominus E-
lectus, pro parte Domini Magistri & Ordinis sui declararet, to-
tum Belli pondus, sibi & Ecclesiæ suæ subditis immineret, ad
quod pondus sufferendum, ipse cum suis non sufficeret.

Sed præmissis omnibus, aliisq; vrgentibus causis allegatis,
minimè suffragantibus, seu admissis; coactus fuit Dominus Ele-
ctus, vt maiora proximè imminencia pericula euitaret, pro par-
te Domini Magistri se declarare. Et vt ita fieret, Ecclesiæ Op-
pida voluerunt, & signanter *Braunsberg*, postea *Heilsberg*; *Res-*
sel, *Gutstadt*, *Scheburg*, *Wartemburg*, *Bischoffstein*, maximè hoc
attento, quod per Domini Regis Milites, intollerabilia dietim
damna sustinerent, & præcipuè *Braunsbergenses* à *Ioanne Schal-*
ski, qui in animæ suæ dispendium, Ecclesiam *Varmiensem* inca-
stratam occupabat; Nec eosdem iustissimæ, ac multiplices de-
stando juri, coram Domino Rege, scriptis & Nuntiis, per Domi-
num Electum factæ accusationes, potuissent in aliquo releuare;
Fueruntq; super præmissis, Declaratione & Concordia, Pactif-
que literæ conceptæ, quibus fuit competenter Ecclesiæ, de in-
demnitate prouisum, si saltè fuissent firmiter obseruatæ. Quas

Quarta.

Quinta.

Sexta.

Septima.

Coitur Episco-
pus se pro par-
te Magistri de-
clarare.Incitantibus
Ciuitatibus.Conficiuntur
diplomata qui-
bus indemni-
tati Ecclesiæ
cauebatur.

quidem

quidem Literas, Dominus Magister, Commendator *Elbingenses*, & certi alii Commendatores & Ordinis Fratres, in Concordia nominati, Militumq; Capitanei, quilibet cum tribus suæ Legionis Senioribus juxta compactata, deberent Sigillare. Promisit insuper idem Dominus Magister, omnibus præsentibus, in dictâ Conuentione annuentibus, se immediatè post declarationem eandem, suis cum Fratribus & Militibus, campum facere velle, aliquas inimicorum munitiones obsidere, & Ecclesiæ terras fideliter defensare.

Hucusq; Historia suæ seriem perduxit Ioannes Platsuig, Decanus & Canonicus Varmiensis: quæ verò sequuntur, sunt annotata per Reëndum Dñum Ioannem Gretzmerum Decanum ibidem & Canonicum Varmiensem.

Decimus Quintus EPISCOPVS NICOLAUS de TVNGEN.

PAulo de *Legendorff* virâ functo, nondum compositis rebus, *Nicolaus de Tüngen* à Capitulo *Varmien*si eligitur. Sub hoc Pontifice, Bellum cum *Serenissimo Rege Poloniae Casimiro* instauratur, ob Ecclesiæ libertatem defendendam; *Regius Exercitus Prussiam* ingressus, *Wormdidi* & *Gutstadt* interceptit, & Oppidum *Heilsberg* Anno M. CD. LXXIX. in Septembre obsidione cinxit, sed frustra: Multis enim æquis pacis conditionibus, bellum pace mutatur; *Nicolao* Ecclesiam reliquo tempore, optimè gubernante. Obiit autem hic, in Arce *Heilsberg*, 14. die, *Menfis Februarij*, quæ est dies *D. Valentini*, Anno Domini M. CD. LXXXIX. Sepultus *Frauenburgi* quiescit.

Decimus Sextus EPISCOPVS LVCAS WEISSELROT.

Nicolao demortuo *Lucas Weisselrod*, alias dictus de *Allen Thoruniensis*, in Episcopatum succedit, legitimè à Canonici electus, & à Pontifice confirmatus, qui multa cum laude dùm viueret administravit. Defunctus est *Thorunia* in Patriâ suâ, Dominicâ Iudicâ Anno Domini M. D. XII. Corpus Sepulturæ apud Ecclesiam *Varmiensem* traditum.

Decimus Septimus EPISCOPVS
FABIANVS de LV-
SIANIS.

L Vcam *Weisselrod*, sequitur in eadem dignitate, *Fabianus de Lusianis*, Vir non indoctus. Sub hoc Episcopo bellum inter Serenissimum *Sigismundum Poloniae Regem*, & *Albertum Marchionem Brandenburgicum*, Magnum Ordinis tunc *Teutonicorum Magistrum*, cum magnâ huius terræ, & præcipuè Episcopatus deuastatione geritur; Anno M. D. XX. Fractis rebus Ordinis, fiunt Induciæ ad quadriennium, vt interim comparato belli neruo, & collectis militibus Ordinis, bellum renouetur. Hoc vbi parùm juxta voluntatem procedit, interueniunt *Tractatus*. *Albertus* hortatu suorum, Crucem nigram, Ordinis sui insigne, cum ipsâ Religione, deposuit, & ditionem Fratrum, in Feudum, à Serenissimo *Sigismundo Rege* accepit, ejusq; fidem & obedientiam, *Cracouia*, in Celeberrimo totius Regni Conuentu, confirmauit, interponens Iusjurandum. Hæc in eâ Vrbe gesta sunt *Sabbatho* Vigiliæ *Palmarum*, quæ dies octaua fuit Mensis Aprilis. Anno M. L. XX. V. Cæterùm *Fabianus* Episcopus, de quo supra dictum est, cùm hæc fierent, è viuis sublatus erat. Mortuus est enim in Arce *Heilsberg* 30. Mensis Febr: Horâ II. Diei Anno M. L. XX. III. Ecclesiam Orbatam post tot belli inceptions, in magnis periculis relinquens. Tumulatus in Ecclesia *Varmiensis*.

Decimus Octauus EPISCOPVS
MAVRITIVS FERBER.

P Ost obitum *Feliciani*, Capituli consensu, ad eum dignitatis gradum, *Mauritius Ferber* *Gedanens.* prouectus videtur in quo constitutus, multis curis & sollicitudinibus Ecclesiæ vi ablata bona recuperare, desolata nouis Agricolis locare, diligens fuit. Cùm verò inter *Polonos* & *Pruthenos*, depositis semper nouorum armorum terroribus, Pax firma constituta foret, sub hoc Pontifice, de innouanda Moneta agi coeptum est; vt æquabilis in toto Regno cuderetur. Hic an sua quenquam commoda damnaue promouerint; ignoro. Dum hæc geruntur, quæ ad Publicam vtilitatem pertinere videntur, *Sambiensis*

Rustici cum nonnullis aliis rebellare cæperunt, quorum motus facile *D. Marchio Albertus Dux in Prussia* compressit, duci iussis ad supplicia Authoribus, sequuta est festa tranquillitas in aliquot Annos sequentes, quibus *D. Mauritius* Ecclesiæ suæ Bonus Pastor præfuit. Hic migravit à sæculo Die I. Iulij. Horâ tertiâ Matutinâ Anno 1537. Appositus est ad Prædecessores suos in Ecclesia *Varmienfi*.

Decimus Nonus EPISCOPVS IOANNES de CVRIIS.

Ioannes de *Curijs*, prius Episcopus *Culmenfis*, *Dantiscus* à Patriâ Vocatus, I.V.D. Canonicus *Varmienfis* & *Alexandri*, *Ioannis Alberti*, & *Sigismundi Poloniae Regum*, Secretarius & Orator ad *Maximilianum Tertium*, *Carolus V.* Imperatores, *Ferdinandum Bohemiae Regem*, *Venetos*, Pontificem *Maximum*, ijsq; tam claris Legationibus per multos Annos, & cum laude perfunctus, Orator & Poëta præstans, post *Mauritium*, ab Episcopatu *Culmeni* Anno 1537. ad *Varmiensem* postulatur: Quem cum annis vndecim administrasset, Anno Christi 1540. Vitâ functus, & in Cathedrali Ecclesiâ sepultus est.

Vigefimus EPISCOPVS TIDEMANVS GISIVS.

Tidemanus *Gisius* *Gedanensis*, Custos & Canonicus *Varmienfis*, Parochus *Gedanensis*, cum prius ipse quoq; fuisset per aliquot Annos *Culmenfis* Episcopus, Homo literatus, disertus, & doctus. sed non vsquequaque in Religione Catholicâ sincerus, quod scripta eius demonstrant, quæ tamen in lucem edita non sunt, ad Episcopatum *Varmiensem* prouectus est, cui præfuit non totos duos Annos, Septuagenarius mortuus est Apoplexiâ, Anno 1550. die 4. Octobris.

Vigefimus Primus EPISCOPVS STANISLAVS HOSIVS.

Stanislaus *Hosius* postea Sacræ Ecclesiæ Romanæ Cardinalis, *Patre Vricho consule*, apud Regem *Sigismundum* honorato & gratioso

gratioſo *Cracouiæ* ortus, & in Acad: *Crac:* educatus, I. V. D. & Secretarius Regius: Cùm in Cancellaria & in cōſeſſu Iudicũ Regiæ Curia, aliquot annis honorato ſtipendio conductus conſediſſet laudabiliterq; ſe geſiſſet; Legationes ad Carolum & Ferdinandum Fratres, Culmenſis Episcopus designatus dextre obiit. Inde ad Varmienſem Episcopatum tranſlatus, & à Pontifice Maximo Paulo IV. euocatus, in Aula Pontificia vitam egit. Adextremum à Pio IV. inuitus factus Cardinalis S. R. E. Sacro Concilio Tridentino, nec non Pœnitentiæ Apoſtolicæ præfuit, Extant ejus nonnulla Opuscula, inter quæ præcipuum eſt, Fidei Catholicæ Cōfeſſio, vices plus minùs diuerſis locis edita, & per totum Orbem Chriſtianum cum ſumma laude diuulgata. Obiit in Caſtello Capranica febri grauiffimâ eneſtus; Funus ejus Romam deportatum, in Templo *Sanctæ MARIÆ trans-Tyberianæ* (cujus titulum ad extremum obtinebat) ſepultum eſt Anno 1579. die 5ta Menſis Auguſti. Episcopatu partim ſolus, partim cum Coadiutore Reuerendiſſimo Dño Martino Cromero præfuit Annis 37. Vir Piſſimus Caſtiſſimus & egenorum Pater.

Vigeſimus Secundus EPISCOPVS
MARTINVS CROMERVS.

Martinus Cromerus Biecenſis I. V. D. & Theologus excellens, nec non Cracouienſis Canonicus, Cantor Varmienſis, à Cardinali Hoſio cum quo familiariffimè vixit, Coadiutor expetit, ſingulari Sigismundi Auguſti Regis ſtudio proueſtus, & ſummâ Pontificis Maximi, & Cardinalium conſenſione renunciatus, Episcopatum compluribus Annis adminiſtrauit. Deinde Anno Dñi 1579. Hoſio vitâ funſto, in Episcopatum ſucceſſit, Paſtor non indiligens. Iuuenis ſtipendio Regis conductus, iſſdem quibus Hoſius in Aula muneribus funſtus. Inde apud Pontificem Maximum Paulum III. publicè Obedientiam nomine Regio detulit. Apud Ferdinandum autem Caſarem, decies interpolita, ac deinde Vndecimam perpetuâ in Septimum Annum Legatione perfunſtus; gratioſus apud eum & Liberos ejus fuit. Inter Pacificatores *Sueciæ* ac *Daniæ* Regum, Regis Poloniae nomine, Principem locum tenuit. Nihilominùs in illis Peregrinationibus & Actionibus ſuis publicis, ſtudia

doctrinæ & Theologiæ non post habuit. Extat Opus Dialogorum eius, de vera & falsa Religione, Catecheses Latine Polonicè & Germanicè editæ. Itemq; Libri Triginta de Origine & Rebus gestis Polonorum, & Duo Descriptionis Poloniæ, Morumq; Magistratum & Institutorum Latine, præter alia quædam minutiora. Obiit assumpto Coadiutore *Andreas Bathoreo Transylvano, Stephani Regis ex Fratre Nepote, S. R. E. Cardinali.* Anno Domini 1589. 23. Martij. Ætatis suæ 77.

Vigesimus Tertius EPISCOPVS
ANDREAS BATHOREVS.

ANdreas Bathoreus S. R. E. Tituli Sancti Angeli Diaconus Cardinalis, Laudatissimi *Stephani Polonia Regis*, ex Fratre Nepos, egregiis animi & corporis dotibus præditus, mortuo Episcopo Cromero, Ecclesiæ Varmienfi feliciter præfuit: & gloriosè mortalem vitam in immortalem commutavit.

F I N I S.

Incidit in manus nostras antiquissimus Liber M. S. De Officialibus Curia Reuerendissimorum Dominorū Episcoporum Varmienfium: in cuius calce adiecta erat sequens Historia: quæ quoniam ad seriem Episcoporum pertinere videtur; eam in gratiam Lectoris hic inferendam putauimus.

NICOLAUS HOGENBERG,
Nominatus Episcopus Varmienfis.

Post obitum Reuerendissimi Patris Domini *Hermani* piæ memoriæ, Dominus *Ioannes Streiffrock* qui fuit suus Vicarius ad Viginri Annos, ad Vltimum Canonicus Ecclesiæ fuit electus Iuridicè; qui transiens cum duobus Canonicis ad Curiam Romanam, assumens secum tres Familiares pro nutu suo, inter quos erat *Nicolaus*, qui fuit Camerarius suus, filius cuiusdam Militis nomine *Gerke Prutheni*, de allodio Hogenberg. Qui cū venientes ad Curiam pararent se cum literis Electionis, & cum aliquibus muneribus, Idem *Nicolaus* qui fuit

studens

studens *Pragensis*, munera portauit ad Palatium Papæ, offerens sanctissimo. Præsentatis Literis & inuestigatâ causâ, Dominus Sanctissimus fecit verbum Electo dicens; Iste Puer cuius idiomatis est? Electus respondit, *Pruthenus*, Papa immediatè protulit hæc verba; ô Sanctissime Deus, sunt isti *Prutheni* tam benè dispositi! Nobis autem dictum est, quòd est Populus deformis & indispositus. Scitne puer iste Literas? adiecitque Papa. Fili scis literas? immò Sanctissime. Afferatur Liber. Fili lege: Intelligis tenorem scripti? respondit immò, & exposuit. Modico interuallo interposito, Papa loquebatur Electo; Domine Electe, scitis vos linguagium istius terræ? Qui respondit Non. Papa. Et quomodo potestis intelligere Populum? Tum respondit. Per Interpretem. Papa. Durum est informare Populum per Interpretem. Est noua plantatio, necesse est, vt haberetis plures in suo linguagio, Dominus DEVS omnipotens misit Discipulos suos in vniuersum Mundum, instinctos Spiritu Sancto, scientes omnia genera linguarum, qui multum fructum attulerunt. Post paululum dixit Papa Electo; Iste puer ex parte Idiomatis, dignus est istâ Ecclesiâ, & dixit Fili istam Ecclesiam conferimus tibi, & committimus populum eiusdem in animam tuam. Et recesserunt de Palatio. Idem Nicolaus videns Dominum suum tribulatum & angustiatum, dùm esset in Hospitio, dixit hilari vultu, Domine Venerabilis nolite tristari ad verba hæc. Quamuis Dominus Optimus respexit me, & Sanctissimus Papa, cum ista Ecclesia, quâ ego non sum dignus. Ergo resigno Vestræ Paternitati. Spero in Deum, quòd Paternitas Vestra, meam humilitatem & voluntatem non obliuiscetur. Qui respondit humilitatis & voluntatis tuæ memor ero diebus vitæ meæ. Alterâ die redierunt ad Palatium Papæ, vbi Nicolaus flexis genibus, & cancellatis manibus, retulit grates Sanctissimo, & resignauit sibi Ecclesiam collatam, petens humiliter, quatenus Dominus Electus suus confirmaretur. Sic Dominus Sanctissimus annuit, & confirmauit Electum, juxta Electionem Literarum. Et ibi tunc temporis fecit Sanctissimus & dedit Statutum & mandatum Ecclesiæ *Varmiensi*. Quòd Ordinarius Duodecim *Pruthenos* iuuenes, deberet educare in suo Castro *Heilsberg*, sub suo stipendio eos prouidere & promouere, & de subsequentibus curam de super habere, vt Populus habeat aliquot Clericos in fide informatos. Et idem Dominus *Streiffrock* mandatum prædictum, in sua reuersione de facto

compleuit, in rei indicium *Castrum Heilsberg* exponens, fundavit Scholas in fossa vel in celario coquinæ, vbi adhuc apparent ostia & fenestræ, fideliter continuans diebus vitæ suæ. Similiter Dominus Successor suus *Henricus Sorbom*, & *Henricus Heilsberg* & *D. Ioannes Abesier*, vsq; ad mortem eorum fideliter continuauerunt. Similiter & Canonici tunc temporis. Sed Dominus *Franciscus* dissipauit, volens *Pruthenis* aliter subuenire, Impetrauit quandam gratiam à Sanctissimo Papa Martino amoris dati pro *Pruthenis*, vt omnes Ecclesiæ vbi essent *Prutheni*, deberent conferri linguagio *Pruthenicali*; Et cessauit istud Mandatum quasi ad quinquaginta Annos, vnâ cum Canonicis vsque ad præsens tempus.

SCHOLIUM.

Quicumq; est narrationis huius Scriptor, post *Hermannum*, *Ioannem Striffrock* ponens, à verò aberrauit: quandoquidem ex Annalibus euidentissimè comprobatur, *Ioannem Misnensem*, non *Ioannem Striffrockium*, *Hermano* in Episcopatu successisse: Aut si errorem scriptoris excusare volumus, in librarium culpa reiicienda erit, qui *Ioannis* nomini inhærens, in cognomine lapsus, pro *Misnensi*, *Striffrockium* posuit. Vel certe *Historiæ* fides vacillat. Nec enim probabile est *Innocentium VI. Pontificem* Viro maturæ ætatis à Capitulo legitime electo, Iuuenem laicum præponere, & ad Ecclesiæ gubernacula admittere voluisse; solius Idiomatis intuitu; qui non potuit ignorare, ad plantandam in *Prussia Christi Fidem*, Episcopos etiam ex ipsa Pontificum Aula, diuersæ nationis & linguæ, per suos Prædecessores missos antea in *Prussiam* fuisse. Sed & illud non quadrat *Ioannem Striffrockium Hermani Episcopi* ad viginti annos Vicarium fuisse: quandoquidem *Hermannus* duodecim tantum annis in Episcopatu vixit, quibus etiam si addantur quinque, quibus *Ioannes Misnensis*, *Hermani* Successor Ecclesiæ præfuit, neq; tamen numerus hic Viginti annorum constabit. Curia etiam Romana, ad quam *Striffrockium* profectum scribit, non *Romæ* sed *Auenione* tunc fuit. Verùm tamen horum omnium fides penes Auctorem esto.

VITA SANCTI
ADALBERTI II. PRA-
GENSIS EPISCOPI,

Et postea

ARCHIEPISCOPI GNESNENSIS,

*Ex monumentis & annalibus Archiui Sedis Episcopalis Varmiensis,
atq; ex Majorum traditione.*



Sanctus Adalbertus natione Bohemus, cum generis splendo-
re, tum vitæ sanctitate, atque doctrinâ (Diuinitus tamen
infusâ magis, quam labore acquisitâ) nobilissimus Pra-
gensis Episcopus, & Gnesnensis Archiepiscopus à primis pue-
ritiæ Annis, Diuinum Numen ardenti coluit animo. Ad E-
piscopatum inde promotus, in cuius administratione ita se
geffit, vt nullum Vigilantis Pastoris officium, in se desidera-
ri pate-

ri pateretur. Sed quia acris fuit, tum criminum censor, tum Cleri reformator, tantum contra, se Nobilitatis nimium licenter vivere assuetæ, & Cleri concitauit odium, ut truci contumaciâ, ipsius præceptis, se palam opponerent, eoq; suâ proteruiâ Virum Sanctissimum impellerent, ut ad extremum cum docendo, monendo, castigando nihil proficeret, Populi concione publicè conuocatâ, Episcopatum spontè deponeret, Romamq; secederet, ubi in Monasterio Sancti Gregorii monasticam viuens vitam, Septennium transegit. Verum crescente interim in Bohemia summa omnium licentiâ, à Bohemis ipsis per Legatos, à Pontifice Maximo (is tum fuit Gregorius V.) repetitur: Pontifex facillè annuit. At verò Vir Sanctus memor peruiaciæ, quam ante fuerat expertus, antequam remitteretur, illud primum à Pontifice & petiit & impetrauit, ut si duræ ceruicis *Bohemi*, spretis pij *Pastoris* monitis, ad ingenium rediret, in iisdemq; sceleribus quibus prius incorrigibiles permanerent, liceret sibi circumuicinis Infidelibus Populis, Euangelium Christi prædicare. His ita gestis *Pragam* reuersus honorificentissimè excipitur. At non multò post, cum eadem diligentia, quâ prius vitia publicè redargueret, pertinaci genti exosior etiam quàm antea factus, iterum Clero rebeli, & Populo inobedienti & contaminato nuntium remittit, Bohemiamq; deserit: & ut erat propagandæ fidei Christianæ studiosus, in Vngariam primum abiit: ubi *Stephanum* Regem cum multis Vngaris, ad fidem Christianam conuertit. Inde *Poloniam* peragruit, & veluti inuictus belli Dux, omnibus factus omnia, non ita multò ante ad Christum conuersos, passim confirmauit, & ad constantiam hortatus est. Interim in amicitiam *Boleslai Chabri Polonorum Ducis* venit, ab eoq; tanquam Vir Deo charus, & multâ pietate, multâque doctrinâ præditus, in magno habitus est honore, eiusq; monitu capit consilium in *Prussiam* eundi, ad submittendum Euangelio barbaram, plenamq; inimicorum Christi, regionem. Dicitur promississe *Boleslao*, de suo ad ipsum reditu, se omnino siue viuum siue mortuum, Gnesnam (ea illis temporibus Ducum Poloniae sedes communis fuit) ex *Prussia* reuersurum. Itaq; nihil moratus, primum Gedanum in Pomeraniam contendit: ubi plerosq; reperit Christianam profiteri Religionem, vacillantes in fide ad constantiam inuitauit. Inde per maritimam peninsulam Neringam profectus Anno Domini 997. principio in eam Prussiae partem appulit, quæ *Sambia* vocatur, quæque *Luxero* tunc *Prussorum Sambienfium Ducis*, (quem Patriâ linguâ *Kongen* Vulgò vocabant) parebat.

Hic

Hic varia agitât consilia ut *Prussos* à Dæmonum culturâ ad fidem Christianam traducat, tentauitq; omnia, ut quod conabatur efficeret. Primum *Luxetum* adit, comitatus duobus sui Ordinis Monachis *Benedicto* & *Gaudentio*, indiuiduis suæ peregrinationis comitibus, Viris & ipsius vitæ Sanctitate & doctrinâ admirandis. Illi aperit aduentûs sui causam, petitq; facultatem sibi dari, *Prussis* verum Deum Deiq; Filium prædicandi : graui etiam oratione conatur *Luxeto* ipsi persuadere, ut & ipse nomen det Christo. *Luxetus Princeps* alioqui minimè malus, nec ciuiler omninò imprudens, *Sanctum Adalbertum* de Christo perorantem, non inuitus audiuit: Verùm ei respondit; vnicus sum homo. Si tibi potestatem facerem in Ditione mea, contra sacrosanctam Deorum immortalium religionem prædicandi Christum, non tantùm Rempublicam totam perturbarem, verùm etiam & me, & Te, magno capitis periculo inuoluerem. Nihilominus tamen, se primum omnium ad *Kirwaidum* (ita enim *Kryve/fo* supremum suorum sacrorum Antistitem, cuius summa apud *Prussos* gentiles erat Auctoritas, appellârunt) relaturum, ac de eius consilio & sententiâ se id tandem facturum, quod è Republica esse videretur. Interea in suâ Ditione vbicunq; vellet commoraretur. Sic *Sanctus Adalbertus* à *Luxeto* digressus, in vicinam Syluam quercinam, ad littus *Maris Baltici* concessit, ibique cum Fratribus Comitibus suis, quotidie preces horarias religiosè recitauit, & sacrificium Missæ deuotè peregit.

Non multis interiectis diebus, venit responsum à *Kirwaido* ad *Luxetum* in eam sententiam scriptum; Non esse adeò se mucosis naribus ut non olfaciat, quorsum tendat ista noua Crucifixi Dei prædicatio, nimirum, ut Poloni perpetui Prussici nominis hostes, cum aliâ non possint, vel hac ratione, Republicâ Nostrâ perturbatâ, Nos in perpetuam seruitutem redigant. Quare si saperet, non permissurum illis, vllam in Prussia, vel prædicandi vel commorandi facultatem. Insuper idem *Kirwaidus* submiserat Primarios quosdam *Waydelottos* (nomen id erat Sacrificulorum Gentium) magnâ stipatos famulorum turbâ, ut *Sanctum Adalbertum* cum socijs, vel inuitum ex Prussia pellerent.

Luxetus igitur curat *Sanctum Adalbertum*, de tam duro *Kirwaidi* responso certiolem fieri, simulque mandat, ut sibi à Concionibus temperet, ac Ditionis suæ finibus, primo quoque tempore excedat. *Sanctus Adalbertus* gemebundus promittit se imperata facturum; atq; ita reuertitur in locum pristinum *Diuerforij*. Postero die summo mane parat abitionem, prius tamen

Missam sub dio celebrat; conuenerant eò non pauci ex circumuicinis agricolis, qui eis tanquam Viris bonis necessaria ministrabant, & tum abituris valedicere cupiebant.

Et iam *Sanctus Adalbertus* sarcinulas colligebat, cùm ecce de improviso adsunt *Wardelotti* cum non contemnenda armatorum manu, furenti impetu eum inuadunt, strictisque gladijs primum illi caput amputant, mox corpus eius audaci furore pleni, frustatim concidunt: Fratres verò eius, metu perculsi, in fugam se dederunt. Insequuntur barbari, *Gaudentium* assequuntur, ac crudelem in modum, ferro in viscera eius adacto contrucidant. *Benedictus* trepidâ fugâ intactus euasit.

Sequenti die Rustici quidam tanti Viri necem miserati, collegerunt omnia frustra cadaueris *Sancti Adalberti*, & in subiectam planitiem (vbi ad perpetuam rei memoriam, Ecclesia eius nomini sacra erecta visitur) comportarunt vt sepelirent. Et ecce ineffabili quadam Diuinæ prouidentiae vi, Venerandum Martyris Corpus, præter omnium opinionem redintegratum surgit, induit se sacris illis vestibus, in quibus paulò ante Domino DEO sacrificium Missæ obtulerat: sumit caput, à corpore ferro præcisum, ante pectus; eadem viâ quâ in *Prussiam* venerat per terras, per aquas, præcedente lucidâ columnâ cælitus demissâ, regreditur: atque inde iuit, multis sequentibus & rem cum admiratione spectantibus, quindecim milliaria Germanica, ad Capellam quandam Ruralem penes fluuium Rudanam, vno circiter milliario à *Gedano* non procul à villa Prust sitam, nunc ad *Sanctum Adalbertum* nuncupatam. In ea Capella fuit Altare formam arcæ habens, in illud igitur (mirabile dictu) se ipsum vnâ cum capite, multis adstantibus & admirantibus, recondidit, jacuitq; ibi sine honore totos tres annos.

Tribus post annis accidit, vt quidam Vector *Masouita* *Gedano* proficiscens, penes dictam Capellam Ruralem (vt fit) sub dio pernoctaret. Ad eum venit *Sanctus Adalbertus*, postulat vt se *Gnesnam in Poloniam* veheret, iustum Vecturæ pretium, se vbi eò perueniret, accepturum promittit, indicatq; locum vbi Corpus eius jaceret. Promittit Vector se quod postularet, haud grauatè facturum. Igitur cùm diluxisset, Corpus Sancti Martyris, ex arca illa Altaris acceptum, à corruptione integrum, gratumq; odorem spirans, lodicibus inuoluit, & in suum currum imponit; atq; sic proficiscitur. At in itinere cogitationem suscepit, contra fidem Sancto Martyri datam, tùm sacrum pondus præclarumq; thesaurum, ad suos in *Masouiam* deuehendi. Et

cùm

cùm viam quæ *Gnesnam* ducit præterijisset, quatuor dierum iter *Masouiam* versùs, frustrà fecisse dicitur. Vespere autem quodam, in *Pomesania*, magno cuidam *Pago Prussico* appropinquat, animaduertitq; in eo *Prussicos Agricolas* ebrios esse, vociferari, & choreas ducere; idedq; metuit in Villam cum Sancti Viri Corpore proficisci, ne fortè ab ebriosis ferisq; Idololatræ, currus excuteretur, & deprehensò quòd Cadauer humanum veheret, poenas ab eo sumerent: Sancto Martyri ne qua injuria inferretur, timuit. Itaq; cùm varias curas in animo ipse suo, vt corpus intuto seruetur, volutasset; fortè ante pagum in syluula quadam, tandem reperit cauam quandam quercum, habentem foramen, cuius altitudo à terrâ ferè superabat proceri Viri altitudinem, in ea Sancti Viri reliquias occultauit, & cum curru vacuo venit in Villam. Eâ autem nocte euenit, quòd *Vector* ille Hospitam suam compressit, & cum ea carnaliter peccauit. Manè vixdum diluxerat, cùm ad repetendum *Sanctum Martyris Corpus* ad quercum properat. Hic Deus iterùm rem fecit, quæ vix vllâ ex parte miraculis antea supra natura captum, editis, cedat: Nam Corpus adeò immobile reperit, vt ne digitum quidem mouere *Vector* fornicarius posset. Tum ille securi acceptâ, foramen per quod Corpus immiserat in quercum, magis dilatauit, eo consilio vt omnes Vires ad illud mouendum adhiberet. At nihilò magis loco moueri potuit. Interea dum ita ad quercum hæret, superueniunt Prussi, indignabundi interrogant, quid homo peregrinus rerum ibi agat? quid in aliena terrâ quærat? cur arborem dissecuerit? quid moliatur? Ille feritate Barbarorum perterritus, rem omnem vt gesta erat, narrat. Statim hominem in vincula conijciunt, remque totam ad *Kongen* suum, id est, Dominum & Principem *Pomesaniæ* (qui vocabatur *Misloius*) deferunt. Ille iubet *Masouitam* dimitti, Corpus verò *Sancti Adalberti* retineri ac diligenter asseruari.

Masouita pristinæ libertati restitutus, *Gnesnam* properat, & *Boleslao Polonorum* Duci, omnia quæ cum Sancti Martyris Corpore acta gesta q; sunt narrat. *Boleslaus* propter nouitatem miraculi, inter spem & gaudium suspensus, ablegat suos Oratores in *Pomesaniam* ad *Kongen* siue Principem *Misloium*, vt suo nomine ab eo postulent Corpus *Sancti Adalberti*: Quibus *Misloius* respondit: Si *Boleslaus* habet pecuniam, ego habeo Corpus, Tum illi; quantum pro eo (inquiunt) poscis? Tantùm ait æris signati, quantum Corpus ipsum ponderabit. Oratores hæc referunt *Boleslao*. Is mox remittit *Borziuoium*, cum tantâ pecuniæ vi, quanta verisimiliter satis futura videbatur. Euntem comitata est ma-

gna hominum vtriûsq; sexûs multitudo, eo consilio, vt sacrosanctas Reliquias ex *Prussia*, eâ quâ par est reuerentiâ, *Gnesnam* deducerent. Vbi ad locum destinatû ventum est, producitur libra, in alteram lancem Corpus, in alteram magnum auri pondus à *Borziuoio* allatum. Verûm tantû abfuit, vt aurum, grauitate suâ Corpus, præponderaret, vt etiam illud cum lance, ne tantillum quidem mouere posset. *Borziuoius* sollicitus, pecuniam à lance recepit, & iam cogitabat ad *Boleslaum* ablegare certos homines, qui plûs pecuniæ ab eo poscerent, cûm ecce commodum à suis monetur, vt eos quos secum ex *Polonia* in suo Comitatu adduxisset, hortetur, vt conferrent ad Corpus redimendum quantum quisq; posset. Paritum est libenter. Primò omnium inops quædam vidua, duos obolos imposuit in vacuam lancem, & ecce de repente, occultâ quâdam Diuinæ prouidentix vi, pondere suo duo illi oboli, longè superabant grauitatem *Corporis Sancti Adalberti*: quòd videns *Misloius* grauitè commouebatur, ægrè etiam ceteri Idololatrx. *Misloius* tamen quia ita cum Polonorum Principe pactus erat, Corpus *Borziuoio* tandem in *Poloniam* deferendum tradidit. Denarios autem *Prussi* ex Lance arreptos, in terram projectos, indignabundi pedibus conculcârunt, *Polonicus* tamen Orator vt *Misloij* animum quoquo modo placaret, antequam in *Poloniam*, cum Corpore *Sancti Adalberti* lætus rediret, non Vulgare illi auri pondus dono dedit. *Gnesnam* cûm ventum esset, *Dux ipse Boleslaus* cum nobilitate, cum Clero, & vniuerso populo, extra Oppidum processit obuiam, Mortuo redeunti *Sancto Adalberto*: & sic fidem suam, quam Principi in *Prussiam* discendens de reditu suo viuus dederat, Mortuus liberauit: Sacrumq; Corpus eius, cum maxima veneratione, & celebri Pompâ deduxit in Ecclesiam Cathedralem, & inter illius adita, splendide & religiosè, perindè atq; magnum *Reipublicæ Thesaurum*, reponi curauit. Vbi multis postea claruit Miraculis. *Prussi* verò non multis post Annis, Diuinâ vindictâ (vt creditum est) ab Extèris Nationibus & Cruciferis mirabili strage sapiùs fusi victique, ac tandem omni suâ Ditione exuri sunt, quòd tantopere in Sanctos Martyres sauiuerunt.



